

শিক্ষিত মেয়ে

(আন্তর্জাতিক উপন্যাস)

শ্রীকৃষ্ণগোপাল ভট্টাচার্য, এম. এ.
বিরচিত

কলিকাতা
মাঘ, ১৩৪৭।

মূল্য—১।০

প্রকাশক : শ্রীমুরগরি ভট্টাচার্য
৪৪।সি বাগবাজার ষ্ট্রিট, কলিকাতা

প্রিণ্টার : শ্রীদেবেন্দ্রনাথ বাগ
ব্রাহ্ম মিশন প্রেস
২১১, কর্ণওয়ালিশ ষ্ট্রিট, কলিকাতা।

মিস্ত্রির মেয়ে

—o:~o:~o:—

(১)

কালি মিস্ত্রির মেয়ে নয়নতারার বয়স সত্তরো আঠারো হবে, কিন্তু তার এখনও বিয়ে হয় নি।

মিস্ত্রি অনেক জায়গায় চেপ্টা করেছিল, কিন্তু সকলেই চায় পণ। সেদিকে যে মিস্ত্রির থলি একেবারেই বাড়ন্ত, একথাটা কেউ বুঝে দেখলে না। কাজেই বিয়ের বাজারে কোথাও সে কল্কে পেলো না।

পরিবার হেমা কতো বাগ্গতা কর্তে লাগলো, কিন্তু কালি কি করবে ? যদি পাটকলের তাঁতে কোনও জামাই তৈরি হতে পারতো, তাহলে নয় হয় সে একবার চেপ্টা দেখতো। কিন্তু তাতো হবার নয়।

একটু ছুটি পেলেই সে এদিক ওদিক ছোট্টাছুটি করতো কিন্তু সেইটুকুই তার সার হ'ল। প্রজাপতি দেবতা কিছুতেই ধরা দিলেন না।

পাটকলের মিস্ত্রির মেয়ে হ'লে কি হয়, এদিকে নয়নতারা দিন দিন বেড়েই যেতে লাগলো। বাপ সামান্য মাইনে পায় এ অজুহাতটা তার দেহ কিছুতেই মানতে চাইলো না।

টাকা হয়তো কিছু যোগাড় হতে পারতো। কিন্তু কালি নিজেই সেদিকে ছিল মস্ত অন্তরায়। হুপ্তার দিন মাইনে পেলেই সে আগে গিয়ে চুকতো তাড়ির দোকানে। ছ'টা দিনের পরিশ্রম সে একদিনে জল

মিস্ত্রির মেয়ে

ক'রে আসতো বন্ধু বান্ধবদের নিয়ে। তা না হ'লে তাঁর শরীরটা নাকি বড়ই মাটি মাটি করতো।

আগে ছিল রোজগার বেশী। তখন চটকলেরও অবস্থা ভাল ছিল, সাহেবরা মাইনেও দিত মোটা রকমের। তখন থেকে তার এই অভ্যাসটা হয়। আজকাল চটকলের অবস্থা খারাপ, কাজেই কালিচরণের মাইনে ও রোজগার দুই-ই কমে গিয়েছে। আর কমে গেল, কিন্তু তার সঙ্গে সঙ্গে অভ্যাসটা কমলো না।

এই সব কারণে ও অকারণে কালি মিস্ত্রির হাতে আজকাল টাকা আটকায় না। মেয়ের বিয়েও মূলতুবি পড়ে গিয়েছে।

* * * *

তারা যে ঘরে থাকতো, তার পাশের ঘরেই থাকতো লছমন। এটা চটকলের মজুরদের থাকবার একটা লাইন। লাইনে অনেক কামরা আছে; এক একটা কামরায় মজুর মিস্ত্রিদের এক একটা গেরস্থ থাকতো। এমনি একটা কামরায় কালিচরণ বাসা পেয়েছিল। এর চেয়ে ভাল ঘরে থাকতে গেলে ভাড়া বেশী লাগে। কালিচরণের সেকমতা ছিল না। কাজেই এই লাইনেই সে এক রকম করে মাথা গুঁজে কাটিয়ে দিত।

লছমন হিন্দুস্থানী মজুর; কিন্তু বড় ভাল ছেলে। কালিচরণ পাটকলের যে ঘরে কাজ করতো, লছমনও সেই ঘরের একজন মজুর। কাজেই কালিচরণের একটু বাধা ছিল।

কিন্তু কালির বউ হেমা ছোঁড়াটাকে একেবারেই দেখতে পারতো না। তার প্রধান কারণ ছিল, সে মেডো—আর তারা বাঙ্গালী।

মেড়োর সঙ্গে তার স্বামীর এতটা মাথামাথি সে একটু ঘণাব চক্ষে দেখতো। কিন্তু কালির মনে অতোটা বৈষম্য ছিল না।

হেমা পছন্দ না করলেও, লছমন যেচে যেচে এসে কালির সঙ্গে মেলা-মিশি করতো। টাকাকড়ির দরকার হ'লেও কিছু কিছু ধার দিত।

নয়নতারা স্নমুখেই ঘুবে বেড়াতো তার নবীন-যৌবনে-ভরা দেহখানি নিয়ে।

লছমনের চোখ তা না দেখে থাকে কি ক'বে? কিন্তু চোখ যা করে ককক, মনটা কুকড়ে থাকতো হেমার ভয়ে। কালি মিস্ত্রির বউ যদি জানতে পারে, তাহ'লে যে তাকে অনেক বাক্যবাণ সহ করতে হবে, এটা সে বেশ ভালই জানতো।

নয়নতারাও বুঝতো, লছমন তার দিকে আড়চোখে চোখে তাকায়। কিন্তু সে যে মেড়ো, তাকে কি ফিরিয়ে দৃষ্টিদান করা যায়?

হেমাঙ্গিনী পাকা গিল্লি। বুঝতো সব, অথচ বুঝতোও না কিছু। যতোটা পারতো নয়নতাবাকে আড়াল ক'রে রাখতো ঐ মেড়ো ছোড়াটার কেমন-কেমন চাহনিব স্নমুখ থেকে। তবু মাঝে মাঝে বল্লা আল্লা ক'রে দিত এই ভেবে, যে মেড়োতে বাঙ্গালীতে ত কখনও অঘটন ঘটন হবে না, তবে এতো সাবধান কিসের জন্তে?

হেমাব সঙ্গে নয়নতারাকেও সব গৃহস্থালীর কাজ করতে হয়। লাইনের প্রত্যেক কামরায় ত আলাদা আলাদা জলের কল নেই; জলের দরকার হ'লে যেতে হতো সেই বাহিরের উঠানে, যেখানে একটা মাত্র জলের কল ছিল সমস্ত মজুব মিস্ত্রিদের জল সরবরাহ করবার জন্তে। কাজেই

মিস্ত্রির মেয়ে

নয়নতারাকে প্রায়ই কলসী কাখে বাহির হ'তে হতো সেই উঠানের দিকে। সেখানে জলের কলের চারি ধারে, হিন্দুস্থানী বাঙ্গালী মাদ্রাজী সকল জাতিরই মেয়েদের বৈঠক বসতো নানা রকম কথাবার্তা, সুখদঃখ, মনের কথা, মনের ব্যথার আদান প্রদান নিয়ে।

—আরে নয়নাদিদি? সাদির কুছ ঠিক হোলো? একদিন এক হিন্দুস্থানী বউ জিজ্ঞাসা করলো।

নয়নতারা এ প্রশ্নে উপহাসের দুর্গন্ধ শূঁকতে পেলো। কাজেই সে একটু চটে গিয়ে বললে : আমার কেন সাদি হতে বাবে, তোর হোক।

—আরে, হামার তো হো গিয়া। হাম তো মজা লুঠতা ছায় তোম্ কব্ লুঠেগা ভাই?

নয়নতারা ঠোঁট উল্টে হিন্দুস্থানি বউটার দিকে ঘৃণা প্রকাশ করলে। নয়ন ভাললে, এইখানে কথাটার শেষ হবে। কিন্তু তা হলো না। হিন্দুস্থানী বউ অত শীঘ্র দমে না।

—আরে দিদি? গোসা হও কাতে?

নয়নতারা এবার একটু নরম হ'ল। কলসীটা কলের মুখে রেখে বললে : গোসা হবো কেন?

—আজ তোমারা মেজাজ আচ্ছি নেহি। মায়ি কো সাপ্ কুছ ঝগড়া ছয়া?

—ঝগড়া আবার কিসের? তোদের যেমন, কথায় কথায় ঝগড়া, আমাদের অমন হয় না। বাবার বড় অসুখ, তাই মনটা ভাল নয়।

—কিয়া অসুখ ? মেডো-বৌ জিজ্ঞাসা করলে ।

—আজ দুদিন জ্বর, মোটে উঠতে পাচ্ছেন না । কাজে বেরুতে পাচ্ছেন না, সমস্ত দিন শুয়ে আছেন । ডাক্তারকে খবর দেবে, এমন একটা লোক বাড়ীতে নেই ।

—আচ্ছা, হামারা আদমিকো ভেজ দেগা ; ও ডাগ্দারকো বোলায় দেগা ।

মেডোর বউ-এর তখন জল নেওয়া হয়ে গেছে । সে এই আশ্বাসবাণী দিয়ে, মণ-খানেক রূপোর মল পায়ে নাড়তে নাড়তে চলে গেল । নয়নতারাও জল নিয়ে বাড়ী ফিরলো ।

(২)

কিন্তু মেডোর বউ তার অন্তরে এসে সব কথা ভুলে গেল । প্রথমতঃ তখন তার আদমি বাড়ীতে ছিল না, দ্বিতীয়তঃ সে একটা কথার কথা বলে এসেছিল মাত্র, কথার দাম তত বুঝতো না ।

সে ভুললো ; কিন্তু কালিচরণের ভাগ্য-বিধাতা আর একদিক দিয়ে তার চিকিৎসার ব্যবস্থা করে দিলেন ।

লছমন তখন এসেছিল বাসায় তার মধ্যাহ্ন আহার সারতে । তার বাড়ীতে কেউই ছিল না, সে একাই থাকতো । ভাত খেতে এসে, গোলা দরজার ভিতর দিয়ে তার নজর পড়লো, নয়নতারা বাঁহিরে কলতলায় জল নিতে এসেছে । আহা ! বেশ গড়নটি ! কলসীটি কাঁখে নিয়ে তাকে

মিস্ত্রির মেয়ে

দেখতে হয়েছিল তাদের হিন্দুস্থানী ভাগবতে পড়া বৃন্দাবনের গোপিনীর মতো। আহা! কি ঠমকে ঠমকেই চলচে নয়না!

ভাত বেড়ে নিয়েও লছমনের চোখ ফিরলো না নয়নতারার রূপ মাধুরী থেকে। মনের চোখ যখন খোলে, তখন বাইরের চোখও বন্দ হতে চায় না।

কাণও উঠলো সজাগ হয়ে। নয়নতারা কি বলচে, লছমন ভাত খেতে খেতে তাই গুনতে লাগলো।

সে গুনলো নয়নতারার বাপের বড় অসুখ, তাই তার মনটা বড় খারাপ। কালি মিস্ত্রির অসুখ! তা হবে,—তাই মিস্ত্রি ছুদিন কাজে যায় নি। তার তো উচিত ছিল, কালি মিস্ত্রির খবর নেওয়া। কাজটা ভাল হয় নি।

আচ্ছা, ওরাও তো খবর দেয় নি! বোধ হয় মিস্ত্রির বউ মনে কুরে, লছমন মেড়োর ছেলে, সে অসুখের সময় কি উপকার করবে?

লছমনের মনটা একটু খারাপ হলো এই অবহেলায়। কিন্তু সে এটা গায়ে না মেখে, আহারটা তাড়াতাড়ি সেরে নিয়ে, গেল মিস্ত্রির বাড়ীতে।

কই রে কাজল? তোর বাবা কোথা?

কাজল নয়নতারার ছোট বোন। সে বোধ হয় যুমুচ্ছিল, কোনও উত্তর দিল না। কিন্তু তার বদলে আর একজন উত্তর দিল। সে নয়নতারা।

নয়নতারা লছমনের কাণে সুধা বর্ষণ ক'রে বললে : বাবার বড় অসুখ।

—অসুখ ? কই হামারে জানালে না ?

লছমন বাঙ্গালা দেশে এসে অনেক বাঙ্গালী মিস্ত্রি ও মজুরের সঙ্গে মিশে মিশে বেশ বাঙলা কইতে পারতো। তবে তার ভাষায় হিন্দুস্থানী টান ছিলই।

—কই, বাবা কোথায় শুয়ে আছেন ? দাওয়ার উপর উঠে এসে লছমন জিজ্ঞাসা করলে।

হেমাস্থিনী লছমনের সঙ্গে কথা কইতো না, কতকটা ঘণায়, কতকটা অনাবশ্যকে। লছমনকে দেখে, সম্বমে সে একটু গায়ের কাপড়-চোপড়গুলো টেনে দিল।

—মিস্ত্রি ? কি হয়েছে ? জ্বর হয়েছে ?

মিস্ত্রি ছিল লেপ মুড়ি দিয়ে শুয়ে। লেপের ভেতরেই মুখ রেখে সে উত্তর দিল : উঃ ! বড্ড জ্বর। বুকটাও বড্ড ব্যথা করচে।

—ডাগ্দার ডাকবো ?

—না, না, পরসা কড়ি নেই। তুমি মুখে বলে একটু ওষুধ এনে দাও।

—আরে কি বলসো মিস্ত্রি ? এত্না জ্বর, মুখমে বোলে কি ওষুধ লাগবে ? তার ওপর বলসো বুকে ব্যথা। ও ডাগ্দার ডাকনেই হোগা।

লেপের ভেতর মাথা নেড়ে মিস্ত্রি কৌতাতে কৌতাতে বললে : ডাক্তার এলেই তো এখনি ছ'টাকা ফিস্ বার কর্তে হবে !

লছমন বললে : আচ্ছা, সে তখন দেখা যাবে। হামি সে বুঝবো।

নয়নভারার মুখের দিকে একবার চেয়ে নিয়ে : লছমন বেরলো ডাক্তারের চেষ্টায়।

(৩)

চটকলের ডাক্তার একজন বাধা আছেন।

ঔঁর নাম হরেন বাবু। ডিস্‌পেনসারিও আছে চটকলের সীমানার মধ্যে একটা আলাদা বাহিরের কামরায়। সেখানে তিনি ছুপুরবেলায় উপস্থিত থেকে কলে আহত রোগীদের চিকিৎসা কতেন। মজুর মিস্ত্রীদেরও জ্বর-জাড়িতে ঔষধের ব্যবস্থা কতেন, রোগী ডিস্‌পেনসারিতে এলে। রুগীদের কামরায় গিয়েও দেখবার নিয়ম ছিল, কিন্তু সে নিয়মটা খাটতো বাড়াবাড়ি রোগ হ'লে। সামান্য অসুখে মজুর মিস্ত্রীদিগকে ডিস্‌পেনসারিতে নিয়ে আসতে হতো।

লছমন ডাক্তার বাবুর কাছে গিয়ে একটা সেলাম করে দাঁড়াল। তখন ঘরে রুগী কেউ ছিল না; ডাক্তার বাবু টেবিলের উপর পা তুলে দিয়ে একটা সিগারেটে টান মারছিলেন; ও একখানা খবরের কাগজ চিবিয়ে তা থেকে রস বার করবার চেষ্টা কচ্ছিলেন। লছমনকে আসতে দেখে তিনি নাকের চশমাখানা কপালে তুলে জিজ্ঞাসা করলেন : কিয়া হুয়া ?

বাবু ? কালিচরণ মিস্ত্রিকো বড় ভারি বেমার। আপকো একদফা যানে হোগা।

অবজ্ঞাতরে ডাক্তার বাবু বললেন : আরে, যানেকো কিয়া জরুরং হায় ? তোম্ উসকো হিঁয়া লিয়া আও না।

মিস্ত্রির মেয়ে

পকেটে দুটো টাকা শক ক'রে লছমন বললে : ও আনে নেহি শকেগা। আপ কো হুঁরা যানেই হোগা।

টাকার শকে ডাক্তার বাবুর মনটা উন্টেটা দিকে বইলো। তিনি বুঝ নিলেন, এখানে দেখতে যাবার নিয়ম না থাকলেও, অণু কারণে নিয়ম সাব্যস্ত হচ্ছে। তিনি টেবিল হতে পা নামিয়ে বললেন আচ্ছা, চল দেখে আসি তোর রুগী।

(৪)

লছমন ডাক্তার ডাকতে গেল দেখে, কালিচরণের বউ হেমান্নিনীও একটু চঞ্চল হ'ল। লছমন ডাক্তার বাবুর ফি দেবে, এটা ইচ্ছিতে বুঝিয়ে গেল বটে, কিন্তু সেটা হেমান্নিনীর কাছে ভাল লাগলো না। ঐ নীচু-জাত লছমনের কাছে সে নত হতে যাবে কেন ?

সে বাঙ্গালী ; তার ওপর মিস্ত্রির বউ। সে মেড়ো মজুরটার কাছে সাহায্য নেবে কেন ?

কিন্তু মনে পড়লো তার, ঘরে এখন একটি পয়সাও নাই। মিস্ত্রি যে ক'টা টাকা হুঁয়ায় পেয়েছিল, শনিবার রাত্রে সব ক'টাইতো হুঁকে দিয়ে এসেছে। সংসার চলেচে ধারের উপর।

তবু একবার পেঁটারটা খুলে সে দেখলে। কাপড় চোপড়ের নীচে যদি একটা আধটা টাকাও পড়ে থাকে, তাহ'লে লছমনের কাছে এই অপমানটা তাকে স্বীকার কর্তে হয় না। কিন্তু ঘরের লক্ষী এমনই

মিস্ত্রির মেয়ে

বিরূপ, যে টাকা ছেড়ে একটি আনিও কোথায় লুকিয়ে নেই। মনে মনে কপালটার উপর সে ভারি চটে গেল : পরে নয়নতারাকে ডেকে সে বললে দেখ্‌না নয়না, যদি কারুর কাছে দুটো টাকা ধার পাস্‌।

—টাকা কি হবে মা ? নয়ন জিজ্ঞাসা কলে।

—ডাক্তারকে ফি দিতে হবে না ? সে কি অমনি দেখে যাবে ?

—কেন, ঐতো লছমন বললে, সে সেসব বুঝবে 'খন।

মুখ বেঁকিয়ে মা বললে : ছ্যা ! একটা মেড়োর কাছে এমনি নীচু হতে হবে !

মেয়ে ম'ার মশ্ব-ব্যথা বুঝলে ; কিন্তু চুপ কবে রইলো। বাপ ওদিকে 'জল, জল' ক'রে কাতরোক্তি কচ্ছিল, কাজেই নয়ন একটা গ্লাসে জল নিয়ে বাপকে দিতে গিয়ে বললে : কোথায় এখন যাবো টাকা ধার কর্তে ?

মা বললে : কেন, ঐ ঘোবেদের কাছে একবার দেখ্‌না।

মেয়ে মুখ ঝামটা দিয়ে বললে : আমি পার্বো না, ঘোষ দিদির কাছে টাকা চাইতে। সেদিন আমার কলতলায় কি কথাটা না শোনালে। পাঁচটা টাকা বুঝি তোমার কাছে পাবে, তাই নিয়ে আমাকে চোখের জল ফেলালে।

তবে না হয় বুদ্ধুর বউয়ের কাছে ?

সেওতো মেড়ো ! তার কাছে নীচু হ'তে হবে না ?

তা হই হবো তার কাছে নীচু। তা ব'লে লছমনের কাছে আমার ভাল লাগে না। দেখিস্‌ না, ছোঁড়া তোর দিকে কেমন প্যাট্‌ প্যাট্‌ করে চায় !

মিস্ত্রির মেয়ে

মায়ের কথা শুনে মেয়ের মুখ লজ্জায় রক্তিম হয়ে উঠলো। সে আর কিছু বললে না।

মা বলে যেতে লাগলো : লছমনটা একটা পাটের কলের কুলি। ওকি একটা মানুষ ! ওর এত বড় আস্পর্কি আমার মেয়ের মুখের দিকে চায় ! অণ্ড লোক হ'লে, ওকে মেরে, হাড় গুঁড়িয়ে,—

ঠিক এমনি সময় লছমন ডাক্তার নিয়ে ঘরের মধ্যে ঢুকলো। হেমাঙ্গিনীর মুখের কথা মুখেই রয়ে গেল। সে আর বাকিটুকু বলবার সময় পেলো না।

ডাক্তার বাবু ঘরের মধ্যে এসে বললেন : কৈ কি হয়েছে মিস্ত্রি ? দেখি।

মিস্ত্রি ছিল আপাদ মস্তক কাঁথায় মুড়ি দিয়ে। ডাক্তার বাবুর গলা শুনতে পেয়ে সে কাঁথাটা মুখ থেকে নামিয়ে কোঁতাতে কোঁতাতে বললে : উঃ ! ডাক্তার বাবু ! বড্ড বুকে বেদনা।

লছমন মাঝে থেকে বললে : দেখুন তো বাবু ! মোনিয়া টোনিয়া হ'ল কি না ?

ডাক্তার বাবু অবহেলার সুরে বললেন : হ্যাঁ ! মোনিয়া ! নিউমোনিয়া অমনি হলেই হ'ল আর কি ! আচ্ছা, দেখি মিস্ত্রি !

মিস্ত্রির বুকে একটা ময়লা গেঞ্জি ছিল। সে সেটা খুলে ডাক্তার বাবুর সম্মুখে বুক খুলে ধরলো।

ডাক্তার বাবু বুকপকেট থেকে তাঁর চোয়াটা বার করে পরীক্ষা করতে আরম্ভ করলেন।

পরীক্ষার সময়, লছমন একবার সগর্বে নয়নভারার মুখের দিকে

মিস্ত্রির মেয়ে

তাকালো। উদ্দেশ্য তার এই উপকারে নয়নতারার মনটা কতটা প্রসন্ন হয়েছে, তার প্রতিবিম্বটা মুখের আয়নায় দেখা। নয়নতারা কিন্তু ঠোঁটটা একটু উল্টে, মুখ ফিরিয়ে ঘর থেকে বেরিয়ে গেল।

পরীক্ষা শেষ হলে ডাক্তার বাবু বললেন : তাইতো লছমন ! সন্দিটা যে খুবই বসেছে। নিউমোনিয়াই বটে ! তা চল্ ডিস্‌পেনসারিতে একশিশি ওষুধ আর একটা মলমের কোটো পাঠিয়ে দিচ্ছি।

ওষুধ আর পথ্যের ব্যবস্থা ক'রে ডাক্তার বাবু লছমনের দিকে হাত পাতলেন।

লছমন পকেট থেকে দুটো টাকা বের করে ডাক্তারবাবুর হাতে দিল।

ডাক্তারবাবু বললেন : দু' টাকা কিরে ? চারটে টাকা দে !

লছমন বললে : বড় গরীব লোক বাবু !

নাছেই হেমাঙ্গিনী দাঁড়িয়েছিল। তার মুখখানা বৈশাখ মাসের মেঘের মত কালো হয়ে উঠলো।

(৩)

নয়নতারা কলতলায় জল ভরছিল।

তখন বেলা চারটে হবে। লাইনের সকল পুরুষমানুষ ও মজুর্না কাজে বেরিয়ে গেছে। এ সময়ে কলতলায় দুচার জন বউ ছাড়া আর বড় বেশী কেউ আসে না।

মিস্ত্রির মেয়ে

সূর্য্যটা ছিল ঠিক পেছনে। নয়নতারা সম্মুখ দিকে আপনার ছায়ার ওপর দৃষ্টি নিবন্ধ করে ছিল।

আর একটা ছায়া পাশে পড়তেই নয়নতারা চম্কে উঠে পেছন ফিরে দেখে, লছমন দাঁড়িয়ে। নয়ন বিস্মিত হ'ল, এ সময় লছমন কেমন করে কাজ ছেড়ে তার পিছনে এসে দাঁড়াল।

নয়ন ফিরে দেখতেই লছমন জিজ্ঞাসা করলে : লয়ন ! মিস্ত্রি এখন কেমন আছে ?

নয়ন গায়ের কাপড়খানা একটু আঁটো-সাঁটো করে টেনে জল ভরতেই লাগলো, কিছু উত্তর দিল না।

লছমন উত্তর না পেয়ে আবার জিজ্ঞাসা করলো : হাঁ, লয়না ! মিস্ত্রি কেমন আছে ?

কলসীটা ভরে গিয়েছে, কাজেই নয়ন সেটাকে কাঁখে তুলে বাড়ীর দিকে পা বাড়ালো। লছমন আবার জিজ্ঞাসা করলো : কি? কণী জবাব দিচ্ছ না যে ?

নয়ন আর এক পা ফেলে বললে : ঐতো ঘরে বাবা রয়েছে, গিয়ে দেখে এসো না।

—সে তো যাবই। তবু তোমার কাছে একবার জিজ্ঞাসা করছি।

নয়ন দাঁড়িয়ে বললে : কলতলার একা একা তুমি আমার সঙ্গে কথা কোরো না। কে কোথায় দেখতে পাবে, আর আমার মাথা খাবে।

লছমন একবার চারিদিক চেয়ে নিয়ে বললে : কই, কেউ এখানে কোথায়ও নেই ! একটা আধটা কথা কইতে দোষ কি ?

মিস্ত্রির মেয়ে

প্রথমটা নয়ন কিছু উত্তর করলে না। সে চলতে আরম্ভ করল। কিন্তু আবার কি ভেবে দাঁড়িয়ে বললে : দোষ আছে। সে তুমি বুঝবে না। ব'লে সে দ্রুতগতিতে বাড়ীর মধ্যে ঢুকে গেল।

(৬)

পরের দিন সন্ধ্যাবেলা কাজ থেকে ফিরে এসে লছমন নয়নতারাদের বাড়ী গেল মিস্ত্রির খবর নিতে।

ঘরের মধ্যে গিয়ে দেখে হেমাঙ্গিনী বসে মিস্ত্রির পরিচর্যা কচ্ছে, এবং মিস্ত্রি রোগে বড় ছটফট কচ্ছে। নয়নতারা সেখানে নাই, রান্নাঘরে গিয়ে সংসারের রান্নাবান্না নিয়ে ব্যস্ত। তার হাতা নাড়ার শব্দ এ ঘর থেকেও লছমন বেশ বুঝতে পারলে।

লছমন জিজ্ঞাসা করলে : আজ মিস্ত্রি কেমন আছে ?

হেমাঙ্গিনী আজ আর তার সঙ্গে কথা না কয়ে থাকতে পারলে না। আজ আর গায়ের কাপড়খানা শুদ্ধ টেনে দিতে সে ভুলে গেল। বললে : আজ রোগ বড় বাড়াবাড়ি। জ্বরও যেমনি বেড়েছে, হাঁপও তেমনি হচ্ছে। আজ এখন একবার ডাক্তার এনে দেখাতে পারলে ভাল হয়।

লছমন শুনে বললে : বেশ তো। হামি এখনই যাচ্ছি ; ডাক্তার ডেকে আনচি।

সে আর নয়নতারাকে দেখবার জন্তে বিলম্ব করলে না। ডাক্তার ডাকতে বেরিয়ে পড়লো।

মিস্ত্রির মেয়ে

ডাক্তার বাবু এসে পরীক্ষা করে বললেন : আজ রোগের বড় বাড়াবাড়ি। রাত্রিটার খুব সাবধান। সমস্ত রাত্রি জেগে তোমরা ওষুধ খাওয়াও।

তিনি ওষুধপত্রের ব্যবস্থা করে বিদায় নিলেন। আজও লছমন তার নিজের পকেট থেকে ডাক্তার বাবুর দর্শনী দিল, হেমাঙ্গিনীর সামনে।

ওষুধপত্র এনে লছমন হেমাঙ্গিনীকে খাওয়ানোর নিয়ম বলে দিল। হেমাঙ্গিনী সব শুনে বললে : কিন্তু আজ আমার বড় ভয় কচ্ছে। বাড়ীতে একটি পুরুষ মানুষ নেই। আমরা মাত্র দুটি মায়ে ঝিয়ে। রাত্রে যদি বাড়াবাড়ি হয়, ত কি করে কি হবে, বুঝতে পাচ্ছি নে।

নয়ন তখন ঘরের মধ্যে ছিল। তার মুখখানা একেবারে ক্যাকাশে হয়ে গিয়েছিল। তার মুখের দিকে তাকাবামাত্র লছমনের মনটা দয়ায় সিক্ত হয়ে উঠলো। সে একদণ্ডে সঙ্কল্প স্থির করে বলল : আচ্ছা, হ্যাঁ, আজ রাত্রে তোমাদের এখানে থাকবো। তোমাদের কোনো ভয় নেই। রাত্রে ডাগ্দার ডাকবার দরকার হয়তো, ওবি করবো।

নয়নতারার যে তাতে খুব মত ছিল, তা নয় ; তবু তার মুখখানা আগেকার চেয়ে প্রফুল্ল হলো।

হেমাঙ্গিনীও একটা দীর্ঘনিঃশ্বাস ফেলে লছমনের অযাচিত্ত পরোপকারিতার তারিফ করলে।

লছমন তাড়াতাড়ি বাসা থেকে ভাত খেয়ে এল ; তারপরে বসলো রোগীর পাশে, গায়ে একটা গেঞ্জি চড়িয়ে।

রোগীর শিয়রে বসে রইলো হেমাঙ্গিনী, হাতে একখানা পাখা নিয়ে।

মিস্ত্রির মেয়ে

নয়ন গেরস্থালীর এটা ওটা সেটা সেরে মেঝের ওপর একটা মাদুর বিছিয়ে শুয়ে পড়লো। তার চুলগুলো সেদিন বাঁধা হয় নি, সেগুলো অবত্বরক্ষিত অর্থের মত আপন আপন দিকে আপনাদের ব্যবস্থা করে নিল।

লছমন মাঝে মাঝে আড়চোখে দেখে নিতে লাগলো, তার অসাবধান দেহকান্তি। সমস্ত দিন সংসারের কাজে গতির খাটিয়ে এখন নয়ন একেবারেই অবশ হয়ে পড়েছিল। কাজেই গায়ের কাপড় যে ঠিক তার সমস্ত অঙ্গকে বিশ্বস্ত ভাবে প্রহরা দিচ্ছিল, তা নয়। নিদ্রার সিঁদকাটিতে অঙ্গপ্রত্যঙ্গের অনেক স্থানই চোরের চোখে লোভ জাগিয়ে তুলছিল, যদিও সে নিজে তার কোনও খবরই রাখতে পারছিল না।

লছমন একবার তাকায় রুগীর দিকে, আর তিন বার তাকায় নিদ্রাতুর নয়নের যৌবনোৎকল্ল সুপুষ্ট দেহলতার উপর। রুগীকে একবার ওষুধ খুঁজতে গিয়ে, নানা অছিলায় পাঁচবার তাকিয়ে নেয়, ঐ বহুকাল-সঞ্চিত পিপাসার সুধাভাগুর দিকে। সে আজকের রাত্রি-জাগরণটা বড়ই সৌভাগ্যের বলে মনে করে নিল, নিদ্রাঙ্গীনের কষ্ট তার মোটেই মনে এলো না।

হেমাস্ত্রিনী তার স্ত্রী-বুদ্ধিতে এ সকল একটু একটু বুঝতে পারছিল, কিন্তু ব্যবস্থা তার কিছুই করলো না। আজ কি তার এসব দেখবার সময় আছে? তার স্বামী যে আজ জীবন-মৃত্যুর মাঝখানে দাঁড়িয়ে। সে যমদূতের পাওনাগণ্ডার হিসাব নিকাশ করবে, না মদন দেবের ছিঁচকে চুরির ঠেকান দেবে?

* * *

মিস্ত্রির মেয়ে

মাঝ রাত্রে এক সময় মিস্ত্রির চোখ ছটো হঠাৎ কপালে উঠলো, এবং তার মুখ দিয়েও খানিকটা ফেণা মৃত্যু-দেবতার আগমনের আলপনার মত আত্মপ্রকাশ করলো। হেমাঙ্গিনী তাই দেখে একেবারে চিৎকার করে কেঁদে উঠলো।

সে কান্নায় নয়নতারার ঘুম ভেঙে গেল। সে ধড়ফড়িয়ে উঠে বাপের বিছানার কাছে গিয়ে দেখলে, তাঁর মৃত্যু সন্নিকট। এ ধাক্কাটা সে সামলাতে না পেরে, হঠাৎ মাথা ঘুরে পড়লো মেঝের উপর। তার দাঁতে দাঁত লেগে গেল, গৌঁ গৌঁ করতে লাগলো আকস্মিক অচেতনায়।

লছমন পড়লো বড় বিপত্তিতে। একদিকে মিস্ত্রির এই মুমূর্ষু রোগ-বিকার অন্য দিকে প্রাণাপেক্ষা প্রিয়তমা নয়নতারার এই অতর্কিত মূর্ছা।

কিন্তু কর্তব্য সে শীঘ্রই স্থির করে ফেললে। যে মরেছে, তার আর পরিচর্যা করে লাভ নেই, কিন্তু যে বেঁচে আছে, তাকে তদ্বির করে খাড়া করাইতো দরকার। সে আর বিলম্ব না করে, নয়নতারার পাশে এসে তার গুশ্রুষা করতে আরম্ভ করে দিল। তার মাথাটা কোলে তুলে নিয়ে, খানিকটা ঠাণ্ডা জল দিয়ে সে তার চোখ ছটো অনবরত সিক্ত করতে লাগলো, আর আলুলায়িত কেশ-রাশির উপরে শীতল জল সিক্তনে সে ব্যস্ত হয়ে পড়লো। ননীর মত সুকোমল কপোল থেকে জলধারা মুছিয়ে নেবার সময়—আঙুলগুলি খুবই কেঁপে কেঁপে উঠতে লাগলো। এই নিদারুণ সময়েও তার মনে হতে লাগলো, কোন্ পূর্বজন্মার্জিত পুণ্যফলে আজ সে নয়নতারার গালে হাত দেবার অধিকার পেয়েছে। এমন মুহূর্ত বৃষ্টি আর তার জীবনে আসবে না। কত দিনের সঞ্চিত আকাঙ্ক্ষা আজ তাঁর পূর্ণ হ'ল ঘোল কলায়।

মিস্ত্রির মেয়ে

সে যতো নয়নতারার মুখের দিকে তাকায়, তাকে নাম ধরে ডাকে, ততো বুকটা তার ছুরু ছুরু করে ওঠে কি এক অভাবনীয় ঐশ্বর্য্যমুখে। অজ্ঞান নয়নতারার কপোল থেকে এক এক গাছি করে চুল সে আঙুল দিয়ে সরিয়ে দিতে লাগলো, চোখে হাত দিয়ে চোখ খুলে আপনার মনের চোখ অনিমেষ ভাবে উন্মুক্ত করে দিতে লাগলো। ওদিকে হেমাঙ্গিনী তার স্বামীকে নিয়েই ব্যস্ত, এদিকে তার নজর একেবারেই ছিল না।

খানিকটা জলসেকের পর ও লছমনের ঐকান্তিক সেবাশুশ্রূষার ফলে নয়ন শীঘ্রই চোখ চাইলো। সম্মুখে লছমনকে দেখে জিজ্ঞাসা করলে :
হাঁগা, বাবা বেঁচে আছেন তো ?

—হাঁ, হাঁ, বেঁচে আছেন। ঐ যে তোমার মা ওষুধপত্র খাইয়ে সিলেন, এখনতো অনেকটা ভাল করে নিঃশ্বাস ফেলছেন।

লছমনের কথা শুনে, নয়ন ধড়ফড়িয়ে উঠে, টলতে টলতে তার বাপের বিছানার কাছে গিয়ে দাঁড়াল। লছমনের কোলে মাথা রেখে সে যে এতক্ষণ শুয়ে ছিল, এ লজ্জার কথাটা তার মনে একবারও ঠেলে উঠলো না। ওটা যেন কিছুই নয়, এমনি ভাবেই ব্যাপারটা ঘটে গেল।

লছমনও উঠে এসে মিস্ত্রির বিছানার পাশে দাঁড়াল। সে একবার নয়নের দিকে তাকিয়ে জিজ্ঞাসা করলে : এখন অনেকটা সামলেছো তো ?

নয়ন বললে, কেন, আমার কি হয়েছিল ?

—আরে বাপ্‌রে ! তুমি তো একেবারে গিয়েছিলে ! তোমার মাথায়

মিস্ত্রির মেয়ে

দুঘটি জল ঢেলে তবে তো তোমাকে খাড়া করলুম। এসো, তোমার মাথাটা একটু গামছা দিয়ে মুছিয়ে দেই।

বলে, লছমন হঠাৎ তার হাতখানা ধরলে। নয়ন তাতে বাধা দিয়ে বললে : যাও ! তারপর নিজের হাতটা ছিনিয়ে নিয়ে, মুখ বেকিয়ে মায়ের আরও কাছে এসে দাঁড়াল। মা এখন ওসব বিষয়ে নিরপেক্ষ। তিনি স্বামীকে পাখাই করতে লাগলেন।

লছমন কিছুমাত্র অপ্রস্তুত না হয়ে বললো : এরপর তোমার যখন অসুখ করবে, তখন কে দেখবে ?

নয়ন সংক্ষেপে বললে : যম দেখবে !

(৭)

মিস্ত্রির অবস্থা খুব খারাপ হয়েছিল বটে, কিন্তু ডাক্তারবাবু সন্ধ্যাবেলায় যে তেজাল ওষুধটা ব্যবস্থা করে গিয়েছিলেন হঠাৎ খারাপ অবস্থা হ'লে দেবার জন্তে, হেমাঙ্গিনী সেই ওষুধটা তখন দিয়ে দেয় তার উপস্থিত-বুদ্ধির জোরে, এবং তাইতেই মিস্ত্রি অনেকটা চাঙ্গা হয়ে উঠলো কয়েক মিনিটের মধ্যেই।

লছমন যখন নয়নের তাদারক সেরে তাকে চাঙ্গা হয়ে উঠে আসতে দেখে, আপনিও এসে দাঁড়ালো মিস্ত্রির পাশে, তখন মিস্ত্রি সত্যসত্যই অনেকটা সামলে নিয়েছে। তবু হেমাঙ্গিনী লছমনকে বললে, এতো যখন করলে বাবা, তখন আর একবার ডাক্তারবাবুকে

মিস্ত্রির মেয়ে

ডেকে আনো। নইলে আবার একবার ওভাব হ'লে আর মিস্ত্রিকে ফিরে পাওয়া যাবে না।

মিস্ত্রিকে ফিরে পাওয়া যাবে কি না, সে বিষয়ে লছমনের ততো চিন্তা ছিল না, যতো চিন্তা ছিল নয়নের সাগ্রহ আদেশের উপর। কাজেই সে নয়নের দিকে তাকিয়ে জিজ্ঞাসা করলে : কি বলো নয়ন, ডাক্তারবাবুকে এ রাত্রে আর একবার ডেকে আনবো ?

নয়ন পুনরায় মুখ ফিরিয়ে বললে : তা আমি কি বলবো ? মা যখন বলচে, তখন তার ওপর কি আবার কথা আছে ?

লছমন বললে : তব্ যাই। দেখি, এত্না রাত্তিরে ডাক্তারবাবু আসে কি না !

লছমন গেল, কিন্তু যেন নেহাত্ অনিচ্ছায়। হেমাঙ্গিনী একটা দীর্ঘনিঃশ্বাস ফেলে আপন মনে বললে : এও আমার কপালে ছিল !

* * *

লছমন অনিচ্ছায় ডাকতে গেলেও, ডাক্তারবাবু খুব ইচ্ছায় সেই গভীর রাত্রেও রুগী দেখতে এলেন। রাত্রে ডাক্তার ডাকলে যে রুগীর আত্মীয়েরা ডবল দর্শনী দেয়, অর্থশাস্ত্রের এই দার্শনিক নিয়মটা তাঁর মনে পড়ে গিয়েছিল।

ডাক্তারবাবু এসে গুটিকত ইন্জেক্‌সন্ দিলেন, তাতে রুগীর বেশ উপকার হ'ল। রুগী অনেকটা সুস্থ হ'লে, ডাক্তারবাবু তাঁর যন্ত্রাদি পকেটস্থ ক'রে লছমনের কাছে হাত পাতলেন।

লছমন একটু মুস্থিলে পড়লো। সে ডাক্তারবাবুকে ডবল ফি দেবে বলে এনেছিল বটে, কিন্তু যখন সে দেখলে টাকাটা তাঁর

মিস্ত্রির মেয়ে

নিজের পকেট থেকেই দিতে হচ্ছে, তখন একটু ইতস্ততঃ করতে লাগলো। —

হেমাঙ্গিনীর চোখে এটা বড় ভাল লাগলো না। এত রাত্রে ডাক্তার ডেকে পরের ঘাড়ে তাঁর দর্শনীর ভার চাপান যে মস্ত একটা হীনতার কাজ, এটা বুঝতে তার দেরি হ'ল না। লছমন তো একজন পর লোক, বিশেষ সে বাঙ্গালী নয়, একজন হিন্দুস্থানী, তার কাছে এই ভিক্ষা লওয়াটা তার প্রাণে বেজে উঠলো।

হেমাঙ্গিনীর হাতে গাছকতো রূপার চুড়ি ছিল। সে তাড়াতাড়ি সেগুলো হাত থেকে ছিনিয়ে বার করে ডাক্তারবাবুর সম্মুখে ধরে বললে : ডাক্তারবাবু! আমি বড় গরীব। আমার এই শেষ সম্বল রূপার চুড়ি ক'গাছা আছে, এইগুলি আজ নিয়ে যান। এতে যদি আপনার কি না পোষায়, কাল সকালে যেখান থেকে পারি, ধার করে আপনার টাকা দিয়ে আসবো।

লছমন কি ভেবে একবার নয়নের দিকে তাকালো। ইঠাৎ দেখে, নয়ন চোখে আঁচল তুলে কাঁদতে আরম্ভ করেছে। তার প্রাণে এটা সহিলো না। সে পরমা বাঁচাতে জানে বটে, কিন্তু নয়নের চোখের জল দেখে সে জ্ঞানটা তার অস্পষ্ট হয়ে গেল। সে তাড়াতাড়ি পকেট থেকে চারটে টাকা বার করে ডাক্তারবাবুকে বললে : এই যে, হাম্ দেতা হায় আপকো ফিস্। এই লিজিয়ে বাবু! মারি, আপ্ চুড়ি রাখ দিজিয়ে।

হেমাঙ্গিনী অস্বীকার করে বললে : না, না, তুমি আর কতো দেবে বাবা? আমার চুড়ি ক'গাছা আপনি নেন ডাক্তারবাবু!

মিস্ত্রির মেয়ে

লছমন চুড়ি ক'গাছা মার দিকে সরিয়ে দিয়ে, জোর গলায় বললে :
কিয়া করতা হার, মারি ? হাম যব হার, আপ'কো কুচ পয়সাকো
মুস্কিল নেহি হোগা ।

লছমন আবার নয়নের দিকে ফিরে দেখলে, তার চোখ থেকে
আঁচল নেমেছে । সে সেইটাকেই তার পুরস্কার বলে মেনে নিল ।

(৮)

বাপের অবস্থা দেখে নয়নতারা তাঁর বিছানার পাশে বসে রইলো
অনেকটা রাত্রি । হেমাঙ্গিনী স্বামীর শিয়রে বসে ; সেও রাত জাগছিল ।
বিছানার অপর দিকে একটা মোড়ার উপর বসে লছমন একবার বিমুতে
লাগলো, একবার বা উঠে ওষুধের শিশিটা এগিয়ে দিতে লাগলো ।

ভোরবেলায় নয়ন কিন্তু আর পেরে উঠলো না । সমস্ত রাত্রির
ঠেলা-থাওয়া ঘুম তার চোখ ছটোকে ডুবিয়ে দিতে লাগলো । তার
মা তাকে তুলতে দেখে বললে : যা নয়ন ! তুই একটু শুয়ে যা ।
আমিতো জেগে আছি । কত্নাও ত এখন একটু সামলে গেছেন !

নয়নের গা ভেঙ্গে আসছিল । সে মাতার আদেশ পাবামাত্রই
আস্তে আস্তে উঠে মেঝের পাতা মাদুরের উপর গিয়ে আবার শুয়ে পড়লো ।

যেমনি শোওয়া, তেমনি ঘুম, কিছুমাত্র বিলম্ব হ'ল না ।

হঠাৎ এক সময় কি একটা অস্বস্তিতে তার ঘুমটা আচমকা ভেঙে
গেল । সে চমকে উঠে দেখে কার একখানা হাত তার গলায় জড়ানো ।

মিস্ত্রির মেয়ে

অবিলম্বেই সে আবিষ্কার করলে, হাতখানা লছমনের এবং লছমন কোন্ সময় এসে তারই পাশে শয়ন করেছে।

নয়ন সববেগে লছমনের হাতখানা গলা থেকে ছুঁড়ে ফেলে দিয়ে বললে : যাও ! এখান থেকে সরে যাও !

লছমন ঘুমোয় নি, জেগেই ছিল। সে অতি মৃদুস্বরে বললে : চুপ্ চুপ্। মা এখনই জেগে উঠবে।

—উঠক গে ! তুমি এখানে শুয়ো না বলচি। আমি ওসব ভাল-বাসিনে।...যাও, সরে যাও।

লছমনের ভারি অভিমান হ'ল। তবু সে চুপ করে শুয়ে রইলো। শুধু সে বললে : লয়ন ? এত করেও তোমার মন পেলুম না ! আমি কি এতই তোমার অগ্রাছি ?

নয়ন এ মিনতিতে একটুও নরম হ'ল না। সে কিছু কড়া উত্তর দিলে না বটে, কিন্তু তখনই সববেগে উঠে গিয়ে বাপের বিছানার উপর বসলো। মাথার দিকে তাকিয়ে দেখলো, তার মা কোলের উপর মাথাটি ঝুলিয়ে ঘুমুচ্ছে। তার কোনও সাড় নাই।

নয়ন এক মুহূর্তে বুঝে নিল, মা'র এই ঘুমের স্বেযোগ নিয়ে লছমন তার পাশে গিয়ে শুতে সাহস করেছে। রাগ হলো খুব লছমনের উপর, কিন্তু তবু তার জন্তে যেন একটু করুণাও অনুভব করলো। আহা বেচারি ! তাদের জন্তে অনেক করেছে !

লছমন খানিকটা চুপ করে শুয়ে থেকে, তার পর আন্তে আন্তে উঠলো। কি ভেবে, কোন্‌ও দিকে কিছু না তাকিয়ে, এমন কি নয়নের দিকেও চোখটা না কিরিয়ে সে ঘর থেকে আন্তে আন্তে বেরিয়ে গেল।

তখন বেলা বারোটা। কল থেকে দলে দলে মজুর মিস্ত্রি মজুরণী বেরিয়ে এলো, দুপুর বেলার খাবার ছুটিতে। লছমনও টলতে টলতে কাজ থেকে বাসায় ফিরে এলো।

আজ তার মনটা ভাল নয়। একে কাল সমস্ত রাত্রি জাগরণ, তার ওপর নয়নের গঞ্জনা তার সব আশার মূলে কুঠারাঘাত করেছে। নয়ন যে এমনটা করবে, এ সে স্বপ্নেও ভাবে নাই। তার বাপের চিকিৎসার জন্তে সে কত টাকাই না খরচ করলো! সে সবে কি কোনও দাম নেই? একটা প্রতিদানও না?

এই সব পাঁচরকম ভাবতে ভাবতে সে বাসায় ফিরে এলো। দরজার কাছে এসে দেখে, নয়ন দাঁড়িয়ে। তার চোখে আঁচল, গাল দুটোয় চ'থের জলের ধারা লাইন দিয়ে গড়াচ্ছে। লছমনকে দেখবামাত্র, সে একেবারে ডুকরে কেঁদে উঠলো।

লছমনের সমস্ত অভিমান এক নিমেষে উপে গেল। নয়নের ওপর সমস্ত রাগ সে ভুলে গেল। তাড়াতাড়ি জিজ্ঞাসা করলো :
কঁদচো কেন নয়ন?

তুমি শীগগির এসো। - বাবা কেমন হয়ে গিয়েছে।

সে কি? এই সকালে ত তিনি ভাল ছিলেন।

নয়ন আবার ফুঁপিয়ে কেঁদে উঠলো। লছমন বললে : চলো দেখি কি হ'ল আবার!

মিস্ত্রির মেয়ে

হন্ হন্ করে দুজনে নয়নদের বাড়ীতে এসে ঢুকলো। দরজার বাহির থেকেই লছমন শুনতে পেলো, নয়নের মা সক্রমণ সুরে চিৎকার কচ্ছে।

বুদ্ধু ফিরছিল বাসাতে। তার বাসা আর একটু পরে। সেও কান্না শুনে এদিকে এগিয়ে এলো।

লছমন ও বুদ্ধু দুজনেই কালি মিস্ত্রির ঘরের মধ্যে ঢুকে দেখে, মিস্ত্রির মুখ চোখ সব স্থির হয়ে গেছে, মুখ দিয়ে ফেনা বেরুচ্ছে, নিঃশ্বাস প্রঃশ্বাস আর মোটেই বোঝা যাচ্ছে না।

লছমনের চোখে জল এলো; সে সেখানেই বসে পড়লো। বুদ্ধু প্রবীণ লোক, কালি মিস্ত্রির অবস্থা দেখে বললে : এঃ ! সব শেষ হো গিয়া !

হেমাঙ্গিনী মেঝেয় আছাড় খেয়ে চেঁচাচ্ছে। নয়নও ঘরে ঢোকবা- মাত্র আছাড় খেয়ে পড়লো।

তাদের কান্না শুনে, লাইনের আরও অনেক বাসিন্দা এসে হাঁজির হ'ল। নবীন মিস্ত্রি, গয়ারাম, বেঙ্কটেশ্বর চেটি, সীতারাম পাঁড়ে, লাল বাহাদুর, চক্লু খাঁ ইত্যাদি অনেকেই এসে জড় হ'ল।

ঘণ্টাখানেক ধরে অনেক লোক এল, অনেক লোক গেল। এই এক ঘণ্টা হেমাঙ্গিনী আর্ন্তনাদে চিৎকার করতে লাগলো; নয়নও বার বার মূর্চ্ছিত হ'তে লাগলো; আর মূর্চ্ছাভঙ্গে ফুঁপিয়ে ফুঁপিয়ে কেঁদে সমবেত সকলের সহানুভূতি আকর্ষণ করলো।

বেলা একটার সময়ে কল খুলবে, কাজেই সমবেত সোকেসর মধ্যে অনেকেই চলে যেতে শুরু করলে। তখন হেমাঙ্গিনী কান্না খামিয়ে কর্তব্য-

মিস্ত্রির মেয়ে

বোধে উৰু ক হ'লো। স্বামীর ঔদ্ধৈহিক শেষকৃত্যের যে তাকেই বন্দোবস্ত করতে হবে, এ জ্ঞানটা হঠাৎ চাবুকের মত এসে তার আর্তনাদের সীমা নির্ণয় করে দিল।

নবীন মিস্ত্রি একে বাঙ্গালী, তার ওপর লাইনের সব বাসিন্দার মধ্যে প্রবীণতম। কাজেই তার দিকে তাকিয়ে হেমাঙ্গিনী বললে : বা সর্কনাশ আমার হবার, তাতো হয়ে গেল। এখন ওঁর শেষ কাজটা বাতে হয়, তার একটা ব্যবস্থা করুন।

নবীন মিস্ত্রি তার পাকা চুলের মাথাটি নেড়ে বললে : তাই তো! কে কে তোমরা যেতে পারবে হে? শ্মশান ঘাটে ত নিয়ে যেতে হবে!

গয়ারাম একটা বি ডি টানতে টানতে বললে : আমি যেতে পারতুম, কিন্তু আমার যে কাজে যেতে হবেই। নতুন সাহেব এয়েছে, তার কাছে 'কামাই' করা চলবে না। বলতে বলতেই সে পেছন দিক ফিরে দরজার চৌকাঠে এসে হাজির হ'ল।

নবীনও কর্তব্যবোধের তাড়নায় তার পশ্চাৎ অনুসরণ করতে আরম্ভ করলো। অপেক্ষাকৃত যুৎস্বরে গয়ারামকে বললে : আমারও যে কিছু ছোবার যো নেই! বাড়ীতে ওঁরা দু এক মাসের ভেতরেই যে আবার আতুড় ঘরে ঢুকছেন!

গয়ারাম হাতের আড়াল দিয়ে ফিক করে একটু হেসে বললে : বলো কি দাদা? এখনও আতুড় ঘর চালাচ্চ?

নবীন অব্যাহত গাভীর্যের সহিত উত্তর দিলে : সবই ভগবানের ইচ্ছা। তুমি আমি তাঁর হাতের পুতুল বইতো নই!

হাতের আড়াল অক্ষুণ্ণ রেখে গয়ারাম ঠিক সেই রকম মৃদুস্বরে আবার বললে : তাহ'লেও, দাদা, তোমার এ বয়সে,—

নবীন ঊঁখন চোখ টিপে বললে : থাক্ থাক্, ও সব কথা এখন থাক্ । চল আস্তে আস্তে সরে পড়ি ।

হেমাঙ্গিনী সবিস্ময়ে দেখলো, বাঙ্গালী যে ক'জন ছিল, তারা সকলেই সেখান থেকে একেবারেই অন্তর্হিত । বাঙ্গালী ছাড়া আর যারা ছিল, তারাও কিছু উচ্চ বাচ্য না করে সরে যাচ্ছে ।

লছমনের দিকে তাকিয়ে হেমাঙ্গিনী জিজ্ঞাসা করলো : কি হবে লছমন ? নবীন জ্যেঠামশাই, গয়ারাম খুড়ো সকলেই তো চলে গেলেন । এখন, ঘাটে নিয়ে যাবার কি হবে ?

লছমন এদিক ওদিক তাকিয়ে বললে : তাইতো, ঘরতো একদম্ খালি হয়ে গেল । হাম্ এক আদমিতো শকেগা নেহি । বুদ্ধু ভাই ?

বুদ্ধু উপস্থিত বুদ্ধির জোরে বললে : আরে, হামলোক হিন্দুস্থানী হায় । বাঙ্গালী আদমিকা মুর্দা হামলোক ক্যায়সে লে যাগা ?

লছমন উত্তর দিল : আরে হিন্দুস্থানী আর বাঙ্গালী ! লাস্ তো দরিয়্য মে লে যানেই হোগা !

বুদ্ধু এক কথায় জবাব দিয়ে দিল । 'নেহি নেহি ভাই ! হাম্ বাঙ্গালীকো মুর্দা ছুঁয়েগা নেহি ।'

হিন্দুস্থানী মতুশাক্তের দোহাই দিয়ে বুদ্ধু সরে পড়লো ।

সকলেই গেল, গেল না কেবল লছমন । সে অনেকক্ষণ বসে-ভাবে ভাবতে, এক সময় বললে : মায়ি ! একঠো খাটিয়া লে আই ?

মিস্ত্রির মেয়ে

হেমাঙ্গিনী বললে : তাই যাও বাবা ! তুমি ছাড়া আর আমাদের উপায় নেই !

লছমন দৌড়ে গিয়ে একটা দড়ির খাটুরা নিয়ে এলো। হেমাঙ্গিনী বললে : কি আর হবে ? তুমি একদিকে ধরো, আর আমি একদিকে ধরি। শ্মশান ঘাটে তো নিয়ে যেতে হবে।

হুজনেই শব নিয়ে গেল। তাদের সঙ্গে গেল শুধু নয়ন, কোলে তার কচি বোনটাকে নিয়ে, আর মাঝে মাঝে চোখে আঁচলখানি রগড়াতে রগড়াতে।

(১০)

তোর জ্যেষ্ঠামশাই আর কাকার আক্কেলটা দেখছিস্তো নয়ন ?

তাদের তুমি চিঠি লিখে সব জানালে, তবু তারা এলো না কেন মা ?

এখন আসবে কেন ? এখন যে দেখচে, কিছু পাওনা-খোঁওয়ার সম্ভব নেই। বরং উল্টে কিছু খরচ হ'তে পারে। যখন তোর বাবা ছিল, তখন হুপ্তা পাবার ঠিক পরদিন তাঁরা কেউ এসে হাজির হতেন।

মা ? চলোনা আমরা দেশে গিয়ে থাকি ?

হেমাঙ্গিনী হাত নেড়ে বললো : কোথায় যাবি ? সেখানে কি আর আমাদের জায়গা আছে ? তোর জ্যেষ্ঠা সব দখল ক'রে নিয়েছে।

আমরা গেলে, আবার সব ছেড়ে দেবে !

হ্যাঁ ? তেমনি পাত্র সব ? তুই যখন ছেলে মানুষ, তখন হু'চারবার

মিস্ত্রির মেয়ে

গিছলুম আমরা ! ওরে বাবা ! একটা ঘর ছেড়ে দিতো না তুদিন তরে থাকবার । উল্টে গুঁর কাছ থেকে সব লেখাপড়া করে নিলে । উনিও তেমনি দাতাকর্ণ ! লক্ষণ ভাইদের সমস্ত লিখে দিয়ে নিজের ফতুর হয়ে এলেন ।

তা, আমাদের এখানে চলবে কি করে ? নয়ন খানিকটা চুপ করে থেকে জিজ্ঞাসা করলো ।

কি জানি বাপু কি করে চলবে ? গতরে খাটা ছাড়াতো উপায় দেখি নে ।

গতরে খাটার কথা শুনে নয়ন বিস্মিত হ'ল । বাঙ্গালী ঘরের মেয়ে গতরে খেটে কেমন ক'রে রোজগার করবে সে বুঝতেই পারলে না ।

হেমাজিনী বললে : ঠেকায় পড়ে সবই কর্তে হবে বাছা ! ...কাল গিছলুম রাম-এতোয়ারের বাড়ী ছটো চাল ধার করে আনলুম । আমি স্বচক্ষে দেখলুম, তাদের ছ'বস্তা চাল রয়েছে, তবু আমাকে মুপের ওপর বললে, 'কাঁহা চাউল মিলেগা ? ঘরমে ত চাউল একদম নেই ।' আমার বড় অপমান বোধ হ'ল বাছা, আমি আর সেখানে দাঁড়ালুম না, হন্ হন্ ক'রে বাড়ী চলে এলুম ।

তবে কাল চাল যোগাড় হ'ল কি ক'রে মা ?

হেমাজিনী কপাল চাপড়ে বললে : ও আমার পোড়ার দশা ! তাও বুঝি জানিনে ? আমার সেই বিয়ের সময়কার রূপোর পাইজোর একটা ছিল না ? সেইটে তখনই বার করে ছিরু শাকরার কাছে বিক্রি ক'রে দিয়ে এলুম না !

নয়ন কথাটা শুনে বড় বিষন্ন হ'ল । সে মাঝে মাঝে সেই পাইজোরটা

মিস্ত্রির মেয়ে

পরে পাড়ায় একটু আধটু বেড়িয়ে আসতো, সেটুকু আত্মপ্রসাদও বুঝি আজ থেকে শেষ হ'ল !

এত বড় আঘাতটা সে সহজে হজম কর্তে পারলো না। মা'কে পুনরায় জিজ্ঞাসা করলে : অমন পাইজোরটা বিক্রি করে দিলে মা ? দেবার আগে আমার একবার জিগ্যেসা করলে না ?

কেন ? তোকে জিগ্যেস করলে কি হতো ? তুই কি বনাৎ ক'রে পাঁচটা টাকা ফেলে দিতে পারতিস্ ?

নয়ন সংক্ষেপে বললে : দেখতুম একবার চেষ্টা !

অবহেলার সুরে হেমাঙ্গিনী বললে : হ্যাঁ ! তোর তো মোরদ ভারি ? মোল্লার দৌড় মসজিদ অবধি ! তুই তো ঐ মেডো ছোঁড়াটার কাছে ছটো টাকা চেয়ে নিতিস্ ! আমার ওসব ভাল লাগে না বাপু !

কথাটা শুনে নয়ন বড় লজ্জিত হ'ল। মা তাহ'লে কিছু কিছু ধোয়ে ! নয়ন আর কোনো উত্তর না ক'রে রান্নাঘরে ঢুকলো কি একটা গৃহস্থালী কাজে।

(১১)

হেমাঙ্গিনী চুপি চুপি বুদ্ধ, মিস্ত্রির বাড়ীতে গিয়ে তার 'বহু'কে ডেকে বললে : ও বউ ! তোমার মানুষকে বলে চটকলে আমার একটা চাকরি করে দাও না ?

বুদ্ধর 'বহু' তো বিশ্বাস করতে চায় না। বাঙ্গালী ঘরের মেয়ে নাকি নকরি কর্তে পারে ? এটা যে একেবারেই অসম্ভব ! বললে :

দিদি ? এ তোম্ কিয়া বাত্ বোলতা হ্যায় ? তোম্‌লোক সুখী আদমি হ্যায় । তোম্ এত্না মেহন্নত শকোগে ?

—হাঁ, হাঁ শকবো, শকবো । নইলে আমাদের পেট চলবে কি করে ?

—মিস্ত্রি কুচ রাখ্ গিয়া নেহি ?

—রাখলে আর তোমার বাড়ী এসে তোমার খোসামোদ করি !

—আচ্ছা, হামারা আদমিকো আনে দেও । ও আনেসে হাম্ উস্কো বোলোগা ।

*

*

*

সন্ধ্যাবেলা যখন অন্ধকার এসে পথ ঘাট ছায়ায় মুড়ে দিয়েচে, তখন হেমাঙ্গিনী নয়নকে কিছু না ব'লে আবার একবার বুদ্ধুর বাড়ী এল ।

বুদ্ধু তার 'বহু'র কাছে সব শুনেছিল ; কাজেই হেমাঙ্গিনী আসতেই বললে : আচ্ছা, কাল ফজিলমে হামারা সাথ কলমে চলো । স্নাত নইয়র তাঁত ঘরমে একঠো মরদানিকো দরকার আছে । হাম সাহেবকো বোলকে ছ'য়া বাহাল কর্ দেগা ।

তখন ভোর পাঁচটা । শীতের রাত । তখনও কাক কোকিল উঠে উষার আগমনের সংবাদ পৃথিবীতে ঘোষণা কর্তে আরম্ভ করে নি । অন্ধকার তখনও লাইনের পথে ওত পেতে বসে আছে । এমন সময়ে চটকলের প্রথম দাশী বাজলো, আর লাইনের প্রত্যেক ঘরে উসখুস শব্দ আরম্ভ হয়ে গেল । সকল মজুর, মিস্ত্রি, মজুরনী উঠে আন্তঃকৃত্য সেরে প্রস্তুত হ'তে লাগলো কাজে যাবার অঁতে ।

মিত্রির মেয়ে

হেমাজিনীর সমস্ত রাত ভাল ক'রে ঘুম হয়নি। তার মনে কেবলই আশঙ্কা জাগছিল, পাছে তার ঘুম ভাঙতে দেরি হয়। যখন প্রথম বাঁশীটা শীতের রাতের বুক চিরে তার কানে এসে পড়লো, তখন হেমাজিনী তার গায়ের কাঁথাখানি পা দিয়ে সরিয়ে ফেলে উঠে দাঁড়াল। তার ছোট মেয়ে তার কাছে ঘুমুচ্ছিল, তাকে ভাল করে চাপা দিল। সে তখন ঘুমুচ্ছিল; হেমাজিনী একবার শুধু তার পানে চাইলো। তারপর একটা দীর্ঘ নিঃশ্বাস ফেলে চৌকিখানার দিকে তাকালো।

এই চৌকিতে আগে শুতো তার স্বামী; এখন শোয় নয়ন। আজও সে শুয়েছিল। যখন হেমাজিনী উঠলো, তখন নয়ন বেশ স্বচ্ছন্দে নিদ্রা যাচ্ছিল।

হেমাজিনী মনে মনে তার ওপর ছোট মেয়ের ভার দিয়ে, আপনার পুরানো কাপড়খানি ভাল করে জড়িয়ে ঘর থেকে বেরিয়ে পড়লো। অন্ধকারে অন্ধকারেই সে এলো বুদ্ধুর বাড়ীতে। তখন তাদের বাড়ীর বাহিরের দরজা বন্দ। হেমাজিনী টিনের দরজায় করাঘাত করলো।

ভেতর থেকে বুদ্ধু জিজ্ঞাসা করলে : কোন্ হায় ?

বাঙ্গালী রমণীর মৃদুকণ্ঠে হেমাজিনী উত্তর দিল : আমি।

বুদ্ধু বললে : ও ! এসেছো ? আচ্ছা হামবি তৈয়ার হয়। যাতা হায়।

একটু পরেই বুদ্ধু একটা ডিবের লণ্ঠন হাতে নিয়ে বেরিয়ে এল। হেমাজিনীকে বললে : আও হামরা সাথ।

অল্প সময় হ'লে হেমাজিনী এই অন্ধকারাচ্ছন্ন শীতের ভোরে, প্রায়

নির্জন পথ দিয়ে, একজন মেড়ো পরপুরুষের সঙ্গে কোথায়ও যেতো কিনা সন্দেহ। কিন্তু আজ তার মাথায় ঘোমটার বালাইও নাই, মনে অনৌচিত্যের রেখাপাতও নাই। অভাব তার লজ্জাকে গলা টিপে তাড়িয়ে দিয়েছে, প্রয়োজন তার মনে সাহসের অঙ্কুর রোপণ করেছে।

(১২)

ছোট বোন কাঙ্গলের চিংকারে নয়নের ঘুম ভেঙে গেল। সে উঠে দেখে, ঘরে মা নেই, কাঙ্গল মা'কে না পেয়ে পরিত্রাহি চিংকার কচ্ছে।

নয়ন বিস্মিত হ'ল মাকে না দেখে। রোজই ত মা এসময় ঘরে থাকে, আজ গেল কোথায়? ভাবলে, বোধ হয় কোনও দরকার সারতে বাইরে গেছে। নয়ন উঠে কাঙ্গলকে ভুলাতে লাগলো, কিন্তু সে কিছুতেই গামে না!

অনেকক্ষণ কাটলো, তবু মা এলো না। তখন নয়নের মনে সন্দেহ হ'ল। সে উঠে বাড়ীর চারিদিকে খুঁজলো, কিন্তু মায়ের কোনও সন্ধান পে'ল না।

কাঙ্গল চিংকার কচ্ছে, কাজেই তাকে কিছু খাবার দিতেই হবে। ঘরের চারিদিকে খুঁজে দেখলো, মা কিছু রেখে গেছে কিনা! নয়নের নজরে পড়লো, ঘরের এককোণে একটা বাটিতে ঢাকা কি রয়েছে। নয়ন ঢাকা খুলে দেখলে, বাটিতে কতকগুলো পাস্তাভাত জলে পড়ে স্বাবুড়ু খাচ্ছে। নয়ন পাস্তাভাতগুলি নিংড়ে, কাঙ্গলকে খেতে দিল।

মিস্ত্রির মেয়ে

কাজল খানিকটা চূপ করলে বটে, কিন্তু তারপরে মা'র জন্তে আবার গলা ফাটাতে শুরু করলে। অগত্যা নয়ন তাকে কোলে নিয়ে, ঘরের শিকল টেনে, মায়ের সন্ধানে বাইরে বেরুলো।

লছমনের ঘরের দরজায় গিয়ে দেখে, দরজা বন্দ। তাহ'লে সে কাজে গেছে। সেখান থেকে ফিরলো।

কোথায় যাবে? গেল বুদ্ধদের বাড়ী।

—ও বউ, মা কোথায় বলতে পার?

বুদ্ধুর বউ বললে: আরে তেরি মায়ি কল্‌মে গিয়া নকরিকো ওয়াস্তে। তোম্‌ জানতা নেহি?

—কই না। আমার তো কিছু বলে যারনি!

—কুচ্‌ নেহি বোলা? এতো বড়া তাজ্‌ব হ্যায়।

—তুমি ঠিক জানো?

—হাঁ, হাঁ, এইতো হামারা আদমিকো সাথ্‌ একদম ভোর রাতমে গিয়া।

—দেখ দিকিন্‌ একবার কাণ্ড! আমি এখন কাজলকে কেমন ক'রে রাখি!

নয়ন গজর গজর করতে করতে বাড়িতে ফিরলো। কিন্তু কাজলকে রাখা হল এক দায়। সে তখনও মাকে না পেয়ে নয়নের কাণ ঝালপালা করতে লাগলো।

কি বিপদ! মা এমন একটা পয়সাও দিয়ে যায় নি, যে কাজলকে কিছু খাবার কিনে এনে দেবে! অথচ খাবার না দিলে সে এক মুহূর্ত্ত চূপ করবে, এমন বলেও মনে হয় না।

মিস্ত্রির মেয়ে

বেলা ন'টা বাজলো, দশটা বাজলো। কাজলের ভাত খাবার সময় হ'ল। অথচ ঘরে না আছে এক মুঠো চাল, না আছে হাতে একটা পয়সা। নয়ন ব্যতিব্যস্ত হয়ে উঠলো।

কাজলকে আবার কোলে নিয়ে সে পায়ে পায়ে গেল হরি দোকানীর খাবারের দোকানে। সেখানে গিয়ে বললে : ও দোকানী কাকা ? এক পয়সার মুড়ি মুড়কী দাও না ! পয়সাটা বিকলে দেবো।

হরি দোকানী বাঙ্গালী। খুব সাবধানী লোক। লাইনের মধ্যে দোকান ক'রে সে খায়। কারুব কাছে কিছু ধার পড়লে সেটা যতক্ষণ না আদায় হয়, আর তাকে ধার দেয় না। নয়নকে দেখে বললে : তোমার মায়ের কাছে আমি সাতটা পয়সা পাবো, সেটা আগে আনো, তবে ধার দিচ্ছি।

নয়নের আত্মাভিমানের একটু ঘা পড়লো। সে বললে : ওঃ ! সাতটা পয়সাতো ভারি পয়সা ! আমি বিকলে দিয়ে যাব'খন।

দোকানী নিষ্ঠুর ভাবে উত্তর দিল : তবে বিকলেই ধার নিয়ে যেয়ো !

নয়ন এ ব্যর্থ যাত্রাটা সহ্য করতে পারলে না। মুখ বেঁকিয়ে দোকান থেকে হটে এলো।

কিন্তু কাজলতো থামে না ! তখন সে কাজলের গালে দিল এক চড় বসিয়ে। মেয়েটা রাস্তার মাঝখানেই হাট বসিয়ে দিল। তখন নয়ন সেটাকে টানতে টানতে নিয়ে গেল আবার, কালু দোকানীর তৈলে-ভাজার দোকানে।

কালু হিন্দুস্থানী। লছমনের দোস্তু। সে নয়নকে চিনতো, এবং

মিস্ত্রির মেয়ে

কিছু কিছু খাতিরও করতে। লছমন নয়নের কথা তাকে কিছু কিছু ইঙ্গিত দিয়েছিল।

—ও দোকানি ? আমায় এক পয়সার কচুরি খার দিতে পার ?

—আচ্ছা লে যাও। লেকেন এ পয়সা শোধ দেগা কোন্ ? লছমন দেগা, না তোম্ দেগা ?

নয়ন জোর গলায় বললে : হাম দেগা। লছমন আবার কে ?

কথাটা শুনে কালু আশ্চর্য হয়ে গেল। খানিকক্ষণ নয়নের দিকে তাকিয়ে রইলো, তারপর এক পয়সার কচুরি হাতে তুলে দিল। একটা ঠাট্টা করবে ভেবেছিল, কিন্তু করতে পারলে না।

কালুর দোকানের সম্মুখভাগে একখানা পেতলের থালায় তেলে-ভাজা চানা বিক্রির জন্তু সাজানো থাকতো। নয়নের নজর পড়লো তার ওপর। সকাল থেকে দাঁতে কুটো করেনি, কাজেই তার পেট জ্বলে উঠলো চানা দেখে। সে কাজলের হাতে কচুরি দিয়ে বাসায় ফেরবার জন্তু মুখ ফিরিয়েছিল, কিন্তু পুনরায় ফিরে দাঁড়ালো। দোকানীকে বললে : এক পয়সার ছোলাসেদ্ধও আমাকে দাও দোকানী।

একটা শালপাতার ঠোঙ্গায় চানা দিতে দিতে দোকানী সাহস করে জিজ্ঞাসা করলো : আচ্ছা, তোমারা সাথ্ কি লছমনকো সাদি নেহি হোগা ?

দূর মিন্সে ! বাঙ্গালীর সঙ্গে হিন্দুস্থানীর বিয়ে হয় ? বেশ রাগের ওপরই নয়ন এই উত্তরটা দিল।

দোকানী না দমে বললে : আবে, দিল্ মে হোগা ত সব হোগা !

নয়ন সেখানে হয়তো আর একটু দাঁড়াতো, কিন্তু আর দাঁড়াল না।

কাজলকে কোলে নিয়ে দিল ছুট। তার মনের মধ্যে একটা অপমানের শেল বিঁধলো।

বাড়ীতে এসে আবার কাজলকে রাখা দায় হ'ল। যতক্ষণ হাতে কচুরি ছিল, ততক্ষণ সে চুপ করেছিল; কিন্তু সেখানা ফুরিয়ে যেতেই খানিক পরে আবার আরম্ভ হ'ল ঘ্যান্-ঘ্যানানি।

নয়ন হাঁড়ি কলসী নেড়ে চেড়ে দেখলে, কোথায়ও একমুঠো চাল পড়ে নেই। সে রাগ করে পা ছড়িয়ে বসে রইলো; ওদিকে কাজল 'ভাত ভাত' করে দিগন্ত মাথায় কর্তে লাগলো।

কি বিপদেই পড়লো নয়ন। প্রতিজ্ঞা করলে, মা এলেই আর তাকে কাজে যেতে দেবে না। কিন্তু, তাদের পেট চলবে কি করে?

আচ্ছা, লছমনের যদি এত সখ, তবে সে আমাদের টাকা দেয় না কেন?

না দিক গে! আমরা নিজেরাই গতির খাটিয়ে খাবো! তা বলে মেড়োকে বিয়ে করে কেন পাঁচজনের কাছে খেলো হতে যাব?

আচ্ছা, মেড়োকে বিয়ে করলে, দোষ কি? সমাজ? আমাদের এখানে সমাজ কৈ? আমরা কি দেশে বাস করি, যে সমাজের ভয় করি?

লছমন ছোঁড়া দেখতে মন্দ নয়! আর বেশ আত্মসে আছে। বিয়ে করলে আর কিছু হোক না হোক পেটের ভাবনাটা অনেকটা কমে! মা কি রাজি হবে?

এই রকম কত ভাবনাই নয়নের মনে আসছিল। এমন সময়ে লের ভোঁ বাজলো বারোটোর। কলে, খাবার ছুটি হ'ল।

মিস্ত্রির মেয়ে

একটু পরেই হেমাঙ্গিনী আপনার সমস্ত অঙ্গপ্রত্যঙ্গ ও পরিধেয় বস্ত্র-খানি আগাগোড়া পাটের ফেসোর আবৃত করে, ভূতের মত সেজে, এসে উপস্থিত। মুখখানা তার হয়ে গেছে যেমনি কালো, তেমনি ধুলোয় পরিপূর্ণ। চুলগুলো যেন একবেলাব মধ্যে হায়ে গেছে অর্ধেক পাকা। নখন তাকে চিনতে পারলে অতি কষ্টে।

হেমাঙ্গিনী এসে কাজলকে কাঁদতে দেখে তাড়াতাড়ি তার কাছে ছুটে গিয়ে, তাকে কোলে নিয়ে বললে : কাঁদচিস্ কেন মা ? এই যে আমি এসেছি।

কাজল কিছুতেই তাব কোলে থাকবে না। বললে : মা কোথায় ? তুমি মা নও।

হেমাঙ্গিনী ভুলিয়ে বললে : না, আমিই মা। এই দেখনা আমার দিকে চেয়ে। আমায় চিনতে পাবছিস্ নে ?

কাজল কাঁদতে কাঁদতে একবার তার মুখের দিকে তাকালো। কিন্তু বললে : না, না, তুমি মা নও। তুমি ভূত।

—ভূত কিরে ? আচ্ছা, এইবাব দেখ দিকি।

হেমাঙ্গিনী তখন আপনার মুখখানা ও মাথা থেকে পাটের ফেসো-গুলো সব ঝেড়ে ফেললে ; খানিকটা জল নিয়ে চোখ নাক মুখ ধুয়ে পরিষ্কার করলে। তখন কাজলের মুখে হাঁসি এলো। সে মায়ের গলা জড়িয়ে ধরে বললে : তুই সকাল থেকে কোথায় গিছিলি মা ? তুই কেন ভূত সাজলি ? গান গাইতে গিছিলি বুঝি ?

—গান গাইতেই গিছলুম বটে। আমি যে রামযাত্রা করতে গিছলুম আমি যে অশোক বনের সীতা !

মিস্ত্রির মেয়ে

মেয়ে বললে : না তুই সীতা নয়, তুই মা। তুই আর যেতে পার্বিনে।

হেমাঙ্গিনী মেয়েকে ভুলিয়ে ভাড়াভাড়া নাওয়া খাওয়া সেয়ে নিল। কিন্তু তার আগেই কলের বাঁশী বেজে গেল। আবার কাজে যেতে হবে! কিন্তু কাজল তাকে ধরে বায়না ধরলে। সে কিছুতেই তাকে যেতে দেবে না।

—লক্ষীটি, সোণাটি, আমাকে ছেড়ে দাও মাণিক! কাজে না গেলে, টাকা আসবে কোথা থেকে? টাকা না হ'লে তোর খাবার মিলবে কি করে?

কিন্তু ভবী ভোলবার নয়। এত অর্থ-নৈতিক তত্ত্ব শুনেও কাজল হেমাঙ্গিনীকে আঁকড়ে ধরে বললে : না, আমি তোকে যেতে দেবো না। আমি তাকা তাইনে।

—টাকা চাইনে কি রে? টাকা চাইনে কি বলতে আছে?!

কিন্তু কাজল নে নীতির প্রতিবাদ করে বললে : হ্যাঁ, বলতে আঁতে। আমি কথখনো দেতে দেবো না।

হেমাঙ্গিনী নয়নতারার দিকে ফিরে বললে : নয়ন, তুই জোর করে ওকে একটু ধর। কলের বাঁশী বেজে গেল। এখুনি না গেলে হয়তো রোজ কাটবে।

নয়ন মাথা নেড়ে বললে : বাবা, তোমার মেয়ে সমস্ত সকালটা আমায় যে ভোগান ভুগিয়েছে, আমি আর ওকে রাখতে পারবো না।

হেমাঙ্গিনী রুট্ট হয়ে বললে : পার্বিনে তো নগর চপর চমবে কি র? তোর বাপ যে দাঁতে কুটো কাটতে রেখে যায় নি।

মিস্ত্রির মেয়ে

নয়ন এসব না বুঝে বললে : তা আমি জানিনে। তুমি এই এখন কলে চললে, আর আসবে সেই সন্ধ্যা হয়ে গেলে ! এতক্ষণ তোমার মেয়েকে রাখবে কে ?

হেমাদিনী অতিষ্ঠ হয়ে বললে : ওরে নয়না, তোর ব্যাগ্গাতা কচ্চি, ওকে একটু ধর। নইলে কাল থেকে হাঁড়ি বন্দ হবে।

হোক্গে, বলে নয়ন আর কোনও কথা না শুনে ফর্কে বাড়ী থেকে বেরিয়ে গেল।

হেমাদিনী পড়লো বিপত্তিতে। আজ থেকে সবে সে চাকরিতে বাহাল হয়েছে। রোজ পাবে পাঁচ আনা। এরই উপর আশা করে সে বাঙ্গালী মেয়ের লজ্জা ভয় সম্বন্ধ পরিত্যাগ করে, পাটের কলে কাজ করতে আরম্ভ করেছে। নইলে, তার দুটি মেয়ে আর নিজে যে অনাহারে মরে !

কিন্তু কোলের মেয়ে কাজল যে তার কাল হলো। সে যে সেই মায়ের কোলে উঠে বসেছে, কিছুতেই নামবে না। বড় মেয়ে নয়নতারা সেয়ানা হয়েছে, কিন্তু মা'কে জ্বল করে বাড়ী থেকে বেরুলো। হেমাদিনী কেমন করে কাজে যায় ?

মেয়েকে নিয়ে কলে যাবে ? তা কি হয় ? সেখানে বড় বড় চাকা ঘুরচে, নলি ছট্কে ছট্কে মানুষের গায়ে লাগবে, সেখানে কি ছোট মেয়েকে নিয়ে যাওয়া যায় ? আর কলের সন্দাররা ছোট মেয়েকে কলের ভিতর নিয়ে যেতে দেবেই বা কেন ?

কোনও উপায় না করতে পেরে, হেমাদিনী সেখানে বসেই রইলো সমস্ত অপরাহ্নটা। চট কলে কাজ করা আর তার হ'ল না।

সন্ধ্যাবেলায় নয়নতারা ফিরে এসে মা'কে বললে : মা, বড় খিদে পেয়েছে। কি খাব ?

কি আবার খাবি ! ঐ উমুনে পাশ আছে, তাই খেগে যা !

জবাব শুনে নয়নতারারও বড় রাগ হল। সে মুখখানা ভারি ক'রে চৌকিখানার উপর গিয়ে শুয়ে পড়লো।

কিন্তু কতক্ষণ শোবে ? পেট যে কথা শুনতে চায় না। সে যত অভিমান করতে লাগলো, পেটের ক্ষুধাও ততো বাড়তে লাগলো। শেষে এমন হল যে, সে অভিমানকে মনের মধ্যে চাপা দিয়ে বাড়ীর বাহির হয়ে গেল।

বুদ্ধু সবে কল থেকে এসে মুখ হাত পা ধুয়ে বসেছে, এমন সময়ে হঠাৎ তাদের আগড়টা কে খুললে।

‘কোন্ ছায় ?’ বুদ্ধু খপর নিল।

—আমি, জ্যেঠামশাই।

‘কে, লয়ন ? কিয়া চাস্ রে ?’

আমাদের চার গণ্ডা পরসা আজ ধার দাও। আজ বাড়ীতে হাঁড়ি চড়ে নি। সমস্ত দিন কিছু খাইনি।

‘হামলোক আর কেতো ধার দেবো বল্। কেতো চারগণ্ডা পরসা যে তোয় মা ধার বলে লে গেলো. সে কি শুখলো ? হিলাব করলে পাঁচ রুপিয়ারকো কম্ভি নেহি।’

মিস্ত্রির মেয়ে

কথা শুনে নয়নতারার বড় অপমান বোধ হ'ল। সে যেখানে দাঁড়িয়েছিল, সেই খানেই চুপটি ক'রে দাঁড়িয়ে রইলো।

বুদ্ধ আরও বলতে লাগলো : তেরা মায়িকো হাম একঠো চাকরিমে লাগায় দিয়া,—ও এত্না অজবুক হ্যায় যে, বিকালমে চাকরিমে নেহি গিয়া। ও ক্যাইসে হামলোককো ধার শোধ দেগা ?

নয়নতারা তবু কথা কইলো না। তার মনে হতে লাগলো, এই বুড়ো হিন্দুস্থানীটা তাকে জবাই কচ্ছে। বুদ্ধ গলাটা আর একটু জোর করে জিজ্ঞাসা করলে : কি রে ? তেরা মা'রি আজ কামমে ক্যাহে নেহি গিয়া ?

নয়নের কান্না আসছিল। সে তবু গলাটা কোনও রকমে সাফ করে উত্তর দিলে : কাজলা যে বড় কাঁদতে লাগলো, তাই মা যেতে পারলো না।

যেতে পারলো না তো কি খাবে ? রুপেয়া কাঁহাসে আসবে ?
.....তেরি মা'কো বল্গে, উস্কো নকরি ছুট্ গিয়া।

আচ্ছা, বলে নয়নতারা ফিরলো। আর চারগুণ্ডা পয়সার জন্তে বুদ্ধকে জানালে না।

কিন্তু বড় খিদে পেয়েছে যে, কোথায় যায় ?

লছমনের বাসায় গিরে কড়া নাড়লে ! লছমন তখন কাজ থেকে ফিরে, খানকতক রুটি বানাবার জন্তে সবে আটার জল দিয়ে মাথতে বসেছে, এমন সময়ে নয়ন সেখানে গিয়ে হাঙ্গির। সে সম্ভাষণ করলে : কি হয়, লছমন ?

এই দেখোনা নয়ন ! কেত্না মেহনত করনে হোতা। কনসে

মিস্ত্রির মেয়ে

আয়া ; কাঁহা একঠো ছুকরি রহেগা, হামারা রোটি টোটি বানায় দেগা, হাম মজাসে খায়েগা, না আপনা হাতমে সব বানানে হোতা ।

এত দুঃখ কেন, তার চেয়ে একটা বিয়ে করে না ! দেশে যাও, একটা ভাল দেখে দেশওয়ালী ছুকরি বিয়ে করে আনো ।

না, দেশওয়ালী বিয়ে করো না । তুমি যদি দয়া কবো,—

ব'লে লছমন প্রীতিমাখা মুখে নয়নের দিকে তাকালো । নয়ন লজ্জায় আপনার মুখখানা ফিরিয়ে বললে : দূর ছোঁড়া !

লছমন তবু বলতে লাগলো : কেন নয়ন, হামাকে কি দেখতে খারাপ ?

নয়ন নিলজ্জের মত উত্তর দিল : দেখতে খারাপ কেন ? তুমি হলে মেড়ো, আর আমি হলুম বাঙালী । এ দু'জনে কি বিয়ে হয় ?

লছমন তখনই তীক্ষ্ণভাবে প্রতিবাদ তুলে বললে : আরে, আমি মেড়ো আবার কোথায় ? আমি বাঙালীর মত কথা কই, বাঙালীর মতো কাপড় পরি, সার্ট কোট গায়ে দেই, সাবাং মাথি, মাথায় লম্বা টেরি কাটি,—তবু আমি মেড়ো ! না নয়ন, তুমি আর যা বলো, হামাকে মেড়ো বলে ডেকো না ।

লছমনের কথা শুনতে শুনতে নয়ন মুখে আঁচল চাপা দিয়ে একটু হেঁসে নিল । পরে বললে : আমার জন্তে তুমি তোমার জাত বংশ সব ছেড়ে দেবে ? তোমার দেশ-ওয়ালারা যে তোমার একঘরে করবে ?

লছমন ছোর গলায় বললে : তা করুক । আমি তো আর দেশে যাবো না । তোমার যদি পাই, আমি এই খেনেই ঘর বাড়ী করো । হামায় সাদি করবে না নয়ন ?

মিস্ত্রির মেয়ে

নয়ন দেখলে, এ সময় যদি সে অস্বীকার করে, তাহ'লে তার উদ্দেশ্য সিক্ত হয় না। সে বললে : আচ্ছা, সে তখন দেখা যাবে। এখন, আমার একটা উপকার করো দেখি লছমন !

— কি বলো। তোমার জন্তে আমি প্রাণ দিতে পারি।

— প্রাণ এখন চাইনে। এখন আমার ছুটো টাকা ধার দাও। আমরা আজ সমস্ত দিন খাইনি।

— 'বলো কি নয়ন ? হামাকে আগে বলো নি কেন ?' বলেই লছমন তড়াক করে উঠে তার তোরঙ্গ থেকে ছুটো টাকা বার করে নয়নকে দিতে গেল। নয়ন হাত পেতে নিয়ে যাবার উদ্যোগ করলে।

লছমন স্নমুখে দাঁড়িয়ে তার গাল দুটি আচম্বিতে টিপে দিয়ে বললে : তা হবে না। তোমাকে এখনই আমি যেতে দেবো না।

নয়ন মুখখানা জোর ক'রে সরিয়ে নিয়ে বললে : দূর হ' ছোঁড়া ! এখন কি আমার পিরিত কর্বার সময় ? বলে, পেটে আশুণ জ্বলচে !

লছমন অপ্রস্তুত হয়ে বললে : আচ্ছা, হামি রোটি বানাচ্ছি. তোম যেতনা পারো, খা লেও।

— হাঁ, আমি তোমার ওই মেড়োর রুটি খাই ! বাঙ্গালী কি তোমাদের রুটি খেতে পারে ?

বলতে বলতে ফরকে চলে গেল নয়নতারা। লছমন পেছন থেকে অনেকবার ডাকলো, কিন্তু সে আর উত্তর দিল না।

লছমনের মনটা বড়ই খারাপ হয়ে গেল। রোটি বানাতে আর তার হাত ঐশুলো না। সে কিসের স্বপ্ন দেখতে দেখতে তার মলিন শস্যার উপর এসে ওয়ে পড়লো।

(১৩)

দেখ নবনা! ফের যদি তুই ঐ মেড়া ছোঁড়াটার ঘরে একা একা
যাবি তাহ'লে তোরই একদিন কি আগারই একদিন!

কেন, তাতে হয়েছে কি?

হয়েছে কি? যেন কিছু জানেন না! নেকি! কোন্ ভদ্র লোকের
-সোমথ মেয়ে—একটা উটকো মেড়োর ঘরে একা একা যায়?

তুমি শুধু শুধু বকোনা বলচি। কবে আবার আমি তার ঘরে
একা গেলুম?

গেলিনে? কাল সন্ধ্য বেলা যাস নি?

মেয়ে উত্তর দিল : কাল সন্ধ্যা বেলায় গিছলুম বলে তবে তো নপর
চপব চলচে! ছটো টাকা আসতো কোথা থেকে?

হেমাদ্রিনী আরও জ্বলে উঠে বললে : মুখে আশুগ টাকায়! ~~অমন~~
টাকার চেয়ে সাতজন না খেয়ে থাকা ভাল। আমি বরং উপোস করে
থাকবো, তবু তোর ঐ টাকা—চাইনে।.....বলো কি, কি ঘেন্নার কথা!
বুড়ুর বউ আমায় বলে কিনা, কাল সন্ধ্য বেলা তোমার মেয়ে লছমনের
ঘরে কি কর্তে গিয়েছিল? মুখে আশুগ, মুখে আশুগ! পাড়ার চিটি-
কার পড়বার যোগাড় হয়েছে!

মায়ের কথা শুনে নরনতারা ধেম উঠলো! তবু দোষ কাটাবার জন্তে
সে চট করে বললে : তুমি বললে না কেন, ঘরে পরসো ছিল না, তাই
ছটো টাকা ধার কর্তে গিয়েছিল।

মিস্ত্রির মেয়ে

মা উত্তর দিল : তা কি আর বলিনি ? তবু কে সে কথা বিশ্বাস করে ? পাড়ায় আরও কতো মাগী সে কথা শুনলে ! আবার ঐ নিয়ে না একটা গুলতান পাকায় ! তুমি বাপু আর ওর বাড়ী ভুলেও যেয়ো না !

নয়নতারা বললে : আচ্ছা, আর কখনও যাবো না। কি পাড়া বাবা ! টাকা ধার করতেও কোথাও যাবার যো নেই !

হেমাঙ্গিনী নরম হয়ে বললে : না। সোমথ মেয়ের টাকা ধার করতেও কোথায়ও যেতে নেই !

তবে আমি আজ থেকে দরজায় খিল দিয়ে বাড়ীতে বসে থাকবো।

হেমাঙ্গিনী বললে : তাই থাকিস্। ছ'মুঠো জোটে বাড়ীতে বসে, খাবি ; আর না জোটে, শুথিরে উপোস করে থাকবি। তবু এর ওর তার বাড়ীতে যাবিনে।

নয়নতারার যেমন কথা তেমনি কাজ। সে তখনই তখনই বাহিরের দরজায় খিল দিয়ে এসে ঘরের ভেতর বসলো। হেমাঙ্গিনী পা ছড়িয়ে গোটাকত সজ্জনে পাতা বাছতে লাগলো।

সমস্ত দিন একরকম কাটলো। কাল ছ'টো টাকা ভাঙ্গিয়ে নয়নতারা যে চালগুলো আর কিছু তরকারি এনেছিল, তাই সিদ্ধ করে তাদের উদরের জ্বালা নিবারণ হ'ল। সমস্ত দিন নয়ন বাড়ীতে বসে রইলো, বাহিরে আর বেরুলো না।

লছমন বড় আশায় বুক পেঁধে কল থেকে ভাবতে ভাবতে আসছে যে, নয়নতারা আজও তার বাসায় ঠিক আসবে, কিন্তু ঘরে ফিরে প্রতীক্ষা করেও সে যখন নয়নতারার সাড়া শব্দ পেল না, তখন তার

মনটা বড়ই চঞ্চল হ'ল। সে আর থাকতে না পেরে নয়নতারাদের বাসার দিকে গিয়ে তাদের দরজায় কড়া নাড়লো।

ভেতর থেকে হেমাঙ্গিনী জিজ্ঞাসা করলো 'কে কড়া নাড়ে ?'

আমি লছমন !

কি চাও ?

লছমন ঢোক গিলতে গিলতে, খাবি খেতে খেতে বললে : জিজ্ঞাসা করতে এসেছিলাম যে—যে—আপনাদের আজকে খাওয়া দাওয়া কি হয়েছে ?

হেমাঙ্গিনীর বদলে নয়নতারা উত্তর দিলে, "হয়েছে"।

আব কোনও দিক থেকে কোনও কথা নেই ! লছমন দাঁড়িয়ে দাঁড়িয়ে যখন দেখলে, কেউ দরজা খুললে না, তখন একটা বড় দীর্ঘ নিঃশ্বাস ফেলে আপনার বাসায় ফিরে এলো।

তুই তিনদিন নয়নতারার দেখা নেই। লছমন ভাবতে লাগলো : তার কি হ'ল ? সেদিনকার সেই কাণ্ডে বুঝি রাগ করেছে ? আর তুদিন পরে অতোটা সাহস করলেই হতো !

(১৬)

নয়নতারা অভিমান করে বাড়ীতেই বসে রইলো, কিন্তু হেমাঙ্গিনী পড়লো বড় বিপত্তিতে।

ঘরে চাল নেই, হাতে পরসা নেই, অথচ তিন তিনটে প্রাণী কি করে জীবনযাত্রা নির্বাহ করে ! পাড়ার লোক ধার দিয়ে দিয়ে এগিয়ে

মিস্ত্রির মেয়ে

পড়েছে, হেমাস্ত্রিনী আর তাদের কাছে অপমান সহ্যে পারবে না।
ভিক্ষা? হেমাস্ত্রিনীর মাথা কাটা যেতে লাগলো সে কথা ভাবতে।

অথচ কি উপায়?

কোন উপায়ই না করতে পেরে, শুধু সজিনা শাক সিদ্ধ করে, তাই
খেয়ে, তারা গরু বাছুরের মত তিন দিন কাটালো।

আর হেমাস্ত্রিনী থাকতে পারলে না। আবার বুদ্ধুর কাছে এসে
কঁদে পড়লো।

আমার আবার একটা চাকরি করে দাও।

বুদ্ধু রেগে বললে : যখন চাকরি করে দিলুম, তখন রাখতে পারলে
না! হাম আর চাকরি করে দিতে পারবে না।

এবারে আর চাকরি ছাড়বো না।

তোমকো সাহেব আর চাকরি দেগা নেহি। যো আদমি বাজে
বাজে কামাই করতা হয়, ও লোককো সাহেব কতি আউর কাম
দেগা নেহি।

হেমাস্ত্রিনী আপশোষে বললে : আমি নাক কাণ মলচি, আর
কখনও এমন কাজ করবো না।

তব্বি নকরি হোগা নেই।

আচ্ছা, সাহেব আমার না নেয়, আমার মেয়ের একটা চাকরি
করে দাও।

কে, নয়না? ও কলমে কাম করনে যায়েগা?

হেমাস্ত্রিনী উত্তর দিল : যায়েগা নয় তো আর কি করবে? না
খেতে পেরে আমরা যে মরতে বসেচি।

মিস্ত্রির মেয়ে

বুদ্ধ তখন মাথা নেড়ে বললে : হাঁ, ও করিবে ত উস্কো হাম একঠো নকরি দেনে শকেগা ।

বেশ, তাহলে কাল থেকেই দাও । আর সাহেবকে বলে আগাম কিছু মাইনে দিয়ে দিতে বলো ।

বুদ্ধ আবার গম্ভীর হয়ে বললে : কালসে হোগা নেই । আবি ত কুচ্ কাম খালি নেহি । বব খালি হোগা, তব্ তোমকো খবর দেগা ।

তবু হেমাস্ত্রিনীর বুদ্ধে খানিকটা বল এলো । সে বুদ্ধকে মনে মনে ধন্যবাদ দিয়ে বাসায় ফিরলো ।

কিন্তু শুধু আশায় পেট ভরে না । হেমাস্ত্রিনী তার পরদিন আবার এলো, চাকরি হ'ল কি না খবর নিতে ।

বুদ্ধ মুরুবির মত ভারি হয়ে বললে : আরে সবুর করো । এক রোজমে কভি চাকরি হোতা হয় ?

তার পরেও চার পাঁচ দিন কাটলো । কিন্তু তবু বুদ্ধ একটা চাকরি যোগাড় করে দিতে পারলে না ।

পাঁচ দিনের দিন বুদ্ধ বললে : একঠো নোকরি ত খালি হয় । লেকেন, সর্দার কুচ পান খানেকো মাঙ্তা হয় ।

হেমাস্ত্রিনী বিস্মিত হয়ে বললে : ঘুন্ ? ঘুন্ আমি কোথা থেকে দেবো ? আমার হাতে ত একটি কাণা কড়ি নেই, যে দাঁতে কুটো কাটি ।

বুদ্ধ বললে : দশ রুপেয়া ও আগাম মাঙ্তা হয় । বোল্তা হয়, যো উস্কো দশ রুপেয়া দেগা, উস্কো ও নকরি দেগা ।

হেমাস্ত্রিনী উত্তর করলে : হুয়ার তো আড়াই টাকা মাইনে ! তার জন্তে আবার পান খেতে দিতে হবে ?

মিস্ত্রির মেয়ে

বুদ্ধ, আক্ষেপ করে বললে : কিয়া বোলেগা ? আজকাল দিন ছয়া হয় খারাপ, তা জানো ? হোসেনকা বহু ও কাম মাঙ্তা ছায়, বোলতা ছায় ও দশ রুপেয়া পান খানেকো দেগা ।

হেমাঙ্গিনী ভেবে চিন্তে বললে : সর্দারকে বলোনা যে মাইনে পেলে আমরাও না হয় পান খেতে কিছু দেবো ।

বুদ্ধ, ঘাড় নেড়ে বললে : তা হোবে না । সর্দার আগাম দশ রুপেয়া মাঙ্তা ছায় ।

হেমাঙ্গিনী কপালে হাত চাপড়ে বললে : তাহ'লে বলা, আমাদের চাকরি হবে না ?

ক্যায়সে হোবে ? কুচ্ তবিল বাহার করো, তব্ তো হোবে !

হেমাঙ্গিনীর বড় রাগ হ'ল । একেতো কুলিগিরি কাজ, তার ওপর আবার ঘুসু দিয়ে কাজে ঢুকতে হবে । পোড়া কপাল—চাকরির !

সে রাগের চোটে বুদ্ধকে ছ' কথা শুনিয়া দিয়ে বাসায় ফিরে এলো ।

বাড়ীতে এসে নয়নতারাকে সব কথা খুলে বললে । নয়ন শুনে বললে : ঝাঁটা মারো অমন চাকরির মুখে ! তার চেয়ে চলো আমরা দেশে যাই । সেখানে গিয়ে টেকিতে চাল কুটে আমাদের পেটটা চালিয়ে দেবো ।

তাই চল । এখানে এই অপমানের চেয়ে দেশে না খেয়ে মরা ভাল ।

কিন্তু মনটা স্বস্তি পেল না । দেশের অবস্থাতো হেমাঙ্গিনী জানে । আর সেখানে সর্বস্ব তো তার স্বামী ভাইদের বিলিয়ে দিয়েছে । সেখানে গেলে কি তার ভাস্কর দেওররা যায়গা দেবে ?

ইঠাৎ হেমাঙ্গিনী নয়নকে জিজ্ঞাসা করলো : আচ্ছা, লছমনকে

মিস্ত্রির মেয়ে

বলে দেখলে হয় না? সে যদি একটা চাকরি যোগাড় করে দিতে পারে।

নয়নতাবা উত্তেজিত হয়ে বললে : না, খববদার না! তুমি যদি তাকে বলো মা, তাহলে আমি গঙ্গার জলে উলে মরবো। তুমি না তাব সঙ্গে কথা কইতে অবধি আমায় বারণ করে দিয়েছ ?

মেয়ের অভিমান দেখে হেমাস্ত্রিনী আর কোনও কথা কইলো না।

(১৭)

চটকলেব মজুররা যে সকল লাইনে থাকতো, সেইখানে একটা ঘর নিয়ে ট্রেড ইউনিয়নের (Trade Union) দল আফিস খুলেছিল।

কলেব মধ্যে কাজ করতে করতে যে সকল মজুররা হঠাৎ সাংঘাতিক রকমে আহত হোত, বা জখম পেয়ে একবারেই অকর্মণ্য হয়ে পড়তো, তাদের হয়ে লড়াই করে এই ট্রেড ইউনিয়ন। কলের কঁচাদের কাছ থেকে অনেক খ্যাস্রাত এরা আদায় করে দিয়েছে অনেক গরীব মজুরকে। অনেকের মৃত্যু হলে এরা তাদের বিধবা স্ত্রী ও অনাথ পুত্রকন্তাদের জন্তে অনেক সময় কিছু মোটা অর্থ-সাহায্য আদায় করে দিয়েছে। এ সব খবর লাইনের মজুররা অনেকেই শুনেছিল।

একটা ছোট ঘরে একটা আম কাঠের টেবিল সম্মুখে রেখে একখানা ভাঙ্গা বেঞ্চিতে বসে একজন বাঙ্গালী যুবাপুরুষ বিড়ি টানছিল। তার পরনে ছিল একখানা খদ্দের কাপড় ও গায়ে ছিল একটা ময়লা খদ্দের পাঞ্জাবী।

মিস্ত্রির মেয়ে

কিন্তু খাটুনির দরুণ এরাতো বরাবর মাইনে পেয়েছে।

মাইনে কি পেয়েছে? আপনারা বছরে লাভ করেছেন কোটি টাকা; কিন্তু এই সব মজুররা আর মিস্ত্রিরা মাসে মাসে মাইনে পেয়েছে, কেউ পনেরো, কেউ দশ, কেউ বিশ টাকা। যারা জীবনের সমস্ত রক্ত দিয়ে আপনাদের কোটি টাকা লাভ করিয়েছে, তারা কি পরিবর্তে শুধু ভাত কাপড় পাবার উপযুক্ত? তাদের ভবিষ্যতের জন্তে কি আপনাদের ব্যবস্থা করা উচিত নয়?

সাহেব খানিকটা ভেবে বললেন: তোমার কথা খুব যুক্তির বটে, বাবু! কিন্তু কি করি, আমাদের এ বিষয়ে এখনও তো কোনও ব্যবস্থা হয়নি।

হয়নি বললে তো হবে না সাহেব! আপনাকে এ বিষয়ে একটা সুরিচার করতেই হবে।

সাহেব বললেন: কলের তবিল থেকে আমি টাকাকড়ি কিছু দিতে পারি না। তবে আমি নিজের পকেট থেকে পাঁচ টাকা ঐ বিধবাটিকে দিচ্ছি।

তাতে ওর ক'দিন চলবে সাহেব?

মিস্ত্রির বিধবাকে বলো না, আমাদের কলে চাকরি করুক। কিম্বা যদি ও'র ছেলেপুলে থাকে, তাদের বলো না, কলে কাজ করতে।

বাবুটি হেমাঙ্গিনীর দিকে তাকিয়ে জিজ্ঞাসা করলে: সাহেব কলে চাকরি দিতে চান। আপনার কি সুরিধা হবে?

কি করে হবে বাবা? আমার কোলে একটি তিন বছরের মেয়ে আছে, তাকে বাড়ীতে রেখে আমি তো কলে কাজ করতে আসতে পারি না।

আপনার কোনও ছেলেপুলে থাকে তো সাহেব তাকে চাকরি দিতে পারেন।

ছেলে তো নেই তবে মেয়ে আছে। সাহেব তাকেও যদি কিছু চাকরি দেন, তাহলেও দিন গুজরান হতে পারে।

সাহেব শুনে বললেন : বেশ কথা। তাহলে তাকেই পাঠিয়ে দিও। একটা চাকরি দেবো। আমি সর্দারকে বলে দিচ্ছি, তোমার মেয়ে এলেই তাকে কাজে লাগিয়ে দেওয়া হবে।

সাহেব সঙ্গে সঙ্গেই সর্দারকে ডেকে পাঠালেন। সর্দার এসে সেলাম করতেই তাকে বললেন : সর্দার ? কালি মিস্ত্রি মর গিয়া। উস্কো বহু আউর লেড়কি লোককো খানাপিনা মিলতা নেহি। উস্কো একঠো তাংড়া লেড়কি হায়। উহিকো কুচ কাম দেও। কাম কুচ হায় ?

সর্দার মাথা চুলকোতে চুলকোতে বললে : কাম একঠো হায়। লেকেন আদমি ত একঠো লাগায় দিয়া।

সাহেব প্রভুর মতো হুকুম দিয়ে বললেন : উস্কো ছোড়ায়কে এ নকরিঠো ইস্কো দে দেও।

সাহেবের হুকুম। সর্দার অমত করতে পারলো না! কিন্তু যে মর্দানা পান খানেকো পাঁচ রুপেয়া ছোড়া, এই মুন্হিলে তার কি ব্যবস্থা কর্বে, সর্দার দাঁড়িয়ে তাই ভাবতে লাগলো।

—কিয়া, কুচ গোলমাল হায় ?

—নেহি মাঝ, আপ্ যো বোলা, ঐ হোগা !

(১৮)

নয়নতারার চাকরি হ'ল। সে অনিচ্ছা সহেও রোজ উষাকালে ও দুপুরে কলে যেতে লাগলো। পেটের দায়! লজ্জা সম্বন্ধে সব তার কাছে ভেসে গেল বস্তার জলে কুটোর মত।

ভোরে যখন প্রথম কলের বাঁশী বাজতো, তখন নয়নতারা বিছানা ছেড়ে উঠে কলে যেতে লাগলো। যে দিন সে ঘুমিয়ে পড়তো, সে দিন তার মা ডেকে দিত সময়ে চাকরিতে হাজিরি দিতে।

কাজটা বড় নোংরা। কলে পাটের সূতো লাগান। বন্ বন্ করে চাকাগুলো ঘুরচে, তার স্মুখে: দাঁড়িয়ে ছোটছোট নলিগুলিতে যোগান দেওয়া যে বেশ কঠিন কাজ, নয়নতারার তাতে সন্দেহ রইলোনা। কিন্তু কি করে? আরও তো কতো বাঙ্গালীর মেয়ে ঐ কাজেই করচে।

তাদের সঙ্গে তার বন্ধুত্ব হ'ল। কেউ বা ঘোল বছরের, কেউ বিশ, কেউ পঁচিশ। কারুর সিঁথিতে সিঁদুর আছে, কারুর নাই। যাদের সিঁদুর আছে, তাদের স্বামী কম মাইনে পেতো, কাজেই সংসার চালাতে পারতো না। কাজেই স্ত্রীও চাকরি করতে এসেছে পাট কলে।

যাদের সিঁথিতে সিঁদুর নেই, তাদের কেউ বিধবা, কেউ কুমারী। বাড়ীতে কারুর বুড়া বাপ আছেন, কিন্তু কাজ করতে পারেন না, একেবারেই অথর্ক। ভাই কারুর কারুর আছে, কিন্তু তারা বড় বধাটে; কাজ করতে চায় না,—অথবা হয়তো কাজ করে, কিন্তু রোজগার এত

মিস্ত্রির মেয়ে

কম বে তাদের সংসারের সকল লোকের তাতে পেট ভরে না। এই রকম হতভাগ্যের ইতিহাস কম বেশী সকলের কাছেই পাওয়া যায়। নয়নতারা বুঝলো, সে পৃথিবীতে একাই হতভাগ্য নয়, আরও অনেক আছে। বিধাতার রাজত্বে দারিদ্র্য ও দুঃখ বড় কম অনুপাতে ছড়ান নেই।

এদের দেখে নয়নতারা অনেকটা সান্বনা পেলো। সে তাদের সঙ্গে বেশ মিলে মিশে গেল, এবং নানা কথায় নানা গল্পে মজুণীর জীবন কাটিয়ে দিতে লাগলো।

পাঁচী নলিতে স্তোত্র দিতে দিতে বললে : তোমার নামটি কি ভাই ?
আমার নাম নয়নতারা।

বাঃ ! বেশ নাম। মানুষ আছে ?

মানুষ কথাটার মানে নয়নতারা প্রথমে বুঝলো না, কিন্তু একটু পরেই বুঝলো। বললে : না দিদি, ও সব বালাই কাছে দাঁসতে দিই নে।

পাঁচী নথ নেড়ে বললো : বালাই কি গো ? অমন কথা বলতে আছে ? মেয়ে মানুষের ঐ বালাই-ইতো লক্ষ্মী !

নয়নতারা শুনে অবাক হ'ল। কথাটা যেন তার কাছে বেশ মজার ব'লে ঠেকলো।

পাঁচী আবার খানিকক্ষণ বাদে আরম্ভ করলো : খাটি খুটি সন্ধ্যা বেলায় বাড়ী যাই। তারপর খাওয়া দাওয়া ক'রে বিছানায় শুলে সেই মানুষটা কাছে না থাকলে ঘুম আসে না। এমন ঘুম পাড়াবার মস্তুর জানে ভাই, সে আর তোমাকে কি বলবো ?

কাজ করতে করতে নয়নতারার মুখ লাল হয়ে উঠলো। তারও মনে হতে লাগলো, এটা খুবই সম্ভব।

মিস্ত্রির মেয়ে

আমার মানুষটি আবার আমার খুব পোষ-মানা, বুঝলে নয়নতারা ?
পোষ-মানা ? তুমি কি দিদি, তাহলে পাখী পুষেছো ?

তা ভাই যা বলো। পাখী ছাড়া আর কি ? এমন তোতাপাখীর মত
বচন ঝাড়ে, যে সমস্ত দিনের ছুঁখু একেবারে ভুলিয়ে দেয় !

নয়নতারা একটা নিঃশ্বাস ছাড়লো। বললে : আমাদের রাতে
এমনিই ঘুম এসে যায়, দিদি !

কাছেই ছিল সৌরভী। সে কথায় যোগ দিয়ে বললে : পাঁচী দিদি ত
একটা তোতাপাখী পুষেছে, আমি পুষেছি একটা বাদর ! বুঝলে গো
আমাদের নতুন সই ?

সই উপাধিটা শুনে নয়নতারার আর আমোদ ধরে না। সে হো
হো ক'রে হেসে উঠে বললো : ও আবার কি কথা বলছো তুমি ?

এই বলচি, আমার যে মানুষটি আছে সেটি ভাই পাঁচী দিদির
মানুষটির মত তোতাপাখী নয়। সেটিকে আমি পুষেছি একটা রূপী
বাদর ব'লে।

নয়ন আবার হো হো ক'রে হেসে জিজ্ঞাসা করলো : কেন, বাদর
কেন হ'তে গেল ?

সৌরভী বললো : আর ভাই, কপালের গুণে। মিনষে না জানে
বচন ঝাড়তে, না জানে শিষ দিতে। দিঘরাত বসে বসে থাকেন, আর
আমাকে দেখলেই দাঁত খিচিয়ে কিচির মিচির কর্চেন। পোড়া কপাল !

পাঁচী আর থাকতে পারলে না। সে বললে : পুরুষ মানুষ যদি
অশ্রুয়েস হয়, তা হ'লে সেটা মেয়ে মানুষের দোষ। পুরুষ মানুষকে
মানুষ করে তুলতে হয়, বুঝলি না সৌরভী ?

সৌরভ সটান উত্তর দিল : না বুঝলুম না। আমরা তো পাঠশালার গুরুমশাই নই, যে বাঁদর পিটে মানুষ কর্তে পারবো।

—তবে আর মেয়ে মানুষ হয়ে জন্মেছিস্ কেন ? ফৌস ক'রে উত্তর দিল পাঁচী।

—জন্মেছি কি গুরুমশাইগিরি করতে ?

—হাঁরে হাঁ ! সময়ে হাতে বেত নিয়ে গুরুমশাইগিরিও করতে হয়, আবার সময়ে মেথরাণীর কাজও নিজ হাতে সারতে হয়। বুঝলি লো সৌরভী ?

—কাজ নেই আমার গুরুমশাইগিরিও ক'রে, আর মেথরাণীও সেজে ! তার চেয়ে আমার বাঁদর পোষা ভাল।

—তা হ'লেই ও দাঁতখিঁচুনি মাঝে মাঝে খেতে হবে !

এদের এই সরস বৈঠক আরও খানিকক্ষণ হয়তো চলতে পারতো, কিন্তু সব গোলমাল করে দিল বুড়ো সর্দার এসে। সে একে পুরুষ মানুষ, তাতে লোহার বালা-পরা এক পাঞ্জাবী। মেয়েদের বৈঠক এ ছটোকেই বরদাস্ত কর্তে পারে না।

সে এসে জলদগম্ভীর স্বরে বললো : এ মজুর্নী লোক ? তোম লোক বকর বকর করোগা, না কাম করোগা ? ... তার হাতের বেতটা সে একবার নাড়াও দিল।

সব চুপ। নয়ন ভ্যাঁচাকা খেয়ে আপনার কাজে মন দিল। পাঁচী একবার অশ্রুট স্বরে বললে : যমের বাড়ী যানা মিনষে,—এখেনে, এয়েচেন মদামি করতে !

শিখ-সর্দার হাওয়াতে চাবুক মারতে মারতে কিছুক্ষণ এদিক ওদিক করলে। কোনও মজুর্নাকে চুপ ক'রে দাঁড়িয়ে থাকার জন্তে বকুনি দিলে, কারুকে বা সাহেবের কাছে রিপোর্ট করবে ব'লে শাসালে। তারপর, এদিক ওদিক ক'রে অলু ঘরে চলে গেল।

তখন মজুর্নারা তৃপ্তির নিঃশ্বাস ফেললে। পাঁচী দিদি একটা লুকানো জায়গা থেকে তার কোঁটাটা বার ক'রে, তা থেকে ছ'টো সাজা পান নিয়ে মুখের মধো পুরে দিল। তারপর, কাপড়ের আঁচল থেকে খানিকটা দোক্তার পাতা বার ক'রে, সেটা হাতের তেলোয় গুঁড়িয়ে, মুখটা ওপর দিকে তুলে, প্রকাণ্ড একটা হাঁ ক'রে তার মধো টিপে দিলে। কোঁটাটা আবার বন্ধ ক'রে যথাস্থানে রেখে দিল।

সৌরভী এগিয়ে এসে বললে : কি দিদি, একা একাই পানটা খেলে ? আমাদের দিকে একটা আধ'টা ছুঁড়ে মারলে না ?

—‘পান খাবে ? তা খাওনা।’...ব'লে পাঁচী আবার তার কোঁটা বার করলে। তা থেকে আর একটা পান নিয়ে সৌরভীকে দান-খয়রাত করলে।

নয়নের দিকে তাকিয়ে বললে : কি নয়নতারা ? তুমি একটা খাবে হ্যাকি ?

নয়ন এখানে নতুন কাজে লেগেচে, কাজেই তার লজ্জা হ'ল পান চেয়ে খেতে। সে বললে : না, পান খেয়ে কি হবে ?

মিস্ত্রির মেয়ে

পাঁচী বললে : খেয়ে দেখো, তোমার ভগ্নীপোতের হাতের পান সাজা। তোতাপাখী পান সাজে মন্দ নয় !

নয়ন হেসে বললে : পানটা অবধি তিনি সাজে দেন ? মানুষটি ভাল বলতে হবে তো ?

—আর তুমি ভাই চোখ দিও না। ঐ ও আছে বলে, পাঁচী-দিদি এখনও বেঁচে আছে।...পান সাজা কি বলচো ? আমি এই তো ছ'টা বাজলে তবে বাড়ী যাব ! এর ভেতর তিনি দোকান বাজার করে রাখবেন, কুটনো কুটে, বাটনা বেটে, একেবারে তৈরি হ'য়ে থাকবেন। আমি গেলেই, উলুনে আঙুণটি দিয়ে রাখতে বসবেন। তা বলতে নেই, মানুষটির রান্নার হাতও মন্দ নয়। পাঁচ তরকারি ভাত আমার জন্তে গরম গরম রেখে দিয়ে আনাকে নিজে পরিবেশন কর্কেন। তারপর আমার খাওয়া দাওয়া হ'লে, তবে তিনি ছ'টি পেসাদ পাবেন।

সৌরভী কাছে ছিল। সে বললে : তারপর, তাঁর পা টেপার পাঁচী কেমন দিদি ?

পাঁচী অপ্রস্তুত না হয়ে উত্তর করলে : তা বলতে নেই, সে দিকেও তোতাপাখী খুব ওস্তাদ। মাসের মধ্যে পঁচিশ দিন আমার পা'টি কোলে নিয়ে তুলতে থাকেন।

সৌরভী বললে : এই নইলে পুরুষ মানুষ ! আমার রূপী বাদরটি বড় বদ্ মেজাজের ! যদি বললুম, 'পা'টা একটু টেপোনা গা !' তিনি অমনি ফোস ক'রে উঠলেন ; বলেন : পুরুষ মানুষ কি মেয়ে মানুষের পা টেপে ? আমি বলি, 'তাহ'লে তোমার নেশার পয়সা আর পাবে না !'

মিস্ত্রির মেয়ে

অমনি স্ফুড় স্ফুড় করে ভদ্র লোক এসে আমার পাজোড়া কোলে নিয়ে বসেন !

পাঁচী-দিদি জিজ্ঞাসা করলো : কি নেশা করে ?

সৌরভী উত্তর দিল : না, এমন কিছু খারাপ নেশা নয় ! ঐ, কাছে বুড়োশিবের মন্দির আছে, সেখানে গিয়ে ছিলিম কতক গাঁজা টেনে আসে। তা, সে আর কোন্ পুরুষ মানুষ না খায় ?

—মদ টদ খায় না ?

—হাঁ, মদ খাবে ? পরসী পাবে কোথায় ? সেই আমি যতক্ষণে বার করোঁ, ততক্ষণে তো ? সে দিকে আমি খুব টঙ্ক !

নয়ন তো এ সকল কথা শুনে একেবারে অবাক ! এরা বলে কি ? পুরুষ মানুষ পা টিপে দেয়, আবার বেঁধে থাকায় ? এমন কথা তো সে শোনে নি।

তখনও গল্প চলেচে। সৌরভী বলচে : হাঁ দিদি, তুমি এমন বেলোয়ারি খোঁপা রোজ কখন বসে বসে বাঁধো ?

পাঁচী বললে : আমি নিজে বাঁধবো কখন ভাই ? সেই বেঁধে দেয় ! বাড়ী গেলেই, উনুন ধরাবার আগে আমার চুলগুলো নিয়ে বসে ! কখনও বেলোয়ারি খোঁপা, কখনও মোঁচাক, কখনও কাঁঠালি টাঁপা, কখনও মোহনচূড়া,—এত রকম খোঁপা বাঁধতেও জানে সে ! আবার মুখে বলাটি আছে, 'তোমার মাথায় খোঁপা-বাঁধা থাকলে, এমন সুন্দর দেখায় তোমার,—যেন চোদ বছরের ছুকুরীটি !' আমি আর কি বলবো, মিন্‌সে যা বলে, কাণে শুনে যাই !

∴ সৌরভী রসিকতা করে জিজ্ঞাসা করলে : খোঁপা বেঁধে দিয়ে পায়ের ধুলো নেয় না ?

—দূর পাগলি ! তাকে কি পায়ের ধুলো দিতে পারি ? সে যে আমার গুরু নোক

সৌরভী বললে : তা বটে ! দিদির আমার ধর্ম-জ্ঞানটি আছে !

জান্‌কী কাজ করে একই ঘরে। সে হিন্দুস্থানী। ভাল হিসেব বোঝে না। সে এসে বললে : পাঁচী দিদি, হামারা হিসেবঠো ঠিক করকে দেও তো ভাই।

পাঁচী বললে : কি হিসেব ?

জান্‌কী বললে : ও হপ্তামে হামারা দোদিন কামাই হয়। হামারা মিলা, এক রুপেয়া সাড়ে চৌদ্দ আনা। কেত্না কাট্ লিয়া ভাই ?

পাঁচী বললে : কই, আমার হিসেবের দস্তুরি দে। তবে তো বলবো। হিসেব কি অমনি হয় ?

জান্‌কী একটা পয়সা বার ক'রে পাঁচীর হাতে দিল। পাঁচী অল্পান বদনে পয়সাটা আঁচলে বেঁধে বললে : আচ্ছা দাঁড়া। আমি বাইরে থেকে বিড়িটা খেয়ে আসি।

কলের ভেতর বিড়ি খাবার হুকুম নেই, সে জানতো। কাজেই কোমর থেকে একটা বিড়ি বার করে পাঁচী বাইরে গেল। অনেকটা সময় কাটলো। তারপর ফিরে এসে জান্‌কীকে বললে : বল্‌ তোর কি হিসেব।

পাঁচীর কাণে একটা পোড়া বিড়ি রয়েছে। নয়নের চোখ তার ওপর পড়লো। সে অবাক হয়ে গেল দেখে যে বাঙ্গালী মেয়ে মানুষ বিড়ি খায় ! সে থাকতে না পেরে জিজ্ঞাসা করলো : দিদি, একটা কথা জিগ্মেসা কর্কো ?

মিস্ত্রির মেয়ে

—কি কথা গো নয়নতারা ?

—তুমি মেয়ে মানুষ হয়ে বিড়ি খাও কেন, দিদি ?

পাঁচী দিদি উত্তর দিল : মেয়ে মানুষ তো কি হয়েছে ? মেয়ে মানুষ কি মানুষ নয় ? সারাদিন চটকলে হাড়ভাঙ্গা খাটুনি খাটবো, একটু-আধটু বিড়ি না টানলে থাকি কেমন করে ? তুমিও একদিন থাকবে গো দিদি, তুমিও একদিন থাকবে । এখানে মাসকতক কাজ করো, তখন দেখবে আপনা থেকেই বিড়ি খেতে ইচ্ছে হবে । চটকলে এই গরম, সারাদিন ইঞ্জিন ঘুরচে, মাথার ওপর বড় বড় লোহার চাকাগুলো মমদন্তের মত পাক পাচ্ছে, এখানে থাকলে যে মানুষ পাগল হয়ে যায় ! বিড়ি দোকান খেলে তবু একটু মাথাটা ঠিক থাকে । তাতে দোষ হয়েছে কি ?

দোষ যে কি হয়েছে, সেটা নয়নও ঠিক ধরে উঠতে পারলো না । তবু তার মনে হ'ল, মেয়ে মানুষের এটা না খাওয়াই ভাল । ও সব স্ত্রীনিষ পুরুষের মুখেই শোভা পায় । মেয়েদের মুখে ? ছ্যা !

এটা তার জন্মগত সংস্কার । তবু সে বুঝলো, এ সংস্কারটা তাকেও হয়তো একদিন ভুলতে হবে । এ জায়গার গুণ ! আর সংসর্গেরও হয়তো কিছু ছোঁয়াচে দোষ আছে । তার মনে হ'ল, বোধ হয় এই জন্মেই গেরস্বঘরের মেয়েরা সহজে এখানে কাজ করতে আসতে চায় না । তার আসাটাও বোধ হয় ঠিক হয়নি । কিন্তু সে কি করবে ? সে কি এখানে ইচ্ছে করে এসেচে ? পেটের দায়ে তাকে যে এখানে আসতে হয়েছে ।

পাঁচী দিদি ততক্ষণ মুখে মুখে কড়াগণ্ডার হিসেব ক'রে জানুকীকে

মিস্ত্রির মেয়ে

বুঝিয়ে দিলে যে, সর্দার তার থেকে এক রোজের পরস্য ঠকিয়ে নিয়েচে ।
জান্‌কী শুনে, সর্দারকে খুব গালি পাড়তে লাগলো ।

সৌরভী জান্‌কীর গালি দেওয়া শুনে বললে : তবে আর কি,
তুই যে রকম গালাগালি দিচ্চিস্, সর্দার বাসার গিয়ে মরে পড়ে
থাকবে'খন ।

জান্‌কী বললে : দেখতো ভাই শুঁড়ি, শালা কাইসান্ চোট্টা ছায় !
(জান্‌কী সৌরভীকে সংক্ষেপে শুঁড়ি বলতো) ।

সৌরভী বললে : ও আমরা অনেক দেখেচি । তুই এখন দেখ্ ।

পাঁচী কাজের মধ্যে মুখ ফিরিয়ে সৌরভীকে জিজ্ঞাসা করলো : রোব-
বার ছপুর বেলায় বাড়ী বসে কি করিস ? আমাদের ওখানে তাশ খেলতে
আসতে পারিস নে ?

সৌরভী বললে : কি ক'রে আসবো দিদি ? রুগী বাঁদর যে ছাড়ে
না । সে সমস্ত ছপুর বেলা আমার মাথাটি নিয়ে উকুন বাছবে !

—বলিস কিরে ? তাহ'লেত খুব আরামে আছিস ? আমার তোতা
পাখীর চাইতে ভাল । কি বলো নয়নতারা, সত্যি না ?

নয়নতারা হেসে বললে : আমিতো ও রসে বঞ্চিত দিদি, আমাকে
ওকথা জিজ্ঞেস করে কি উত্তর পাবে ?

পাঁচী বললে : তা বটে ! মাথা নেই, তার মাথা-ব্যথা ! আচ্ছা,
ছঃখ কি, আমরা তোমার একটা ঐ রকম মানুষ ঠিক করে দিচ্চি । তোমার
মা-বাপ আছে ?

নয়ন ছঃখিত ভাবে বললে : বাবা নেই, মা আছেন । বাবা বৈঁকে
থাকলে কি আমাকে এই জায়গায় কাজ করতে আসতে হয় ?

মিস্ত্রির মেয়ে

পাঁচী দিদিও ঝুগটা একটু বিগর্ষ করে বললে : তা সত্যি, মাথার ওপর বাপ কি রোজগেরে ভাতার থাকলে মেয়ে মানুষের আর ভাবনা কি ?

এমন সময়ে কলের ভেঁা বাজলো। ছুটি হয়ে গেল। সকলে বাসায় ফেরবার জন্যে ব্যস্ত হয়ে উঠলো।

(২০)

সে দিন বাসায় ফিরে নয়নতারা রাত্রে মোটে ঘুমোতে পারলে না। যতবার চোখ বোজে, ততবার পাঁচীর কথাগুলো তার মাথার মধ্যে উৎপাত আরম্ভ করে। আচ্ছা, পাঁচীদিদি যা বললে, তা কি সব সত্যি ? সত্যি তার মানুষটি কাছে না থাকলে রাত্রে ঘুম হয় না ? কই, আমার তো সে রকম হয় না ! রোজই ত বেশ ঘুমোই। তবে আজ ঘুম হচ্ছে না কেন কে জানে ?

পাঁচী দিদি জীবনে খুব সুখী। তার মানুষটি নিশ্চয়ই তাকে খুব ভালবাসে। ছ'জনের মনের খুব মিল আছে, তাই তার কথায় মুখে হাসি ধরে না। সারাদিনের খাটুনি পাঁচী দিদি তাকে পেয়ে ভুলে যায়। আহা, এমন সৌভাগ্য ক'টা মেয়েমানুষের হয় ? আমারও তো অনেক দুঃখ ! আমিও যদি ঐ রকম একটি মানুষ পেতুম, হয়তো সব দুঃখই ভুলে যেতাম ! লছমনটা যে হিন্দুস্থানী, নইলে সে বোধ হয় আমার সব দুঃখই ভোলাতে পারতো।

মিস্ত্রির মেয়ে

খানিকক্ষণ বাদে নয়নতারা আবার ভাবতে লাগলো : লছমন তো আমার চায়, আমিই তো তাকে ধরা দিচ্ছি নে। ধরা দিলে বোধ হয় মন্দ হ'ত না! হয়তো পাঁচী দিদির মত সুখী হতে পারতাম!

এ বয়সে একা একা কি থাকাও যায় ছাই? একটা মনের মত সঙ্গী না পেলে, কথা কয়ে জুড়োই কার সঙ্গে? লছমন মন্দ নয়, বেশ কথা কয়। কিন্তু মা'র যে মত নেই।

এই সব চিন্তা নয়নতারাকে সে রাতে বড়ই চঞ্চল করে তুললো। সমস্ত রাত্রেই প্রায় তার ঘুম হ'ল না। চোখে যখন ঘুম জড়িয়ে এল, তখন কলের প্রথম বাঁশী বেজে উঠলো। বাঁশী শুনেই নয়নতারা ধড়ফড়িয়ে উঠলো।

কাপড়খানা গুছিয়ে প'রে, কলে যাবার জেগে নয়নতারা বাসার বাহিরে এসে দেখে, লছমন তার দরজার সম্মুখে লণ্ঠন নিয়ে দাঁড়িয়ে। নয়নকে দেখেই লছমন বললে : নয়ন, আমি তোমার জেগেই দাঁড়িয়ে আছি।

নয়ন কোনও কথা কইলো না, আশু আশু এগিয়ে এলো :
লছমনের কাছে এসে বললে : চলো।

দুজনে কলের দিকে চললো। রাস্তায় মিস্ত্রি মজুর যারা কলে যাচ্ছিল, তারা হয় একটু এগিয়ে, না হয় একটু পেছিয়ে ছিল।

যেতে যেতে লছমন বললে : চুপ করেই যাবে? কিছু কথাবার্তা কও নয়ন!

কি কথা কইবো? নয়ন উদাসীন ভাবে উত্তর দিল।

এই তোমার চাকরির কথা! চাকরি কেমন লাগচে, বড় মেহনত হচ্ছে কিনা, এই সব।

মিস্ত্রির মেয়ে

মেহনত্ তোঁ হচ্ছে, কিন্তু কি কর্বেঁ ?

লছমন একটা ঢোক গিলে বললে : আমি ত বলছি, তোমার চাকরি কর্তে হবে না, আমি তোমার ভাত কাপড়ের খরচ দেবো,—কিন্তু তুমি যে মোটে ঘেস দিচ্ছ না !

নয়ন শুনে কোনও কথা কইলো না, পথ চলতে লাগলো ।

লছমন উত্তর না পেয়ে জিজ্ঞাসা করলে : কোনও জবাব দিলে না যে নয়ন ?

নয়ন কথাটা গায়ে না মেখে বললে : দেখি কতদূর কি হয় ।

—সে তো তুমি অনেক দিন বলছো। অথচ ঠিক জবাব তো একদিনও দাও না !... অথচ তোমার জন্তে আমি তো মরি !

—ও তোমার বাজে কথা ! সত্যি কথা নয় !

সত্যি নয় ? এই তোমার গা ছুঁয়ে বলছি, সত্যি ।

লছমন নয়নের গা ছুঁয়ে শপথ করলো । নয়নতারার সমস্ত শরীরে হঠাৎ কাঁটা দিয়ে উঠলো লছমনের স্পর্শে ।

নয়নতারার যেন মনে হ'ল, মরুভূমির মত শুকনো তার জীবনে হঠাৎ একটা অমৃত ধারার স্রোত সে অনুভব করলো । এতদিন যে অভাবটা তার জীবনকে উদাসীন করে রেখেছিল, আজ এই মুহূর্তে সেটা যেন আপনা থেকেই সরে যাচ্ছে ।

পুরুষের স্পর্শ ! বিশেষ যে পুরুষ তাকে আপনা হতে যেচে সঙ্গী হতে চাইছে, তার স্পর্শ এত মধুর হয় ? এ একটা নূতন অনুভূতি হ'ল নয়নতারার ।

নয়নতারার খানিকক্ষণ কিছু কথা কইতে পারলো না, আপনার মনের

মিস্ত্রির মেয়ে

সঙ্গেই সে বোঝাপড়া করে নিচ্ছিল, কিন্তু যখন লছমন আবার বললে :
নয়ন, তোমাকে দেখতে আমার বড় ভাল লাগে। ইচ্ছে করে দিনরাত
আমি তোমার মুখের দিকে চেয়ে বসে থাকি,—তখন নয়নতারা আবার
চমকে উঠলো একটা নতুন ভঙ্গিতে।

লছমন আরও অনেক কথা বলতে যাচ্ছিল, কিন্তু সন্মুখেই কলের
বড় গেট এসে পড়াতে ওসব কথা একেবারেই বন্দ কর্তে হ'ল।

ছাড়াছাড়ির সময় এলো দেখে নয়নতারা বললে : দেখ লছমন !
আমাদের ঘরের সর্দারটা আমায় বড় জ্বালাতন কচ্ছে ; কি করি বলো
দেখি !

কি বলচে সে সর্দার ?

বলে কি,—তাকে দশটাকা কমিশন দিতে হবে, নইলে সে এখানে
আমাকে টেকতে দেবে না। শুধু তাই নয়। তার চাহনিটাও আমার
যেন কেমন একরকম বলে ঠেকছে।

ঐ বুড়োটা ? ওটা এত বদমায়েস ?

নয়ন বললে : আজকে তো হুপ্তা নেবার দিন ! ও বোধ হয় হুপ্তা
নিয়ে আমার সঙ্গে গোলমাল করবে। বিকেলে তুমি একটু নজর রেখো,
তো, যদি কিছু জোর জবরদস্তি করে !

ইস্ ! জবরদস্তি করবে ? তাহ'লে বেটার মাথা ঢুকাক করে দেবো না ?
আচ্ছা তুমি যাও। আমি বিকেলে হুপ্তা নেবার সময়ে ছ'সিয়ার থাকবো।

কলের দ্বিতীয় বাঁশী বেজে উঠলো। দলে দলে মজুর, মজুর্নী, মিস্ত্রি
দৌড়তে দৌড়তে কলে ঢুকচে। নয়নও আর বিলম্ব কর্তে পারলো না।
ঐ অবধি কথা কয়েই কলের ভেতর ঢুকে গেল।

(২৩)

প্রতি শুক্রবার সন্ধ্যায় হুপ্তা হয়। ঐ সময়ে মজুর মজুর্গী মিস্ত্রি সকলেই গত সপ্তাহের মজুরি পায়। সাধারণতঃ সর্দাররাই টাকা বাটোয়ারা করে দেয়। অফিস থেকে হিসেবপত্র সব হয়ে আসে।

সেদিন শুক্রবার। নয়নতারা যে ঘরে কাজ করতো, সে ঘরের সর্দার সেই শিখ বুড়ো টাকার খলি নিয়ে মজুর্গীদের বিভাগ করে দিতে লাগলো।

অনেকগুলি মজুর্গী জমেছে। সকলেই তাড়া কচ্ছিল, যত শীঘ্র হুপ্তা নিয়ে বাড়ী ফিরতে পারে। নয়নতারা একবার ডেকে সর্দারকে বললে : আমার আজ একটু তাড়া আছে, আমার হুপ্তাটা আগে দিয়ে দাও।

সর্দার কথাটা কাণে তুললো না। সে অপরাপর মজুর্গীদের নাম ধরে ডেকে তাদের পাওনা চুক্তি করে দিতে লাগলো।

সকলে টাকাকড়ি হিসেব করে নিয়ে বাসাপানে ছুটলো। শেষে ডাক পড়লো নয়নের। তখন ঘর একেবারে খালি।

সর্দার নয়নতারার দিকে তাকিয়ে বললে : হামারা কমিশন কো কিয়া হোগা ? তোমারা হুপ্তাসে আজ হাম দো রুপেয়া কাট লেগা। তোমারা হিসাব হোতা হায় তিন রুপেয়া দশ আনা। উসিসে দো রুপেয়া হাম কাটকে লেতা হায়। আউর হুপ্তামে বি ঐসান দো রুপেয়া কাটকে লেগা।

নয়নতারা বললে : আমি তা দিতে পারবো না। আমার বাড়ীতে হাঁড়ি চড়ে না, আমি তোমাকে ছু টাকা কি করে দেবো ?

বুড়ো শিখ সর্দার বললে : ও সব बात হোঁগা নেহি। সব কই দেতা হায়, তোম কাহে নেহি দেগা ?

নয়নতারা বললে : তুমি তো আমার চাকরি করে দাও নি। তবে কেন আমি তোমাকে দশ টাকা কমিশন দেবো ?

শিখ তার প্রকাণ্ড জটা-পাকানো মাথাটা নেড়ে বললে : আরে যো কই তোমারা নকরি কর দিয়া, উস্মে কিয়া ? সর্দার কো দস্তুরি তো জরুর মিলনা চাহি।

নয়ন রেগে গিয়ে বললে : তোমার জোর না কি ? তা হ'লে আমি ছোট সাহেবের কাছে নালিশ করিগে।

বুড়ো সর্দার ভয় পাবার পাত্র নয়। সে বললে : আরে যাও তোম ছোটো সাহেবকো পাশ। ও সব সাহেব লোক হামারা মুঠাকো ভিতর হায়।

নয়ন প্রত্যুত্তরে বললে : আচ্ছা আমি তাহ'লে চলনুম সাহেবের কাছে। আমার হুঁটা তাঁর কাছ থেকেই নেবো।

বলে, পেছন ফিরে নয়ন ঘর হ'তে বেরিয়ে যায়। বুড়ো শিখ কি ভেবে তাকে ফের ডেকে বললে : আরে শুনো শুনো, একঠো রফা করো। আচ্ছা দেখো, এক কাম করো। হাম হামারা দস্তুরি একদম ছোড় দেতা হায়। লেকেন তোম বোলো, হুঁটামে এক রোজ হামারা সাথ স্তুতি করিগা ! (শেষ কথা কয়টা সর্দার একটু চুপিচুপি বললে।)

মিস্ত্রির মেয়ে

তারও সমীহ হ'ল এ প্রস্তাবটা সহজ গলায় বলতে। ব্যভিচার চিরদিনই একটু লাজুক হয় !)

নয়নের মাথার চুল থেকে পায়ের নখ পর্য্যন্ত জলে উঠলো এই কথাতে। সে রেগে লাল হয়ে বুড়োকে বললে : তুমি যদি আমাকে ঐ সব বদ্‌মায়েসি কথা বলো, তাহ'লে আমি তোমার চাকরির মাথা খাবো সাহেবকে ব'লে।

একটা পিশাচের মত বীভৎস হাঁসি বুড়ো হেঁসে উঠলো। বললে : হ্যা—হ্যা—হ্যা—আরে ছুকরি ? তোমারা ত নসীব আচ্ছা হয় ! হামারা মাফিক সর্দার কবি তোমারা পেয়ার হোনে শক্তা ?

—বুড়ো মিনসে ! আজ বাদে কাল গঙ্গার ঘাটে রওনা হবে ! কাকে কি বলতে হয়, তা জানো না ?

—আরে জানতা জানতা ! গোসা হও কাহে পেয়ারী ?

নয়ন মুখ বিকৃত করে বললে : গোসা হব না ? বুড়ো হয়ে মরতে চলেচো, আমাকে ঐ সব কথা ?

বুড়ো শিখ তবু নরম সুরে বললে : আরে, বুড়ো কোন্ আছে ? হাম্ ? হ্যা—হ্যা—হাম্ তোমারা মাফিক দশঠো ছুকরিকো এক রাতমে হামারা পাশ রাখ'নে শক্তা, জানতা হার ?

নয়ন কপালের ওপর ক্র তুলে বললে : সে ঘাদের রাখতে পারো, তাদের রাখতে পারো। আমাকে খবরদার তুমি ও সব কথা বলতে পার্কে না।

—আরে, তোম হামারা দিলমে লাগ গিয়া : ঐ ওয়াস্তে বোলতা হয়। তোম বড়ি খপ্সুরত আছে. আউর কাঁচা উমোর, ঐ ওয়াস্তে

মিস্ত্রির মেয়ে

তোমকো মাংতা হয়। আউর সব মজুর্নী-লোক হামকো পেয়ার কর্তা হয়, লেকেন ও লোক সব বুঢ়ী বন্ গিয়া, উসিসে ও লোককো ভালা লাগতা নেহি। তোম্ আও, গোসা হোতা হয় কাহে ?

নয়ন অধৈর্য্য হয়ে বললে : দেখবি মিনসে ? এখনই চোঁচাবো ?

কিন্তু বুড়ো বিচলিত হ'ল না। সে বললে : আরে, চোঁচাওগে তো কিয়া হোগা ? আবি কলমে তো কই হয় নেহি। সব আদমি তো ছুটি হোকে চলা গিয়া ; সাহেব লোক বি তো আবি ভাগ্ গিয়া।

—তুমি এখনই আমার হপ্তার টাকা দেবে, কি না ?

—আরে দেগা নেহি কাহে ? হাম তো দেনে মাংতা হয়। তোম্ হপ্তা বি লেও, আউর দো চার রুপেয়া লে লেও। লেকেন হামকো দুক্তি করাওকে তো যাযোগে ?

নয়ন এবার আর সহ্য করতে পারলে না। বললে : দাঁড়াতো মিনসে, বাইরে গিয়ে সকলকে ব'লে দিই।

ব'লেই নয়ন ঘর থেকে বেরিয়ে আসবার জন্তে পেছন ফিরে দ্রুতপদে চললো। কিন্তু বুড়ো সর্দার তখনই তার আঁচল ধরে ফেললে।

নয়ন জোর ক'রে তার আঁচলটা টানলে। বুড়োরও রোক চেপে উঠলো। সে জোর করে এগিয়ে নয়নকে গলা জাপটে ধরে, তার গালে সজোরে প্রীতির চিহ্ন দিতে গেল।

নয়ন প্রাণপণে তাকে একটা ঝাপটা মারলে। সর্দার তখন আরও খেপে গিয়ে তার গলা ধরে তাকে মাটিতে শুইয়ে ফেললো। নয়ন যৎপরোনাস্তি শক্তিতে চোঁচিয়ে উঠলো।

বুড়ো নয়নকে শেষ-অপমান করবার জন্তে যেমনি সচেষ্ট হ'ল, অমনি

মিস্ত্রির মেয়ে

হঠাৎ পেছন দিক থেকে একটা লোক ঘরের মধ্যে ঢুকে তাকে অপৰ্যাপ্ত কিল ঘুষি মারতে আরম্ভ করলো। বুড়ো তখন উঠে নূতন আততায়ীকে ধরে তার মাথায় সজোরে এমন একটা ঘুষি মারলে, তখনই তার মাথা ফেটে রক্ত বের হতে আরম্ভ হ'ল। শিখ সর্দারের হাতে ছিল লোহার বালা, তারই আঘাতে মাথাটা খানিকটা ছ'ফাঁক হয়ে গেল।

সাময়িক মুক্তি পেয়েই নয়ন দিল এক ছুট। যে তাকে উদ্ধার করতে এসেছিল, সেও তাকে ছুটতে দেখে, রক্তাক্ত মাথা নিয়ে তার পিছন পিছন দৌড় দিল। নয়নের চীৎকারে পাছে কলের অবশিষ্ট লোকেরা শিখকে দোষী ব'লে সাব্যস্ত করে ফেলে, এই জন্তু সর্দার আর তাদের পশ্চাদ্ধাবন করলে না। আপনার ঘরের মধ্যে থেকেই ভাবতে লাগলো, কাজটার পরিণাম কতদূরে গিয়ে দাঁড়াতে পারে।

(২২)

তখন কল থেকে সব লোকই চলে গেছে। কলের বিস্তৃত প্রাঙ্গণ জনশূন্য এবং ভিতরকার কুঠী থেকে ফটক পর্যন্ত যে বিস্তৃত রাস্তা লহমান ছিল, সেখানেও একটি লোকও বর্তমান ছিল না। ফটকের দরওয়ান পর্যন্ত বিশ্রামের সময় বুঝে গুম্টির ভিতর গিয়ে কুঠি ডালের বন্দোবস্ত করছিল।

নয়ন যখন দৌড় দেয়, কারুরই নজরে পড়লো না। লহমানও যে তার সঙ্গে রক্তাক্ত কলেবরে দৌড় দিচ্ছে, এর জন্তু কারকেই তাকে কৈফিয়ত দিতে হ'ল না।

মিস্ত্রির মেয়ে

বরং ফটক থেকে বেরিয়ে আসার পর পথে ছ' একজন লোক তাকে দেখে সহানুভূতি ক'রে জিজ্ঞাসা করলো : কিয়া হুয়া ভাই ? এত্না খুন কাহে ?

এ সব প্রশ্নের উত্তর দিবার লছমনের তখন শক্তি বা সময় ছিল না। সে শুধু নয়নকে লক্ষ্য করে ছুট দিচ্ছে।

বাসার দরজার কাছে এসে তবে দুজনে থামলো। লছমন তাড়াতাড়ি জিজ্ঞেস করলো : নয়ন ? তোমারা কুছ জখম হুয়া নেহিতো ?

নয়ন হাঁপাতে হাঁপাতে উত্তর দিলে : জখম ? ইস ! হতভাগা মিন্‌সেকে তাহ'লে আশ্ত রাখতুম নাকি ?

এতক্ষণে নয়ন লছমনের দিকে চেয়ে দেখলো। দেখেই সে একেবারে আঁতকে উঠলো।

—এ কি ! লছমন, তোমার গায়ে এত রক্ত কেন ? উঃ ? এ যে রক্ত'র নদী বয়ে যাচ্ছে ? কি সর্বনাশ ! তোমায় বুঝি ভারি মেরেছে !

লছমন সেখানে বসে পড়ে বললো : বেটা মাথায় একটা ঘুঁষি মেরেছে, তাইতেই একদম জখম করে ফেলেছে !

নয়ন তার আঁচল দিয়ে লছমনের গায়ের রক্ত মুছিয়ে দিতে দিতে দেখে, সে যতো মুছিয়ে দিচ্ছে, রক্তও ততো মাথা থেকে গড়িয়ে এসে পড়চে। সে ভয় পেয়ে বললো : কি হবে ? রক্ততো এখনও বন্দ হয় নি। এত রক্ত পড়লে বাঁচবে কেমন করে ?

লছমন যে কেমন ক'রে বাঁচবে, সে প্রশ্নটা তার নিজের মাথায় এতক্ষণ ঠেলে ঝেঁলে নি। কিন্তু নয়ন সে কথাটা বলতে, সে একটু দমে গেল। এতক্ষণ নয়নকে বাঁচাবার উৎসাহে সে একরকম চালিয়ে দিচ্ছিল, কিন্তু

মিস্ত্রির মেয়ে

এবার হঠাৎ তার মনে হ'ল, তার শরীর থেকে অনেকটা রক্তই বেরিয়ে গেছে।

গলার স্বরটা ক্ষীণ হয়ে এল। সেই ক্ষীণ স্বরেই সে বললে : নয়ন, আমার জন্তে ভেবো না। তোমায় যে সে শালা দুঃখমনের হাত থেকে বাঁচিয়ে এনেছি, এই ঢের। হামি...একটু...শুই এখানে।

বলতে বলতেই লছমন শু'লো সেখানে। নয়ন তা দেখে আরও ভয় পেলে।

সে লছমনের মাথায় আঙুল দিয়ে দেখতে লাগলো, জখমটা তার কোথায় আর কতো বড়ো। আঙুলে অনেকটা রক্তই লেগে গেল। চুলের ভেতরে সবটা ক্ষত দেখতে পাওয়া যাচ্ছে না, তবু রক্ত মুছিয়ে যতটা নয়ন বুঝতে পারলে, তাতে বেশ বুঝলো, জখমটা অনেকটা আর এখনও সেখান থেকে ফিন্‌কি দিয়ে রক্ত বেরুচ্ছে।

সে আতঙ্কে বললে : ওরে বাবা! এয়ে অনেকটা কেটে গেছে! এখনও গন্‌ গন্‌ করে রক্ত বেরুচ্ছে।

লছমন চোখ বুজিয়ে বললে : বেটার হাতে যে লোহার বালাটা আছে, উসমেই বহুত কাট গিয়া। যানে দেও! লেকেন ... উঃ! নয়ন? বড়া শির ঘুম্‌চে। আঁখমে সব আন্ধার দেখছি। তোম্ ... ডাগদারশে ...

আর বলতে পারলে না। লছমন প্রায় জ্ঞান হারালো।

নয়ন ফুঁপিয়ে কেঁদে উঠে, তার মা'কে ডাকলে : মা? মা? শীগ্‌গির বাইরে এসো! সব্বনাশ হয়েছে!

টিনের ঘরের ভেতরে হেমাঙ্গিনী রাঁধবার ষোগাড় কচ্ছিল। আজ ঘেরে হুণ্ডার টাকা পাবে, সেই আনন্দে সে বাজার থেকে নানা রকম স্নরকারি

মিস্ত্রির মেয়ে

এনে সেগুলি কুটে, সবে রান্না চড়াতে যাচ্ছিল, এমন সময় হঠাৎ নয়নের কান্নার শব্দ শুনে সে চমকে উঠলো। নয়ন ডাক দিতেই সে সব ফেলে রেখে বাইরে দৌড়ে এলো।

—ও মা! এ কি কাণ্ড গো? রক্তে যে ভেসে যাচ্ছে! ও শুয়ে কে? লছমন?

—হাঁ মা। ওগো, কি হবে মা? লছমন কেমন করে বাঁচবে?
হেমাঙ্গিনী ভয় পেয়ে জিজ্ঞাসা করলো : ওকে অমন করে মারলে কে?

—ওই কলের সর্দার! আমাকে বে-ইজ্জত করতে যাচ্ছিল, লছমন জান দিয়ে আমাকে উদ্ধার করেছে। ওকে বাঁচাও মা তুমি!

—ও মা! সে কি কথা রে?' বলে এগিয়ে এসে হেমাঙ্গিনী সংজ্ঞাহীন লছমনের কাছে বসে পড়লো।

নয়ন তখন লছমনের মুখ ও মাথা থেকে রক্তগুলো মুছিয়ে দিচ্ছিল আপনার আঁচল দিয়ে। বললে : বসো না তুমি মা। শীগগির ডাক্তার একজন ডেকে নিয়ে এস।

হেমাঙ্গিনী লছমনকে দেখে কাতর হ'লেও মুখ ফিরিয়ে বললে : ডাক্তার ডেকে আনবো? তার ফি দেবে কে?

—সে আমি বুঝবো'খন! তুমি যাও দেখি দৌড়ে। গান্ধুটাকে বাঁচাও দেখি।

মেয়ে নিজে রোজ্জগার করে, কাজেই তার কথা হেমাঙ্গিনী ঠেলতে পারলে না। উঠে দাঁড়িয়ে বললে : আচ্ছা ভাতটা চাপিয়ে যাই দাঁড়া।

মিস্ত্রির মেয়ে

—না না, তোমায় ভাত চাপাতে হবে না। তুমি এক্ষুণি দৌড়োও।
লছমন যদি না বাঁচে, আমি ও ভাত দূর করে ফেলে দেবো বলচি।

হেমাঙ্গিনী কথাটার বড় সন্তুষ্ট হ'ল না। কিন্তু তবু মেয়ের আগ্রহে সে
আর বাড়ীর ভেতর না গিয়ে, ডাক্তারের বাড়ীর দিকে রুওনা হ'ল।
কাপড়খানা ছেড়ে যাবার একবার ইচ্ছে হ'ল, কিন্তু সে ইচ্ছেটাও সে দমন
করলো মেয়ের চোখের জল দেখে।

চানাচুর-ওয়ালা যাচ্ছিল রাস্তা দিয়ে তার প্রকাণ্ড বাজরাটা মাথায়
ক'রে। সে যেতে যেতে ব্যাপার দেখে থমকে দাঁড়ালো। কপালে ক্র তুলে
সে জিজ্ঞাসা করলো : 'আরে ! এ যে একদম খুন হুয়া। কিয়া হুয়া
দিদিমণি ?'

নয়ন চোখে আঁচল দিয়ে কাপড়টা সামলে নিয়ে বললে : তুমি ত
ফেরি কর্ত্তে যাচ্ছ, একবার পারো তো ডাক্তার বাবুকে ডেকে দিও না !

চানাচুর-ওয়ালা উত্তর করলে : হাঁ, হাঁ, জরুর ডাক দেগা ! লেকেন
কিয়া হুয়া ?

নয়ন ফৌপাতে ফৌপাতে বললে : একজন লোক ওকে বড়
মেরেচে !

'এঃ ! একদম খুন কিয়া !' চানাচুর-ওয়ালা অভিমত জানালে।

আরও যারা রাস্তা দিয়ে যাচ্ছিল, তারা সকলেই একে একে এসে
দাঁড়াল। তারা অনেকেই নয়নকে প্রশ্ন করে ব্যস্ত করে তুললো, কিন্তু
নয়ন আর বড় উত্তর দিল না। তখন সকলেই ব্যাপারটা নিয়ে একটা
মস্ত হট্টগোল আরম্ভ করে দিল।

বুদ্ধ একটু দূরে থাকে, সেও হট্টগোল শুনে দৌড়ে এল। সে ভিড়

মিস্ত্রির মেয়ে

ঠেলে যখন লছমনের কাছে এলো, তখন নয়ন কোথা থেকে একটু জল যোগাড় করে এনে লছমনের মুখে দিচ্ছে। কিন্তু যখন জল চোয়াল বয়ে বাইরে গড়িয়ে পড়লো, তখন সে আবার ফুঁপিয়ে কেঁদে উঠলো।

বুদ্ধ বললে : হিঁয়া বাহারমে উসকো রাখ দিয়া কাহে ? ভিতর মে লে চলো ! ...ভিড়ের দিকে তাকিয়ে ছ' একজন পরিচিত লোককে ডেকে বললে : আও ভাই ! তোম লোক হাত দেও, উসকো ভিতর-মে লে চলো।

লছমনকে তাড়াতাড়ি বয়ে আনা হ'ল তারই বাসা ঘরে। চাবি ছিল তার পকেটে, নয়ন জানতো। সে লছমনের রক্ত-মাথা জামার পকেট থেকে চাবিটা বার করে তার বাসার দরজা খুলে দিল।

ঘরের চৌকিখানার ওপরে তাকে শোয়ান হ'ল। নয়ন বসলো তার মাথার কাছে, তার মাথাটা কোলে নিয়ে। একখানা ভান্সা পাখা খুঁজে বার করে সে মাথায় হাওয়া করতে লাগলো।

কিন্তু হাওয়া করবে কি, মাথার ক্ষত থেকে রক্ত পড়া যে বন্দ হয় না। নয়ন যতো মুছিয়ে দেয়, ততো রক্ত অবাধ্য-স্বাধীনতায় পড়তে থাকে।

নয়ন দেখে শুনে চোখের জল রাখতে পারে না। কাপড়ের আড়ালে সে অশ্রু বর্ষণ করে লাগলো।

উপস্থিত দর্শকবৃন্দের মধ্যে একজন বাঙ্গালী ছিল। সে বললে : অতো রক্ত বেরুচ্ছে, ছ'টি ঘাস ছিঁড়ে এনে, চিবিয়ে ঘরের মুখে লাগিয়ে দিলে বন্ধ হ'তে পারে।

ওষুধটা সে বাত্‌লালো বটে, কিন্তু এই সামান্য জিনিষটা সে যে নিজেকে ক'রে দেবে, এতখানি গরোজ তার ছিল না।

মিস্ত্রির মেয়ে

কিন্তু কথাটা শুনে নয়নের চৈতন্য হ'ল। সেওতো এ ওষুধের কথা জানে, তবে একবার চেষ্টা ক'রে দেখা যাক না! হঠাৎ এত বড় একটা কাণ্ড লছমনের ঘটে যাওয়াতে সে এত বিবশ হয়ে গিয়েছিল, যে ওষুধটার কথা তার এতক্ষণ মনেই পড়ে নি। ইস! এতটা ভুল হয়ে গেল নয়নের! সে মনে মনে বড় আক্ষেপ করতে লাগলো।

সে লছমনের মাথাটা কোল থেকে আশু আশু চোকির ওপর নামিয়ে দিয়ে, উঠলো ঘাসের চেষ্টায়।

বাসার বাহিরে যেখানে বস্তির মাঝখান দিয়ে সাধারণের রাস্তা গিয়েছে, সেখানে এসে সে চারিদিকে চেয়ে দেখতে লাগলো, কোথায় ঘাস পাওয়া যায়। কিন্তু বস্তির রাস্তাটা ছিল ইট দিয়ে বাঁধান, কাজেই ঘাস কোথাও দেখতে পেলো না নয়ন।

চারি দিকে সন্ধান করতে করতে হঠাৎ তার চোখে পড়লো, যেখানে সাধারণের জন্তে জলের কলটা আছে, তারই একটা পাশে বাঁধান মঞ্চের ধারে এক জায়গায় কতকগুলো ঘাস নিভৃত সূযোগে গজিয়ে রয়েছে। ঘাস রয়েছে বটে, কিন্তু তার জন্মভূমিটি বড়ই নোংরা। যত বস্তির লোক তাদের এঁটো বাসন মেজে, সেখানে ছাই আবর্জনা ইত্যাদি ফেলে দেয়। হেন জাত নেই, যার এঁটো সেখানে পড়ে নেই। ও যায়গা থেকে কি ঘাস নিয়ে মুখে চিবুনো যায়?

নয়ন একবার আঁতকে উঠলো বটে ঐখান থেকে ঘাস নিয়ে মুখে দিতে; কিন্তু বেশীক্ষণ লাগলো না তার ঐ স্থগাটুকু জয় কর্তে। হঠাৎ তার অন্তরের মানুষটি অন্তর থেকে জিজ্ঞাসা করলো: লছমনের জান্ আগে, না ঐ আচার-বিচার আগে?

মিস্ত্রির মেয়ে

নিঃস্বর্ণভাবেই নয়ন দৌড়ে গিয়ে সেই নোংরা জায়গা থেকে ঘাসগুলি ছিঁড়ে আনলো, ও মুগের মাধ্যমে ফেলে দিয়ে চিবুতে লাগলো। তার পরেই সেই চিবানো ঘাসগুলি মুখ থেকে বার ক'রে নিয়ে সে দৌড়ে গেল, লছমন যে ঘরে শুয়ে আছে, সেই ঘরে।

* * * *

কাছে গিয়ে লছমনের মাথা থেকে রক্তের চাপগুলি মুছে দিয়ে নয়ন চিবানো ঘাসগুলি ক্ষতস্থানে লাগিয়ে দিল।

রক্তশ্রাবটা তাতে অনেকটা বন্ধ হ'ল দেখে নয়নের মনে কি আনন্দ! সে তার মনের ঘৃণা দূর ক'রে, ঐ অপরিষ্কার পাঁচজাতের এঁটো-কাঁটা-গিশানো জায়গা থেকে ঘাস ছিঁড়ে নিয়ে এসে, সব কুসংস্কার ত্যাগ ক'রে, সেগুলি নিজের মুখে চিবিয়ে ক্ষতস্থানে লাগিয়ে দিল বলেইতো রক্তটা বন্ধ হ'ল! সে এটা যদি না করতো, তাহ'লে আরও রক্তশ্রাব হ'য়ে লছমনের এতক্ষণ কি হতো কে জানে! সঙ্গিক জাতের এঁটো-কাঁটা! সে পাপ একদিন গঙ্গাস্নান করলেই কেটে যাবে! কিন্তু এদিকে লছমন তো তার জন্তেই বাঁচলো! কি স্বপ্তি! নয়ন মনে মনে পাড়ার কালি ঠাকুরকে পাঁচসিকে পূজোর মানত করলে!

একটু পরেই ডাক্তারবাবু এসে হাজির হেমাঙ্গিনীর সঙ্গে। তিনি সঙ্গে করে এনেছিলেন প্রয়োজনীয় বস্তু ও ঔষধপত্রাদি! সে সকল দিয়ে তিনি লছমনের ক্ষতস্থানটা সেলাই করে দিলেন ও রীতি মত ব্যাণ্ডেজ বেঁধে দিলেন।

সবই হ'ল, হ'ল না কেবল লছমনের জ্ঞান ফিরে আসা। ডাক্তারবাবু ইনজেকশন করলেন, তবু লছমন পড়ে রইলো মৃতের মত।

মিস্ত্রির মেয়ে

তখন তিনি উপস্থিত লোকগুলোর দিকে তাকিয়ে বললেন : ওর মগজে আঘাত লেগেছে। কিছু দিন ও অজ্ঞান থাকবে, জ্ঞান হবে ক্রমশঃ। আট দশ দিন কি আরও বেশী ওর রীতিমত সেবা করতে হবে, তবে ও জীবন ফিরে পাবে।

হেমাঙ্গিনী এগিয়ে এসে বললে : ওর আপনার বলতে কোনও লোকতো এখানে নেই। কে ওর সেবা করবে ?

ডাক্তারবাবু শোনবামাত্র বললেন, তাহ'লে ওকে হাঁসপাতালে পাঠিয়ে দাও ; আমি চিঠি লিখে দিচ্ছি।

নয়ন ভাঙ্গাগলার বললে : হাঁসপাতালে ? সেখানে তো শুনেছি মানুষ বাঁচে না। না ডাক্তারবাবু, ও এখানেই থাক। সেবা শুশ্রূষা যাহ'ক এক রকম ক'রে হয়ে যাবে।

হেমাঙ্গিনী ঝঙ্কার দিয়ে বললে : কি করে হবে ? কে দেখবে ? তুই দেখবি ? তুই সমস্ত রাত দিন ওর সেবা কর্তে পারবি ?

নয়ন কথা কইলো না, চুপ করে রইলো। হেমাঙ্গিনী ডাক্তারবাবুর দিকে ফিরে বললো : ওর কথা শোনে কেন ডাক্তার বাবু ? ও কি একটা মানুষ ? ও সেদিনকার মেয়ে, রুগীপত্রের খিজমত কি জানে ?

বুন্ধু দাঁড়িয়ে ছিল, সেও বললে : হাঁ, হাঁ, হাঁসপাতালে ভেজ দিজিয়ে। উসকো নিরত্ রহেগা তো বাঁচ যোগা। নেহি রহেগা তো ঐ যোগামেই যো কুচ হোনে দিজিয়ে।

নয়ন চোখটা পাকিয়ে বুন্ধুর দিকে তাকালো।

লছমনের দোস্তু খাবার-ওয়ালো বললে : কোন্ দেখেগা, কোন্ শুনেগা ! হাঁসপাতাল দেনেসে সব দিক ঠিক হোতা হায়।

মিস্ত্রির মেয়ে

তার দিকেও খানিকটা অগ্নিবাণ বর্ষণ ক'রে নয়ন বললে : আমি রুগীর ভার নিচ্ছি। আমি ওর সেবা-শুশ্রূষা সব করবো। ওর কোনও আপনার লোক নেই বলে কি ও বেঘোরে মারা যাবে ?

হেমাস্থিনী বাঘিনীর মত গর্জন করে বললে : আ মর নেকি ! ও মারা যায় তো তোর কি ?

নয়নও সারসীর মত মুখ বেঁকিয়ে দৃঢ়স্বরে বললে : মা ? তুমি কোনও কথা কয়ো না বলচি। একটা মানুষের প্রাণ কি জলে ভেসে আসে ?

‘জলে ভেসে আসে না তো তুই যা ইচ্ছে করগে যা।’ ব'লে গজ্ গজ্ করতে করতে হেমাস্থিনী ঘর থেকে বেরিয়ে গেল।

সব ঝগড়ার মীমাংসা করে দিলেন ডাক্তার বাবু নিজে। তিনি বললেন : আচ্ছা, এক কাজ করো। দিন কতক বাড়ীতেই রেখে দেখো। যদি এখানে ভাল ক'রে শুশ্রূষা হয়, ভাল কথাই। তা যদি না হয়, তখন হাঁসপাতালে পাঠিয়ে দিলেই হবে।

এই কথা বলে তিনি তাঁর বাক্সপত্র বন্দ ক'রে যাবার জন্তু প্রস্তুত হলেন। কেউ কোনও কথা কইলো না। এই ব্যবস্থাটাই যেন একরকম বাহাল হয়ে গেল।

যাবার সময় ডাক্তার বাবু বললেন : কৈ, আমার ফি কে দেবে ?

ফিয়ার কথা শুনে বুদ্ধু ঘাড়টা গুঁজে আস্তে আস্তে একজনের পিছনে এসে দাঁড়ালো। ঘরের অন্ত অন্ত লোক সকলেই একে একে দরজার দিকে এগুতে লাগলো।

—“সব চললে কেন ? আমার ফিয়ার একটা বন্দোবস্ত করে যাও।”

ডাক্তার বাবুর একধার আরও সকলে ক্রতপদে ঘরের বাহির হয়ে গেল।

মিস্ত্রির মেয়ে

“কৈ ? যে মেয়ে মানুষটি আমায় ডেকে এনেছিল, সে গেল কোথায় ?” ডাক্তার বাবু উচ্চৈঃস্বরে জিজ্ঞাসা করলেন ।

তখন নয়ন বললে : আপনার কি আমি দিচ্ছি ডাক্তার বাবু ! আপনি একটু দাঁড়ান, আমি আমার বাসা থেকে এনে দিচ্ছি ।

ডাক্তার বাবু অনেকটা নিশ্চিন্ত হলেন । নয়ন ছুরিত গতিতে গিয়ে আপনার বাসা থেকে চারটে টাকা এনে ডাক্তার বাবুর হাতে দিল । তিনি টাকাটি পকেটে ফেলে আপনার ব্যাগটি হাতে ক’রে বিদায় হলেন ।

ঘরে আর কেহই রইলো না, রইলো শুধু নয়ন একা ।

তখন সন্ধ্যা হয়-হয় । ঘরের মধ্যে অন্ধকার একটু একটু ক’রে জমতে লাগলো । নয়ন তা দেখে বেরিয়ে গিয়ে আপনার বাসা থেকে একটা হ্যারিকেন আলো জ্বলে নিয়ে এলো ।

ডাক্তার বাবু একথানা কাগজে ঔষধের ব্যবস্থাপত্র লিখে রেখে গেছেন । সেটা ডাক্তারখানা থেকে আনতে হবে ! কে আনবে ?

নয়ন রুগীকে একা রেখে বেরিয়ে গেল । লছমনের দোস্তু লাড়ু-ওয়ালাকে গিয়ে বললে : ঔষধটা না এনে দিলে ত তোমার দোস্তু মারা যায় !

কি ভাগ্য ! লাড়ুওয়ালারাজি হ’ল ।

তারপর নয়ন এসে লছমনের মাথা কোলে নিয়ে বসলো । যাবার সময় লাড়ুওয়ালাকে বলে দিল, পাঁচসের বরফ আনতে ।

বরফ ঔষধ ছই-ই এলো । নয়ন তখন তৃপ্তির নিঃশ্বাস ফেলে একনিষ্ঠ হয়ে রোগীর সেবা আরম্ভ করলো ।

(২৩)

তখন রাত্রি ন'টা কি দশটা হবে। হঠাৎ হেমাজিনী ঝড়ের মত ঘরের মধ্যে প্রবেশ করলো।

—হাঁরা নয়না? তুই কি সত্যি সত্যি আজ এখানে সমস্ত রাতটা কাটাবি?

নয়ন উত্তর দিল : আমি কাটাবো না তো কি মানুষটা মারা পড়বে? আচ্ছা মা, তোমার মনে কি দয়া মায়ী ব'লে কোনও জিনিষ নেই?

বিকৃতস্বরে হেমাজিনী বললো : ওরে আমার দয়া-মায়ী রে! দয়া মায়ী কর্কার আর লোক পান না, ঐ লছমনের ওপরেই তাঁর যতকিছু? না?

নয়ন রেগে উত্তর দিল : তুমি অমন ঠেস দিয়ে কথা বলো না বলচি! আমি যা ভাল বুঝি, তাই করচি।

মা উত্তর দিল : ঠেস দিয়ে কথা বলবো না? তুই কি কর্তে বসেছিস, তা জানিস? পাড়ার পাঁচজনে দেখলে কি বলবে?

নয়ন মুখ ফিরিয়ে জিজ্ঞাসা করলো : কি বলবে?

—বলবে না, অমুক মিস্ত্রির ঘরে একটা মেড়ো ছোঁড়ার ঘরে রাত কাটাচ্ছে?

—বলুক গে, আমি অতো কাকুর কথার ধার ধারি নে! কর্কার সময় কেউ নেই, বলবার সময় অনেক আছে!

—আছেই তো! তোর মত এমন অনাছিটি তো কেউ করে না!

মিস্ত্রির মেয়ে

—অনাছিষ্টি কিসের ! একটা লোক আমাকে প্রাণে বাঁচাতে গিয়ে নিজে বেদম মার খেয়ে মরতে বসেছে ! আমি মানুষ হয়ে কি ক'রে তাকে বিনা তদ্বিরে মরতে দেই ?

ব্যাপারটা ঠিক কি ঘটেছিল, হেমাঙ্গিনী এতক্ষণ শোনে নাই। কাজেই নয়নের কথাতে সে কৌতূহল-পরবশ হয়ে জিজ্ঞাসা করলে : কি ব্যাপারটা ঘটেছিল, ভাল ক'রে শুনি !

তখন নয়নতারা মা'র দিকে তাকিয়ে আগাগোড়া ঘটনাটা বেশ রসান দিয়ে সবিস্তারে বললো। হেমাঙ্গিনী শুনে গালে হাত দিলে, বললে : বলিস কিরে, এত বড়ো কাণ্ড ঘটে গেছে, তুই আমায় এতক্ষণ বলিস নি ?

সময় বুঝে নয়নতারা বললে : তবে আর বলচি কি ? আজ লছমন না থাকলে আমায় সেই শিখ গুণ্ডার কাছে ধন্য দিয়ে আসতে হোত !

— কেন, কলে কি আর মানুষ ছিল না, যে একটা ভালমানুষের মেয়ের ওপর এমন অত্যাচার হয় ?

— যারা ছিল, তারা তো কেউ আমায় বাঁচাতে এলো না।

— আচ্ছা কাল সকালেই আমি সাহেবকে বলে পাঠাচ্ছি, যাতে ঐ নোচ্চা শিখটার একেবারে জেল হয়।

— তা তুমি বলে পাঠাও। কিন্তু যে লোকটা আমার এত উপকার করেছে, আমি তাকে যমের হাতে ছেড়ে দিয়ে, পাড়ার লোকের মুখ বাঁচাতে পারবো না।

মা'র মনে চিরদিনই সন্তানের প্রতি যে করুণ ভাবটা অর্ধনিদ্রিত থাকে, সেটা জেগে উঠলো হেমাঙ্গিনীর মনে নয়নের কথা শুনে। সন্তানের যে এতবড় একটা বিপদ ঘটতে বসেছিল, সে বিপদ থেকে যে

মিস্ত্রির মেয়ে

লোকটা তাকে ভ্রাণ করেছে, তার ওপর খানিকটা সহানুভূতি এসে গেল হেমাঙ্গিনীর। সে অনেকটা নরম হ'ল, আর বিশেষ কর্কশ কথা নয়নকে বললে না।

—তবে আমি না হয় একটু রুগীর কাছে বসছি। তুই ততক্ষণ গিয়ে ছমুটো খেয়ে আর। সমস্ত দিন তো পেটে কুটো পড়ে নি, সেই ছপুর বেলায় যা ছুটো হাতে মুখে করে গিয়েছিস!

নয়ন মার প্রস্তাব শুনে বললে : তা এক কাজ করো না? আমার ভাতের থালাখানা তুমিই না হয় আমাদের ঘর থেকে এখানে এনে দাও না?

—আমি আর বইতে পারিনে, সারা দিনের খাটুনির পর! তুই একবার যানা, খপ করে খেয়ে আর না?

নয়নতারার পছন্দ হ'ল না। সে মুখ ফুটে বললে : আমি অমন রুগীকে ফেলে এক পা'ও নড়তে পারবো না।

—তোর বড় কুছিষ্টি বাপু, ঐ জন্তে বড় রাগ ধরে।

রাগ ধরুক, তবু মা রাগ দমন করলো। ঘর থেকে বেরিয়ে নয়নের জন্যে ভাতের থালা আনতে গেল।

আনবার সময়ে ঘটলো এক কাণ্ড! তার ঘর থেকে লছমনের ঘরে আসবার পথেই জলের কল। সেখানে বুদ্ধুর বউ এসে বাসন ধুচ্ছিল। একটা কেবাসিনের ডিবে জলছিল পাশে।

বুদ্ধুর বউ হেমাঙ্গিনীকে ভাতের থালা বয়ে নিয়ে যেতে দেখে জিজ্ঞাসা করলো : ভাত লেকে কাঁহা যাতা বউ দিদি?

হেমাঙ্গিনী তার প্রশ্ন শুনে থতমত খেয়ে গেল। যতটা উপস্থিত

মিস্ত্রির মেয়ে

বুদ্ধি সম্ভব, তার জোরে সে বললে : কোথায় আর বাবো ? এই যাচ্ছি
ঘরের বাড়ী ।

—ঘরের বাড়ী ? হম কি লছমনকো ঘরকা অন্দরমে র'তা
হ্যায় ?

বিদ্রূপটা হেমাঙ্গিনীর গায়ে বেশ ভাল রকমেই বিঁধলো ।

বুদ্ধুর বউয়ের বাসন মাজা শেষ হয়ে গিয়েছিল । সে ডান হাতে
বাসনগুলো তুলে নিয়ে আবার জিজ্ঞাসা করলো : হাঁ বউ দিদি ?
নয়ন কি আজ লছমনকা ঘরমেই রাত কাটায়াগা ? পয়লা সাদি হোনে
দেও, তব্ এ সব ঠিক হ্যায় ।

কথাটাতে হেমাঙ্গিনীর সমস্ত শরীর রি রি ক'রে উঠলো । তার
ইচ্ছে হতে লাগলো, ভাতের খানাটা ফেলে দিয়ে সে এক দৌড়ে কোথায়ও
পালায় ।

বুদ্ধুর বউ, হেমাঙ্গিনীর দিক্ থেকে কোনও উত্তর না পেয়ে, বাসন-
গুলো নিয়ে আপনার ঘরের দিকে চলে গেল । কিন্তু যে শেলটা হেনে
গেল হেমাঙ্গিনীর বুকে, তাতে জলে পুড়ে যেতে লাগলো তার মনটা ।
সে খানিকক্ষণ স্তব্ধ হয়ে ভাবতে লাগলো তার ইতিকর্তব্য ।

পোড়া ভাত ! অমন মেয়ে নাই বা খে'ল একরাত্রি ! ওর মরণই
ভাল । যার জন্তে পাড়ার একটা মেড়োর বউ অবধি তাকে ঠাট্টা ক'রে
যায়, এমন মেয়ে বেঁচে থাকলেই বা কি, না থাকলেই বা কি ? মুখের
ওপর একটা খোঁটা মাগী বলে গেল কি না, 'সাদির পর এ সব ঠিক হ্যায় !'
সাদি কিসের ? ঐ খোঁটা ছোঁড়ার সঙ্গে আমার মেয়ের বিয়ে দিতে
হবে নাকি ? গলায় দড়ি !

মিস্ত্রির মেয়ে

“পয়লা সাদি হোনে দেও, তব্ এসব ঠিক হায়!” বুকুর বউয়ের এই অভিমতটা ভিন্নকালের মত বারবার তার মনকে ছল ফোটাতে লাগলো। বার বার ঐ একই কথা মনের মধ্যে উঠতে লাগলো অপরিসীম নিষ্ঠুরতায়, অসীম অপমানের প্রতিভূ হয়ে।

হেমাজিনী অনেকক্ষণ দাঁড়িয়ে রইলো সেই আব্ছা অন্ধকারে ভাতের থালা হাতে ক’রে। পা আর কিছুতেই এগোতে চাইলো না লছমনের কামরার দিকে।

বতো ঐ সব কথা হেমাজিনী দাঁড়িয়ে দাঁড়িয়ে ভাবতে লাগলো, ততো অপমানের স্মৃষ্ণ বোধ তাকে আত্মহারা করে তুলতে লাগলো। শেষে হেমাজিনী ঘুণায়, লজ্জায় ধীর পদে নিজের কামরায় ফিরে এলো। মেয়েকে ভাত দিবে আসা আর তার হ’ল না।

বাড়ীর ভিতর এসে দাওয়ার বসে হেমাজিনী আরও কত কি ভাবতে লাগলো। শেষে এমন রাগ হয়ে উঠলো তার মেয়ের ওপর, যে প্রায় পাগলের মত হয়ে সে থালার ভাতগুলি আস্তাকুড়ে ঢেলে ফেলে দিল।

নিজেও কিছু খেলে না। দাওয়ার ওপর কোনও কিছু না পেতে সমস্ত রাত শুয়ে পড়ে রইলো মেয়ের ওপর অভিমান ক’রে।

ঘরের কোণে মিট্ মিট্ করে একটি প্রদীপ জ্বলছিল, আর সন্মুখে ছিল সেই মৃৎপ্রদীপের মতই ক্ষীণ নিৰ্বাণ-প্রায় একটি জীবন-রশ্মি। নয়ন সব ভয় তুচ্ছ করে সাহসে বুক বেধে লছমনের পরিচর্যা কচ্ছিল। ডাক্তার ব'লে গেছে, মাথায় বরফের খলিটা অনবরত ধরতে, নয়নতারা সে উপদেশ একেবারে অক্ষরে অক্ষরে পালন কচ্ছিল। নয়নের গা'টা ছম্ ছম কচ্ছিল সত্যি, কিন্তু তবু কোথা থেকে যে সে এত সাহস পে'ল, তা তার অন্তরের ঠাকুরই বলতে পারেন।

মা ভাত এনে দেবে বললে, কিন্তু কই এলো না ত ? তবে কি আজ আর ভাত রান্না হয় নি ? সে কথা তো মা বলে যাবে ! কই, তাও তো বলে গেল না !

নয়নতারা আশায় আশায় অনেকক্ষণ রইলো, কিন্তু তার মা ফিরলো না। ব্যাপারটা কি ঘটলো, জানবার জন্ত সে বড় উৎসুক হয়ে উঠলো। কিন্তু কি ক'রে রুগী ছেড়ে সে খবর নিতে যায় ?

ক্ষুধা খুবই পেয়েছিল। সমস্ত দিন পাটকলের খাটুনি, তার ওপর লছমনের জন্তে হুশিস্তা। এই হু'য়ে মিলে ক্ষুধাটাকে খুবই বাড়িয়ে তুলেছিল, কিন্তু এ ক্ষুধার শান্তি সে কি ক'রে করবে ? কর্তে পারতো মা, কিন্তু সে তো হঠাৎ আসি ব'লে আর ফিরলো না। তা ব'লে কি রুগী ছেড়ে যাওয়া যায় ?

ঘরে যে যমদূতেরা কিলবিল ক'রে ঘুরে বেড়াচ্ছে লছমনকে নেবার জন্তে ! একবার ফাঁক পেলেই যে তারা ছৌ মেরে নিয়ে বাবে এমন এক মানুষকে, যাকে ভগবান সেদিন সন্ধ্যাবেলায় নয়নতারার হাতেই জিন্মা রেখে দিয়েছেন ! ভগবানের এ দান,—এ জিন্মা সে অবহেলা করে কেমন ক'রে ?

ক্ষুধা ? একরাত্রি না খেলে মানুষের কি হয় ? সে তো মর্কে না ! কিন্তু যে সত্য সত্যই তার জন্ত মরতে চলেছে,—তাকে বাঁচাতে গিয়েই যে আজ যমের কবলের মধ্যে অর্ধেক প্রবেশ করেছে,—তার পরিচর্যা পরিত্যাগ ক'রে ক্ষুধা মিটোতে যাওয়া, সেটা যে হবে ঘোর কৃতঘ্নতা ! ভগবানের বিরুদ্ধে হবে বিষম ষড়যন্ত্র !

এই সব চিন্তা নয়নতারার মনে এতো ঠেলে উঠতে লাগলো, যে সে একবারও উঠলো না লছমনকে ছেড়ে বাড়ীর দিকে যাবার জন্তে । অনেকক্ষণ অপেক্ষা ক'রে যখন সে সত্যই দেখলো তার মা এলো না, তখন সে একবার উঠে দরজার খিলটা বন্দ করে দিল, ও কতকগুলি বরফ ভেঙ্গে খলিতে পূরে লছমনের মাথায় দিতে মনোনিবেশ করলো ।

(২৩)

সমস্ত রাত্রি চোখে ঘুম নেই, তবু হেমাজিনী একবারও উঠলো না । রাত্রে বস্তু একেবারেই নীরব হয়ে গেল, শুধু ঝি ঝি পোকাকার ডাক আর রাস্তার কুকুরগুলোর ঘেউ ঘেউ শব্দ মাঝে মাঝে নীরবতা ভাঙ করতে লাগলো । হেমাজিনী অবিচল হয়ে পড়ে রইলো দাওয়ার ।

মিস্ত্রির মেয়ে

কার্তিক মাসের হিম এনে তার অঙ্গ শীতল করে তুললো ; দাওয়ার ঠাণ্ডা তার হাড়গুলোকে চিবিরে খেতে লাগলো, তবু অভিমানিনী মাতা আত্মসুখের জন্য চেষ্টা করলো না। ঘরের মধ্যে ছোট মেয়ে কাজল কতবার ঘুম ভেঙে চাঁচিয়ে উঠলো, তবু হেমাঙ্গিনী উঠে তার কাছে গিয়ে শুলো না। সে কাঁদতে কাঁদতে আপনিই আবার ঘুমিয়ে পড়তে লাগলো।

শেষরাত্রে রহমণ মুসলমানদের বাড়ীর মোরগগুলো ডেকে উঠলো, কলের বাঁশী বাজলো, মজুর ও মিস্ত্রিরা দল বেঁধে রাস্তা দিয়ে কথা কইতে কইতে যেতে লাগলো, তবু হেমাঙ্গিনী সেই শীতল দাওয়ার নীরবে নিম্পন্দভাবে শুয়ে পড়ে রইলো।

হেমাঙ্গিনী মনে ভাবলো, এইবার নয়ন বাড়ী আসবে কলে বাবার জন্তে কাপড় চোপড় ছাড়তে। অনেকক্ষণ সে আশায় আশায় চুপ ক'রে পড়ে রইলো, কিন্তু কলে বাবার সজ্জায় মিস্ত্রিরা সব একে একে পথ দিয়ে চলে গেল, তবু মেয়ে ঘরে ফিরলো না। তখন হেমাঙ্গিনী চঞ্চল হয়ে উঠলো।

সকাল তত্বেই কাজলের ঘুম ভাঙলো। উষা-রশ্মির সঙ্গে সঙ্গে কাজল এসে দাঁড়াল মায়ের কাছে কাঁদতে কাঁদতে। তখন কাজেই হেমাঙ্গিনীকে স্নেহে হ'ল।

কোথা থেকে একটা পয়সা খুঁজে বার ক'রে, কাজলকে কোলে নিয়ে হেমাঙ্গিনী বেরলো খাবারের দোকানের দিকে। খাবারওয়ালী অভদ্র ; সে জিজ্ঞাসা করলো : নয়নাকো মারি ? কাল রাতমে লছমণ কেইসন্ থা ?

মিস্ত্রির মেয়ে

হেমাঙ্গিনীর পিত্ত জ্বলে উঠলো। সে আহত-পুচ্ছ কণিনীর মত কৌশল করে উঠে, উত্তর দিল : তা আমি কি করে জানবো রে ডাক্তার। মিন্বে ?

ডাক্তার মিন্বে ত অবাক নয়নের মা'র রাগ দেখে। সে মেয়ে মানুষ আজ বাদে কাল খাশুড়ী হতে চলেছে, সে ভারী জামাইয়ের এত বড় অসুখের সময় এমন উত্তর দিতে পারে, এ সমস্তটা খাবারওয়ালার কাছে বড়ই অস্বাভাবিক ঠেকতে লাগলো।

ঝাঁজের চোটে হেমাঙ্গিনী একলাফে বাড়ী এসে পৌছল। বাড়ীতে কেউ নেই, তবু বাহারটা লোকের সঙ্গে সে কথা কইতে আরম্ভ করলো। একবার সে মৃত স্বামীর সঙ্গে কথা কয়, একবার বা তার উদাসীন দেওর-ভাসুরদের সঙ্গে খবরাখবর না নেওয়ার জন্তু ঝগড়া করে। কখনও যাদের উদ্দেশ্যে যৎপরোনাস্তি গালাগালি দেয়, কখনও আপনার কপাল চাপড়ে ভগবানের সঙ্গে তর্কাতর্কি আরম্ভ করে দেয়। কাজলকেই সে বসিয়ে দিল ছোটো খাবড়া, সামান্য কি একটা কারণে !

শুখনো নিম্ন গাছের মধ্য দিয়ে এসে যে সূর্যালোকটুকু গর্ষিত আক্ষালনে তার দাওয়ার উপর ঝকঝক করছিল, হেমাঙ্গিনী তার উপরেও হয়ে উঠলো মহা খাপ্পা। আপন মনেই বলে উঠলো : 'এতদিন তো এত সকালে ছড়িয়ে পড়ো না দাওয়ার ওপর, তবে আজ এত আশ্পর্কী কেন ?' কিন্তু ছঃখের বিষয়, রোদেয়া এর কোনও উচিত জবাব-দিহি করলো না।

কি ভেবে হেমাঙ্গিনী বকতে বকতে চললো লছমনের ঘরের দিকে। কাজল একা পড়েই কাঁদতে লাগলো বাড়ীতে বসে।

মিস্ত্রির মেয়ে

লছমনের ঘরের দরজা খুলেই হেমাঙ্গিনী জিজ্ঞাসা করলো নয়নাকে :
হাঁরে রান্ধুসি, আজ আর বুঝি কলে-টলে যাবিনে ?

মা'র মুখে কর্কশ আহ্বান শুনে ও তার আলু খালু বিপর্য্যস্ত ভাব দেখে
নয়ন প্রথমটা একটু ভয় পে'ল। কিন্তু সে যে কঠোর ব্রত গ্রহণ করেছে,
তাতে মা'র কাছে পরাজয় স্বীকার করা হবে না, এই রকম একটা
প্রতিজ্ঞা মনে মনে ঠিক করেছিল। লছমনের মাথার থলিটা নামিয়ে রেখে
সে উত্তর দিল : না, আমি দিনকতক এখন কলে যাবো না।

মা ঝঙ্কার দিয়ে উঠলো : চাকরি থাকবে ?

নয়ন বললো : না থাকে, না থাকবে। তা'বলে এ রুগীকে একা
রেখে আমি কোথায়ও নড়বো না।

ঠিক সেই সময়ে হঠাৎ লছমনের মুখ থেকে খানিকটা রক্তমাখান
ফেনা বাহির হ'ল। নয়ন তখনই আপনার আঁচল দিয়ে সেটা মুছিয়ে
দিয়ে বললে : দেখ দেখি ! এর কি অবস্থা ! এ কি আর বাঁচবে ?

—না বাঁচে ত তোর কি ? তোর এত মাথা-ব্যথা কিসের রে
হারামজাদি ?

—আমার মাথা-ব্যথা, ও লোকটা আমার উপকার করেছে ব'লে !

—শুধু উপকার করেছে ব'লে ? আর কিছু নয় ? আর তুই যে
এই এতদিন ধ'রে চলাচলি কচ্চিস্, সেটা কিছু নয় ? পাড়ায় যে
চি-চি-কার পড়েছে, তার খবর রাখিস্ ?

সাপের মত ফৌস্ ক'রে নয়ন জিজ্ঞাসা করলে : কবে আমি ওর
সঙ্গে চলাচলি করেছি ?

হেমাঙ্গিনী বললে : কবে নয় ? রোজ তো ভোরবেলার হুজনে

মিস্ত্রির মেয়ে

একসঙ্গে কলে যাওয়া হয়! রোজই তো ছ'জনে ফুসুর-ফুসুর গুজুর-গুজুর হচ্ছেই! আমি কিছু খবর রাখিনি? না?

মরিয়া হ'য়ে নয়ন বললো : খবর রাখো তো রাখো। কি করবে? আমার বাড়ী থেকে তাড়িয়ে দেবে? তা দাও।

তবু তুই লছমনকে ছাড়বিনে?

না। এই জবাব শুনে রাখো।

তুই ওকে বিয়ে করবি?

হাঁ, করোঁ। তুমি কি করবে?

বান্ধালীর মেয়ে হয়ে মেড়োকে বিয়ে করবি? তোর গলায় দড়ি!

কেন, মেড়ো কি মানুষ নয়? তোমাদের মত তাদের হাত-পা নেই? তারা পয়সা রোজগার করে না? বউ-ছেলেকে খেতে দেয় না? তোমাদের মত এদের বুদ্ধি, বিদ্যা, ভালবাসা—এ সব কিছুই নেই?

হেমাঙ্গিনী মুখ বিকৃত ক'রে বললে : ওরে পোড়ারমুখি, ও যে ভিন্-জাত?

হলেই বা ভিন্-জাত। ও-ও ঈশ্বরের তৈরী মানুষ, আমিও ঈশ্বরের তৈরী মানুষ। ঈশ্বরের কাছে আবার জাত-অজাত কি?

বটে? তোর এই সব ভিটকেলম্বি হচ্ছে? ভাল, তবে তুই ওকে নিয়েই থাক। আমি এখান থেকে চললুম। আমি পাড়ার লোকের টিট্কারি সহ্য ক'রে তোর সঙ্গে এখানে থাকতে পারোঁ না। যেদিকে ছ'চোখ চায়, সেই দিকে চলে যাবো।

মিস্ত্রির মেয়ে

তা যাও। কে তোমাকে বারণ কচ্ছে ?

তবু তুই ওকে ছাড়বি নে ?

না।

মা'র জন্তেও নয় ?

অতো জানিনে বাপু। আমি তোমায় স্পষ্ট বলে দিচ্ছি, আমি জীবন থাকতে লছমনকে ছাড়বো না। ও একটু ভাল হয়ে উঠলে ... আমি ওকে বিয়ে করোঁ। তাহ'লে তো আর কেউ চলাচলি বলতে পারোঁ না।

মা মেয়ের উত্তর শুনে একদৃষ্টে খানিকক্ষণ মেয়ের দিকে চেয়ে রইলো। ক্রমে তার চোখ পাকিয়ে উঠতে লাগলো, একটা আঙুরের ঝলক বেন তার চোখ থেকে ঠিকরে বেরুতে লাগলো। শেষে মা বললে : রাখসি ? তবে তুই থাক লছমনকে নিয়ে। আমি এই চললুম। আর ফিরবো না।

হেমাজিনী এই কথা ব'লে একেবারে ঝটিকার মত ঘর থেকে বেরিয়ে গেল। নয়নতারা কিংকর্তব্যবিমূঢ় হয়ে মুমূর্ষু লছমনের মাথায় বরফের থলি ধরে রইলো।

* * * *

কত চিন্তাই তার মনে আসতে লাগলো। সেই মা, যে তাকে শৈশবকাল থেকে লালনপালন করেছে ! সেই মা, যে তাকে দশ মাস দশ দিন পেটে ধরে শেষে কত কষ্টেই না পৃথিবীর আলো দেখিয়েছে ! আজ সেই মা অভিমান করে চিরদিনের মত ছেড়ে যেতে চলেছে। মনটা বড় খারাপ হ'ল। একবার ভাবলে, উঠে গিয়ে মাকে বুঝিয়ে

স্বথিয়ে ফিরিয়ে আনে। কিন্তু তখনই লছমনের বিবর্ণ মুখখানি চোখে পড়ামাত্র মনের মুকুরে তার সমস্ত ভালবাসা প্রতিবিম্বিত হ'ল। আকুল লছমন অতীতের উপেক্ষার মধ্য থেকে যেন পরিত্রাঙ্কি চিৎকার করে উঠলো। নয়ন বিপর্যস্ত হয়ে পড়লো তার সমস্ত স্মৃতি নিয়ে।

একবার অভিমান-দিগ্ধ মাতৃস্নেহ আশ্রয়-ধরা মশালের মত তার মনের চক্ষু ধাঁধিয়ে দিতে লাগলো, আর একবার সম্মুখ দিকে ঠিক চোখের উপরেই অপরিতুষ্ট ভালবাসার শীতল বর্ণা স্নিগ্ধ বারিরাশি নিয়ে তার পিপাসার্ত্ত মনকে লেলিহান করতে লাগলো। সংসারে অনভিজ্ঞা সরলা বালিকা এই দুই বিরুদ্ধ টানের মাঝখানে পড়ে বর্ষা-প্রবাহাহতা বেতসীলতার মত কম্পিত হতে লাগলো।

নিয়তির অঙ্গুলিও তখন নিশ্চল ছিল না। নয়ন যখন এই রকম বিপর্যস্ত হয়ে বসে ভাবছিল, সহসা লছমন মুখটা খানিকটা হাঁ করলো, এবং অক্ষুট স্বরে সে যেন বললো : একটু জল !

(২৬)

কোথায় গেল নয়নতারার মায়ের জন্তে উদ্বেগ,—মায়ের জন্তে ছুশিস্তার মেঘরাশি! লছমনকে মুখ খুলতে দেখে সে আকুল হয়ে তার মুখের কাছে আপনার কাণ ধরলো এবং স্পষ্ট যেন শুনলো সে জল চাইচে !

তাড়াতাড়ি উঠে একটি কলসী থেকে জল গড়িয়ে, নয়ন লছমনের

মিস্ত্রির মেয়ে

মুখে কৌটা কৌটা করে জল দিল। লছমন প্রথমটা তা পান করতে পারলো না, মুখের জল মুখেই রয়ে গেল। নয়ন তা দেখে লছমনের চোয়ালটা উঁচু করে ধরলো এবং তার নাম ধরে জোর করে ডেকে বললো : লছমন, জল খাও, জল দিয়েছি।

অনেক বলতে বলতে, অনেকক্ষণ চোয়াল ধরে নাড়তে নাড়তে, তারপর লছমন জলটুকু গলাধঃকরণ করলো। তা দেখে নয়নের কি আনন্দ ! তার মা ফিরে এলেও বোধ হয় এত আনন্দ হ'ত না !

কিন্তু দ্বিতীয় বার ডাকতে লছমন আর সাড়া দিল না। তখন নয়ন আবার লছমনের বুকের ওপর আছড়ে পড়লো।

তখন বেশ সকাল হয়ে গেছে। আকাশের রৌদ্র পৃথিবীতে নেমে বেশ ইজারা নিয়েছে। বুদ্ধুর বউ সংসারের কাজকর্ম সেরে একবার ভাবলে : “বান্ধালীদের মেয়ে নয়না কাল রাত্রে লছমনের ঘরে কাটালো কি না একবার দেখে আসি !” তার বড় কৌতূহল হচ্ছিল, নয়না কি কক্ষে সেটা দেখবার জন্মে।

ধীরে ধীরে পা টিপে টিপে এসে বুদ্ধুর বউ লছমনের উঠানে দাঁড়ালো। সন্মুখেই লছমনের ঘর। কিন্তু ঘরের দরজা ভেজান। কোথাও কোনও সাড়াশব্দ নেই ; এ বাড়ীতে যে কেউ আছে, একে-বারেই বোঝবার যো মেই। কিন্তু কৌতূহল তো এসকল বাধা মানে না। সেটা কখনও হয় চোরের মত, কখনও হয় ডাকাতের মত। তার সাহসও যেমনি নির্ভঙ্ক, লজ্জাও তেমনি অসমসাহসিক। বুদ্ধুর বউ এই কৌতূহলের উত্তেজনায় হঠাৎ খুলে ফেললো লছমনের ঘরের দরজা।

মিস্ত্রির মেয়ে

খুলে বা দেখলে, তাকে বুদ্ধুর বউ প্রথমটা একটু ভয় পেল। লছমনের বুকের ওপর নয়না মাথা রেখে কাঁদতে। চোখের জলে তার গালে বাঁকা বাঁকা দাগ পড়েছে। ঠোঁট ছ'টি খুবই ফুলে উঠেছে, আর মাথার স্মৃথ দিক্কার চুলগুলো একেবারেই পাগলা হয়ে মুখখানাকে তচনচ করছে।

এই অবস্থাটা দেখে বুদ্ধুর বউয়ের সন্দেহ হ'ল, বুঝি লছমন মারাই বা গেছে! সে তাড়াতাড়ি বরের মধ্যে এসে নয়নকে সহানুভূতির সুরে ডাকলো : নয়না, ও নয়না ?

নয়ন ধড়ফড় করে উঠে দেখে, সম্মুখে বুদ্ধুর বউ দাঁড়িয়ে। বড় রাগ হ'ল। বললে : কি! মজা দেখতে এসেছো ?

এ কথায় কোনও সোজাসুজি উত্তর না দিয়ে বুদ্ধুর বউ জিজ্ঞাসা করলো : লছমন আজ ক্যায়সা ছায় ভাই ?

তার কথা কি সহানুভূতি-মাথা! নয়না এর পর আর তার ওপর রাগ বজায় রাখতে পারলো না।

(২৭)

আটদিন লছমনের দরজায় অনবরত ধাক্কা দিয়ে মানুষের অস্তিত্ব দেবতা ফিরে ফিরে গেল।

নয়নতারা অক্লান্ত পরিশ্রমে এ নয়দিন লছমনের সেবা করছিল। কিন্তু রাত জেগে জেগে আর সে বুঝি পেরে উঠছিল না। পাড়ার কেউ আর উঁকি মারে না, শুধু বুদ্ধুর বউ দিনের ভেতর মাঝে মাঝে

মিস্ত্রির মেয়ে

আসে, আর তাদের খবর নিয়ে দায়। এ কয়দিন উপবাসেই প্রায় কাটছিল, শুধু বুদ্ধুর বউ দয়া করে এক আধখানা ভাত এনে দিয়ে নয়নকে বাঁচিয়ে রেখেছিল। লছমনের যে সকল পুরুষ বন্ধু ছিল, তারা উঁকি ত মারতোই না, পরসার সাহায্যও তাদের কাছে নয়ন আশা করতে পারেনি।

বুদ্ধুর বউ-ই ছিল এ বস্তির মধ্যে নয়নতারার সকলের চেয়ে বড় শত্রু, আর সেই-ই হয়ে দাঁড়িয়েছে এখন সকলের চেয়ে বড় মিত্র। পৃথিবীতে এমন ঘটনা মাঝে মাঝে ঘটে থাকে। নয়নতারাকে লছমনের বুদ্ধুর উপর শুয়ে কাঁদতে দেখা অবধি বুদ্ধুর বউয়ের নারীর প্রাণ সহানুভূতিতে চলে পড়েছিল। স্বীলোকের মনোবৃত্তি চোখের জলে পথ বদলায়।

নয়নের মা সেই যে সেদিন ঝগড়া করে চলে গিয়েছে আর তার দেখা নেই। তার পথের দিকে তাকিয়ে তাকিয়ে নয়ন একেবারেই নিরাশ হয়ে পড়লো। মা থাকলে হয়তো ছ'টি ভাত নিয়ম ক'রে গালাগালির মধ্যেও নয়নতারাকে দিত। কিন্তু যখন মার দেখা নেই, তখন নয়ন বুঝলো, হয় উপবাসে তার প্রাণ যাবে, না হয় লছমনকে সে হারাবে।

এই বিপদে বুদ্ধুর বউ নয়নের উভয় দিক রাখলে। সে বুদ্ধুর বউকে মনে মনে সহস্র ধন্যবাদ দিতে লাগলো।

(২৮)

‘কবে জ্ঞান ফিরবে?’ নয়নতারা ডাক্তার বাবুকে জিজ্ঞাসা করলে।

ডাক্তার বাবু বললেন : আর বেশী দিন দেরি হবে না। আমার মনে হয় আর ছ’একদিনেই ও কথা কইবে। দেখচো না, আজকাল নাম ধরে ডাকলে ছ’এক ডাকের পর ও চোখ খোলে।

এমন দিন কি হবে ডাক্তারবাবু, যে ও কথা কবে? আমি ত সব আশা ছেড়ে দিয়েছি।

‘কেন? আশা ছাড়বে কেন?’ ডাক্তারবাবু প্রায় একটা ধমক দিয়ে বললেন। আরও বললেন, দেখচো না, এ যাত্রা ও যমের হাত থেকে ফিরে এলো। ওরতো দাঁচবার কোনই আশা ছিলনা; শুধু তোমারই যত্নে আর দিনরাত ধরে অক্লান্ত সেবার ও বেঁচে উঠলো। শুধু তোমারই দয়ায়—

ওকথা বলবেন না ডাক্তার বাবু! আমি ওকে কি দয়া করবো? আমি কি একটা দয়া করবার উপযুক্ত লোক? আমি চটকলের একটা সামান্য কুলি মজুর্না, গতরে খেটে নিজের পেট চালাই, আমি অপর মানুষকে কি দয়া করবো?

ঐতো, ঐ’খানেই তো ভগবানের আশ্চর্য্য রকম কারিগরি। গরীবকে দয়া করে গরীব মানুষই, বুঝলে? বড় মানুষ নয়। সে নিজে হুঃখী, সেই পরের হুঃখ কি, বুঝতে পারে। এই যে এ লোকটা

মিস্ত্রির মেয়ে

মার খেয়ে অজ্ঞান হয়ে পড়ে রয়েছে, কই এ বস্তুর কোনও পয়সা-ওয়ালী লোক একে বাঁচাবার জগে চেষ্টা করেছে? কিন্তু তুমি নিজের জীবন তুচ্ছ করে একে বাঁচাবার জগে উঠে পড়ে লেগেচো। এইখানেই দুঃখী লোকের মহত্ব, এইখানেই গরীব বড় লোকের চেয়ে বড় লোক।

নয়ন চুপ ক'রে ডাক্তার বাবুর কথা শুনতে লাগলো, কোনও উত্তর দিল না। একটু পরে ডাক্তারবাবু দাবার জগে উঠলেন, নয়নতারা হাত দু'খানি জোড় ক'রে বললে : ডাক্তারবাবু, আপনার ফিস্ কিছু দিতে পাচ্ছিনে ব'লে কিছু মনে কলেন না। আমি আপনার সমস্ত ঋণ, গতরে খেটে চুকিয়ে দেবো।

—না বাছা, তোমার আমার ফিস্ তো দিতে হবে না। কলের বড় সাহেব তার ভার নিয়েছেন। এই যে ওষুধপত্র আসছে, এর দামও তোমার এক পয়সা দিতে হবে না। ও সব সাহেবের খরচ।

বড় সাহেব তো তাহ'লে খুব ভাল লোক? গরীবের ওপর তাহ'লে তো তাঁর খুব দয়া!

হবে না? না হ'লে তাঁকে বে বেশ বেগ পেতে হবে! শোনো নি, আজ কাল ট্রেড ইউনিয়ন ব'লে মজুরদের একটা রক্ষক-সমিতি ঠেলে উঠেছে।

'হাঁ শুনেছি।' নয়নতারা বললে :... হাঁ, তাঁরাই তো আমাকে চটকলের চাকরিটা যোগাড় করে দেন।

তবে ত তুমি তাদের জান। এরাই তো বড় সাহেবকে ব'লে লছমনের চিকিৎসার ব্যবস্থা করেছে। নইলে আমি কি রোজ দু'বেলা আসতুম লছমনকে দেগতে, না পকেটে করে ওষুধ নিয়ে যোগাতুম?

তোমরা তো আমাকে ডাকতে যাও না, বা ডাক দিয়েও পাঠাও না !
আর যে ক'দিন এসেছি, এর জগে ত তোমার কাছ থেকে একটি পয়সাও
ফি বাবদ পাঠি নি। পেলেও আমি হাতে করে নিতুম না। এখন
লছমনের অসুখের চিকিৎসার জগে দায়ী হয়েছেন কলের কর্তারা।
বুঝলে ? কাজেই এজগে তোমাকে কিছু ভাবতে হবে না।

ট্রেড ইউনিয়নের লোকেরা জানলে কি ক'রে, যে লছমনকে কলের
একজন সর্দার মেরেছে ?

ওদের তো কাজই হ'ল এই সব খবর খুঁজে বার করা। বাতে কুলি
মজুররা সর্দারদের হাতে অযথা উৎপীড়ন না পায়, এই উদ্দেশ্যটাই তো হ'ল
ট্রেড ইউনিয়নের একটা মস্ত ভিত্তি মূল। সাহেবদের কাছ থেকে কুলি
মজুরদের যতো অনিষ্ট হোক না হোক, সর্দারদের কাছে যে হয় তার
দ্বিগুণ। এটা জান তো ?

জানি বই কি, খুব জানি। একেবারে হাড়ে হাড়ে ভুগেচি এর জগে
আমি—আর এটা আমি জানি না ? এই আমার ওপরেই তো সর্দার
কম অত্যাচার করেছে ? তার তুলনায় আমাদের সাহেব তো দেবতা
বলেও বেশী বলা হয় না।

তোমার ওপরেও সর্দার অত্যাচার করেছিল না কি ?

করেছিল ব'লে করেছিল। মেয়ে মানুষের পক্ষে যেটা শেন অত্যাচার,
সেইটাই আমার ওপর চালাবার চেষ্টা করেছিল।

ডাক্তারবাবু নয়নতারার মুখে একথা শুনে বললেন : হাঁ, হাঁ, এমনি
একটা কি গুজব শুনেছিলুম বটে। তাহ'লে সেটা গুজব নয়, সত্যি ?

একেবারে ছবছ সত্যি। আমিই তার শীকারের পশু।

মিস্ত্রির মেয়ে

তুমি এত বড় অত্যাচারের কথা ওপর-ওয়ালার কাণে তোলো নি কেন ?

কবে তুলবো ? সেই অবধিই তো আমি এই গোবেচারী লোকটিকে নিয়ে আটকে । এই লোকটিই তো আমাকে সেই লোচ্চা সর্দারটার হাত থেকে বাঁচায় । নইলে আজ আমার লোক-সমাজে মুখ দেখানো ভার হোত !

নয়নতারা এ সব কথাগুলো ডাক্তারবাবুকে মুখ ফুটে বলতে প্রথমটা লজ্জা অনুভব করছিল, কিন্তু সেই নরপশু শিখ-সর্দারটার ওপর মনে মনে তার এত রাগ ছিল যে তার তোড়ে লজ্জা একেবারেই ভেসে গেল । নয়ন শেষে বললে : লছমন যে দিন ভাল হয়ে গিয়ে পথ্য পাবে, আমি সেই দিনই যাবো সাহেবের কাছে সর্দারের নামে নালিশ করতে ।

ডাক্তারবাবু বললেন : তাই যেও । নইলে সোজাসুজি তোমার মুখে সব কথা না শুনে সাহেব সর্দারকে কোনও শাস্তি দিতে পাচ্ছেন না । অথচ ওদিকে ট্রেড ইউনিয়নের লোকেরা মহা খাপ্পা হয়ে দাঁড়িয়েছে ।

আমার রুগীটিকে আপনি শীগগির তুলে দেন । আমি নিশ্চয়ই সাহেবের কাছে গিয়ে সব কথা বলবো ।

তোমার রুগী ভাল হয়ে গেল বলে । কাল পরশুই বোধ হয় ও কথা কইতে পারবে !

আপনার মুখে ফুলচন্নন পড়ুক ডাক্তারবাবু ! আপনাকে আর কি বলে সম্বোধন করবো !

ডাক্তারবাবু চলে গেলেন । নয়ন সানন্দ চিত্তে রুগীর শুশ্রূষা চালানতে লাগলো ।

(২৯)

সকাল হতে না হতে লছমন হঠাৎ চোখ খুলে এদিক ওদিক ভাবতে লাগলো।

নয়ন জিজ্ঞাসা করলো : কি দেখচো ?

লছমন ক্ষীণ স্বরে বললে : আমি কোথায় ?

নয়ন মুখখানা লছমনের মুখের কাছে এনে বললে : তুমি তোমার ঘরে আছ !

লছমন দু'বার চোখ পিট্ পিট্ করে আবার জিজ্ঞাসা করলো : তুমি কে ?

—আমি নয়ন।

—নয়ন ! তুমি আমার তব্বির করচ ?

লছমনকে এত কথা এক সঙ্গে বলতে শুনে নয়ন যেন এক বছ-দিনের হারাণো রত্ন খুঁজে পেল। আনন্দে সে আর নিজেকে ধরে রাখতে পারছিল না। লছমনের চিবুকটি ধরে আদর করে বললে : হাঁ, আমিই তোমায় দেখছি শুনি।

লছমনের কালো মুখখানা ভূষিত্তে উজ্জ্বল হয়ে উঠলো। খানিকক্ষণ চূপ করে থেকে, একটা টোক গিলে লছমন পুনরায় মুখ খুললো। বললে : নয়না ? কাল রাত্রে আমি একটা স্বপন দেখেছি।

নয়ন সাগ্রহে স্নেহাঙ্গুরে জিজ্ঞাসা করলো : কি স্বপন লছমন ?

মিস্ত্রির মেয়ে

লছমন সম্বন্ধে উত্তর দিল : বলবো ? তুমি রাগ করবে না বলো !

রাগ করবো ? না—রাগ করবো কেন ?

ভাগি কাল স্বপন দেখেছি, তুমি আর ভাগি এক নতুন দেশে গেছি। সেখানে তার কোঠ নেতি,— শুধু তুমি আর ভাগি। সে দেশে বহুত রূপেরা ! রাস্তামে রূপেরা গড়াগড়ি দাতা হয়। কই লেনে আদমি নেতি হয়। তুমি তা দেখে ভয়ানক লেন বললে : লছমন ? রূপেরা সব কুড়ায় লেও। চলো ভাগলোক সব রূপেরা কুড়ায়কে দেশে চলা যাই। ভাগি বললুম : ভাগার রূপেরা দরকার নেতি, ভাগি তোমাকে চাই।

লছমনের স্বপ্নের কাহিনী শুনে নয়নভারা কিছুমাত্র বিস্মিত বা চঞ্চল হ'ল না। সে বললে : এ স্বপ্ন তো তুমি অনেকদিন অনেকবার দেখেছ লছমন ?

লছমন উত্তরে বললে : তা ভোতে পারে, কিন্তু আজ দেখে ভাগি বড় বে-একতার হয়েছি। নয়না ? আজ তোমায় জবাব দিতে হবে, তুমি সত্যি সত্যি ভাগার হবে কি না ?

নয়ন আপনাকে সামলে নিয়ে বললে : আচ্ছা ও কথা'র জবাব অন্ত সময় হবে। এখন তুমি একটু দুখসাবু খেয়ে নাও দেখি।

লছমন মুখ ফিরিয়ে বললে : একথার জবাব না পেলো ভাগি আর কুছু খাব না।

নয়ন লছমনের চিবুকটি ধরে বললে : ছিঃ ! অমন রাগারাগি কি করতে আছে ? আগে পশিটুকু খেয়ে নাও, তারপর জবাব শুনো।

লছমন বললে : মাইরি নয়না ! তোর দিক্বি হামি যতক্ষণ না তোর মুখে শুনবো তুই হামাকে নিয়ে ঘর করবি, ততক্ষণ হামি দাঁতে কুটা করবো না ।

নয়ন মনে মনে একটু হাঁসলো । সে যা উত্তর দেবে, সেটা এত শীঘ্র সে দিতে চায় না । জিবে লজ্জা বেন জড়িয়ে ধরে ! সে বললে : আগে তুমি ভাল হয়ে ওঠো, তারপর ও সব কথা হবে ।

লছমন বললে : হামি যতক্ষণ না তোমার মুখ থেকে জবাব শুনবো, ততক্ষণ ভাল হ'ব না ।

—এখন তো গায়ে অনেকটা জোর পেয়েছ ?

—জোর হামার দরকার নেই । তুমি আগে বলো, হামার হবে কি না, নইলে হামি আবার মারামারি করে মাথা ফাটাবো ।

—এবার কার মাথা ফাটাবে ? আমার ?

লছমন উত্তর দেয় না । সে রাগ করে এক পাশ ফিরে শুয়ে রইলো ।

নয়ন কথা ঘুরিয়ে নেবার জন্তে বললে : কাল বড় সাহেব নিজের আমাদের বাড়ীতে এসেছিল, জান তো ?

লছমন উত্তর দিলে না ।

তবু নয়ন বলতে লাগলো : বড় সাহেব তোমার মারামারির কথা জিজ্ঞাসা করলে, আমি সব খুলে বললুম । সাহেব আমাকে জিজ্ঞাসা করলে, লছমনকে সর্দার মারলে কেন ? আমি বললুম, আমাকে সে ছাড়িয়ে নিতে গিছিলো বলে' । সাহেব জিজ্ঞাসা করলে : সর্দার কি তোমাকে বে-ইজ্জত করেছিল ? আমি তখন সব কথা খুলে বললুম । সাহেব শুনে ভারি চটে গেল, আর বললে সর্দারকে কল

মিস্ত্রির মেয়ে

থেকে একেবারে তাড়িয়ে দেবে। আর তোমাকে একটা বড় রকম বখশিস করবে।

লছমন আর রাগ করে থাকতে পারলো না। মুখ ফিরিয়ে জিজ্ঞাসা করলো : কি বখশিস করবে বললে ?

—তুমি আগে পথাটুকু খাও, তবে বলবো।

লছমন আবার মুখ ফিরিয়ে নিলে অভিমানে। তার লজ্জাও একটু করতে লাগলো অভিমানের কথা ভুলে গিয়েছিল বলে। কিন্তু বেশীক্ষণ থাকতে পারলো না। আবার মুখ নয়নের দিকে ফিরিয়ে বললে : বখশিস যদি সাহেব দেয়, দেওয়া উচিত তোমাকে, হামাকে নয়।

—কেন ?

—কেন কি ? তুমি যে হামায় এই দিন রাত ধরে তদ্বির ক'রে ভাল করলে,—এ কে করে ?

—কে না করে ? বাড়ীর পাশে যে থাকে, সেই করে। চোখের স্তম্ভে একটা লোক মরচে, একি দেখতে পারা যায় ?

—বাড়ীর পাশে তো অনেক লোক আছে, কেউ তো করলে না ?

—করলে না,—কিন্তু করা উচিত ছিল।

—না নয়না ! হামি বেশ বুঝতে পেরেছি তুমি শুধু সে জন্তে হামাকে এতো খেটে খুটে বাঁচিয়ে তোলনি—তুমি হামাকে সত্যিই ভালবাসো ! না নয়না ?

—হাঁ, তাই তো তোমাকে বিয়ে করতে চাইচিনে।

লছমনের মুখখানা কাল-বৈশাখীর মেঘের মত কালো হয়ে উঠলো।

সে তখনই পাশ ফিরে শুয়ে বললে : হামি কালই দরিয়ান জলে ডুবে মরবো।

নয়ন ফিক্ করে হেঁসে বললে : সাহেব যে তোমার দশ টাকা মাঠিনে বাড়িয়ে দিয়ে গেল !

লছমন উদাসীন ভাবে বললে : দিক্ গে !

(৩৩)

নয়নতারা মুখ ফুটে কিছু বললে না, লছমনও তার কাছ থেকে কোনও উত্তর বার করতে পারলে না, তবু কিছুদিন বাদে তাদের বিয়ে হয়ে গেল।

এতদিনে লছমন অনেকটা ভাল হয়ে উঠেছে। মাথা ফাটার জন্তে সে চটকলের সাহেবের কাছে বখশিব পেয়েছে; দশ টাকা করে বেশী মাঠিনে। নয়নতারা তার চাকরি ফিরে পেলে, কিন্তু সাহেবের অমুগ্রহে এখন আর তাকে বেশী খাটতে হয় না। সেই শিখ সর্দার চাকরি থেকে বরখাস্ত হয়ে গেল, এবং আদালতের বিচারে তার জেল হ'ল তিন মাস।

লছমন এখন বড় আনন্দে দিন কাটায়। নয়নতারা তার ছোট সংসারের সব ব্যবস্থা করে দেয়, কাজেই তাকে আর কোনও দিকে দেখতে হয় না। বেলা বারোটায় সময় কল থেকে তেতে পুড়ে এসে তাকে আর অঁটা নিয়ে বসতে হয় না, নিজেকে রুটি বেলতে হয় না, উঠুন জ্বলে রুটি সঁকতেও হয় না। আজকাল তৈরি রুটি আবার

মিস্ত্রির মেয়ে

ডহর ডাল তার জন্তে তৈরী হয়ে থাকে। এত সুখ লছমনের জীবনে এই প্রথম হল! তা ছাড়া তার অনেক দিনের সুখস্বপ্ন যে আজ সত্যে পরিণত হয়েছে, এইতেই সে আহ্লাদে আটখানা।

নয়নতারা চাকরীও করে, গিল্পীপনাও করে। বিয়ের দিন রাতে লছমন কিছু বেজায় রকম সরঞ্জাম করে ফেলে, তাই তাদের কিছু ঋণ হয়। সেই ঋণটা শোধ করবার জন্তে নয়ন উঠে পড়ে লাগলো, নানা দিকে সংসারের খরচ কমাতে।

বিয়ের দিন রাতে লছমন বস্তির সকলকেই নেমস্তন্ন করে আসে। তা ছাড়া কলেরও অনেক মজুর-মিস্ত্রিকে, এমন কি সাহেবদের পর্যন্ত সে এই বিরাট উৎসবে যোগদান কর্তে অনুরোধ করে আসে। বস্তির লোক অবশ্য সকলে আসে নাই, তবু ঘারা এসেছিল তারা সংখ্যার বড় কম নয়। বাঙ্গালী মিস্ত্রি গৃহস্থেরা কেউ আসে নি, কেননা, তারা এই ভিন্ন জাতীয় বিবাহ পছন্দ করলো না। গোঁড়া হিন্দুস্থানীরাও অনেকে এল না, কেননা, তারা বাঙ্গালীর সঙ্গে বৈবাহিক সম্বন্ধটাকে ধর্ম-নিষ্ঠার বিপরীত আকৃতিতে দেখে। তারা পেটের জন্তু কলে চাকরি করে, চুরি-চামারি পর্যন্ত কর্তে রাজি আছে, অধীনস্থ মজুরদের হকের পরসামেরে দেশে তিন গুণ টাকা পাঠাতে কুণ্ঠাবোধ করে না, তা বলে বাঙ্গালীর সঙ্গে হিন্দুস্থানীর বিয়েতে কি করে পাত পেড়ে খেয়ে যেতে পারে? তাতে যে তাদের পরকালের পথে কাঁটা পড়বে! তাদের পরমাত্মা যে চটে যাবেন।

মাদ্রাশী অনেকে এল, কেউ কেউ এলো না। উড়ে হু' একজন এলো, শুধু মাছ মাংস তরকারি খেল না, আর সব খেল। ঐ কটা

মিস্ত্রির মেয়ে

কিনিস খেলেই নাকি তাদের জাত বার ! অশু কিছুতে জাতের গায়ে আঁচড়ও লাগে না। তারা এ গুলোকে বলে এঁটো। এঁটো আর জাতে অপাংক্তের সম্পর্ক।

কলের মজুররা অনেকে এলো, পেট ভরে খেলে, আবার বাবার সময় চ এক আনা বউএর মুখ-দেখানি দিয়ে আনন্দ করে গেল।

বুড়ুর বউ এসে মাথার কুলো বয়ে জল শয়ে গেল, আলপনা দিয়ে গেল, নরনকে গয়না পরিবে দিয়ে গেল, বিয়ের সময় কনে বরণ করলে। সবই করলে, কেবল খাবার সময় পালিয়ে বাসায় গিয়ে ঘরের খিল বন্ধ করে দিল। অনেক ডাকাডাকিতেও জবাব দিলে না। তার পর সাত দিন আর বুড়ুর বউ এ বাড়ীতে আসে নি।

বুড়ু হয়েছিল বরকর্তা, কাজেই একজোড়া ধুতি উড়ুনি রোজগার করলে।

বাহ'ক, অনেক গোলগাল হলেও লছমনের বিয়ে বেশ সুসম্পন্নই হয়ে গেল। যারা এসেছিল তারা খেয়ে বেশ প্রশংসাই করে গেল। এই প্রশংসা অর্জন করতে লছমনের অবশু কিছু ধার হোল।

ধার হোল না, যদি না নয়নতারা একটা বায়না ধরতো। লছমন ঠিক করেছিল, সকলকে চিড়ে দই আর নাছু খাইয়ে দেবে। নয়ন শুনে বললে : তা হোল, যদি তুমি পশ্চিমে খোঁটার দেশে বিয়ে করতে। এ বাঙ্গলাদেশ, এখানে বিয়েতে লুচি খাওয়াতে হয়। লুচি যেঠাই যদি না করো তাহলে আমি বাড়ী থেকে চলে যাব।

এত বড়ো অভিশাপের হাত থেকে পরিত্রাণ পাবার জন্তে লছমন নিজের মত বদলালো। বিশেষ, এসময়ে নয়নতারার কথা

মিস্ত্রির মেয়ে

ঠেলবার তার শক্তিও ছিল না, ইচ্ছাও ছিল না। বুদ্ধুর কাছে পঞ্চাশ টাকা ধার করে মুদির দোকানে দিয়ে এল। এই বোকামিটা তাকে করতে হয়েছিল নয়নতারার খাতিরে।

বিয়ের দিন সকালে নয়ন একটু কঁানলো তার মায়ের জন্তে ! অনেক দিনের মা'কে একদিনের আমোদে ভোলা যায়না, বিশেষ আমোদের এমন একটা বদনাম আছে, যে তার পদক্ষেপ অপ্রত্যাশিত ভাবে একটা পুরাতন জীর্ণ বিষাদকে ঝেড় ঝেড়ে আবার নতুন করে তোলে।

লছমনের দেওয়া রূপোর গয়নাটা হাতে পরতেই নয়নতারার মনে এলো মায়ের কথা। তার মা কতোবার বলেছিল, একখানা বাহোক-তাহোক গয়না তোর হাতে পরিয়ে দিতে পারলে দেখতে বড় চমৎকার হয়। কিন্তু এ সদিচ্ছা মা কখনও পূরণ করতে পারেনি। মা যে সাধ মিটাতে পারেনি, আজ লছমন আমার সে সাধ মেটালে। আজ মা যদি কাছে থাকতো, নিশ্চয়ই আমার গায়ে গয়না দেখে তার সব রাগ ভুলে যেতো। আমার চিবুক ধরে একবার একটা চুমু খেতো। কিন্তু মা'র কপালে সে সুখ নেই,... আমারও কপালে,—আর নয়নতারা থাকতে পারলে না, ফুঁপিয়ে কেঁদে উঠলো। লছমন দেখে আশ্চর্য্য বোধ করতে লাগলো, কিন্তু মেয়ে মানুষের মনের ভেতর ঢোকবার তখনও তার শক্তি হয় নি। কাজেই সে এমন সুখের দিনে ছঃখের চোখের জল দেখে বড় মন-মরা হয়ে গেল।

নয়নের চোখের জল আপনার কোঁচার খুঁটে মুছিয়ে দিয়ে লছমন জিজ্ঞাসা করলে : নয়ন, অমন করে কাঁদতে বসলে কেন ভাই ?

মিস্ত্রির মেয়ে

নয়ন বললে : মা'র জন্তে বড় মন কেমন কচে ।

লছমন বললে : মা'কেতো আমরা কোন অচ্ছেদা করিনি, তিনিতো নিজেই নিজ হাতে চলে গেলেন : তা আমরা কি করো ? আর আমিতো তখন একেবারেই বেহুঁস হয়ে পড়ে ছিলাম ।

নয়ন কান্নার মোটা-গলার বলতে লাগলো : না, তোমার তাতে দোষ কি ? দোষ সবই আমার কপালের । নইলে, তোমাকেই বা মা দেখতে পারো না কেন ? তোমার ওপর গোড়া থেকেই মা'র যেন কেমন কোপদৃষ্টি ছিল ।

লছমন দুঃখিতভাবে বললে : কিন্তু আমি কি দোষ করেছি তাঁর পারে, বলতো নয়ন ?

নয়ন উত্তর করলে : না, মা'র বোঝবার ভুল । নইলে তুমি যা উপকার করতে আমাদের, তেমন উপকার ক'টা লোক করতো ? কই, এইতো বাবার ভাই রয়েছেন দেশেতে, তিনি কি বাবার অসুখের সময়ে একবার উঁকি মেরেছেন !

নয়নের কথা শুনে লছমনের মনের মেঘগুলো অনেকটা ফসাঁ হয়ে গেল । সে নয়নের বাম হাতখানা আপনার হাতের উপর তুলে নিয়ে বললে : আমার একটা দুঃখ রয়ে গেল নয়ন, যে আমি মাকে কখনও খুঁদী করতে পারলুম না ।

নয়ন একটু চুপ করে থেকে আবার বললে, মা'র ওই কেমন একটা দোষ ছিল । বাঙ্গালী ব'লে হিন্দুস্থানীদের মোটে দেখতে পারতেন না । কেন ? হিন্দুস্থানীরা কি মাছুষ নয় ?

লছমন এবার অনেকটা সাহস পেয়ে বললে : সেকথা যদি তোমরা

মিস্ত্রির মেয়ে

বলো, তাহ'লে আমরাও তো তোমাদের ঘেন্না করতে পারি। বাঙ্গালী নাহয় বাঙ্গলা দেশেই বড় হ'ল, কিন্তু আমাদেরও তো দেশ আছে। সেখানে আমরাও তো তোমাদের ওপর ঝাল ঝাড়তে পারি।

লছমনের যুক্তি শুনে নয়নও আরম্ভ করলো : আমরা ছেলেবেলা থেকে এমন সব অশ্রায় ধারণা পাই যে সেগুলোর কোনও মানে হয় না। হিন্দুস্থানী দেখলেই তাকে ঘেন্না করবো, সে যতই সুন্দর হোক না কেন! দামী দামী ফর্সা পোষাক পরা থাকলেও, তাকে ভাববো ছোট লোকের ছেলে বলে! এই বা কেমন কথা? এরকম অশ্রয় কাণ্ড এদেশে আর চলতে পারে না। বাঙ্গালীর যখন পয়সা ছিল, তখন হিন্দুস্থানীদের ঘেন্না করা হয়তো চলতো! কিন্তু আজ বেশীর ভাগ বাঙ্গালীকে খেটে খেতে হয় চটকলে, কারখানায়, মিস্ত্রিখানায়। এসব যারগায় বাঙ্গালী হিন্দুস্থানী পাশাপাশি কাজ করে। পাশাপাশি কাজ করলে একজন আর একজনকে ঘেন্না করবে কেমন করে? এ দু'দলে এখন মিল হয়ে যাওয়া উচিত।

লছমন নয়নতারার বেশ সেয়ানার মত কথা শুনে বড় তারিফ করলে। ভারি খুসি হয়ে বললে : নয়ন? তুই যদি ভাই লেখাপড়া শিখতিস্ তাহলে ভারি বড়া আদমি হতে পারতিস্। তুই ঠিক বলেছিস এ দুইদলে মিল হয়ে যাওয়া দরকার, নইলে বড়া খারাপি হবে। বাঙ্গালী যেখন জমিদার আমীর ওমরা ছিল, তেখন হিন্দুস্থানী আদমিকো মেডো খোঁটা এসব বোল্কে হেনাস্থা করা চলতো। এখনত ভাই চাকা উলটে গেছে। এখন হাম্‌বি মজুর, বাঙ্গালীবি মজুর। এখন হাম্‌বি চটকলমে কাম করতা, তোম্‌বি চটকলমে কাম করতা। তব্ ফারাক কাঁহা ভাই?

মিস্ত্রির মেয়ে

লছমন এতক্ষণ বেশ বাগ্নলাভাষায় কথা কচ্ছিল, কিন্তু যখন তার মনটা জাতীয়তার উত্তেজনার জেগে উঠলো, তখন তার ভাষাও হয়ে দাঁড়ালো জাতীয়তার কাণমলা খেয়ে তারই অনুমোদিত ধরণে। মনে যখন তুফান ওঠে, মানুষ তখন রোজগারি ভাষা ভুলে যায়, মাতৃস্বত্ত্ব থেকে যে ভাষা তার রক্তে মিশে আছে, সেই ভাষাই তার জিবে আগে এসে পড়ে। মনের তুফান কণ্ঠের বালুতটে আছড়ে এসে পড়ে।

নয়নভারা বসে কি ভাবছিল। লছমনের কথা শেষ হ'লে বললে : ফারাক যার কাছে আছে তার কাছে থাক্গে, আমাদের কাছে নেই। বড়লোকদের জাতবিচার মানা চলে, আমাদের চলে না! পেটের জন্তে যাদের খাটতে খাটতে দম ফেটে যায়, তারা মানুষের সঙ্গে মানুষের ফারাক টানবার সুবিধে পাবে কোথা থেকে? মা এই কথাটা বুঝলে না এইটেই বড় আপশোষ!

লছমন শেষে বললো : আরে মার কথা ছোড় দেও! মা পুরাণা আদমি, ওতো হিন্দুস্থানী লোককো তফাত্ জরুর করেরা। তুমি যে মায়ের সঙ্গে ভিড়ে হামাকে বরখাস্ করোনি, এই হামার নসীব।

ঠিক এমনি সময় বুদ্ধুর বউ ঘরে ঢুকে বললে : আরে তোমলোক বৈঠকে বৈঠকে বাত্ করতা ছায়, ইধার যোগাড় ক্যাইসে হোগা?

মস্ত একটা সামাজিক সমস্যার তর্ক এইখানেই শেষ হ'ল।

গ্রামটির নাম ছিল দো-গাছি ।

অবশ্য যাঁরা মনে করেন, ঠিক ছ'টি মাত্র গাছ ছিল ব'লে এ গ্রামের এমন নামকরণ হয়েছে, তাঁরা মস্ত ভুল করেন । কেননা, প্রত্যক্ষে দেখা যায়, গ্রামখানি বন জঙ্গলে পরিপূর্ণ । বছরের মধ্যে প্রায় আট মাস, দোগাছি গাছ-গুল্ম-লতা ইত্যাদিতে একেবারে সমাবৃত হয়ে ম্যালেরিয়া-গ্রস্ত বুড়ীর মত লেপ মুড়ি দিয়ে আপনার গাঙ্গা আপনি বুঝতে থাকে, বাকি শীতকালের কয় মাস লেপের ভেতর থেকে মুখ বা'র ক'রে কোনও রকমে সাড়া দেয় 'আমি আছি' ।

বর্ষাকালে গ্রামের যা অবস্থা হয়, তাতে বাহিরের পৃথিবীর সঙ্গে তার সমস্ত আত্মীয়-কুটুম্বিতা একেবারেই লোপ পায় । গ্রামের বাইরে যত ধানের ক্ষেত আছে, সমস্তই গলা জলে দিনরাত চুবুনি খেতে থাকে । একবার যদি বা একটু মুখটা বাড়িয়ে বাহিরের হাওয়ায় নিঃশ্বাস প্রশ্বাস নিতে পায়, পরক্ষণেই আবার অবিশ্রান্ত বৃষ্টিতে তাদের মাথার ওপর দিয়ে জলের ঢেউ বিজয় দণ্ডে অভিযান করতে থাকে ।

অনেক মেঠো রাস্তা পার হয়ে, অনেক বোঁচগাছের ঝোপ পাশ কাটিয়ে, অনেক তেঁতুল গাছের রক্তহীন ডলদেশ দিয়ে, সাপ-খোপের অত্যাচার থেকে আপনাকে বাঁচিয়ে, তবে এই গ্রামে পঁছঁছিতে হয় কোনও আগন্তুককে । রেলপথ থেকে অনেক দূরে এর সামান্য । গরুর গাড়ীর অঙ্গ-প্রত্যঙ্গ-চূর্ণকারী যান-বাহনই এ গ্রামে পঁছঁছিবার একমাত্র

মিস্ত্রির মেয়ে

নিরাপদ ও নিশ্চিত উপায়। তবে ঝাঁদের চরণ খেনো-মাঠের এবড়ো-খেবড়ো জমিতে রক্তাক্ত হয়েও আপনার শক্তি হারায় না, তাঁদের শ্রীচরণে প্রণাম রেখে একথা বলতে হবে, তাঁরা সত্যই বীরাগ্রগণ্য এবং যদি বীরত্বের কোনও পুরস্কার এ পৃথিবী দিতে জানে, তাহ'লে তাঁরাই এ পুরস্কার পাবার প্রকৃত উপযুক্ত ব্যক্তি।

সাপ-খোপের ভয়ও এ রাস্তায় আছে, কিন্তু সে-সকলে ভয় পায় কা'রা? যারা সাপের সঙ্গে প্রতিদিন দেখা-সাক্ষাৎ আলাপ-পরিচয় করে, তারা কি কখনও তাদের ভয় পায়? গ্রামবাসীরা এ সকল জন্তুকে মোটেই গ্রাহ্য করে না, কেননা তারা যে তাদের প্রতিবেশী। অনেকে তাদের সহিত সম্বন্ধ পাতাতেও কসুর করেনি।

আষাঢ় মাসের প্রথমে মাঠ পথ কিছু কিছু জলে ডুবেছে, এমন একটা দিনে একটি প্রাপ্তবয়স্ক প্রৌঢ়া একটি ছোট মেয়ে কোলে ক'রে মাঠের পথ দিয়ে দোগাছি গ্রামের দিকে অগ্রসর হচ্ছিল। বৃষ্টি ঝির ঝির করে একটু একটু পড়ছিল, কিন্তু তাতে স্ত্রীলোকটি বিশেষ কাতর না নয়। মাঝে মাঝে হাঁটুভোর জল ভেঙ্গে তাকে যে এগুতে হচ্ছিল, এর জন্তেও সে ক্রক্ষেপ কচ্ছিল না। পাশে মাঠের ওপর চাষার মাথায় তালপাতার টোকা চড়িয়ে ধান বুনতে বুনতে যে তার দিকে বিন্মিত নেত্রে চেয়ে দেখছিল, তাতেও রমণী কিছুমাত্র বিচলিত হচ্ছিল না। আপনার মনের গোঁরে আপনি সে চলছিল গ্রামের দিকে।

খানিক দূর এসে, পাশে একটা সাঁকো দেখতে পেয়ে রমণী তার কোলে-চড়া মেয়েটিকে বললে : একটু বস্ দেখি কাজলা, আমি একটু জিরিয়ে নি।

মিস্ত্রির মেয়ে

সাঁকোর দুই দিকে দুটো উঁচু রোয়াকের মত ছিল, সেগুলো বিলিতি মাটি দিয়ে বাঁধান। ডিষ্ট্রীক্ট বোর্ডের দয়ায় বোধ হয় এই সাঁকোর রোয়াকগুলো জন্মলাভ করেছিল। বাত'ক, রমণীটি মেয়েটিকে সেইখানে জোর করে বসিয়ে দিয়ে আপনি 'একটু কোমর ছাড়িয়ে দাঁড়াল।

দাঁড়াল বটে, কিন্তু মুখ কামাই নেই। মুখে অনবরত ব'কে যাচ্ছিল সে! "মুখে আগুণ! মুখে আগুণ! অমন মেয়ের কি মুখ দেখতে আছে? আর পৃথিবীতে লোক খুঁজে পে'ল না, শেষকালে কি না একটা মেড়ো! তাই যদি একটা পয়সা-ওয়াল মেড়ো হ'ত, তাহলেও বা হয় কথা! তা নয়, শেষকালে কি না একটা পাটকলের মজুর! প্যাংরা মারো মাথায়! আমি শত জন্ম আইবুড়ো হয়ে থাকি, সেও ভাল, তবু আমার অমন ভাতারে কাজ নেই। আর কি নিঘ'ঘিনে গো! জাতকুল সব মজালে! একবার ভেবেও দেখলো না যে তুই কোন্ বংশে জন্মেছিস! ও যদি বেঁচে থাকতো, তাহলে কি এমনটা হ'তে দিত! আমার কপালে এসব ভোগ লেখা আছে, তা না হলে সেই বা চলে যাবে কেন? ঘোর কলি! ঘোর কলি! মেয়েটা একবার মায়ের মুখের দিকে তাকিয়ে দেখলে না গা!"

ইত্যাদি অনেক রকম আপশোষ রমণীটি কর্তে লাগলো দাঁড়িয়ে দাঁড়িয়ে। পাশেই বড় একটা ধেনো মাঠ, তার ওপর হাঁটুজলে দাঁড়িয়ে একজন বুড়ো চাষা ধানগাছ নেড়ে পুঁতছিল। গায়ের মাংস তার লোল হয়ে পড়েচে, তবু সে রবারের মত শরীরকে টেনে টেনে,

এই জলে দাঁড়িয়ে সমুদ্রের পেটের জ্বালার ব্যবস্থা কচ্ছে। বুড়ো চাষা বোধ হয় প্রোড়া রমণীটির চাঁচিয়ে-বলা চিন্তা-শ্রোতটি শুনতে পেয়েছিল। সে শেষ কথাটির সূত্র ধরে বললে : কলি কি এসে গেছে না কি বাছা ?

প্রোড়া, বুড়ো চাষার প্রশ্নে অপ্রস্তুত হ'ল না, বরং খুব প্রস্তুতের মতই উত্তর দিলে : তোমার এত বয়েস হয়েছে আর তুমি জান না কলি পৃথিবীতে এসে গেছে কি না !

বুড়ো বললে : আমার তো মনে হচ্ছে, সে পাজি দেবতাটা এখনও পুরোদমে এসে পড়ে নি। তাই যদি আসবে, তাহ'লে এখনও চন্দর স্থ্যি উঠচে কেমন ক'রে ?

—চন্দর স্থ্যি যার কাছে উঠচে, তার কাছে উঠচে। আমার কাছে ত কই কেউ-ই ওঠে না ! আমার যে রাত আরম্ভ হয়েছে তাতো আর শেষ হতে চায় না !

শেষ হবে, শেষ হবে। বিশ্বাস রাখো, একদিন শেষ হবে। আজ কষ্ট পেয়েচো তাই অমন বলচো ! আবার যখন সুখের দিন আসবে তখন অল্প রকম বলবে !

না বাপু ! আমার আর সে আশা নেই ! আমার সব আশাই সেই হতভাগা মেয়েটা উপড়ে ফেলেচে !

তোমার কি হয়েছে কি, আমরা একটু শুনতে পাইনে ?

সে শোনার মত কথা নয় গো ! মানুষকে যে মানুষ জানাবে, এমন ফাঁকটুকু সে রাখে নি।

সে কে তোমার ?

মিস্ত্রির মেয়ে

কে আর আমার ! যম আর কি !

যম ? যমের ওপর তোমার এত অভিমান ? কিন্তু তাকেতো একদিন তোমায় ধরা দিতে হবেই !

সত্যি । যমের কাছে ধরা দেওয়া ঢের ভাল, কিন্তু এ মানুষ-যমকেতো আমি পেরে উঠছি নে !

বুড়ো চাষা হাতের কাজ ফেলে শ্রোতার দিকে চোখ তুলে বললে :
মানুষ-যম ? তাহ'লে কোনও লোক বুঝি তোমার সর্দনাশ করেছে,
তার ওপর রাগ ক'রে এসব কথা বলচো ?

হাঁ, লোক ব'লে লোক ! একেবারে নিজের পেটের লোক !
তাইতো, কিছু করে উঠতে পারিনি ! কিছু করতে গেলে, নিজের পেটে
টান পড়ে !

বুড়ো এতক্ষণে বুঝে বললে : ওঃ ! নিজের পেটের ছেলে মেয়ে
বুঝি কেউ বড় যন্ত্রণা দিচ্ছে ! ছঃখু করোনা গো ছঃখু করোনা , ওটা
সংসারের এক রকম বাঁধা নিয়ম । তা না হ'লে আমি এ-বয়সে
কোদাল হাতে ক'রে বিষ্টিতে ভিজতে ভিজতে মাঠে ধান ব'নি ! বাপ
মা হলেই ও শাস্তিটা সকলকেই ভুগতে হয় !

কিন্তু এ সাহসনা কিছুমাত্র কাণে না তুলে শ্রোতা আপন মনে বকে
ষেতে লাগলো : বাপতো পালিয়ে গেল ড্যাঙ-ডেঙ্গিয়ে ! এখন যত
কিছু ভুগতে হচ্ছে আমাকে ! মুখে আগুন, মুখে আগুন ! দশমাস
দশদিন পেটে ধরলুম, নিজে মুখের গেরাস বার ক'রে নিরে খাইয়ে
মানুষ করলুম,—এখন সে মেয়ে চিনলে কিনা একটা মেড়োকে, যাকে
ছচক্ষে দেখতে পারিনি ! থাক্গে ! তার ছায়া আর আমি এ জীবনে

মাড়াবো না! চল রে কাজল, চলে চল। দেখি, কোথায় আবার
হাঁড় ক'খানা জুড়োবার ঠাই মেলে!

প্রোটা তার মেয়েটাকে কোলে তুলে নিয়ে আবার পথ চলতে
শুরু করলো।

কোথায় যাবে তোমরা? বুড়ো জিজ্ঞাসা করলে।

যাবো আর কোথায়? দেখি, কোথা জায়গা মেলে?

এখন যাচ্ছ কোথায়?

ঐ দোগেছে গেরামে যাবো। হাঁগা, সে আর কতদূর?

দোগেছে যাবে? কাদের বাড়ী গা?

ঐ পালেদের বাড়ী! চেনো ওদের?

দোগেছের পালেদের? চিনি বইকি! আমারও তো বাড়ী ঐ গেরামে।

বটে? তা ভাল। তা হাঁগা, দোগেছের লোক গুলো কেমন
ধারা গা?

বুড়ো গোটাকত ধান গাছ জল-কাদায় পুঁততে পুঁততে বললে :
কেমন ধারা আর? যেমন পাঁচজনে, তেমনি! মানুষও আছে, আবার
জানোয়ারও আছে।

বলি, আত্ম-কুটুম্বকে দয়া ধম্ম করে? না, কেবল নিজেদের পেটটাই
চেনে?

কেন, এমন কথা জিজ্ঞেসা কচ্ছ কেন?

প্রোটা সামলে নিয়ে বললে : না, তাই বলছি!

বুড়ো সন্দিক্ত হয়ে জিজ্ঞাসা করলে : তুমি পালেদের কোনও কুটুম্ব-
কুটুম্ব হও বুঝি?

মিস্ত্রির মেয়ে

প্রোটা যেতে যেতে একটা দীর্ঘ নিঃশ্বাস ফেলে বললে : হাঁ, বাঁধন একটা আছে বৈ কি ! তবে ঠাঁরা এখন স্বীকার করলে হয় !

কি রকম সম্বন্ধ ?

তা খুব নিকট । আমি তাদের বাড়ীর বঁউ । ...বলতে বলতে রমণী মাথার কাপড়খানায় একটু টান দিলো ।

বউ হও ? কোথা থেকে আসচো, তুমি ?

আসচি অনেক দূর থেকে গো ! সে তোমরা চিনবে না । সোয়ামী কাজ করতেন কাঁকনাড়ার পাটের কলে ।

পাটের কলে ? ...বলে বুড়ো চাষা একবার ভেবে নিলে । বেশীক্ষণ লাগলো না তার আন্দাজ করে নিতে । বুড়ো অনেক দিনের লোক, তার স্মৃতির ভাড়ার জিনিষ-পত্রে একেবারে থৈ-থৈ করতো ! সে চট করে বললে : ও বুঝিচি ! আমাদের কালির বউ তুমি ? কালিই তো কাঁকনাড়ার চটকলে মিস্ত্রিগিরি করতো ।

পরিচয়টা একেবারে হাতে-হাতে হয়ে গেল দেখে কালিমিস্ত্রির বউ হেমাঙ্গিনী একটু সঙ্কুচিত হলো । মাথার কাপড়খানা আর একটু টেনেও দিল সে । শশুরবাড়ীর লোক, একটু সম্মম তো করতে হয় ! চাষা হ'লে কি হয় ? তার শশুর বাড়ীর পেরামে জজ-ম্যাজিষ্টার আর ক'টা আছে ?

—কালির বউ ? তা এতক্ষণ বলতে হয় ! আমি বলি, কে না কে ? ...হাঁ, হাঁ শুনিচি বটে, কালি মারা গেছে ! তা দেশে তো ঘরকন্না করলে না, চিরকাল বাইরে বাইরেই কাটালে ! কাজেই তোমাকে আর চিনবো, কি করে বলো ? তা, কালি কিছু রেখে-টেখে গেল ?

মিস্ত্রির মেয়ে

হেমাঙ্গিনী একটু খাটো-গলায় বললে : পোড়া কপাল ! একটা কাণ্ড
কড়িও নয় ! তাঁর যাবার সঙ্গে সঙ্গে আমরা সব পথে বসেচি !

বুড়ো আশ্চর্য হ'য়ে বললে : বটে ! তা এতো রোজ্জগার করতো,
তুমি ছটো সরিয়ে রাখতে পারো নি ?

হেমাঙ্গিনী কাঁদ-কাঁদ সুরে বললে : তখন কি জানতুম যে এগনটা
ঘটবে !

বুড়ো কপালের ওপর ভুরু তুলে বললে : ওমা ! এর জানা-জানি
কি ? তুমি এতো বড়-ডা হ'লে, আর এটা জনো না যে, মানুষ কেউই
এখানে চিরকাল থাকতে আসে নি ।

তখন ভাবতুম অগ্ররকম ! সেইটে-ই তো আমার বোকামি !

এঃ ! বড় ভাল কাজ করোনি বাছা, ভাল কাজ করো নি ! এত বড়
ভুলটাও করতে আছে ! তা যাক্, যা হবার তা হয়ে গেছে, এখন দেখো
যদি ভাসুর দেওর তোমায় যত্ন-আয়ত্তি করে !

সে আশাতেই তো সেখানে যাচ্ছি ।

যাচ্ছ বটে, তবে সুবিধে যে খুব হবে, তা বলে মনে হয় ন যাক্
গে, ও সব কথায় আমার দরকার কি বাছা ? তোমাদের ঘরোয়া কথায়
আমার কি পিয়োজন বলা ?

আমি একটু একটু জানি । তবু একবার দেখি, যদি অসমক্ষে
মুখ তুলে চায় ।

তোমার ছেলে-পুলে কি বাছা ?

ছ'টি মেয়ে, তার একটি তো,—

একটি কি হয়েছে ?

মিস্ত্রির মেয়ে

হবে আর কি ! এমন কিছু নয় । তবে, সেটি আমার বাধ্য নয় ।

বিয়ে হয়ে গেছে বুঝি ? আর যেটি কোলে, ঐটিই তোমার ঘাড়ে পড়েচে ?

ঘাড়ে আছেন ছ'টি-ই ! তবে,—

বুড়ো কৌতুহল-পরবশ হয়ে উৎসুক ভাবে জিজ্ঞাসা করলো : তবে কি বলছিলে ? ...সে মেয়েটি বিধবা হয়ে আছে বুঝি ?

বিধবাও নয় গো, সধবাও নয় ।...সে অনেক কথা ! সে আর তোমাকে কত শোনাবো ?

বিধবাও নয়, সধবাও নয় ! তবে ? ওঃ বুঝিচি, বড় হয়েছে, তবু এখনও বিয়ে দিতে পারো নি !

নাঃ । বিয়ে তার দিতে পারলুম কই ? বিয়ে দিতে পারলে কি আর এই যন্তুলা আমার ভুগতে হয় !

বড় যন্তুলা, বাছা, বড় যন্তুলা ! মেয়ে বড় হলে আর যে যন্তুলা, তা যেন অতি বড় শত্রুতেও না পায় !

হেমাঙ্গিনী এ কথায় আর কোনও উত্তর দিল না । শুধু একটা দীর্ঘ-নিঃশ্বাস ফেললো মাত্র । পরে কাজলকে কোলে নিয়ে হন্ হন্ ক'রে চলতে লাগলো ।

বুড়ো একবার চেষ্টা করে বললে : রাস্তা চিনে যেতে পারবে ত কালির বউ ?

হেমাঙ্গিনী আর পেছন না ফিরে বললে : তা পার্ক-খন । অনেকবার ত এসেছি । এ পথ আর ভুলবো কেমন ক'রে ?

মিস্ত্রির মেয়ে

বুড়ো আর একবার চেষ্টা করে বললে : হাঁ, তাতো বটেই ! গেরামের বউ, শ্বশুরবাড়ী চিনতে পারেন না ? ঐ যে ঐ মুদির দোকান দেখা যাচ্ছে ! ঐ দোকানের ডানদিক দিয়ে রাস্তা। আর একটু গেলেই পাবে পালেদের বাড়ী।

(৩২)

মেঠো পথটা আর একটু এগিয়ে দুই ভাগে ভাগ হয়েছে। একটা গেছে ডানদিকে দোমেছে গ্রামের ভেতর, আর একটা গেছে বামে আর এক গ্রামে। ঠিক মোড়ে, পথটা ভাগ হবার ঠিক সম্মুখে আছে একখানা মুদির দোকান। দূর থেকে দোকানখানা দেখতেই হেমাঙ্গিনীর সব মনে পড়ে গেল।

বিয়ে হবার পর যখন সে প্রথম শ্বশুরবাড়ী আসে, তখন ওই দোকানটার সম্মুখে তার পালকি দাঁড়িয়েছিল আধ ঘণ্টার ওপর। সে আজ অনেক দিনের কথা ! কিন্তু তার মনে এখনও সে কথা জল্ জল্ কচ্ছে। এই দোকানদারের বাড়ীর মেয়েরা বউ দেখতে এসে প্রথম তাকে শোনায় “ও মা, বউ তো নয়, যেন ছেলে পুলের মা ! এত বড় মেয়ে কি কেউ কখনও আইবুড়ো রাখে ! হেমাঙ্গিনীর তখন বয়স এগারো বছর মাত্র ! তবু তাকে কথা শুনতে হয়েছিল, শ্বশুর বাড়ীর গ্রামের লোকের কাছে ! শ্বশুর বাড়ীর লোকেরাও তাকে দিনরাত খোঁটা দিত, ধিকি মেয়ে বলে। আর আজ তার নিজের মেয়ের

মিস্ত্রির মেয়ে

বিয়ে হয়নি, আঠারো উনিশ বছরেও ! হেমাঙ্গিনীর মনে ছাঁৎ ক'রে এ বৈষম্যটা ঠেলে উঠলো ।

হেমাঙ্গিনী দূর থেকে দেখলে, মুদিখানা দোকানের ' স্মুখে কে একজন লোক একটা মোড়ার উপর বসে তেল মাখছে । সে অনুমান করে নিল, এই গ্রামেরই কোনো মাতব্বর লোক হবে । লোকটির বেশ বড় একটি ভুঁড়ি আছে, আর দেহটিও বেশ জঁকাল রকমের । মাথায় পাকাচুল ; স্মুখে একটু ছোট-খাট টাকও আছে । লোকটিকে চেনো চেনো বলেও তার ঠেকলো । কিন্তু পুরুষ মানুষের দিকে ভাল ক'রে তাকান তো যায় না !

তার এলো একটু সমীহ । শঙ্কর বাড়ীর গ্রামের বুড়ো লোক ; মাতব্বর টাতব্বর নিশ্চয়ই হবে । কাজেই একটু ঘোমটা না টেনে দিলে হিতে বিপরীত হবে যে !

হেমাঙ্গিনী তাড়াতাড়ি ঘোমটা একটু টেনে দিয়ে, হন্ হন্ করে মোড়টা পার হবার চেষ্টা করলো ।

যেতে যেতে কাণে গেল, দোকানদার বলচে : ওকি কচ্ছেন কত্তা ? একেবারে যে আধসেরটাক তেল আমার সাবাড় করলেন ?

লোকটি ধমক দিয়ে বলচে : যা, যা, সস্তা, তুই বড় বাড়িয়েছিস দেখচি ! ভারিত একটু তেল মেখেচি, তার জন্তে কথা শুনোচ্ছে ! তোর দোকানে রোজ কত জিনিষ নি, আর একটু তেল অমনি মাখতে দিবি নে ?

এ জবাবে দোকানদারকে একটু নরম হতে হ'ল । তবু সে বললে, মাখুন না একটু আধটু । তা ব'লে ঐ অতো ? ওরকম করলে যে আমি ছুদিনে ফেল হ'ব ?

মিস্ত্রির মেয়ে

— হ্যাঁ! ফেল হবি! আমি মাথলেই তুই ফেল হবি! আর ঐ যে নেতা, হরিয়ুগী, উমোচরণ সকলে তেল মেখে গেল, তাদের বেলায় কিছু হয় না?... হাঁরে সস্তা? ঐ মাগীটা কে গেল, তুই চিনিস রে?

সস্তা অর্থাৎ সনাতন মুদি উত্তর দিল : কে কোথায় রাস্তা দিয়ে গেল, আমি চিনবো কি করে?

বাঃ! মাগী দেখতে ত মন্দ নয়! বেশ আঁটো-সাঁটো হিষ্টু পুষ্টু গড়ন ত! ওঃ! আবার ঠমকে ঠমকে চলচে দেখ না!

সনাতন একটু রেগে বললে : ও আপনার কি রকম স্বভাব? রাস্তা দিয়ে মেয়েছেলে গেলেই তার দিকে নজর দেন?

নজর দেবো কেন? তাই দেখচি। মাগীত এ গেরামের বউ নয়! বাইরের কোন দেশ থেকে আসচে!

সনাতন নিম্পৃহ ভাবে বললে : তা হবে, কার বাড়ীতে বোধ হয় কুটুম এলো।

লোকটি অনুসন্ধিৎসু হয়ে বললে : কার বাড়ীতে বল দেখি?

সনাতন একটু উঁকি মেরে দেখে বললে : আপনার বাড়ীর দিকেই ত যাচ্ছে। দেখুন যদি জালে কাতলা মাছ পড়ে।

‘আমার বাড়ী?’ বলেই লোকটি বিশেষ চঞ্চল হয়ে পড়লো। তাড়াতাড়ি দোকানের টাটের ওপর বসান তেলের ভাঁড় থেকে খানিকটা তেল পলা করে হাতে ঢেলে নিয়ে, তাই মাথতে মাথতে বাড়ী পানে রওনা হ’ল। দোকানদার অবিশিষ্ট হাঁ হাঁ করে এসে ছ’চার কথা ছুঁড়ে মারলে, কিন্তু তাতে লোকটি কিছুমাত্র বিচলিত হ’ল না। সে তেলের সন্ধ্যবহার করতে করতে পা চালিয়ে চললো।

(৩৩)

দোকানদার ও ঐ ভুঁড়িদার লোকটিতে যে কথাবার্তা হচ্ছিল, হেমাঙ্গিনী পাশ দিয়ে যেতে যেতে তার অধিকাংশই শুনতে পেলে। যখন লোকটি তাকে উদ্দেশ্য ক'রে তার গড়ন-পিটনের তারিফ কচ্ছিল, তখন হেমাঙ্গিনী বুঝতে পেরে একেবারে লজ্জায় মরে গেল। কে এমন লোক এ গ্রামে আছে, যে হেমাঙ্গিনীর মত বিগত-যৌবনা স্ত্রীলোককেও লালসার চক্ষে দেখে, তা জানবার জগ্গ তার বড় কৌতূহল হ'ল। সে একবার চট্ করে পেছন ফিরে তার আধটানা ঘোমটার ভিতর দিয়ে দেখলো, লোকটা কে ?

চোখ পড়বামাত্রই হেমাঙ্গিনী চমকে উঠলো তাকে দেখে। এ যে পরিচিত! শুধু পরিচিত নয়, এবে একেবারেই অসুস্থ! এর বাড়ীতেই ত হেমাঙ্গিনী যাচ্ছে! এবে ভাসুর! ওমা কি লজ্জা!

ভাসুর তাকে নিশ্চয়ই চিনতে পারেননি। পারলে এমন ধারা লম্পটের মত তিনি কখনই মস্তব্য প্রকাশ করতেন না। কি লজ্জার কথা! তাকে দেখে বুড়োর এই বয়সে এই ভাব! চিনতে না পারলেও, অপর মেয়েমানুষ মনে করলেও, কি বুড়োর এরকম আবোল তাবোল বকা উচিত ছিল ?

হেমাঙ্গিনী ভাবতে লাগলো : হয়ত বা ভুল দেখেছি! লোকটা তার ভাসুর নয়! তাই সম্ভব! তাঁর মুখে কি এসব কথা সম্ভব? কি ঘেন্না!

যাহ'ক, হেমাঙ্গিনী আর পেছন দিকে না তাকিয়ে হন হন করে গম্ভবোর পথে চললো। কিছুদূর এসেই খণ্ডুর বাড়ী সম্মুখে দেখে সে হাঁফ ছাড়লো! বাবা! লোকটা তার পেছন নেয়নি ত!

(৩৪)

এর আগে খণ্ডুর বাড়ীতে সে অনেকবার এসেছে। কাজেই বাড়ী চিনতে তার ভুল হ'ল না।

এই ত সেই বাঁ দিকে একটা এঁদো ডোবা, আর ডোবার পাশ দিয়ে সরু মাটির রাস্তা। বর্ষাকালে এই সরু রাস্তা দিয়ে যেতে হেমাঙ্গিনী কতবার আছাড় খেয়েছে। এর আগে সে ডোবার জল খুব স্বচ্ছ দেখেছে, কিন্তু এবারে ডোবাটা পানাতে একেবারে বুজে গিয়েছে। তা থেকে একটা সঁদো গন্ধ অনবরত বেরুচ্ছে।

ডোবাতে কতবার সে'টোড়া সাপ দেখেচে। বড় বড় চার হাত লম্বা সাপ, কিন্তু কখনও কারুকে কামড়ায় না। তারা যেন গৃহপালিত গরু বাছুরের মত। খেতে দিতে হয় না, এই যা কথা। তারা নিজেদের খাবার নিজেরাই খুঁজে নেয়।

ডোবাটা শেষ হ'লেই চণ্ডীমণ্ডপ। মাটির দেওয়াল দেওয়া চালাঘর, কিন্তু বেশ পরিপাটি। বাড়ীর পুরুষেরা প্রায় সেখানে বসে থাকে। কিন্তু আজ এখন কেউ সেখানে নেই। সকলে গেল কোথায়?

ভেতর বাড়ীতে পৌছবার দরজায় এ কে দাঁড়িয়ে রয়েছে? একে ত হেমাঙ্গিনী কখনও দেখেনি। বেশ মোটা-মোটা কালো-কালো

মিস্ত্রির মেয়ে

হাতীর মত চেহারা। বয়স কিছু হয়েছে, কিন্তু তবু মাথায় খোঁপাটি বেশ সৌখীন রকমে বাঁধা। পরণে কাপড়খানাও বেশ বাহারে। গায়ে অলঙ্কারও অনেক আছে; এত অলঙ্কার হেমাঙ্গিনী এর আগে বাড়ীর কোনও বউয়েরই গায়ে দেখেনি। কে এই মেয়েমানুষটি? পাড়ার কেউ না কি?

হেমাঙ্গিনীকে আসতে দেখে সে আগেই কথা কইলো। জিজ্ঞাসা করলো : তুমি কে গা?

হেমাঙ্গিনী উত্তর দিল : আগায় চেন না? আমি এদের বাড়ীর বউ!

মেয়েমানুষটি ক্র কুঁচকে বললে : বউ? এদের বাড়ীর বউ ত এখন একজন। তুমি আবার কে? :

একজন? বাড়ীতে ত ছ' বউ থাকে। আর আমি এক বউ। আমি থাকি বিদেশে।

মেয়েমানুষটি একটু ভেবে বললে : ও বুঝি! কত্তার কাছে গুনিচি বটে, তাঁর এক ভাই বাইরে কোথায় পাটকলে কাজ করতো। তুমি তার বউ বুঝি?

হেমাঙ্গিনী বললে : হাঁ, আমিই সেই বউ। কিন্তু তুমি কে? আমি ত তোমায় এর আগে এ বাড়ীতে দেখিনি।

স্ত্রীলোকটি তাচ্ছিল্যের সুরে বললে : তা না দেখতে পার। তা'তে কিছু আসে যায় না। এখন আমিই এ-বাড়ীর সবে-সব্বা। খবর নিলেই জানতে পারবে।

বলতে বলতে স্ত্রীলোকটি মাতঙ্গিনীর মত থপথপে পা ফেলতে

ফেলতে বাড়ীর ভেতর চলে গেল। হেমাঙ্গিনী তার কথা শুনে আর আচরণ দেখে ত অবাক্ ।

হাঁগা, ছোট বৌ কোথায় ? হেমাঙ্গিনী একটু উচ্চৈঃস্বরেই জিজ্ঞাসা করলো ।

মাতঙ্গিনী যেতে যেতে পেছন না ফিরেই উত্তর দিল, কে জানে কোথায় তোমার ছোট বউ ।

সে সন্ধান দিল না বটে, কিন্তু ছোট বউ নিজে বাড়ীর ভেতর থেকে উত্তর দিলে, কে ডাকছো গা ?

আমি রে আমি । তোর মেজ দিদি ।

ভেতর দিক্কার একখানা ঘর থেকে একটি ময়লা-কাপড়-পরা আধা-বয়সী মেয়েমানুষ বেরিয়ে এসে বললে : মেজদিদি ? কে—তুমি ? এস, এস, অনেকদিন পরে তুমি এলে ! ওমা, কি চেহারা হয়ে গেছে তোমার ! আর যে চেনবার জো নেই ।

হেমাঙ্গিনী একটা দীর্ঘ নিঃশ্বাস কেলে বললে : আর ভাই ! যার দৌলতে এত নপর-চোপার ছিল, সেই-ই চলে গেল ! এখন আর কি শরীর থাকে ?

তাব'লে এত রোগা হয়ে গেছো ? আর এমন বিচ্ছিরি দেখতে হয়েছে ?

তোকেই বা কি এমন ভাল দুখচি ? তুইও তো একেবারে আধখানা হয়ে গেছিস্ !

ছোট বউ কঁাদ কঁাদ সুরে বললে : হ'ব না ? বাসন মেজে মেজে আর ক্লার কেচে কেচে এখনও যে বেঁচে আছি, এই চের । আর কি

মিস্ত্রির মেয়ে

মুখ সংসারে আছে ? ঈষৎ সংসার, তিনি ত চল গেছেন । আমাকে রেখে গেছেন, শুধু গালাগালি আর লাথি-ঝাঁটা খাবার জন্মে !

কথা শেষ হ'তে না হ'তে, উঠানের অপর দিক থেকে সেই হাতির মত মেয়েমানুষটি মুখ ভেঙে বললে : লাথি-ঝাঁটা আবার কে কবে মারচে ? ওঃ ! বাড়ীতে কেউ আসতে না আসতেই অমনি তার কাছে লাগান হচ্ছে, লাথি-ঝাঁটা খেতে খেতে আমার জীবন গেল ! এত মিথ্যে কথাও কইতে পারে সব ! আশুক আজ কত বাড়ীতে, এ সবেৰ ব্যবস্থা হবে'খন ভাল ক'রে ।

হেমাঙ্গিনী অবাক হয়ে গেল মেয়েমানুষটির বাঁকা বাঁকা কথার শ্রী দেখে । ব্যাপারটা কি সে ভাল ক'রে বুঝে উঠতে পারলো না । ছোট বউকে ইসারায় জিগ্যেস করলো : অমন ক'রে তোর মুখের ওপর বলচে, ও কে ?

ছোট বউ ভয়ে ভয়ে মুখখানা নত ক'রে খুব মৃদুস্বরে বললে : উনিই এখন ঘরনী-গৃহিণী !

কেন, বড়দি গেল কোথায় ?

ওমা, তা বুঝি শোন নি ? বড়দি ত আজ বছর দুই হ'ল, মারা গেছে । সে মারা গিয়েই ত আমার এই যন্ত্রণা বেড়েছে ।...আরও আস্তে বললে : পোড়া কঁপাল ! আর জন্মে কত পাপ করেছিলুম, তাই এ জন্মে এক ডোম মার্গীর দাস্যুত্ব কত্তে হচ্ছে !

হেমাঙ্গিনীও মৃদুস্বরে জিজ্ঞাসা করলো : ডোমমাগী ? ছোট বউ মুখ তুলে একবার উঠানের ওদিকে চেয়ে দেখে নিল, যার বিষয়ে কথা হচ্ছে, সে এখনও সেখানে দাঁড়িয়ে আছে কিনা । তার ভাগ্যক্রমে সে তখন

মিস্ত্রির মেয়ে

শাসাতে শাসাতে অণু কোথায় চলে গেছে। বউ একটা স্বস্তির নিঃশ্বাস ফেললে; পরে বললে (তবু তখনও তার চাপাগলার কথা) : আর বলো কেন মেজদি! এই ছ'বছর ধরে কি শোয়াস্তি যে আমার হচ্ছে তা জানেন সেই তিনি, যিনি সব কথাই জানতে পারেন। মাগী এলো এই বাড়ীতে প্রথমে বি-গিরি করতে। তারপর দিদি তোমায় আর বলবো কি! একদিন দেখি বড় কত্তা পুকুর ঘাটে ঠাঁড়িয়ে মাগীর সঙ্গে ফিসির ফিসির কচ্ছে। আমি ত লজ্জায় মরে যাই দিদি! ওমা তার ছ'একদিন পরে দেখি মাগী বড়কত্তার ঘরে এটা-ওটা-সেটা ছুতো করে যেতে আরম্ভ করেছে। তার পরেই আরম্ভ হল ঢলাঢলি! কত্তার ঘরে এখন মাগী নিয়ম ক'রে থাকতে শুরু করেছে। আর কি বেলেন্না, তোমায় আর কি বলবো! কারুকেই এখন আর সমীহ করে না। দিনে দুপুরে পাঁচজনের চ'থের ওপর যাচ্ছে-তাই কাণ্ড করছে!

হেমাঙ্গিনী ত শুনে একেবারে হতভম্ব! এক ডোম-মাগীর সঙ্গে বড়কত্তা বাড়ীর ভেতর বসে বসে এই ব্যভিচারটা কচ্ছে, একেবারে নির্লজ্জভাবে! সেতো প্রথমে বিশ্বাসই কর্তে চায় না, কিন্তু যখন ছোট বউ একেবারে শপথ ক'রে আরও অনেক কাণ্ড পুঙ্খানুপুঙ্খরূপে বললে, তখন তার অবিশ্বাসটা খানিকটা ধাক্কা খেলে।

পাশে ঠাঁড়িয়েছিল কাজল। সে নতুন বাড়ীতে এসে, সকলকে অপরিচিত দেখে কাঁদবার সাহস পর্য্যন্ত হারিয়ে ফেলেছে। মা'কে চুপি চুপি বললে : মা বড় ক্বিদে পেয়েছে।

হেমাঙ্গিনী তাকে চুপি চুপি বললে : একটু চুপ কর মা। এখনই ভাত দেবে, খাস খুনি।

মিস্ত্রির মেয়ে

কখন দেবে মা ?

ছোট বউ শুনে বললে : ততক্ষণ না হয় দিদি আমার ভাতগুলিই ওকে খেতে দাও। আহা, ছেলে মানুষ! কতক্ষণ না খেয়ে থাকে বলো। সকালে ওকে কিছু খেতে দিয়েছত ?

—থাবে আর কি ? উনুনের ছাই। রেলের আসবার সময় ইষ্টিসনে একপয়সার মুড়ি কিনে দিয়েছিলুম, তাই খেয়েই আছে।

সে অবধি আর কিছু খায় নি ?

আর কোথায় কি পা'ব বলো। তোমাদের যে দেশ, রাস্তায় ত কিছু পাবার যো নেই। এ তো আর সহর নয়, যে দোকান থেকে কিছু খাবার কিনে দেবো !

কেন, মোড়ের দোকান থেকে কিছু কিনে দিলে না কেন ?

সেখানে এক মিন্‌সে বসে তেল মাখছিল। আমার সাহস হ'ল না, দোকানের ভেতর গিয়ে কিছু কিনতে। মিন্‌সেকে যেন চিনি চিনি ব'লে মনে হ'ল। আচ্ছা, আমাদের ভাসুর সেখানে ছিলেন না ত ?

তিনিই হবে ! তিনি ত রোজ এই সময়ে যান মুদীর দোকানে তেল মাখতে।

হেমাঙ্গিনী শুনে শিউরে উঠলো। বললে : তবেই সেরেচে ! আমি রাস্তা দিয়ে আসছিলুম, দেখতে পেয়েছে। মানুষটি বাপু ভেমন সুবিধের নয়। আগে ত আমাদের বাসায় কাঁকনাড়ায় প্রায় যেতেন, কই এমনধারা ছিলেন না তো ! আজকাল যেন কেমন বুদ্ধি-শুদ্ধি লোপ পেয়েছে।

তুমি কি ক'রে টের পেলে দিদি, একবার দেখে ?

হাঁ, একবার দেখেই বুঝলুম, মানুষটা একেবারে বদলে গেছে। আমি আসছিলুম, আর আমার দিকে কেমন ভাবে তাকাচ্ছিলেন। মেয়েছেলে দেখে বুড়ো মানুষের ও কি রকম চাহনি ?

হাঁ, পাড়ার অনেকেই ঐ কথা আমার শুনিয়ে শুনিয়ে বলে। তা, আমি কি কর্কা দিদি ? উনি কি আমার বশ, যে বললেই কথা রাখবেন ? আর আমিই বা বলবো কেমন করে ?

যাক্গে, সে সব কথা পরে হবে। এখন আমার ছোটো পিঞ্জির ব্যবস্থা করে দে দেখি। সমস্ত সকাল পথ চলে আমি আর দাঁড়াতে পাচ্ছি নে।

ছোট বউ কপাল চাপড়ে বললে : পোড়া কপাল সংসারের ! তুমি এলে, তোমায় যে ছোটো চাল ফুটিয়ে ঠাণ্ডা করনো, তার ভেতরেও কত গলদ ! চাল, ডাল, তরি-তরকারী সব ঐ মাগীর জিন্মায়। তিনি হুকুম না করলে কিছুতে হাত দোবার যো নেই।

ওমা ! বলিস্ কিরে ছোট-বউ ? এতদূর গড়িয়েছে ? তুই বাড়ীর বউ, আর তোর কোনও অধিকার নেই—চাল-ডালের ওপর ! ঐ কোথাকার-কে ডোম মাগীর হাতে সব ?

কি কর্কা বলো ? ঝাঁর বাড়ী, ঝাঁর জিনিষ ঝাঁরই হুকুম। আমার সোয়ামী ত সাথেও নেই, পাঁচেও নেই। আজ ছ'দিন হ'ল মোটে বাড়ীমুখো হন নি। পাশের গাঁ ভ্যাবাগাছিতে ছ'দিন ধরে যাত্রা হচ্ছে, তিনি দিন রাত ধরে তার তদ্বির কচ্ছেন। এমন লোকের হাতেও বাবা আমার দিয়ে গিছিলেন !

মিস্ত্রির মেয়ে

মেয়ে মানুষের এ কি জালা ভাই ? পুরুষের যা ইচ্ছা তাই করবে, আর আমরা তার বিহিত কর্তে পারি না ? আমারও ঐ জালা ছিল । হুপ্তা পেলেই সমস্ত টাকা তাড়ির দোকানে উবুড় করে আসতেন । এ দিকে বাড়ীতে মাগ-ছেলে যে কি খায়, তার খবর নেই ।

পোড়া কপাল ! বাঙ্গালীর ঘরে মেয়ে জন্ম না-ত, যেন গো-জন্ম ! গরুগুলোও এর চেয়ে স্বাধীনভাবে থাকতে পার ! ছ'বেলা ছ'টি ঘাস বিচালি তারা বিনা আপত্তিতে খেতে পার ! কিন্তু আমার ঘাস-বিচালি অনেক চোখের জল ফেলে তবে মুখে এসে জোটে ।

এখন উপায় ? ছ'টি ভাত না পেলে ত একেবারেই মরে যাব আমি ! তারপর ঐ মেয়েটাকেও সঙ্গে ক'রে এনেচি । ওরও তো ছ'বেলা ছ'টি করে চাই ।

হাঁ মেজদি ? তোমার বড় মেয়ে নয়নতারা কে যে তোমার সঙ্গে দেখচিনে ? তার কি বিয়ে দিয়ে দিয়েচ না কি ?

বিয়ে আর তার দিতে পারলুম কৈ ? তার আগেই ত তার বাপ চলে গেল । এখন, এই বড় মেয়েকে নিয়েই ত আমার যত জালা !

বিয়ে দাওনি, তবে কোথায় রেখে এলে তাকে ?

যে যায়গাটার হেমাঙ্গিনীর সকলের চেয়ে ক্ষত বেশী, ছোট বউ হঠাৎ সেই যায়গায় আঘাত করলে । হেমাঙ্গিনীর স্নায়ুগুলো বন্ বন্ করে বেজে উঠলো ছোট বউয়ের প্রাণে ।

মাথায় রক্ত খানিকটা চল্কে উঠলো । স্থানকাল পাত্রের কোনও বিচার না ক'রেই সে বলে বসলো : সে পোড়ারমুখীর কথা আমার আর

জিগ্যেস করো না তোমরা। তিনি এক হিন্দুস্থানী মেড়োর পাল্লার পড়েছেন। গৌ ধরেছেন তাকে বিয়ে কর্কেন।

ছোট-বউ গালে হাত দিয়ে বললে : ও মা, সে কি কথা গো ! বাঙ্গালী ঘরের মেয়ে, মেড়োকে বিয়ে কর্কি কি ? তা হ'লে যে জাত যাবে ? এখানে এ'রা শুনতে পেলে যে কুরুক্ষেত্র কর্কেন ?

কুরুক্ষেত্র হ'বার আর বাকি কি ? জাতজন্ম সব খেলে, বাপ পিতামহর নামটা ডোবালে। আমি এত ক'রে বারণ কচ্ছি, এতো বোঝাচ্ছি, কিছুতে না। সেই এক কথা, তাকে বিয়ে কর্কি।

ও মেড়োটোর সঙ্গে দেখা সাক্ষাৎ হ'ল কোথায় ? এত ঝোকই বা কি ক'রে হ'ল ?

ঐ লাইনেই দেখা সাক্ষাৎ। পাটকলের লাইনে ত আমরা থাকতুম। সেখানে সব রকম জাতই পাশাপাশি বাস করে। এই ছোঁড়াটা প্রায় আমাদের বাসায় আসতো, নয়নের বাপের কাছে সে কাজ করতো। ঐ আসতে-আসতেই কেমন ছ'টোতে মনের মিল হয়ে গেল। ছটোরই তো ডব্কা বয়েস, আমি ঠেকাতে পারলুম কই বলো ?

ছোট বউ কিছুক্ষণ ক্র কুঁচকে থেকে বললে : দিন দিন কি হ'তে চললো গা মেজদি ? মেড়োর বউ হবে বাঙ্গালীর মেয়ে ? তুমি বাপু এসব কথা আর কারকে বলোনা এখানে। আমাকে বা বললে, তা বললে ! আর কেউ যেন শুনতে না পায়। তা হ'লে তোমাকে এখানে সকলে একঘরে করবে। কত হ'ল শুনে তোমাকে বাড়ীতেই থাকতে দেবেন না।

হেমাজিনী ছোট বউয়ের কথা শুনে একটু ভয় পে'ল। এ থেকে

মিস্ত্রির মেয়ে

বে এতটা গোলমাল উঠতে পারে একথাটা এতদিন তার মাথায় ঢোকেনি । আজ যেন একটা নতুন পেরেক তার মাথার মধ্যে সজোরে ঢুকে গেল । আশঙ্কার আকুলতায় সে খানিকক্ষণ নীরব হয়ে রইলো ।

ছোট বউ তাকে নীরব দেখে, আর সে বিষয়ে কোনও উচ্চবাচ্য না ক'রে বললে : থাক এখন সে কথা । এখন একবার বাই দেখি ঘরনী গৃহিণী যদি দয়া ক'রে তোমার জন্তে দুটি চাল বার ক'রে দেয় । আর আমার ভাতটা ততক্ষণ না হয় তোমার মেয়েকে দি । আরেরে খুকি, আমার সঙ্গে যাহ'ক দুটি খাবি আর ।

ছোট বউ কাজলের হাত ধরে রান্নাঘরের দিকে চলে গেল । হেমাঙ্গিনী বসে বসে আকাশ পাতাল ভাবতে লাগলো ।

(৩৩)

ওদিককার একটা ঘরের দরজায় সেই মোটা-সোটা উড়ে-এসে-জুড়ে-বসা মেয়েমানুষটি এসে দাঁড়াল । ছোট বউয়ের তখন কাজলকে খাওয়ান শেষ হয়েছে । সে তার কাছে আস্তে আস্তে এসে বললে : কিছু চাল বের করে দিতে হবে যে ? মেজদি এসেছে, ও খাবে দাবে তো ?

মেয়ে মানুষটি মুখখানা কেমন একরকম ক'রে বললে : কে খাবে না : খাবে, তা আমি কি করবো ? কর্তা আসুন, তিনি যা বলেন তাই হবে ।

ছোট বউ বিরক্তির সুরে বললে : ওমা সে কি কথা ! কর্তা যদি এখন তিন পহর বেলাতে আসেন ? ততক্ষণ মানুষটা উপোষ করে থাকবে ?

আমি ত কারকে এখানে উপোষ ক'রে আসতে বলিনি।

ছোট বউ একটু ঠাণ্ডাভাবে বললে : তুমি তো বলো নি, কিন্তু ওতো উপোষ করে থাকবে। ওরও তো এখানে অধিকার আছে।

মুখটা পেছন দিকে ফিরিয়ে মেয়ে মানুষটি উত্তর দিল : অতো শতো আমি জানিনে বাপু! কত্না এখনই আসবেন, তাঁর কাছে তোমরা বোঝাপড়া করে নাও। আমার ওপর যেমন হুকুম আছে, তেমনি বললুম।

—তা হ'লে চাল দেবে না তুমি ? ও উপোষ করেই থাকবে ?

—আ গেল যা! তা আমি কি করবো? আমার কি চাল, যে আমি দান-খয়রাত করব? ভাল আপদ দেখি।

আরও কতদূর গড়াতে পারতো, তা বলা কঠিন। তবে এই জ্বলনোমুখ অগ্ন্যুৎপাতটা হঠাৎ চাপা পড়ে গেল হেমাজিনীর পূর্বজন্মার্জিত সৌভাগ্যে, কত্নার সমরোচিত আগমনে।

‘কইগো, গণু কোথায়?’ একটা গুরু-গম্ভীর স্বর শোনা গেল অন্তরের দরজায়।

কত্নার গলার স্বর শুনে, মেয়ে মানুষটি এগিয়ে এল দরজার দিকে। বেশ স্নেহসিক্ত স্বরে বললে : ও মা! এই এত বেলা করলে তেল মেখে আসতে? হাঁগা, তা নিজের শরীরের ওপর কি একটু মায়া-দয়া রাখতে নেই? এই যে রোজ রোজ পিত্তি পড়াচ্ছ, এর পরে অসুখ হ'লে কে ভুগবে বল দেখি?

—হেঁ হেঁ গণু, বাড়ীর কত্নার কি নিজের শরীরের দিকে তাকাবার অবসর থাকে? বলে, নিশ্চেস ফেলবার সময় নেই, তা আবার শরীর

মিস্ত্রির মেয়ে

দেখা।...তুমি দাও দাও গামছাখানা এগিয়ে দাও, একটা চুবুনি খেয়ে আসি।

—তা, এতক্ষণ কাটাচ্ছিলে কোথায় ?

—ঐ গিছলুম সস্তা তেলির দোকানে একটু তেল মাখতে ! সেই খেনেই কথা কইতে কইতে দেরি হয়ে গেল। সব তো আমাকেই করতে হবে, আর তো কেউ কিছু দেখবে না। আর সব আছেন খেতে, আর আমি শালা আছি মোট বইতে।

গণু সহানুভূতির জালা উজোড় ক'রে বললে : তাই না তাই ? একটা মানুষ যে খেটে খেটে মরতে বসেছে, তার বেলা কারুর চোখ নেই !...কি সংসারই হ'ল গা ! সব পর নিয়ে বাস, আপনার বলতে কেউ নেই ! তা আমিও বলি বাপু, তোমার এতদূর রাস্তা হেঁটে তেল মাখতে যাওয়া কেন ? বাড়ীতে কি তোমার জন্তে একটু তেল জোটে না ? আর সকলে ত দিব্যি কলুর বাড়ীর কুপো'র মত তেল মাখচে !

—তারা মাখবে না কেন ? তাদের ত রোজগার করে আনতে হয় না ! যাকে আনতে হয় সেই বোঝে ! আমি কি যাই মাখে ? ঐ বেটুকু সাশ্রয় হয়, সেই টুকুই আমার খাটুনি বেঁচে গেল।

তা যাও, যাও, এখন তুমি তাড়াতাড়ি একটা ডুব দিয়ে এসো। এই নাও গামছা।

গণু গামছাখানি এগিয়ে দিল, কর্তা সেখানি হাতে ক'রে পেছন ফিরলেন। ফিরতেই নজরটা গিয়ে পড়লো এদিককার রোয়াকে উপবিষ্ট আধ-ঘোমটা-টানা মেয়েমানুষটির ওপর।

—এরা আবার কারা এলেন ?

গণু উত্তর দিল : কে জানে বাপু , কারা এলেন, তোমার আপনার জন । আমি চিনিনে শুনিনে কারুকে ।

রোয়াকের ওধারে দাঁড়িয়েছিল ছোট বউয়ের একটি ছেলে । সে বললে : মেজ জ্যাঠাইমা এয়েচেন ।

কত্কা পিট্ পিট্ ক'রে হেমান্নিনীর দিকে তাকাতে তাকাতে বললেন : মেজ জ্যাঠাইমা ? সে আবার কে ?

ছোট বউ ছিল কাছে । সে হন্ হন্ ক'রে ছেলের কাছে গিয়ে তার কাণে কাণে বললে : বল্ না, মেজ জ্যাঠাইমা, ধারা কঁকনাড়াতে থাকেন ।

ছেলে পাঠশালার পোড়োর মত মায়ের কথা আওড়ে গেল । কত্কা শুনে, ক্র দুটো কুঁচকে, খানিকটা ভেবে বললেন : ও বুঝি ! কালির বউ বুঝি ? তা এথেনে হঠাৎ আগমন কেন ?

এ প্রশ্নের কেউ কোনও উত্তর দিল না । কত্কা ততক্ষণ অনিমেষ নেত্রে কালির বউয়ের দিকে চেয়ে দেখতে লাগলেন । তিনি তাকে গিলে খাবেন, কি চিবিয়ে খাবেন, সেটা যেন ভাল ক'রে বুঝে উঠতে পারছিলেন না ।

এই নারী-অতিথিটির দিকে এতক্ষণ ধরে কত্কা চেয়ে রয়েছেন দেখে গণু একটু অধৈর্য হ'ল । সে বললে : যাও না, তাড়াতাড়ি একটা ডুব দিয়ে এসো না, তার পরে এসে ও সব ঘর-সংসারের ব্যবস্থা করো'খন !

কত্কা চম্কে উঠে বললেন : হাঁ বাই !

(৩৬)

ক্ষুধায় প্রাণ যেন বেরিয়ে যাচ্ছে, তবু হেমাজিনীর মুখে কথা নেই।

সমস্ত সকালটা পথ হেঁটে হেঁটে সে বড় ক্লান্ত হয়ে পড়েছিল। তার ওপর, ক'দিন ধরেই তার মনের ভেতর এমন ঝড়-ঝাপটা দিন রাত অবিশ্রান্ত ভাবে চলেচে যে, সে আর বেশীক্ষণ বসে থাকতে পারলো না; কাজলকে কাছে টেনে নিয়ে সে মেঝের ওপর আঁচলটা ছড়িয়ে শুয়ে পড়লো। যেমনি শোওয়া, অমনি ঘুমের আকর্ষণ।

ভগবান্ মানুষকে ঐটুকু সুখ চিরদিন দিয়ে থাকেন। দুঃখের সাগরে তাঁর সাস্থনার দ্বীপটি চিরদিন নিদ্রার বালুচরে ঠেলে ওঠে। এ-দ্বীপটি যদি তিনি নির্বিচার করুণার মত দুঃখীকে না দিতেন, তা'হলে তাদের চিরদগ্ধ কঙ্কাল-অঙ্গারে পৃথিবী এতদিন নিরবকাশ মরুভূমিতে পরিণত হয়ে যেতো। ক্ষুধার পেষণে আর মানসিক দাহে সৃষ্টি এতদিন নিজীব জড়ত্বে পর্য্যবসিত হ'ত।

কতক্ষণ সে হেমাজিনী ঘুমিয়েছিল, তা তার খেয়াল নেই। হঠাৎ ঘুম ভেঙ্গে গেল কি একটা শব্দে!

চেয়ে দেখে,—কি লজ্জা! দরজার সম্মুখে ভাসুর দাঁড়িয়ে! তার দিকে চেয়ে আছেন, যেমন বিড়াল চেয়ে থাকে ঢাকা-খোলা মাছের ওপর। এদিকে তার কাপড় চোপড় সমস্তই ঘুমের স্বাধীন ব্যভিচারে একেবারেই বিপর্য্যস্ত! সে কোনও রকমে তাড়াতাড়ি আপনার অঙ্গ ঢাকা দিয়ে উঠে বসলো। মাথায় ঘোমটাটা অনেকটা টেনে দিল।

কর্তা খানিকটা গাল-ভরা হাসি হেসে বললেন : হেঁ, হেঁ, চাল পাঠিয়ে দিয়েছিলুম, পেয়েছো ত ?

হেমাঙ্গিনী কোনও কথা কইলো না।

—বলি, খাওয়া দাওয়া হয়েছে ?

হেমাঙ্গিনী কি ক'রে জানাবে, যে তার খাওয়া হয় নি। ভাসুরের সঙ্গে কি কথা কইতে আছে ? ভাসুর কিন্তু লম্বা একটা অনুমতি ছেড়ে দিলেন।

—কথা তুমি কইতে পার। কথা না কইলে চলবে কি করে ? এক বাড়ীতে থাকতে গেলে কথা না কইলে কি চলে ? হ'লেই বা ভাসুর !

হেমাঙ্গিনী তবু লজ্জার হাত এড়াতে পারলে না। কত্না তখন আন্তে আন্তে আপনার ঘরের দিকে চলে গেলেন।

একটু পরেই ছোট বউ এল। এসে বললে : দিনটা তো ঘুমিয়েই কাটিয়ে দিলে ! খাবে কখন ? আমি তোমার ভাত-টাত রেঁধে তোমাকে ডাকতে এসে দেখি, তুমি নাক ডাকাচ্ছ ! কাজেই আর ডাকলুম না। কিন্তু এতক্ষণ ধরে যে তুমি ঘুমোবে, তাই বা কেমন ক'রে জানবো ?

হেমাঙ্গিনী ছোট বউয়ের মুখের দিকে তাকিয়ে বললে : আচ্ছা ছোট বউ, ভাসুর তো দেখলুম নেহাত্ মন্দ লোক নয় ! এই তো এই মাত্র এখানে এসে আমার খবর-টবর নিয়ে গেলেন ! কিন্তু তোমরা যে রকম বলছিলে, তাতে যেন আমি অন্য রকম ভেবে ছিনুম !

—তাই'লে তোমার ভাগ্য ভাল, মেজদি ! আর জন্মে কোন্ পুণ্য করেছিলে, তাই এ জন্মে গুঁর সুনজরে পড়েচো।

মিস্ত্রির মেয়ে

—তা হবে। কিন্তু আমি ত কিছু খারাপ লোক দেখি না। এই ত ধরো না, আমার জন্তে চাল টাল সব পাঠিয়ে দিয়েছেন।

—তাইতো দেখলুম। এ রকম হ'তে ত বড় দেখতে পাই নে। বাইরের কোনও আত্মীয়-স্বজন এলে ত মুখ থেকে কাঁটা-বৃষ্টি করতে থাকেন। যতদিন না সে বাড়ী থেকে দূর হয় ততদিন যেন গোথরো সাপের মত ফোঁস্ ফোঁস্ ক'রে গজরান। তোমার ওপর কেন যে হঠাৎ এমন প্রসন্ন হ'লেন,—এ বড় আশ্চর্য্য ব্যাপার।

—আমার ওপর মার-মুখো হবার ত কোন কারণ নেই। বরং ভাল চ'খে দেখবারই কথা। ভাই বেঁচে থাকতে প্রায়ই তো আমাদের ওখানে গিয়ে টাকাটা, কড়িটা, কাপড়টা, জামাটা চেয়ে নিয়ে আসতেন। আজ আমার অবস্থা খারাপ হয়েছে ব'লে আমাকে হেনস্থা কর্কেন কি ক'রে ?

এত প্রমাণ সত্ত্বেও ছোট বউ স্বীকার করতে চায় না যে উনি খুব উঁচু দরের লোক। মুখে বলে : অত সাদা-সিধি লোক ত গুঁকে কখনও হ'তে দেখি নি।তা হবে, মানুষের চকুলজ্জা ব'লে ত একটা জিনিষ আছে ? তা, থাক্ ভাই, তুমি এখন ওঠো.....চলো ও ঘরে, আমি ভাত বেড়ে রেখে এসেছি।

—আর এখন এত বেলায় ভাতে বসবো না। তার চেয়ে কাপড়-খানা পুকুরঘাটে কেচে আসি। তারপর, সন্ধ্যা হ'লেই পোড়া পেটের হাঙ্গামা করবো'খন।

খেয়ে দেয়ে হেমাঙ্গিনী কাজলকে সঙ্গে নিয়ে একটা ছোট ঘরে শুয়ে পড়েছে। ঘরের কোণে মিট মিট ক'রে একটা মাটির প্রদীপ জ্বলছিল। হেমাঙ্গিনীর চক্ষে মোটে ঘুম আসছিল না, কেননা, বিকেলটার অনেকটা সে ঘুমিয়ে নিরেচে। নিদ্রাদেবী চিরদিনই বড় হিসেবী ব্যবসাদার। কোন খদ্দেরকে পাওনা-গণ্ডার চেয়ে একটা কাণা কড়িও বেশী দেয় না। যদি কখনও ভুলে দিবে ফেলে, পরের ক্ষেপে তা উশূল করে নেয়। মাড়োয়ারীও বোধ হয় এত চুল চিরে দেনা-পাওনা করে না।

চখে ঘুম না আসাতে হেমাঙ্গিনীর মনে কত রকমের চিন্তা আগাছার মত ঠেলে উঠতে লাগলো। প্রথমেই এলো নয়নতারার কথা। উঃ, নেয়েটা কি একশুঁয়েই হয়েছে! সেই যে ধরেচে লছমনের পেছন, কিছুতেই তাকে ফেরান গেল না! ও ঠিক ওকে বিয়ে করবে! তা না হ'লে, ওকে বাচাবার জন্তে এত উঠে-পড়ে লেগেচে কেন? এমন ঢলা-ঢলি করছে কেন? নিজের জাত-জন্ম সব খোয়ালে দেখচি! পোড়া কপাল! এমন মেয়ে পেটে না ধরলেই হতো ভাল!

রাগে হেমাঙ্গিনার শরীর ঠক্ ঠক্ করে কাঁপতে লাগলো। তার জন্তেইত তার এতো কষ্ট! নইলে এই পাড়ারগারে ভাসুরের ভিক্ষা কুড়োতে সে আসবে কেন? কাঁকনাড়াতেই তো সে থাকতে পারতো একরকম খেটে খুটে খেয়ে! এখানে কি আর এরা আদর করে রাখবে?

মিস্ত্রির মেয়ে

তা, ভাস্কর মানুষটা ভাল। এইত বিকেল বেলায় এসে সব খবর টবর নিলেন! আবার রাত্রেও জিগ্যোস-বাদ করলেন, আমি কোন্ ঘরে শোব, একা শোব কিনা, ভয় কর্কে কিনা,—এই সব! বোধ হয় আমাকে অযত্ন কর্কেন না।

তবে আর দরকার কি নয়নতারার কাছে থেকে! সে চোখের স্মৃথে এক মেড়োকে নিয়ে নেচে নেচে বেড়াবে, আর আমি তাই দেখবো? মায়ের কি এসব সহ হয় চোখের ওপর? না বাপু, আমি তা পার্কে না। সে যা হয় করুক গে, মরুক গে,—আমি এইখেনেই এক রকম ক'রে পাড়ে থাকবো।

কিন্তু, এখেনেই বা কি কাণ্ড! ভাস্কর তো বুড়ো হয়েচেন, ঠুর কি উচিত এই বয়সে এক ডোম-মাগীকে নিয়ে বাড়ীর মধ্যে ঢলাঢালি করা! বাড়ীতে একটা ভাদ্র-বৌ রয়েছে, ছোট ভাই একজন বেঁচে রয়েছে, ছেলে পুনেরা যা হ'ক বড় সড় হচ্ছে! এ অবস্থায় একটা ছোটলোকের মেয়েকে নিয়ে উনি কি ক'রে দিন কাটাচ্ছেন! পাড়ায় পাঁচজনে কিছু বলে না? বলে বোধ হয়! কাল একবার খবর নেবো।

আচ্ছা, উনি যদি পাড়ায় পাঁচজনের মধ্যে থেকে, বাড়ীর মধ্যে এক নীচ জাতের খান্‌কি মাগীকে নিয়ে সমাজের মাথা হয়ে থাকতে পারেন, তাহলে ঠুর তুলনায় আমার নয়নতারা কি এমন অপরাধী? মেড়ো? মেড়োত ডোমেদের চেয়ে চের উঁচু জাত! ওদের ভেতরে ত অনেক উদ্ভলোক আছে! অনেক মেড়ো ত বেশ বড়লোক আছে! অন্ততঃ ডোমের চেয়ে ত মেড়ো খারাপ জাত নয়!

তবে?

মিস্ত্রির মেয়ে

হেমাস্থিনীর মাথাটা চল্কে গেল, এই সব কুট-তর্কের চেউয়ের আঘাতে ! তাইতো, তবে আর হেমাস্থিনী নয়নতারার ওপর অভিমান করে থাকে কেন ? অমন ভাসুরের বাড়ীতে থাকার চেয়ে, তাহ'লে ত নিজের পেটের সন্তানের কাছেই থাকা ভাল ।

পাড়াগাঁয়ের নিশ্চুতি রাত, কোথায় কোনও শব্দ নেই । বাড়ীর সকলেই যে যার নিজের ঘরে দরজা বন্দ করে ঘুমুচে । হেমাস্থিনী সন্ধ্য হতে না হতেই দু'টি শুকনো ভাত যাহ'ক তাহ'ক ক'রে খেয়ে নিয়েচে, কাজলকেও তার থেকে কিছু ভাগ দিয়ে তারও ক্ষুন্নিবৃত্তি করেছে । তারপর, যখন সকলে খাওয়া দাওয়া ক'রে শু'তে গেল, সেও এসে এই ঘরটিতে একা কাজলকে নিয়ে শুয়ে পড়েচে । কিন্তু চ'খে ঘুম আসচে না । বিকেল-বেলায় খুব খানিকটা ঘুম হয়ে গেছে বলে' বোধ হয় আর তার চোখ পাতায় পাতায় লাগতে চাইচে না । চোখের দরজা বন্ধ না হ'লে মাথার মধ্যে কতো রকম হাওয়া খেলতে থাকে । হেমাস্থিনীর মাথায় অনেক রকমের বাড়-ঝাপ্টা, গরম হাওয়া, ঘুর্ণী হাওয়া, পাগলা বাতাস ঘুরে বেড়াচ্ছিল ।

কিন্তু হঠাৎ কি একটা শব্দে সে চম্কে উঠলো । তার মনে হ'ল, দরজায় কে টোকা মারচে । চোর না কি ? কি সর্কনাশ ! সে একা মেয়েমানুষ এক ঘরে শুয়ে আছে, চোর এলে তাকে ঠেকাবে কি ক'রে ? সে একটু ভয় পেলো ।

আবার ঠুক্ ঠুক্ ক'রে শব্দ হ'ল । চোর কি এমন ক'রে দরজায় টোকা মারে ? তাহ'লে বোধ হয় ছোট বউ ! কি একটা দরকারে এ ঘরে একবার আসতে চায় !

মিস্ত্রির মেয়ে

সে কথা-কয়ে জিজ্ঞাসা করলে : কে, ছোট বউ না কি ?

কেউ উত্তর দিল না। কিন্তু আবার ঠুক-ঠুক !

কে গা ?

চাপা গলায় উত্তর এল : আমি। একবার দরজাটা খোল না !

সর্বনাশ ! এয়ে কর্তার গলা ! তিনি এত রাত্রে ডাকেন কেন ?

হেমাঙ্গিনী ত ভান্সুরের সঙ্গে কথা ক'বে না। কাজেই আর কিছু জিজ্ঞাসা করতে পারলো না। কিন্তু তবু দরজা খুলতে তার সাহস হ'ল না। সে চুপ ক'রে রইলো।

“মেজ বউ ? দরজাটা একবার খোল। এক গেলাস জল নেবো। আমার ঘরের জল ফুরিয়ে গেছে, তাই এঘর থেকে নিতে এসেচি।”

জল নেবেন, তা এত চাপা গলা কেন ? যাহ'ক, ভান্সুর যখন জল চাইচেন, তখন না দিয়ে সে থাকে কেমন করে ? কাজেই হেমাঙ্গিনী উঠে খিলটা খুলে দিল।

কর্তা দরজা ঠেলা দিয়ে খুলে বললে : ভয় নেই একটু জল নেবো কিনা, তাই এসেচি। তা, হাঁ মেজ বউ ? তুমি আমাকে এত ভয় ক'চ্চ কেন ?

বলতে বলতে কর্তা ঘরের মধ্যে ঢুকলেন। কোণে যে মেটে প্রদীপটা জলছিল, তার আলোতে হেমাঙ্গিনী দেখলো, কর্তা এসে ঘরের চৌকি-খানাতে বসলেন। হেমাঙ্গিনী এক গেলাস জল গড়িয়ে মাটিতে রাখলো।

বেশ আত্মরে আত্মরে কথায় কর্তা বললেন : আমার হাতে তুলে দাও, লক্ষ্মীটি ! এখন ত বাড়ীর সকলেই ঘুমিয়েচে ; এখন আমার সঙ্গে একটু কথা কইতে দোষ কি ?

কর্তার কেমন-কেমন কণ্ঠস্ববে আর নিঃস্বজন ঘরে আলাপ করবার প্রয়াসে হেমাঙ্গিনী বড় সন্দেহান হ'ল। আর কি কথা ভাসুর বলে ? এ সব কথা কি ভাসুরের মুখে শোভা পায় ? বড় ভয় কণ্ঠে লাগলো তার।

হেমাঙ্গিনী দাঁড়িয়েছিল একটু দূরে। সেখানে দাঁড়িয়ে, পালাবে কিনা তাই ভাবছিল। এমন সময় কর্তা আবার হঠাৎ বললেন : অত দূরে দাঁড়িয়ে রয়েছো কেন ? কাছে এসো না ! আমার পাশে এসে বসো না ?

তাড়ির গন্ধ এসে নাকে ঠেকলো হেমাঙ্গিনীর। এ গন্ধ তার কাছে ভুল হ'বার নয় ! তার স্বামী এ গন্ধ নিয়ে কত দিন ঘরে এসেছে। এই গন্ধের জগুই তো তাদের অবস্থা এত শোচনীয় !

ভাসুরের মুখ থেকেও সেই গন্ধ এলো। এই মাতাল অবস্থায় তাঁর কাছ থেকে যে প্রস্তাব এলো, তা শুনে হেমাঙ্গিনীর মাথা ঘুরে গেল। সে তাড়াতাড়ি ঘর থেকে পালাতে গেল।

কিন্তু সেই দরজা দিয়ে বেরুবে, অমনি কর্তা এসে তার আঁচলটা ধরে ফেললেন। হেমাঙ্গিনী বিশেষ বিরক্ত হয়ে বললে : ছেড়ে দিন, ছেড়ে দিন ! আমি যে আপনার ভাদ্র বৌ !

—আরে, হ'লেই বা ভাদ্র বৌ ! তোমারও এখন সোয়ামী নেই, আমারও এখন পরিবার নেই ! দু'জনে মিলবে ভাল ! কেন পড়ন্ত ঘোষনটা বাজে-বাজে কাটাবে ? তার চেয়ে এসো, দু'জনে বসে—

আঁচলটায় টান দিয়ে হেমাঙ্গিনী বললে : ছি ছি, এমন কথা বলবেন না। আমি বিধবা মানুষ, আমার সর্কনাশ করবেন না।

মিস্ত্রির মেয়ে

—সর্বনাশ ? হা-হা-হা-হা ! মেজবৌ ? যৌবন থাকতে জীবনের সুখ বাদ দিতে নেই ! যে সেটা বাদ দেয়, সে বেটা আহাম্মক । সর্বনাশ আবার কি,—এই তো সর্ব-রক্ষে !

আর একবার কাপড়খানা ছাড়াবার চেষ্টা ক'রে হেমাঙ্গিনী বললে : আপনার পায়ে পড়ি, আপনি আমাকে রেহাই দেন । আমি কালই আপনার বাড়ী থেকে চলে যাবো, আমার ইহকাল পরকাল নষ্ট কর্কেন না ।

—না, না, নষ্ট কর্কে না, সব জল-জ্যান্ত বাঁচিয়ে রেখে দেবো । এখন তুমি এসোদিকি আমার কোলে ।—

ব'লেই একলাফে কর্তা হেমাঙ্গিনীকে জড়িয়ে ধরতে গেলেন । হেমাঙ্গিনী ভয়ে একেবারে উচ্চঃস্বরে চিৎকার করে উঠলো : ওগো, কে কোথায় আছ, শীগ্গীর এসো । আমার সর্বনাশ করলে ।

হেমাঙ্গিনীর চিৎকার শুনেই কর্তা বললেন : তবে রে শালী ! আবার চাঁচানো ! হাত দিয়ে হেমা'র মুখখানা একেবারে চেপে ধরতে গেলেন ।

কিন্তু যেটুকু চিৎকার কর্কার সুযোগ হেমাঙ্গিনী পেয়েছিল, তা'তেই পাশের ঘরে ছোট বউ জেগে উঠলো, এবং কি একটা বিষম কাণ্ড হচ্ছে বুঝতে পেরে ছুটে এলো ।

ও ঘর থেকে গণ্ডুও ছুটে এলো শশব্যস্তে । কর্তাকে আপনার ঘরে না দেখতে পেয়ে, সেও বুঝতে পেরেছিল কর্তাই বুঝি একটা কাণ্ড বাধিয়েছেন । শুনীই শুনীর মহিমা বুঝতে পারে !

কি হয়েছে ? কি হয়েছে ?

—তবে রে শালী? আমার বাড়ীতে চাঁচামিচি! ভাল কথা বললুম, তাতে তোর মন্দ হ'ল? চাঁচিয়ে মেচিয়ে বাড়ীর সব লোককে জাগিয়ে তুললি?

বলেই কর্তা সজোরে এক ধাক্কা মারলেন হেমাজিনীকে। নিরপরাধা অনাথা তখনই মাটিতে মুখ খুবড়ে পড়লো। ছোট বউ এসে তাড়াতাড়ি কর্তাকে বাধা দিল।

গগু এসে জিজ্ঞাসা করলো : কেন, ওকে এমন ক'রে মারচো কেন? মারবো না? শালীর এত বড় আশ্পর্কী, আমার বাড়ীতে এসে আমাকে এমন ক'রে অগ্রাহি!

কি অগ্রাহি করেছে?

কি অগ্রাহি করেছে, বলবো শুনবে? মাগী ঘরে মানুষ ডেকে এনেছিল! আমি আমার ঘর থেকে দেখতে পেয়ে যেমন এখানে এসেচি, অমনি লোকটা ঘরের দরজা খুলে দৌড়ে পালিয়ে গেল। আমি ধরতে যাচ্ছিলুম, মাগী এসে আমার কাপড় টেনে ধরলে! মাগী চুচরিভির! একদিন এসেই বাড়ীতে মানুষ ডেকেচে!

ওমা, কি সর্বনাশ! বলে গগু গালে হাত দিল।

ছোট বউ বললে : ওকে মারলেন, আবার উল্টে বদনাম দিচ্ছেন!

দেবো না? আমার পবিত্র বংশে কলঙ্ক ঢাললে, বদনাম দেবো না? শুধু বদনাম দেবো? ওর মাথা মুড়িয়ে ঘোল ঢেলে বাড়ীছাড়া কর্কো!

হেমাজিনী এতক্ষণে একটু সামলে নিয়েছে। তার নাক দিয়ে রক্ত ছুটছিল, তবু সে সব অগ্রাহি ক'রে, একটুমাত্রও না কেঁদে সে ফণিনীর

মিস্ত্রির মেয়ে

মত উঠে বসে বললে : আপনিই তো আমার সর্বনাশ করতে এসেছিলেন, আবার উল্টে আমার নামেই কলঙ্ক দিচ্ছেন ?

— কি বললি ? আমি তোঁর সর্বনাশ করতে এসেছিলুম ! ওরে কলিকাল ! দিন দিন দিন-কাল হতে চললো কি ! আমার নামে পাড়ার কেউ কখনও কোনও দোষ দিতে পারে না, আর তুই বলিস্ কি না, আমি তোঁর সর্বনাশ করতে এসেচি ? তবে রে হতভাগী মিথ্যুক ! আজ তোকে কেটে খুন করবো !

কর্তা আবার ছুটলো হেমাঙ্গিনীকে মারতে । ভাগ্যে গণু তাকে পেছন দিক থেকে সজোরে ধরে ফেললে, নইলে আজ হেমাঙ্গিনীর জীবন শেষ হতো । গণু কর্তাকে বেশ চিনতো, কাজেই তার সহানুভূতি এলো হেমা'র উপর ! নারী হাজার কলঙ্কিনী হলেও, অন্ত নারীকে ধর্ষিতা হতে দেখলে, প্রাণপণে তাকে রক্ষা করতে যায় । তার নারীত্ব শুখন কলঙ্ককে পশ্চাতে রেখে ছুটে আসে অস্বাভাবিক সমবেদনায় ।

গণু ধরে ফেললেও কর্তা গজরাতে লাগলেন : দূর হরে যা মাগী, আমার বাড়ী থেকে ! গণু, আগে ওকে আমার বাড়ী থেকে তাড়িয়ে দাও, তা না হ'লে আমি কিছুতেই ধরে যাবো না । একটা বেশ্যা মাগীকে আমার বাড়ীতে কিছুতেই থাকতে দেবো না । লোকে আমার বলবে কি ? আমার যে একঘরে করবে ?

একথা শুনে হেমাঙ্গিনী দাঁড়িয়ে উঠে বললে : আমিও আপনার বাড়ীতে আর এক দণ্ডও থাকতে চাইনে । আমি এখনই এই রাত্রেই এখান থেকে চলে যাবি ।... চল্ কাজলা, আমরা চলে যাই । আমার ভাগ্যি যে আজ আপনার হাত থেকে রক্ষা পেয়েছি ।

মিস্ত্রির মেয়ে

চোঁচামেচিত্তে কাজলের ঘুম ভেঙ্গে গিয়েছিল। সে এসে মায়েব কোলে ঝাঁপিয়ে পড়লো।

কাজলকে কোলে তুলে নিয়ে হেমাঙ্গিনা তখনই বাড়ী থেকে বেরিয়ে যায়। ছোট-বউ অনেক বারণ করলে, তাকে ধরে রাখবার অনেক চেষ্টা করলে। কিন্তু অত্যাচারিতা হেমাঙ্গিনী কোনও কথা না শুনে, কাজলকে কোলে তুলে নিয়ে হন্ হন্ ক'রে তখনই বাড়ীর বাহির হয়ে গেল।

(৩৮)

হার হতভাগিনী নারী! তোমার সাধ্য কি যে তুমি পুরুষের সঙ্গে প্রতিদ্বন্দ্বিতায় পেরে উঠো! যে পৃথিবীতে শুধু দৈহিক : লই একমাত্র প্রথম ও শেষ বিচারক, সেখানে ঞায়ের যুক্তি কোন রকমেই আসন পাততে পারে না! সেখানে তুমি শুধু অভিমান আর বিফলতার সাহায্য নিয়ে কি ক'রে বিজয় আকাঙ্ক্ষা করতে পার? পরাজয় যে তোমার অবশ্যস্বাবী! যাকে বিধাতা চিরদিনই পুরুষের চেয়ে হীনবল ক'রে রেখেছেন, অত্যাচারের প্রতিশোধ দেবার তার ক্ষমতা কোথায়?

হেমাঙ্গিনী পাল মশায়ের বাড়ী থেকে বেরিয়ে গেল, কিন্তু রাস্তার উঠতে না উঠতেই সে বুঝতে পারলে তার নিজের ভুল। সে মেয়ে মানুষ, এই ঘোর রাত্রে পথ চলবে কেমন করে? বাহিরে বেরিয়ে সে দেখলে, টিপি টিপি বৃষ্টি হচ্ছে, আর পাড়গাঁয়ের রাস্তার আলোর অছিলা মাত্রও

মিস্ত্রির মেয়ে

নাই। পথ-ঘাট ত ভাল করে তার জানা নেই। কাজেই এই বর্ষার
অন্ধকার রাত্রে অজানা জঙ্গল পথে সে চলে কেমন করে ?

অভিমানের উত্তেজনায় সে খানিকটা এগিয়ে গেল মরি-বাঁচি ক'রে।
কিন্তু তার পব পড়লো বিপত্তিতে।

পথ সঙ্কীর্ণ, দু'পাশে গাছ-পালার ঝোপ। ঝাঁ-ঝাঁ-পোকা ডাকচে
যেন মৃত্যুর পুরীতে জীবনের নিমিত্ত সঙ্কীতের মত। দূরে ও নিকটে
কখনও কখনও শেয়াল ডাকচে মানুষকে নিয়মভঙ্গের তিরস্কার করে।

এখন যে তারাই পৃথিবীর রাজা, এ কথাটা জানাবার জন্ত তাদের কি
বিরাট ভৈরব চিৎকার ! এ চিৎকারে সাহস পাওয়া দূরে থাকুক, হেমাঙ্গিনী
আরও যেন ভয়ে সঙ্কুচিত হতে লাগলো।

পথে জনমানব নেই। মাঝে মাঝে দু'চারটে নিশাচর পশু এ ঝোপ
হ'তে ও ঝোপে ঘাচ্ছে, তারই শব্দ রাত্রির নীরবতা ভঙ্গ কচ্ছে। সাপ-
খোপ ঘাওয়ার শব্দও হেমাঙ্গিনী বুঝতে পারলে। তার বড় আশঙ্কা হতে
লাগলো, হয়তো কোন সময়ে কোন অজগর সাপ তাকে এমন একটা
কামড় দেবে, যে তখনই হয়তো তাকে অজ্ঞান হয়ে পড়তে হবে। তাতে
ছঃখ নেই, কিন্তু কাজলের কি হবে ? তাকে কে দেখবে ? আবার ভয়
হ'ল; যদি তাকেই সাপে কামড়ায় ? হেমাঙ্গিনী এ চিন্তায় একেবারে
শিউরে উঠলো। তার সমস্ত শরীরে কাঁটা দিতে লাগলো। কেন সে
অভিমান ক'রে বাড়ী থেকে বেরুলো ? কাল সকালেই তো গেলে
হতো ! রাতটা কোনও রকমে ভাসুরের গালাগালি খেয়েও, তাঁর
বাড়ীতে কি কাটাতে পারতো না ? তার মনের ভেতর থেকে কে
যেন বললে, না, তা তুই পারতিস্ নে ! পারলে, তোর শরীরে আর

মিস্ত্রির মেয়ে

হাড়গোড়গুলো আস্ত থাকতো না। তোকে রেখে যেতে হ'তো এই শরীরটা, ঐ বাড়ীতে !

পথের পাশে যে সব পুকুর ছিল, সেগুলো আবছায়ার মত তার ঠেকতে লাগলো ! হেমাঙ্গিনীর মনে হঠাৎ সন্দেহ হ'ল, যদি অন্ধকারে কাজলকে নিয়ে এর ভেতরে পড়ে যায় ? সে মরে, তাতে ক্ষতি নেই,—কিন্তু কাজল ?

পথ পেছলও তেমনি। দু'তিনবার সে পড়ে যেতে যেতে রয়ে গেছে। কিন্তু আর কতদূর হাঁটবে সে ? এমনি ক'রে কতক্ষণ হাঁটা যায় ? কাজল ঘুমুচ্ছে তার কাঁধের ওপর শুয়ে, তাকে নিয়ে কি পথ চলা যায় ?

কিছুদূর যেতে না যেতেই হেমাঙ্গিনী অবসন্ন হয়ে পড়লো। তখন একটু আশ্রয়ের জন্তে সে ব্যাকুল হ'ল। কাপড় চোপড় সব টিপ্-টিপিনি বৃষ্টিতে ভিজে গেছে, যেমন আজীবন দুঃখে মানুষের উৎসাহ একেবারে ভিজে যায়। শেষে মাথার চুল থেকে টস্ টস্ ক'রে জল পড়তে লাগলো। কাজলকে অনেক চাপা দিয়েও সে বৃষ্টির হাত থেকে অব্যাহত রাখতে পারলে না। সে বারম্বার জলে ভিজে, ঠাণ্ডায় কেঁদে কেঁদে উঠতে লাগলো। কিছুক্ষণ পরে সে আর কিছুতেই ঘুমুতে পারলে না। মায়ের কোলের উপর মাথা তুলে বসে সে জিজ্ঞাসা করলে : মা, কোথায় যাচ্চিস্ ?

কোথায় আর যাব মা, বল্। আমার কি আর যাবার জায়গা আছে ? ভগবান বেথানে নিয়ে যাব, সেখানেই যাব।

কাজল জায়গাটার পরিচয় ঠিক বুঝতে পারলে না। জিজ্ঞাসা করলে : যেখানে দিদি আছে ?

মিস্ত্রির মেয়ে

দিদির কথা শোনবামাত্র হেমাঙ্গিনীর রক্ত পা থেকে মাথা পর্যন্ত চঞ্চল হয়ে উঠলো। বললে : তোরা দিদি মরেচে। তার কাছে যাব কেন ? তার চেয়ে যমের বাড়ী যাওয়া ভাল।

‘দমের বাড়ী ? সে কোথায় মা ?’ অবোধ বালিকা জিজ্ঞাসা করলে ?

‘যমের বাড়ীর রাস্তাই যদি চিনবো, তবে আর এখানে আসতে যাব কেন ? পোড়া কপাল ! আগে যদি জানতুম, তাহলে কি এই নোচা ভাস্করের ভিটে মাড়াই ! উচ্ছন্ন যাক ! তেরাতিরের ভিতর সেইখানে যাক, যেখানে তিনি গেছেন !’

মা, আমি দমের বাড়ী যাব ? .. অবোধ বালিকা বড় লোভে বায়না ধরলে।

‘ছিঃ মা ! অমন কথা কি বলতে আছে ? তুমি কেন সেখানে যাবে ? শত্রুর যাক।’

থথখুর নয়, আমি যাব মা ! হাঁ, আমার সেখানে নিয়ে চল।

দেখ্ কাজল, অমন কথা বলিস্ নে বলচি। নে ঘুমো, আমার কাঁধের ওপর মাথা রেখে ঘুমো।

আমার ঘুম আততে না মা ! আমার ভয় কততে।

ভয় কি ? আমি রইছি যখন, ভয় কি ? তুই চোখ বুজিয়ে ঘুমো।

কাজল চোখ বুজল কিন্ত হেমাঙ্গিনী বুঝতে পারলে না, তবে সে মায়ের কাঁধে মাথা রেখে চুপ করলে।

যেতে যেতে হেমাঙ্গিনীর যেন অনুমান হ’ল, পাশেই একথানা চালাঘর রয়েছে। অন্ধকারে ভাল ক’রে ঠাহর হ’ল না, তবু মনে হ’ল সেখানা চালাঘর ছাড়া আর কিছু হতে পারে না।

মিস্ত্রির মেয়ে.

আশ্রয়ের একটা বড়ই দরকার, কেন না টিপি টিপি বৃষ্টি হচ্ছিল, এবং কাজলের গায়ের কাপড়-চোপড় একেবারে ভিজে উঠেছিল। শীতে তার গা কাঁপছিল, মায়ের প্রাণ অনুভবে বুঝতে পারলো। কাজেই আশায় আশায় হেমাঙ্গিনী সেই চালাঘরের দিকে গেল।

যিনি নিরাশ্রয়কে আশ্রয় দেন, তিনি সত্যই এই বাদল-রাতে হেমাঙ্গিনীকে আশ্রয় দিলেন। হেমাঙ্গিনী চালাঘরের কাছে এসে দেখলে, বৃষ্টির হাত থেকে পরিত্রাণ পাবার এর চেয়ে ভাল আশ্রয় আর তার পক্ষে সম্ভব হবে না। ঘরখানি ঝাঁপ দিয়ে বন্দ ছিল, কিন্তু তার ছাঁচের তলায় খানিকটা রোয়াক বাঁধান ছিল।

হেমাঙ্গিনী মনে মনে ভগবান্কে ধন্যবাদ দিয়ে সেই কুঁড়ে ঘরের ছাঁচের তলায় রোয়াকে আশ্রয় নিল। আপনি রোয়াকের উপর আসন পিঁড়ি হয়ে বসে কাজলকে কোলের উপর শুইয়ে দিল। তার কাপড়-জামাগুলি ভাল ক'রে নিংড়ে তাকে যথাসাধ্য গরম রাখবার চেষ্টা করলো। তারপর নিজে দরমার ঝাঁপের ওপর মাথা রেখে আকাশ-পাতাল ভাবতে আরম্ভ করে দিলে।

মাথার উপর পেঁচা ডাকতে লাগলো, আশেপাশে বনের ঝোপে কত রকম শব্দ হ'তে লাগলো। হেমাঙ্গিনীর প্রাণ চমকে চমকে উঠতে লাগলো সে সব শুনে। তবু সে সব সে সহ করতে লাগলো অল্প উপায়ের অভাবে। কি করবে সে? আজ যে সে বড়ই বিপন্ন!

(৩৯)

প্রায় সমস্ত রাত কাটলো জাগরণে, কাজলকে পাহারা দিয়ে। ঘুম এসে তার চোখকে নিঃড়ে, ছুচ ফুটিয়ে ব্যথিত করে তুললো, কিন্তু তবু সে যথাসাধ্য জেগেই বসে রইলো। শেষ রাত্রে কখন ঝিমুনি এসেছে, টের পায় নি। বসে বসেই সে ঘুমিয়ে পড়েছে।

হঠাৎ কার ডাকে ঘুম ভেঙ্গে গেল। চোখ খুলে দেখে, পৃথিবী আলোতে ভরে গেছে। সম্মুখে দাঁড়িয়ে একজন বুড়ো লোক। একটু পরেই চিনলো, সে সেই কাল সকালের চাষা, যে তার আসবার পথে ঘাঠের উপর ধান বুনছিল।

বুড়ো জিজ্ঞাসা করলে : তুমি না কাল সকালে পথ দিয়ে আসছিলে, মেয়ে সঙ্গে নিয়ে ?

হেমাস্বিনী চোখ রগড়ে বললে : হাঁ বাবা, আমিই !

তা এখানে বসে আছ কেন ? যেখানে গেলে, সেখানে কি কিছু গোলমাল হ'ল ?

কি আর বলবো বাবা, অভাগীর কি কোথায়ও জায়গা মেলে ?

তুমি ও কালির বউ ? পালেদের বাড়ী যাচ্ছিলে ?

হাঁ বাবা।

ভারা জায়গা দিলে না ? ...পালমশাইটা কি রকম লোক ?

হেমাস্বিনী এ কথার কোনও উত্তর দিলে না, চুপ করে রইলো।

এখন কোথায় যাবে, ঠিক করচো ? বুড়ো আবার জিজ্ঞাসা করলো।

কোথায় আর যাব বাবা ? দেখি, ভগবান কোথায় জোটার !

যেথেনে কালি চাকরি করতো, সেথেনে বাসা নেই ?

আছে, কিন্তু সেথেনে যাবার আর ইচ্ছে নেই ।

কেন ?

সে অনেক কথা, বাবা ! কি আর বলবো ? সেই দুঃখেই তো এই পোড়া শ্বশুরবাড়ীতে এসেছিলুম ।

কিন্তু শ্বশুরবাড়ীতেও তো বলচো তোমার জায়গা মিললো না ?

কই আর মিললো ?

তবে ? তুমি বউ মানুষ ! কোথায় যাবে ?

গাছতলায় । তা ছাড়া আর আমার উপায় কি ?

তুমি না হয় রইলে গাছতলায় । কিন্তু তোমার সঙ্গে একটি কচি মেয়ে । ও বে গাছতলায় থাকলে মারা পড়বে ?

হেমাঙ্গিনীর মনে হঠাৎ একটা নিদ্রুর সত্য কুটে উঠলো । সেও মনে মনে ভাবলে, তাইতো এ আমি কচি কি !

বুড়ো খানিকক্ষণ দাঁড়িয়ে থেকে, ভেবে বললে : তবে এক কাজ কর । যতদিন না যাহ'ক একটা বন্দোবস্ত করতে পার, ততদিন না হয় আমার কুঁড়ে ঘরে থাকবে চলো ।

বুড়ো চাষার প্রস্তাবে হেমাঙ্গিনী চমকে উঠলো । তার মনে হ'ল, সহসা ভগবান বুঝি তার ডাক শুনে তাকে আশ্রয় দেবার জন্তে মশরীয়ে উপস্থিত হয়েছেন । এই বুড়ো চাষালোক, এর মনে এত দয়া ? যারা আপনার লোক, তারা তার অবস্থার কথা ভাবলে না, আর এই পর-লোক,—যার সঙ্গে তার কখনও কোনও আলাপ পরিচয় নেই,—

মিস্ত্রির মেয়ে

সে অযাচিতভাবে তাকে আশ্রয় দান করতে নিজ হতে প্রস্তাব কচ্ছে !
পৃথিবীতে তাহ'লে এখনও ভগবানের দূত আছে ! পৃথিবী একেবারে
নির্ম্মম লোকে ভরাট নয় !

হেমাজিনীকে চুপ ক'রে থাকতে দেখে বুড়ো বললে : কি ভাবচো ?
আমার কুঁড়ে ঘরে যেতে মন সরচে না ?

হেমাজিনী এ কথার সোজা উত্তর না দিয়ে বললে : বাবা, তুমি
কি ভগবান ?

বুড়ো একটু হেসে বললে : দূর বেটি ! ভগবান কেন হতে যাবো ?
আমি ত চাষা । চান্না কি কখনও ভগবান হতে পারে ?

হেমাজিনী গলায় আঁচল দিয়ে বললে : তুমিই ভগবান । তা না
হ'লে এ বিপদের সময়, নিজে যেচে কে আমায় আশ্রয় দিত ? দুখিনীর
হুঃখ কে বুঝতো বাবা ?

যাক্ ও সব কথা । এখন চলো, তোমাকে সঙ্গে ক'রে আমার
তালপাতার ঘরে রেখে আসি । সেখানে এক বুড়ী আছে, সে তোমায়
আপনার লোকের মত দেখবে । সে মানুষ বড় ভালবাসে ।

কে, আমার মা বুঝি ?

মা কি মেয়ে তা জানি না, তবে মানুষটা ভাল । কারুর সঙ্গে
ঝগড়া বিবাদ করে না । খাল দায় কাঁশি বাজায়, কারুর কথার মধ্যে
থাকে না ।

তোমাকে আগে একটা নমস্কার করি, বাবা !...ব'লে হেমাজিনী
ইঁটুর ওপর বসে গলায় কাপড় দিয়ে বুড়ো চাষার পায়ে একটা নমস্কার
করলে ।

থাক্ থাক্, করো কি ?.....ব'লে বুড়ো একটু হটে গেল।

নাও চলো। আর দেবী করো না। মেয়েটার মুখখানা শুকিয়ে গেছে। আহা, ছেলেমানুষ! সমস্ত রাত এইখেনেই বুঝি পড়ে আছে ?

হাঁ বাবা, সমস্ত রাত এই ছাঁচের তলায় আমরা ছ'টি প্রাণী!

আহা-হা! এমন ক'চি মেয়েকে সমস্ত রাত ঠাণ্ডা লাগায় ? মারা পড়বে যে ?...নে, আয় খুকি, আমার কোলে আয়। আমাদের বাড়ীতে গিয়ে মুড়ি মুড়কি বাতাসা খাবি তো ?

বুড়ো কাজলকে কোলে তুলে নিল। কাজল প্রথমে তার কোলে যেতে চাইছিল না, কিন্তু বুড়ো এমন আদর করে তাকে ভুলিয়ে নিল যে কাজল যেন সত্যি তার ঠাকুরদাদার কোলে উঠেছে।

(৪০)

কই গো বড়-বৌ ?

নেপথ্য থেকে কে উত্তর দিল : তুমি যে যেতে যেতে ফিরে এলে গা ?

এই বেরিয়ে এসে দেখ, তোমার জন্তে কাদের নিয়ে এনেছি।

একখানা লালপেড়ে শাড়ি-কাপড়-পরা বুড়ী মেয়েমানুষ ঘর থেকে বেরিয়ে এসে বললে : কই কাদের আবার নিয়ে এলে ?

বুড়ো হেমাঙ্গিনী আর তার মেয়েকে দেখিয়ে জিজ্ঞাসা করলে : এদের চেনো ?

বুড়ী ঘরের দাওয়া থেকে নজর বাড়িয়ে দেখলো। দেখে বললে : তাইতো! এঁদের ত চিনতে পারছি নে!

মিস্ত্রির মেয়ে

কালির বউ আর মেয়ে ! ... কালি গো ! পালদের মেজ ভাই !
ছেলেবেলায় কতো আমাদের বাড়ীতে আসতো, মনে নেই ?

কালি ? খুব মনে আছে । এই পেয়ারা গাছটাতে যতো কেশো
পেয়ারা, তার জন্তে থাকবার যো ছিল না । ওঃ ! তার বউ !...এসো
এসো মা লক্ষ্মী ! আজ আমার কি ভাগ্যি ! আর এটি কে ? তার
মেয়ে ? দাও, দাও আমার কোলে দাও ।

হাঁঃ ! তোমার কোলে দিই, আর তুমি ওকে জড়িয়ে ছুম করে
মাটিতে আছাড় খাও ! তার চেয়ে এক কাজ করো ! দুটি মুড়ি আর
খানকতক বাতাসা ওকে আগে এনে দাও দেখি !

বুড়ী তাড়াতাড়ি ঘরের মধ্যে গিয়ে একটা চুবড়িতে গোটাকত মুড়ি
আর খানকতো বাতাসা নিয়ে এসে, কাজলের হাতে দিল । মুখে বললে :
বাঃ ; বেশ পদ্মফুলের মত মেয়েটি তো !

হেমাঙ্গিনী এগিয়ে গিয়ে বুড়ীর পায়ে নমস্কার করে বললে : মা ?
আমি তোমার মেয়ে !

বুড়ী হেমাঙ্গিনীকে হাতে ধরে তুলে, তার চিবুকে একটা চুমু খেয়ে
বললে : বাঃ লক্ষ্মী বউটি ! তা, তোমার সিঁথিতে সিঁহুর নেই দেখি ?
কালি কি তাহ'লে আর নেই ?

হেমাঙ্গিনী প্রশ্ন শুনে ঘাড় নত করলে । বুড়ো মাঝে থেকে বললে :
হাঁ, ওর কপাল পুড়েছে । কালি যখন চাকরি করতো, তখন বোধ হয় ও
খুব সুখেই ছিল, এখন পড়েছে বড় মুস্কিলে ! ... থাক, সে সব কথা পরে
হবে'খন ! এখন ওদের যাতে কষ্ট না হয়, তার ব্যবস্থা করো । আমি
মাঠে চললুম । ধান গাছগুলো না নেড়ে দিলে, সোম-বছর খাব কি ?

মিস্ত্রির মেয়ে

বুড়ী বললে : আহা, কালির বউকে যত্ন করবো না তৌ কর্ব কাকে ?
সে কি আমার পর ছেলে গা ? সে যে আমার পোলার মত ছেলে !—
আহা ! সে আমার নেই ! আমরা রইলাম, আর সে চলে গেল ? বলতে
বলতে বুড়ী কাপড়ে চোখ মুছতে লাগলো ।

তা যাক্ ! এখন স্বাণ্ডি বউয়ে যা হয় বোঝা-পড়া করো । যে গেছে,
তার জন্তে ত কেঁদে আর লাভ নেই ! আমি চললুম, আমার ছঃখের
ধান্দায় !

বুড়ো মাঠে চলে গেল । হেমাঙ্গিনী বুড়ীর কাছে বসে নানান্ ছঃখের
কথা নামাতে লাগলো ।

(৪১)

পালমশাই ঘরে বসে বসেই শুনলে, তার ভাদ্র-বৌ পরাণে মণ্ডলের
বাড়ীতে গিয়ে উঠেছে । তখন যত রাগ গিয়ে পড়লো তার, হতভাগা
পরাণে মণ্ডলের ওপরে । সে বুড়ো হয়েছে, অথচ এখনও তার বুদ্ধি স্কন্ধি
কিছু হ'ল না, এজন্তে অনেকবার পালমশাই আক্ষেপ করলে । তারপর
মনে মনে প্রতিজ্ঞা করলে, মণ্ডলের পো'কে বেশ একটু শিক্ষা
দিয়ে দেবে ।

গণ্ডকে ডেকে পালমশাই বললে : শুনেছ গণ্ড, বেটাছেলে পরাণে
মণ্ডলের কাণ্ড !

কি কলে' সে ?

মিস্ত্রির মেয়ে

কি কলে' সে? যা কর্কার নয়, তাই করলে! আমি দিলুম আমার বাড়ীর বউকে তাড়িয়ে, সে কি না তাকে জায়গা দেয়! এত তার বুকের পাটা! একবার বুঝে দেখলে না যে কেন আমি তাকে তাড়িয়ে দিলুম?

ঐ রকম সব। পোড়া কপাল মিনষের! তোর এত মাথা-ব্যথা কিসের বাপু, যে তুই আমাদের বাড়ীর বউকে জায়গা দিস?

পালমশাই হাতের ছঁকোতে একটা টান মেরে বললে: দাঁড়াও না, বেটাকে বেশ করে জক করে দিচ্ছি! ওটাকে আমি একঘরে কর্কা, তবে ছাড়বো।

গণু মুখে একটা সাজা পান দিয়ে বললে: দেখো, আবার কেঁচো খুঁড়তে গিয়ে সাপ না বেরায়!

পালমশাই রেগে উঠে বললে: কিসের সাপ বেরবে! সাপ আবার কিসের? আমার নামে কোন্ বেটা কি দোষ দেয়? আমি আর পরাণে মণ্ডল? কিসে আর কিসে!

গণু আর কিছু বললে না। শুধু পালমশাইকে ইঙ্গিতে বুঝিয়ে দিল, পরাণকে একঘরে করতে গেলে নিজে না সমাজের কাছে ধরা পড়ে যায়। মেয়েমানুষ সাধারণতঃ চতুর জাতি, কথাটা একটু ইঙ্গিতে বুঝিয়ে দিয়েই আবার চাপা দিল।

পালমশাই পাড়ার মধ্যে প্রচার কর্তে লাগল যে তার ভাদ্র-বৌয়ের স্বভাব-চরিত্র ভাল ছিল না, তাই তারে ঘরে জায়গা দেয় নি। কথাটা পাঁচজনে শুনলে বটে, কিন্তু বিশ্বাস করলে না; তার কারণ, যে বলচে, সেও যে খুব খাটি সচ্চরিত্র, তা তো নয়! একটা ডোমের ঘরের মেয়েকে

মিস্ত্রির মেয়ে

যে সে আপনার বাড়ীর মধ্যে রেখে, রাত্রে নিজের ঘরে নিয়ে শোয়, এ কথাটা পাড়ার ষোল আনা লোকই জানতো।

কাজেই পাল মশাই আপাততঃ পরাণে মণ্ডলের বিশেষ কিছুই কর্তে পারলে না। যখন তাকে একঘরে কর্কার বিশেষ কিছুই সুবিধা হ'ল না, তখন পালমশাই নিজের হাত নিজে কামড়ে শুধু সুবিধা খুঁজতে লাগলো।

একদিন একটা খবর পেয়ে পালমশাই লাফিয়ে উঠলো। গণু একদিন বললে : আর একটা কাণ্ড ঘটেছে, তা বুঝি শোন নি তুমি ?

কি কাণ্ড গা ? আমায় সব বলো না কেন ? তুমিও যদি পর হও, তাহ'লে আমি দাঁড়াই কার কাছে ?

গণু চারিদিক চেয়ে চুপি চুপি বললে : তোমার নাকি একটা সেয়ানা ভাই-ঝি ছিল ? কি, নয়না না কি নামটা তার ?

হাঁ, হাঁ, কালির নয়না ব'লে একটা মেয়ে ছিল বটে ! সেটাকে তো এখানে আনে নি ওর মা মাগী ! সেটাকে রেখে এলো কোথায় বলতে পারো ?

তার কথাই তো বলচি। সে মেয়েটা মা'র সঙ্গে ঝগড়া ক'রে নাকি বেরিয়ে গেছে ! একটা হিন্দুস্থানী ছোঁড়ার সঙ্গে নাকি সে ভিড়ে পড়েছে।

সত্যি নাকি ? কই, এতদিন ত আমায় এ কথা বলো নি ?

ভাবছিলুম, তোমায় বলবো, তুমি বিশ্বাস করবে কি না ? হাজার হোক, নিজের ভাই-ঝি ত বটে !

পালমশাই হাত মুখ নেড়ে বললে : ভাই-ঝি ? ভাই-ঝি ত কি

মিস্ত্রির মেয়ে

হয়েছে ? সে যখন কুল ছেড়ে বেরিয়ে গেছে, তখন আবার তার ওপর আমার টান কি ? ... আচ্ছা তুমি এ কথাটা কোথায় শুনলে ?

শুনিচি আমি অনেক কৌশলে। তোমার ভাদ্রবৌ যেদিন এখানে আসে সেদিন ছোট বউয়ের কাছে বসে মাগী নিজে গল্প কচ্ছিল মেয়ের কথা ! আমি আড়াল থেকে আড়ি পেতে একথা শুনলুম।

এঃ ! এত বড় খবরটা আমায় ঐত দিন বলোনি ? মাগীকে একবার দেখিয়ে দিতুম মজা, ও কেমন ক'রে এই গাঁয়ে থাকে !

আর দ্বিকুক্তি না ক'রে পালমশাই উঠলো। উঠেই একেবারে গাঁয়ের মোড়লের বাড়ী গিয়ে হাজির।

(৪২)

দোগাছি গাঁয়ের মোড়ল ছিলেন শ্রীমন্ত কডুই।

অপরাহ্নে দিবানিদ্রা সেরে এক ছিলিম তামাক টানতে টানতে তিনি তখন চণ্ডীমণ্ডপে বসে খাতকদের সুদের হিসাব কষছিলেন। খেরো দিয়ে বাঁধানো লম্বা খাতাখানা অনেক লোকের সর্বস্ব মুটোর মধ্যে নিয়ে নরমেধ যজ্ঞের পুঁথির মত কডুই মশাইয়ের দৃষ্টিপাতের অপেক্ষা কচ্ছিল।

কডুই মশাইয়ের সুদের ব্যবসা ছিল। গ্রামের বহু লোক তাঁর কাছ থেকে টাকা ধার নিত অসম্ভব সুদে, এবং ঋণ শোধ দিতে না পারলেই তাঁর জবাই-করা ছোরার তলায় আপনাদের সর্বস্ব বলিদান দিত। এই ক'রে কডুই মশাইয়ের যথেষ্ট প্রভাব জন্মে গ্রামের মধ্যে। আফগান

মিস্ত্রির মেয়ে

দেশের লোক যে নীতির জোরে দূর বাংলা দেশে এসে বিনা বিছায়, বিনা বাণিজ্যে প্রভূত অর্থ সঞ্চয় করে, কড়ুই মশাই সেই নীতির জোরে এখন গ্রামের মধ্যে হয়ে দাঁড়িয়েছেন প্রকাণ্ড মাথা ।

পালমশাইকে আসতে দেখে কড়ুই মশাই সুদের অঙ্ক কষা আপাততঃ মূলতুবি রেখে চোখ তুলে জিজ্ঞাসা করলেন : কি পালমশাই ? গ্রামের খবর কি ?

পালমশাই একটা সভক্তি নমস্কার সেরে, হাত দুটো জোড় করে বললে : খবর-টবর তো সবই আপনার কাছে ! আপনার অজানত আর কি আছে ?...তবে কি জানেন, আপনি থাকতে গ্রামে এত বড় একটা কাণ্ড হয়ে যায়, এইটেই বড় দুঃখের বিষয় ।

কি কাণ্ড আবার ঘটে গেল, পালমশাই ?

আজ্ঞে, নিবেদন কর্ব ? আপনি অভয় দেন ত নিবেদন করি !

বলুন, বলুন, শুনি ।

আজ্ঞে, ঐ পরাণে মণ্ডল । তার এত বড় আম্পর্কী, সে একটা বেশ্যা মাগীকে বাড়ীর মধ্যে এনে রাখে ?

বেশ্যা মাগী ?... ও বুঝিচি ! তা, সেতো আপনারই ভাদ্রবৌ হয় পালমশাই !?

আমার ভাদ্রবৌ ব'লে কি বেশ্যা হ'তে পারে না ? সেটা বেশ্যা, আমি খুবই জানি । আমার বাড়ীতে একদিন থেকে যে কাণ্ড করেছে, তা সে আপনাকে বলবার কথা নয় ! ঘরের কথা ত সব বলা যায় না !... আচ্ছা, যাক ! তাই না হয় হ'ল ! ধরলুম, সে মাগী বেশ্যা নয় ! কেননা, আমি ছাড়া আর কেউ তাকে বেলেলাগিরি করতে দেখে নি !...

মিস্ত্রির মেয়ে

আচ্ছা যাক্ ! কিন্তু আর একটা কথা বলি ! তার একটা মেয়ে যে বাজারে বেরিয়ে গিয়ে, সব লোকের চোখের স্মৃগে, একটা মেডো খোঁটার সঙ্গে ঘরবসত বসে,—এটাতো আর মিথ্যে নয় ? একথা তো মাগী নিজেই আমার ছোট বউমার কাছে ব্যাখ্যা করে বলেছে ! আপনি বলেন, আমি ছোট বউমা'কে দিয়ে সাক্ষী দেওয়াতে পারি !

মোড়ল মশাই চক্ষু তুলে বললেন : আপনার ভাদ্রবৌয়ের মেয়ে ? অর্থাৎ, আপনার ভাই-ঝি ?

পালমশাই উৎসাহ ভরে বললে : হাঁ, হাঁ, আমার এক সোমখ ভাই-ঝি ! তাকে মাগী কাকনাড়ায় রেখে এসেছে ! সেখানে দিব্বি ব্যবসা চালাচ্ছে ! কলের আঁকাড়া পয়সা, ভাবনা তো নেই ! হুঁদো হুঁদো হৌত্কা মেডোগুলো আসচে, আর ঝনাৎ ঝনাৎ ক'রে টাকা ফেলচে ! একটা মেডো ছোড়া নাকি তার সোয়ামী হয়েছে ! আর তার আওতায় ছুঁড়ি দিব্বি পয়সা কাগাচ্ছে !

এত বড় ব্যভিচারের কথা শুনে কোন্ সমাজপতির না রাগ হয় ? কড়ুই মশাইও চটে উঠলেন পালমশায়ের বিরতি শুনে। তিনি বললেন : বলেন কি, পালমশাই, আপনার ভাইঝি হয়ে তার এত বড় বুকের পাটা ?

কি করব বলুন ! আমার ত বাধ্য নয়। আর আমার বাড়ীতেও সে থাকতো না। তার মা একদিন থাকতে এসেছিল, তাকেও তো তাড়িয়ে দিয়েছি সমাজের ভয়ে !... কিন্তু সাহস দেখুন ঐ পরাণে মণ্ডলের ! এত বড় আশ্পর্কা তার, আমি তাড়িয়ে দিলুম আমার ভাদ্রবৌকে, আর সে কিনা তাকে ঘরে ষায়গা দেয় ! এতে সমাজের ভয় করবে কি করে

মিস্ত্রির মেয়ে

লোকে ? এতে বেশাদের যে প্রশ্ন দেওয়া হবে । আপনিই বলুন না, হবে না কি ? সমাজের বুকের ওপর বসে থাকবে একটা বাজারে বেশার মা ?

আপনি কৰ্ত্তে চাইচেন কি ?

আমি চাইবো কেন ? আপনারাই চাইবেন ! আপনি সমাজের মাথা । আপনিই ত করবেন !...আমি বলি, বেশার মাকে একঘরে করা হোক । আর যে তাকে নিজের বাড়ীতে রেখে এক সঙ্গে খাওয়া-দাওয়া কচ্ছে, তাকেও সমাজ থেকে তাড়িয়ে দেওয়া হোক !

মোড়ল শুনে খানিকটা ঘাড় নাড়লেন, তারপর বললেন : আপনি কথা ঠিকই বলচেন পালমশাই, কিন্তু এইটে আমি বুঝে উঠতে পাচ্চিনে যে, মেয়ে সমাজ ছেড়ে বেরিয়ে গিয়ে বেশাবৃত্তি কচ্ছে বলে তার মায়ের কি দোষ হতে পারে ? মেয়ে ত আর মায়ের সংসারে একত্র থাকে না !

থাকে না ? থাকে বই কি ! এতদিন ত একসঙ্গেই ছিল ।

সে যখন ছিল তখন ছিল । এখন ত নেই । এ গেরামে এসে সে মেয়ে ত মায়ের সঙ্গে বাস কচ্ছে না ।

কতুই মশাই, আপনি পণ্ডিত লোক,—এটা বুঝতে পাচ্চেন না যে, যখন তারা একসঙ্গে ছিল, তখন ত মা মেয়ের হাতের রান্না খেয়েছে । তাহ'লেই ত তার জাত গেছে ।

মোড়ল আবার খানিকক্ষণ মাথা নাড়লেন । তাঁর অনেক দিনের জমা-করা পাণ্ডিত্যটুকু মাথা থেকে নাড়া দিয়ে বার ক'রে বললেন : হাঁ, এ একটা কথা আপনি বলচেন বটে ! আচ্ছা তাহ'লে পরাণে মণ্ডলকে

মিস্ত্রির মেয়ে

একঘরে কর্তেই হবে। কিন্তু আপনাকে এর জন্য একটা বড় রকম ভোজ দিতে হবে গেরামের সব লোককে।

হাঁ, তা দিতে হবে বৈ কি! খরচ পত্র যা কর্তে হয় তা সব আমায় কর্তে হবে বৈ কি! তবে ওর ভেতর যাতে একটু কমে জমে হয়, তা একটু আপনাকে করে দিতে হবে! আমি আসচে রথ-যাত্রার দিন সমস্ত গ্রামের লোককে নেমন্তন্ন করে চিঁড়ে-দই ফলার করিয়ে দেবো।

মোড়ল মশাই তাঁর সার্কভৌম উদারতা প্রকাশ করে বললেন : শুধু এই গ্রামের লোককে খাওয়ালে কি হবে? আশ-পাশের পাঁচখানা গ্রামের লোকদেরও তো জানান চাই!

পালমশাইয়ের ট্যাঁকে একটু টান পড়লো। পরাণে মণ্ডল ও তার সঙ্গে হেমাঙ্গিনীকে জব্দ কর্তার জন্য তিনি খরচ কর্তে রাজি আছেন বটে, কিন্তু তাব'লে পাঁচখানা গ্রাম খাওয়ান! এত বড় মহাযজ্ঞ তিনি কেমন ক'রে করেন? কিন্তু তবু অপমানের প্রতিশোধ ত নেওয়া চাই! একটা স্বামীপুত্রহীন মেয়েমানুষ বিশেষ তার নিজের ভাইয়ের বউ যে তাকে অপমান ক'রে গ্রামের মধ্যে অপর এক লোকের বাড়ীতে নির্বিবাদে নির্বন্ধাটে বাস করবে, এটাই বা কেমন ক'রে তাঁর সহ হয়? স্মৃতরাং যা করে হোক, ব্যবস্থা কর্তেই হবে! পালমশাই মোড়লের অনেক হাতে পায়ে ধরলো; শেষে পাঁচ টাকা ব্যক্তিগত সেলামি দিয়ে, মোড়ল মশাইকে অনেক ক'রে নরম ক'রে খানচুই গ্রামের লোককে খাওয়াবার পরওয়ানট নিয়ে বাড়ী ফিরে এলো।

(৪৩)

রথযাত্রার দিন, পালমশাইয়ের বাহিরের প্রাঙ্গণে প্রকাণ্ড এক শামিয়ানা সহিংস গোরবে গ্রামের লোককে চঞ্চল করে তুললো। গ্রামের যত মুরুব্বিরা এসে স্থান পরিগ্রহ করলেন সভাগৃহের মাঝখানে। মাথার উপরে লাল নীল কাগজের মালা ছলতে লাগলো। ছোট ছোট ছেলে মেয়েরা কলরব তুলে সভার গুরুত্ব আরও পরিবর্দ্ধিত করতে লাগলো।

ছ-গ্রামের সব লোককে নিমন্ত্রণ করা হয়েছিল, কেবল বাদ গেল পরাণ মণ্ডল। বেচারী বাড়ীতে বসে শুনলো, তাকে এক ঘরে কর্বার জন্তই আজকে গ্রামে এই মহোৎসব; আর পালমশাই তার প্রধান কর্মকর্তা।

পরাণ হেমাঙ্গিনীকে ডেকে বললে : মা, সব শুনেচ ?

হেমাঙ্গিনী বললে : শুনেচি বই কি, বাবা ! আমার জন্তই তোমার আজ এই শাস্তি ! আমাকে অনুমতি দাও, আমি এখান থেকে চলে গিয়ে, অণ্ড কোন দূর গ্রামে গিয়ে থাকি !

আর কোথায় থাকবে, মা ? তোমার ত যাবার আর কোনও জায়গা নেই ! তুমি যে সত্যিই বড় হুঃখী !

হেমাঙ্গিনী প্রতিবাদ করে বললে : কেন, রাস্তা আছে, মাঠ আছে। সেখানে থাকলে ত পালমশাই শাস্তি দিতে পারবে না।

পরাণ দৃঢ়কণ্ঠে বললে : না মা, তা হবে না। আমি বেঁচে থাকতে তোমার রাস্তায় কি মাঠে যেতে দেবো না ! তুমি যে আমার বাবা বলেচো,

মিস্ত্রির মেয়ে

আমিও যে তোমায় মা ব'লে ডেকেচি। আমার মা রাস্তায় দিন কাটাবে, আর আমি ঘরের মধ্যে সমাজকে নিয়ে থাকবো? আমি কি এত বড় পাষণ্ড?

কিন্তু তোমায়ও যদি রাস্তায় দাঁড় করায় ওরা?

পরান সাহসে ভর ক'রে বললে: না, তা পারবে না, মা! এ যে কোম্পানীর মুলুক! এখানে অতো সহজে রাস্তায় দাঁড় করাতে পারে কেউ? আমি মাঠে লাঙ্গল ঠেলাবো, পেটের ভাত চালাবো! আমার জমি থেকে আমার বঞ্চিত করে কে?

গ্রামশুদ্ধ লোক পেছনে লাগলে, তোমায় কোথা থেকে কি মকদ্দমা ক'রে জমি-জায়গা কেড়ে নেবে, কে বলতে পারে?

জমি কেড়ে নেয়, ভিন্ গাঁয়ে গিয়ে মজুরি করবো। তবু তোমায় আমি ছাড়বো না। কেন না, তোমায় আমি আশ্রয় দিয়েছি। আমার নিজের গণ্ডা বোঝবার জন্তে সে আশ্রয় কি ফিরিয়ে নেওয়া যায় মা?

হেমাঙ্গিনী সক্রতজ্ঞ ভাবে বললে: তাব'লে আমার জন্তে এত কষ্ট স্বীকার করবে তুমি?

তা কর্তে হবে বৈ কি! আমার নিজের মেয়ে হলে কি আমি তাকে ছাড়তে পারতুম?

হেমাঙ্গিনী মনে মনে পরান মণ্ডলকে অজস্র ধন্যবাদ দিল। তার মনে হ'ল, পৃথিবীতে সত্যিই বুঝি ভগবান এসেছেন, তাকে রক্ষা করতে! এ তার পাতানো বাবা নয়, সত্যিই তার পিতা। তা না হ'লে এত স্নেহ তার ওপরে, এত স্বার্থত্যাগ! এ কি বাঙ্গালা দেশের লাঙ্গল-ঠেলা কাষা, না কোন্ দেবতা এসেছেন তাকে ছলনা করতে?

মিস্ত্রির মেয়ে .

কোথায় তার আপনার লোক, আপনার ভাস্কর, পালমশাই,—
আর কোথায় না-জানা না-শুনো এক পর-লোক ! ভাস্কর তাকে বাড়ী
থেকে তাড়িয়ে দিল, তার সর্বনাশ করতে গেল, তাকে সমাজে বেষ্টার
মা ব'লে বাহাল করলো, গ্রামের সকলের সঙ্গে আলাপ করণ-কারণ
বন্দ করে দিল,—আর এই মহাত্মা তাঁর সামান্য শক্তি দিয়ে প্রাণপণে
তাকে দুশমন ভাস্করের হিংসা থেকে বাঁচিয়ে রাখলো । পৃথিবীতে এমন
ভাস্করও আছে, আবার এমন পরাণ মণ্ডলও আছে ।

হেমাজিনী ধপ্ করে পরাণের পায়ে ওপর পড়ে বললে : বাবা ?
সত্যিই তুমি আমার বাপ ! তুমি দেবতা, মানুষ নও !

পরাণ হেমাজিনীর হাত ছুটো ধরে তুলে বললে : ছর ক্ষেপি, দেবতা
হতে কি আমরা পারি ? আমরা যে চাষা, সেই চাষা ! আমাদের
সকলেই অচ্ছেদা করে । তা না হলে দেখছি স্ নে, গেরাম শুদ্ধ লোক
আমাকে যাচ্ছে-তাই কচ্ছে !

তারা মানুষ চেনে নি, বাবা ! তাই তোমার মত লোককে একঘরে
কর্তে চায় !

শাস্তি দেবে বৈ কি, তা না হ'লে ঠাকুরের কাছে আমার যাচাই
হবে কেমন করে ?

বাবা, ভগবান তোমার মঙ্গল করুক ।

পরাণ একগাল হেঁসে বললে : এই ঘাটের মড়া আর মঙ্গল
নিয়ে কি করবে, মা ? আমার বাট্ পেরিয়েছে, আর ক'দিনই বা
বাঁচবো ? যে ক'দিন বাঁচি. ঠাকুরের কাছে মানত্ করি, যেন তোরই
মঙ্গল হোক ।

একধরে ত হ'লই, আবার নানা উপায়ে পালমশাই চেষ্টা করতে লাগলো, পরাণের ওপর অত্যাচার করতে ।

পরাণ কোনটাই গায়ে মাখে না, কাজেই কেবলই পিছলে যেতে লাগলো পালমশাইয়ের হাত থেকে ! তার জন্তে পালমশায়ের বড় আপশোষ ! সে কেবলই গণুর কাছে দুঃখু করে যে ও বেটাকে জব্দ করতে পারলুম না ।

গণু বললে : ও বুড়োকে জব্দ করে কি হবে ? তার চেয়ে তোমার টেঁকিকে সায়েস্তা করো ।

কাকে, মেজ বোকে ? আরে ঐ গুয়োটাই তো ওকে ছাড়চে না ! তা না হ'লে কি মেজবো এতদিন আমার পায়ে এসে লুটিয়ে পড়তো না !

সে লুটিয়ে পড়ে কি হবে ?তার ওপর দেখচি তোমার এখনও টাঁক আছে ?

হেঁ, হেঁ, কি বলো যে গণু, তার ঠিক নেই ! তোমার যত সব কুছিষ্টি কথা ।

আমায় নিয়ে এখন আর বুঝি তেমন ভাল লাগচে না ? না ? আমি বুঝি পুরোণো হয়ে গিছি ?

হেঁ, হেঁ, কি যে বলো, কি যে বলো ? তোমাদের মন বড় খারাপ !

আমার মন ত খুব খারাপ ! তোমার মনই বা ভাল কি ? ঐ বুড়ী মেয়েমানুষটার জন্তেই বা তুমি এত পাগল কেন ?

পাগল কেন, পাগল কেন ? তবে কি জানি, ঘরের বউ, এই যা।

ঘরের বউ বলে ত ভারি সমীচ করেছিলে ? রাত বারোটোর সময় তার ঘরে ঢোকা নেবে,—যাক্। আচ্ছা, দেখি কেমন করে তুমি ওকে হাতের মধ্যে আনো ! আমিও গণ্ড ডুম্নি ! এক কথায় তোমায় আমার ধম্ম দিয়েচি ! এখন ভেবেচ তুমি আর একজনকে নিয়ে থাকবে, আর আমি ভেসে যাব ?

পালমশাই নিতান্ত নিরপরাধীর মতই বললো : না, না, না গণ্ড ! তুমি ওসব কি কথা বলচো, ওসব কি কথা বলচো ?বলতে বলতেই পালমশাই সেখান থেকে সরে গেল।

তার পর থেকেই দেখা গেল, পালমশাইয়ের প্রাণপণ চেষ্টা অনেকটা কম হয়ে এলো। পালমশাই যে মতলবই করে, গণ্ড তাতে বাধা দেয়। গণ্ডর মন রাখতে পালমশাইকে ছুটানে গা ভাসাতে হয়।

কাজেই ফলতঃ পরাণের ওপর অত্যাচারটা অনেকটা সুসহ হয়ে এলো। পরাণ একটু হাঁপ ছেড়ে বাঁচলো।

(৪৩)

এইভাবে বছর আষ্টেক কাটলো।

কাজল এই আট বছরে বেশ বড় হয়ে উঠলো। তার শরীরে প্রথম যৌবন এসে পুরোমাত্রায় দেখা দিল। মুখখানি তার ক্রমশঃ গোলা হয়ে উঠলো। হাত পা-গুলি বয়সের রসে টলটল করতে লাগলো। মাথার

মিস্ত্রির মেয়ে

খোপা নিদাঘকালের মধুচক্রের মত পাড়ার পুরুষ-ভ্রমরদিগের লালসার জিনিষ হয়ে উঠলো। চ'খে বাঁকা চাহনি অজ্ঞাত ভাবেই যৌবনের কলা-শিল্প আরম্ভ করে দিল। পরাণ ও হেমাঙ্গিনী তার বিয়ে না দিয়ে আর থাকতে পারে না।

পরাণ যখনই ফুরসত পায়, পালমশাইয়ের কুটুম্বদের খোঁজ-খবর নিয়ে কাজলের বিয়ের জন্তু চেষ্টা করে। কিন্তু হেমাঙ্গিনীর নামে কুটুম্ব-মহলে এমন একটা কুৎসা রটে গিয়েছিল যে, পরাণ কিছুতেই সে দিকে স্মৃতিধা করতে পারছিল না। যদিবা কোথায়ও একটু স্মৃতিধা হয়, পালমশাইয়ের কাণের পেছনে অমনি গ্ৰেণ দৃষ্টি কুটে ওঠে। তাঁর চক্রান্তে সম্বন্ধটি অমনি পাথরের ঘায়ে কাচের মত চূরমার হয়ে যায়।

বড় বিপত্তি। পরাণ তার সামান্য শক্তি দিয়ে পালমশাইয়ের দৈত্য-শক্তিকে পরাভূত করতে পারে না। তার পরিশ্রমটুকুই সার হয়। সে দুর্বলের মনোভাব নিয়ে ব্যথিত অন্তঃকরণে বাড়ী ফিরে আসে। হেমাঙ্গিনীকে বলে : মা ? তোমার ভাসুর তোমার মেয়ের বিয়ে হতে দেবে না। বড় শত্রুরতা কচ্ছে।

হেমাঙ্গিনী শুনে বলে : আমার কপাল ! লোকে নিজে হতে কত চেষ্টা ক'রে মরা ভাইয়ের মেয়ের বিয়ের ব্যবস্থা করে, আর আমার ভাগ্যি এমন যে, যার কাজ সেই বাগুড়া দিচ্ছে ! এ অনাথার ওপর কেন যে তিনি এমন বিমুখ, বুঝতে পারিনে।

পরাণ বলে : মা ? ও এক একটা লোকের এমন স্বভাব থাকে যে, নিজের পারে নিজেই কুড়ল মারে ! তাঁর ভাইবির বিয়ে না হ'লে যে তাঁরই বাপপিতেমহ নরকে পচতে থাকবেন, এ তাঁর জ্ঞান নেই !

আচ্ছা, লোকেও তাঁকে কিছু বলে না ?

কারকে কি জানতে দেয় যে, সেই সব সম্বন্ধ ভেঙ্গে দিচ্ছে। এমন ভাবে অপর লোক দিয়ে কুটুম্বদের কাছে ভাংচি দেয় যে, কার সাধ্য জানতে পারে যে তিনিই এর মূল। লোকে ত অতো সন্ধান নেয় না, আর কারই বা এতো মাথাব্যথা পড়েছে যে, এই নিয়ে হাঙ্গামা করে !

হেমাঙ্গিনী নিরাশ হয়ে বলে : তবে কি হবে বাবা ?

কি আর হবে ? ঠাকুরের ওপর নির্ভর করো ! তিনিই হয়তো এক দিন মুখ তুলে চাইবেন !

মুখ তুলে কবে যে ঠাকুর চাইবেন, হেমাঙ্গিনী তাই বসে বসে ভাবে। এদিকে কাজল বেশ বড় হয়ে উঠতে লাগলো। তার দিকে তাকালেই হেমাঙ্গিনীর মনে পড়তে লাগলো নয়নতারার কথা। তারতো অনেক দিন বিয়ে না হওয়াতে এমন একটা কাণ্ড ঘটে গেল। সময়ে বিয়ে হ'লে, শ্বশুরবাড়ী চলে গেলে কি নয়না এক হিন্দুস্থানীকে এমন ক'রে প্রশ্রয় দিত ? না, আজ তার মায়ের জীবনে এমন অসহ্য শাস্তি চিরদিনের তরে লেগে থাকতো ? গ্রামের লোক যে তাকে একঘরে করেছে, সে তো ঐ নয়নার কাণ্ডকারখানার অছিলাতেই। নইলে তার ভাস্কর কি তার এত সর্বনাশ কর্তে পারতো ?

কাজলের বিয়ের সম্বন্ধ যত ভেঙ্গে ভেঙ্গে যেতে লাগলো, হেমাঙ্গিনীর রাগ তত গিয়ে পড়তে লাগলো নয়নতারার ওপরে। সে মনে মনে তাকে অভিশাপ দিতে লাগলো, মায়ের স্নেহ যতটা অভিশাপ দিতে পারে ! একদিকে তার ওপর ফল্গুনদীর প্রবাহের মত চাপা স্নেহ, অপর দিকে দুঃখ কষ্টের রাগ ! বিপরীত মনোবৃত্তির দুঃস্বপ্ন থাকায় তার মস্তিষ্কের

মিস্ত্রির মেয়ে

বালুতট ধবসে ধবসে পড়তে লাগলো। সে রাতে নিদ্রা যায় না, দিনে গৃহস্থালী কাজ গুছিয়ে করতে পারে না। যত পরাণ মণ্ডল ঘুরে ঘুরে এসে হেমাঙ্গিনীকে বিফলতার সংবাদ দেয়, হেমাঙ্গিনী তত অস্থির হয়ে পড়ে। নয়নকে স্তম্ভে না পেয়ে আড়ালে বসে তাকে গালাগালি দেয়, আর নিজের কপাল চাপড়ায়। পরাণ মণ্ডল আর তার স্ত্রী চিন্তিত হ'য়ে পড়লো তার জন্তে। মেয়েটা পাগল হয়ে না যায়!

পরাণ প্রাণপণে উঠে পড়ে লাগলো, যাহ'ক ক'রে কাজলের বিয়ে দেবার জন্তে। সে তার শক্তির অধিক পণ দিতে প্রস্তুত হ'ল। চাষের জমি বাঁধা দিয়ে সে টাকা যোগাড় করলো।

অনেক জায়গায় অকৃতকাম হয়ে শেষে এক জায়গায় বুঝি তার মনস্কামনা সিদ্ধ হবার মত হ'ল। অনেক টাকা পণের প্রলোভনে এক ঘর চাষা তার ছেলের সঙ্গে বিয়ে দিতে স্বীকার করলে। পরাণ হাত বাড়িয়ে স্বর্গ পেলে!

বাড়ীতে ফিরে হেমাঙ্গিনীকে আড়ালে ডেকে চুপি চুপি বললে : মা? কেউ যেন শুনতে না পায়, খবরদার খবরদার, এক জায়গায় তোমার মেয়ের সম্বন্ধ ঠিক করেচি। আসচে বুধবারে বিয়ের দিন ঠিক করে এলুম।

কারও জীবনসঞ্চিত আশা ফলবতী হতে চললে, সে যতোটা আহ্লাদিত হতে পারে, ঠিক ততোটা আহ্লাদ মনে মনে অনুভব করে হেমাঙ্গিনী বললে : সত্যি বাবা, সত্যি ঠিক করেচো? সত্যি আমার কাজলের বিয়ে হবে?

পরাণ চারিদিক চেয়ে বললে : চুপ্ চুপ্, অত জোরে কথা বললে

তোমার গুণধর ভাস্কর কোথা থেকে শুনে ফেলবে, আর সব ভেসে
দেবে !

হেমাস্নিনী ভয় পেয়ে খুব চাপা গলায় বললে : না, বাবা ! আমি
আর চেষ্টা কখনো কখনো না ! কিন্তু তুমি সত্যি বলো, আমাকে
ভোলাবার জন্যে স্তোকবাক্য দিচ্ছ না তো ?

—আরে, নাহে বেটি, না ! এবার যা সম্বন্ধ করেছি, এ আর
ভালো নয়। তবে ছেলেটি তেমন ভাল নয় ! চাষ বাস ক'রে খায় !
নেখা পড়া কিছু জানে না।

—তা হ'ক, তা হ'ক। ও খুব ভাল পাত্র ! এই বুধবারেই
দিয়ে দাও !

—আরও বলি, ছেলেটা আবার চোখে একটু দেখে কম ! বেরি বেরি
না কি ব্যামো আছে, তাই হয়ে চোখ দু'টো নষ্ট হয়ে গেছে !

—চোখ নেই ?...হেমাস্নিনী প্রথমটা একটু বিমর্ষ হলো, কিন্তু মুহূর্ত
পরেই বললে : তা হোক গে। পুরুষ মানুষের চোখ নাইবা রইলো ! চাষ
বাস করে খায়, তাতে ত আর চোখের দরকার হবে না ! হাতে জমি চষবে !

—হাঁ, সেটা তুমি বুঝে দেখো। শেষকালে আবার আমায় দোষ দিও
না। আমি তোমায় সব খুলেই বলছি।

—তোমার মত আছে ত বাবা ? তাহ'লেই আমার মত ! তা
ছাড়া আর পাত্র পাওয়া যাচ্ছে কই ?

পর্যাপ্ত ঘাড় নেড়ে বললে : পাওয়া ত অনেক গেল ! কিন্তু
পালমশায়ের ভাংচির জোরে একটাও তো ডান্ডায় উঠলো না। সবই তো
জলে রয়ে গেল।

মিস্ত্রির মেয়ে

হেমাঙ্গিনী বললে : হতভাগা মিনষে ! নিজের ভাইঝির বিয়েতে ভাংচি দেয় ! ও মিনষে বেঁচে থাকতে আমার মেয়ের বিয়ে হবে না ! তুমি বাবা ও পাত্তরটা হাতছাড়া করো না। যত শীগ্গির পারো, লুকিয়ে বিয়ে দিয়ে দাও।

(৪৬)

মঙ্গলবার সকালে হেমাঙ্গিনী কতকগুলো বাসন নিয়ে পুকুর ঘাটে মাজতে বসলো। আজ তার মনটা বড় খুসি ! এতদিন পরে মেয়ের বিয়ে হবে,—কাজেই সে আমোদে আপনাকে ধরে রাখতে পারছিল না।

হঠাৎ পেছন দিকে একটা ছায়া পড়তে হেমাঙ্গিনী চমকে উঠলো। ফিরে দেখে, ভাসুরের সেই মেয়ে মানুষটি ! এর আগে আরো দু'একবার সে এসেছে, হেমাঙ্গিনীর সঙ্গে বেশ আত্মীয় ভাবেই কথা করেছে। কাজেই হেমাঙ্গিনী খুব যে ভয় পেলে, তা নয় !

গণু বললে : আজ এতো বাসন মাজার ধুম পড়েচে কেন ? বাড়ীতে কাজ কন্ম কিছু আছে বুঝি ?

যেখানেই বাঘের ভয়, সেখানেই সঙ্কে হয়। গণুর প্রশ্নে হেমাঙ্গিনীর মুখ খানা শুকিয়ে গেল। সে আমতা আমতা ক'রে বললে : না, এমন কিছু নয় ! কাজ কন্ম আর কি হবে ?... তবে, ঐ সামান্য একটু পূজো-আচ্ছা আছে কি না !

কি পূজো গা, এমন দিনে ?

মিস্ত্রির মেয়ে

ঐ, আমার একটা মানত ছিল কি না ! একটা ব্রত আছে ।

বেরত ?...তা লোকজন কিছু খাবে বুঝি ?

কে আর খাবে আমাদের বাড়ীতে বনো । আমরা তো একঘরে ।

তোমার ত জানতে কিছু বাকি নেই ।

না, জানতে আর বাকি কি আছে ? আমাদের বাড়ীর কত্তা ত তোমাকে একদণ্ড সোয়াস্তি দেবে না । মুখপোড়া মিনষে তোমার সবনাশ কর্কার চেষ্টায় আছে ।

আর সবনাশের বাকি কি আছে ? মেয়েটার বিয়ে কিছুতেই হতে দিচ্ছে না । যেথেনেই সম্বন্ধ হয় সেথেনে গিয়েই আমাদের নামে লাগান ।

ঔর ইচ্ছেটা কি জান ? তুমি গিয়ে ঔর বাড়ীতে ঔর সঙ্গে একসঙ্গে ঘর করো । নোচ্চা পুরুষমানুষ তো ? তোমার ওপর ঔর চোখ পড়েচে ।

হেমাঙ্গিনী আরও বিমর্ষ হয়ে বললে : এতদিনেও ঔর বুদ্ধিবুদ্ধি ফিরলো না । আমি যে ঔর ভাদ্র-বৌ হই এটা কি ঔর মাথায় মোটে ঢুকবে না ?

কই আর ঢুকচে ? আমার সবনাশ ত করেছেন, তাতেও ঔর মন উঠচে না । এখন ঘরোয়া কেলেকারি ক'রে তবে যদি ঠাণ্ডা হন ।

আমার ইচ্ছে করে এসব জেনে শুনে, গলায় কলসী বেঁধে পুকুর জলে ডুবে মরতে ! বিধবা মানুষ কোথায় নিষ্ঠা কাষ্ঠা নিয়ে দিন কাটাবো, না ওই সব কর্তে যাবো ! সেদিন যেন আমার মরণ হয় !

আমার সবনাশ কর্কার আগে আমাকে কি কম যন্ত্রণা দিয়েছিলেন ? যেতুম বিয়ের কাজে, উনি আসতেন ফটি মটি করতে ! আমি বত

মিস্ত্রির মেয়ে

রাজি নই, ততো ভয় দেখাতে লাগলেন। বলেন তোর গলা টিপে মারবো, তোর বাবাকে অন্ধকার রাস্তায় লেঠেল দিয়ে মার খাওয়াবো, এই সব। ও সব পারে, সব পারে। তোমার ওপর যখন ওর চোখ পড়েচে, তোমাকে না কোন দিন পিছমোড়া ক'রে বেঁধে আপনার ডেরায় নিয়ে গিয়ে ফেলে !

হেমাঙ্গিনী গণুর কথা শুনে ভয়ে ঠক ঠক করে কাঁপতে লাগলো। বললে : বলো কি ? পিছমোড়া ক'রে বেঁধে নিয়ে যাবেন ? অনাথা বিধবার ওপর এত অত্যাচার ?

ওমা, তা বুঝি জান না ? আমাকে কি করেছিলেন ? আমি কি সহজে আমার ধম্ম দিই ? একদিন পুকুর ঘাটে বাসন মাজছি, এমন সময় কোথাও কিছু নেই তিনটে যমদূতের মত লেঠেল এসে আমার মুখ বেঁধে ফেললে, তারপর পিছমোড়া করে বেঁধে বাড়ীর পেছন দিককার ঘরে নিয়ে গেল। তারপর ঘরের খিল বন্দ ক'রে ছুষমন আমার গায়ে হাত দিলে। আমি কি ওর সঙ্গে জোর পারি ? নইলে আমার আজ এই দশা !

গণুর এই ইচ্ছাহীন অথচ বাধ্যতামূলক ব্যাভিচারের লোমহর্ষণ ইতিহাসটা শোনবামাত্র হেমাঙ্গিনীর গায়ে কাঁটা দিয়ে উঠলো। সে ভয়ে আর কথা কইতে পারলে না। গণুকে যেভাবে জোর করে পাল মশাই আপনার কুৎসিত লম্পটবৃত্তিতে লাগিয়েছে, সেই ভাবে যদি তাকেও বাধ্য করে দেহ বিক্রয় করতে, তাহ'লে কি ক'রে সে রেহাই পাবে তার হাত থেকে ? পরাণ মণ্ডল ত তাকে রক্ষা কর্তে পারবে না। তবে ? কি উপায় ?

মিস্ত্রির মেয়ে

গণু বললে : কি ভাবচো দিদি ? ভেবে কিছু স্থির করতে পারেন না। তার চেয়ে তুমি এখান থেকে পালাও। নইলে তোমার কপালে অনেক দুঃখ আছে।

অন্ধকার পথে হেমাঙ্গিনী যেন একটা আলোর রেখা দেখতে পেল। সেও মনে মনে ঠিক করলে, এ গাঁ থেকে সে যত শীঘ্র পারে পালাবে। কিন্তু কাজলের বিয়ে না দিয়ে সে কেমন ক'রে যাবে ? বিয়েটা ভালয় ভালয় হয়ে যাক, তারপর সে নিশ্চয়ই যাবে এ গ্রামটার সীমানা ছেড়ে।

প্রকাণ্ডে বললে : তাই যাবো। তোমাদের গাঁ ছেড়ে, যেখানে ছ'চক্ষু যায়, সেইখানে চলে যাব। কাজলের বিয়েটা হয়ে যাক না।

গণু হাতখানা উল্টে বললে : তবেই হয়েছে ! কাজলের বিয়েও হয়েছে, তোমারও যাওয়া হয়েছে !

তখন হেমাঙ্গিনী চারদিক একবার চেয়ে, গণুর কাছে মুখ এনে চুপি চুপি বললে : ভাই, কারুকে বলো না ; তুমি আমার জন্যে অনেক দরদ করো, তাই তোমাকে বলছি। কাজলের বিয়ে কাল হচ্ছে। নারায়ণপুরের ন'কড়ি বিশ্বেসের ছেলের সঙ্গে কাল হবে। চুপি চুপি পাকা দেখা, গায়ে হলুদ সেরেছি। পাছে ভাসুর জানতে পেরে এখানেও ভাংচি দেয়, তাই গাঁয়ের কারুকে বলিনি। শুধু কালকের দিনটা চাপা রাখতে পারলেই, বোধ হয় আমার মেয়েটার একটা হিল্লো হয় ! দোহাই তোমার ভাই, তুমি যেন কারুকে বলো না। পালমশায়ের কাণে যেন কিছুতেই না ওঠে।

গণু নেহাত্ অস্তুরঙ্গের মত বললে : না, না, আমি কেন বলতে

মিস্ত্রির মেয়ে

যাবো ? তুমি কি আমার তেমনি পেয়েছ ? আমি তেমন গণু ডুম্নি নই যে, একজনের কথা আর একজনের কাছে গিয়ে লাগাবো । ধড়ে পেবাণ থাকতে ও কাজটা আমার দ্বারা হবে না । সে তুমি ঠিক জেনো ।...আহা ! তা হোক, হোক, মেয়ের ভাল জায়গাতেই বিয়ে হোক ! আমরা শুনে সুখী ! তুমি ভাল নোক, তোমার ভালই হোক !

হেমাঙ্গিনী বললে : তোমার মুখে ফুলচন্দন পড়ুক ।...কিন্তু দেখো ভাই যেন কাক-কোকিলেও একথা টের না পায় !

তুমি পাগল হয়েছ ? কেউ জানতে পারবে না ! এই আমাকে যা বললে, তা বললে । আর গেরামের কেউ মরে গেলেও জানতে পারবে না ।

তাহলেই হলো । তাহলে ভাই আমি আসি । আমার আজ ত অনেক কাজ । বরণডালা সাজাতে হবে, দান-সামিগণীর বেবস্থা করতে হবে, কাপড়-চোপড় তরি-তরকারি সবই ত যোগাড় করতে হবে ?

গণু আত্মীয়ের চেয়ে অধিক আপনার হয়ে বললে : করতে হবে না ? বলে, বিয়ে ত নয়, যেন অশ্বমেধ যজ্ঞি !...আচ্ছা আসি । কিন্তু তুমি বাপু, বিয়ের পরেই গা-ঢাকা দিও । একথাটা যেন মনে থাকে । বিয়ের আমোদে যেন নিজের পায়ে কুড়ুল মেরো না ।

গণু পায়ে পায়ে চলে গেল । হেমাঙ্গিনীর মনে কিন্তু অনবরত মেষ ও রৌদ্র আড়াআড়ি করতে লাগলো ।

নারায়ণপুরের ন'কড়ি বিশ্বেসের বাড়ীতে আজ বড় ধুম। আত্মীয়-কুটুম্বের অনেক এসে জমা হয়েছে। কেউ খাচ্ছে, কেউ বেড়াচ্ছে, কেউ সর্দারি কচ্ছে। ছেলের পাল রংচঙ্গে জামা কাপড় প'রে কখনও বাহিরে যাচ্ছে, কখনও বাড়ীর ভেতর কলরব কচ্ছে, কখনও বা পরস্পর মারামারি ক'রে বড়দের কাছে নালিশ কচ্ছে। স্ত্রীলোকেরা কেউ গয়না পরচে, কেউ গয়না মাজচে, কেউ গয়না দেখিয়ে পরের কাছে নাম কিনচে। গিন্নীরা কেউ হুকুম কচ্ছেন, কেউ ছেলেদের বকছেন, কেউ কেউ কর্তার সঙ্গে নিরিবিলি ঠাড়িয়ে ছ'টো গোপন কথা কয়ে নিচ্ছেন। বাড়ীতে ছেলের বিয়ে, কাজেই মস্ত কোলাহল।

বাহিরের চণ্ডীমণ্ডপে বাড়ীর কর্তব্যক্তির বাসে নানাবিধ গল্পগুজব কচ্ছিলেন। চাকর এসে মাঝে মাঝে থেলো ও রূপো-বাঁধানো ছ'কোয় ভামাক দিয়ে যাচ্ছিল। সানাইয়ের সুর প্রভাতী গেয়ে গ্রামের চারিদিকে সমারোহের বার্তা জ্ঞাপন কচ্ছিল। এমন সময়ে হঠাৎ দোগাছির পালমশাই এসে দেখা দিলেন সে বাড়ীতে।

—মশায়ের নাম ন'কড়ি বিশ্বেস ?

—এক্কে, অধীনের নাম।

—আজ আপনার বাড়ীতে ছেলের বিয়ে ? বড়ই আনন্দের কথা।

—এক্কে। মশায়ের কোথা হ'তে আসা হচ্ছে ?

মিস্ত্রির মেয়ে

—আমার নাম শ্রীরামচরণ পাল। বাড়ী দোগাছি।

—দোগাছি? ওঃ! সেথেনেই ত আজ আমার ছেলের বিয়ে।
আজ্ঞে। সে খবর পেয়েই আমিও আসচি আপনার কাছে।
নিবেদন কর্তে আজ্ঞে হয়।

একটু গোপনে শুধু আপনার সঙ্গে একটা কথা কয়ে যেতে চাই।
আচ্ছা চলুন ঐ পাশের ঘরডায়।

পাশের ঘরে দু'জনে উপস্থিত হ'লে বিশ্বাসমশাই পালমশাইকে
বসতে একটা মাদুর পেতে দিলেন। উভয়ে উপবেশন করলে পালমশাই
আরম্ভ করলেন : শুনলুম, পরাণ মণ্ডলের বাড়ীতে আপনার ছেলের
বিয়ে ঠিক হয়েছে। বড়ই আনন্দের কথা! কিন্তু একটা কথা বলবার
আছে। যে মেয়েটিকে আপনি বউ ক'রে ঘরে আনছেন, তার মার
বিষয়ে আমাদের একটু বলবার আছে।

বলুন। তিনি ত বিধবা মানুষ। মাথার ওপর কেউ নেই। এক-
পরাণ মণ্ডল মশাই তাঁকে খেতে পরতে দেন। আমরা জেনে শুনেই
বিয়ে দিচ্ছি, কেননা, মেয়েটি বড় সুন্দরী। আমাদের বড় চোখে
লেগেছে। আমরা এক পরসাগু তাঁদের কাছে নিচ্ছি নে। এমন কি
গয়না টয়না অবধি ঘর থেকে দিয়ে আমরা নিয়ে ক'রে আনচি। তা
বোধ হয় শুনেচেন?

হাঁ, তা শুনেচি। আপনারা মহাশয় লোক, উঁচু বংশ, হবে না
কেন বলুন। উঁচু বংশ বলেই যাতে আপনাদের বংশে কোনও কলঙ্ক
না হয়, সেই উদ্দেশ্যেই আসা। আমরা থাকতে, নিষ্কলঙ্ক বংশে একটা
দোষারোপ হবে, সেটা কি চোখে দেখা যায়?

মিস্ত্রির মেয়ে

ন'কড়ি বিশ্বাস পালমশাইয়ের কথায় বড়ই সন্দেহান হলেন। একটা অজ্ঞাত আশঙ্কায় তাঁর মন চঞ্চল হয়ে উঠলো। তিনি উৎকণ্ঠিত হয়ে বললেন : সে কি কথা ? আমরা যতদূর সম্ভব খবর নিয়েই তো এ কাজে লেগেছি। আর পরাণ মণ্ডল মশাইকে আমরা খুব ভাল লোক ব'লেই জানি। আমাদের একবার একটা খুব বিপদের সময়ে তিনি ভারি উপকার করেছিলেন। একটা জমি জমার মকদ্দমায় সত্যিকথা ব'লে তিনি আমাদের জান বাঁচান। তাতে তাঁর নিজের বেদম ক্ষতি হয়েছিল, কিন্তু তা সত্ত্বেও তিনি আদালতে সত্যিকথা বলতে পেছ-পাও হন নি। তাঁর ওপরে সেই অবধি আমাদের অগাধ বিশ্বাস। কাজেই তিনি একটু আপনার করে বলতে আমরা এ কাজে লেগেছি। তিনি দিখি গেলে বলেছেন, তিনি জানেন এ মেয়েটি উঁচু গেরস্তর মেয়ে, বিপদে পড়ে এখন তাঁর গলায় পড়েছে ! নইলে এর বাপের অবস্থা একদিন নাকি ভালই ছিল। তবে আপনি আবার এ নতুন কথা কি তুলছেন ?

পালমশাই ভালমানুষ সেজে বললেন : না, আপনাদের যদি এত বিশ্বাস থাকে, তা হ'লে আমি কিছুই বলবো না। তবে কি জানেন, আমরা পাড়ার লোক। পাশেই তো থাকি, কাজেই সব খবর রাখি। আপনার উপকারের জন্তই এসেছিলুম। না, থাক !.....আপনাদের যখন এত বিশ্বাস, তখন আর কথাটা পেড়ে কাজ নেই !

তবু, সন্দেহ হয়ে বিশ্বাসমশাই বললেন : না, না, বলুন না ! কি ব্যাপারটা শুনি। আমরা যখন বিয়ে দেবো, তখন সব কথা শুনবো বৈ কি ! আর বিশেষ, আপনি কষ্ট ক'রে, এতটা রাস্তা হেঁটে.....

হাঁ, পরের উপকার ভদ্রলোক নাহেই করতে হয় বৈ কি ! অনেক

মিষ্ট্রির মেয়ে

সময়, নিজের কাজের ক্ষতি করেও, সঙ্কশের যাতে কোনও কলঙ্ক না ঘটে, করতে হয় বৈ কি! তাই এলুম। কথাটা বেশী কিছু নয়। অর্থাৎ মেয়েটির মায়ের সঙ্কশে পাঁচজনে পাঁচ কথা বলো.....সেটা আমাদের চক্ষে বড় খারাপ খারাপ ঠেকে! বিশেষ আপনাদের বড় বংশ!

বিশ্বাসমশায় দাঁড়িয়েছিলেন, পালমশাইয়ের কথা শুনে একেবারে মাটিতে বসে পড়লেন! কপালে হাত দিয়ে বললেন: গুজবটা কি ঠিক?

পালমশাই আমতা আমতা ক'রে বললেন: হাঁ, ঠিকও বটে..... আবার ঠিক নাও হয়তো হ'তে পারে! তবে পাড়ার কেউ কেউ নাকি স্বচক্ষে একটু বাড়াবাড়ী রকমের দেখেছে.....তাই একবার বলতে এলুম। দেখেন নি, আপনাদের পাকা দেখার দিন পাড়ার কেউ পরাগ মণ্ডলের বাড়ীতে উপস্থিত ছিলেন না!

কপাল থেকে হাত নামিয়ে বিশ্বাসমশাই বললেন: সেটা গুঁরা বললেন, গুঁরা গরীব ব'লে কারুকোও বলতে পারেন নি। তবে ছ' এক জন ত উপস্থিত ছিলেন, আমাদের সঙ্গে বসে খেয়েও গেলেন?

পালমশাই প্রতিবাদ ক'রে বললেন: ভদ্রলোক কেউ নয়; তবে চাষাভূষো ছ'একজন হয়তো খেয়ে থাকতে পারে। পরাগ মণ্ডলকে আমাদের সমাজে যে একঘরে করেছে।

বিশ্বাসমশাই চম্কে উঠে বললেন: একঘরে করেছে?

পালমশাই মনে মনে আনন্দ অনুভব ক'রে বললেন: তবে আর বলছি কি? আরও এক ঘটনা আছে, সেজগেও গুঁরা একঘরে। যে মেয়েটি আপনার পুত্রবধু হতে চলেছে, ওর বড় বোন.....যাক্গে সে

মিস্ত্রির মেয়ে

কথা ! কত আর শোনাব ? সে কথাটা আর আপনার গুনে কাজ নেই !

গলায় চোপ দিয়ে আধ-কাটা ক'রে রাখলে যে অবস্থা হয়, সেই অবস্থার যন্ত্রণা অনুভব করে বিশ্বাসমশাই বললেন : বলুন বলুন মশাই ! সবটাই শুনি ! ওঃ ভগবান !

কি আর বলবো ? সবই কেলেঙ্কারির কথা ! আপনি আজ তাদের সঙ্গে ছেলের বিয়ে দিতে যাচ্ছেন, কাজেই আপনাকে এ সব কথা শোনান উচিত হচ্ছে না ! এটা বেশ বৃষ্টি ! কিন্তু কি করবো বলুন । আমাদের কর্তব্যবোধ ব'লে ত একটা জিনিস আছে । পরাণ ম'গুলের না হয় সে জিনিসটা নেই । কিন্তু আমরা উঁচু ঘরের সন্তান, আমরা কি করে সে কথা চেপে যাই ? এর পরে যখন এনব কথা বেরিয়ে পড়বে, তখন আপনিই বা কি বলবেন ? বলুন না মশাই ? কথাটা চেপে রাখা কি আমাদের পক্ষে উচিত ?

জীবনে এ রকম সমস্যার মধ্যে বিশ্বাসমশায় আর কখনও পড়েন নি । কি ভয়ানক একটা কথা আগন্তুক ভদ্রলোকটি বলে বসেন, এই ভয়ে তাঁর বুকের ভেতর একেবারে গুথিয়ে উঠতে লাগলো ।

পালমশাই সময় বুঝে কোপ দিলেন । একটু থেমে পরে বললেন : তবে চুপি চুপি কথাটা বলি শুনুন । আমি কি সাধে আপনার এখানে দৌড়ে এসেছি ?

পরে চারিদিক চেয়ে, বিশ্বাস মশায়ের কাণের কাছে মুখ এনে রামচরণ পাল তাঁর ভাইঝি নয়নতারার ব্যভিচারের কথা সবিস্তারে বর্ণনা করলেন । অনেক অতিরঞ্জনও তার ভেতর ঘটে গেল ! পরিশেষে

মিস্ত্রির মেয়ে

বললেন : এ মেয়েটিও ভেতরে ভেতরে যে ডুবে জল খাচ্ছেন না, তারই বা প্রমাণ কি ? ভেতরে কিছু না থাকলে পরাণ মণ্ডল ওকে বাড়ীতে রাখবে কেন ? ওর যে একটা আইবুড়ো ষণ্ডা-গুণ্ডা ছেলে আছে, সেইটির সঙ্গে নাকি মেয়েটাকে অনেকবার দেখা গেছে ।

বিশ্বাস মশায়ের মুখখানা এতটুকু হয়ে গেল । তিনি একটা বড় দীর্ঘনিঃশ্বাস ত্যাগ করে বললেন : উঃ ! পরাণ মণ্ডল শেষকালে এই জোচ্ছুরিটা আমার সঙ্গে করলেন ! নাঃ ! পৃথিবীতে আর কারুকে বিশ্বাস নেই দেখচি ! ঘোর কলিকাল এসে পড়েছে !

পালমশাই মনের আনন্দে সুর মিশিয়ে বললেন : ঘোর কলি ! ঘোর কলি ! তা না হলে, খোঁটা মেডো—যার ছায়া মাড়ালে আমাদের তিনবার গঙ্গাচ্চান করতে হয়, গায়ের গন্ধ শুঁকলে অন্ন-প্রাশনের ভাত উঠে যায়,—তার সঙ্গে কিনা বিয়ে ! গেরস্থ ঘরের মেয়ে (বলতে বলতে পালমশাই খুব মাথা ঘোরাতে লাগলেন)...আর এই চলাচলিটা ! গেরামের লোক বেশ করেছে ! ও ছ'জনকেই একঘরে করেছে ! পরাণ মণ্ডলকে আর ওই খেড়ে মাগীকে !

এই সকল শুভ নিঃস্বার্থ পরোপকার সেরে পালমশাই যখন বিশ্বাসবাড়ী থেকে বিদায় নিলেন, তখন তাঁর মন যে শুধু আনন্দে পূর্ণ হয়ে গেল তা নয় ; তাঁর বিপুল ভুঁড়িটিও সফুতজ্জ মিষ্টান্ন-ভারে অভিনন্দন-নৃত্য করতে লাগলো ।

(৪৮)

বিয়ে বাড়ী, কিন্তু না আছে নহবতের শব্দ, না আছে কোনও হৈ-চৈ । পাশের বাড়ীর লোক এখনও জানতে পারেনি যে, এ বাড়ীতে আজ রাত্রে প্রজাপতি ঠাকুরের ঘটা চলবে । ঝুড়ি ঝুড়ি কলাপাতার আমদানি, বড় বড় কড়া-গামলা-বারখোস মাজার ঝন্ ঝন্ টক্ টক্ শব্দ, কুমোর বাড়ী থেকে বাহকের মাথায় খুরি-ভাঁড়-মালসার আবির্ভাব, ময়রার দোকান থেকে প্রাণ-মাতোরারা সন্দেশ-মিষ্টানের স-বিজ্ঞাপন শোভাযাত্রা, এ সব কিছুই হচ্ছে না । পাড়ার জীবন-ধারা যেমন রোজ চলে, তেমনই চলচে ।

শুধু পরাগ মণ্ডল সেদিন মাঠে যাওয়া বন্ধ করে বারকতক মুদীর দোকানে যাতায়াত করলো । তাতেই একটু গোলযোগের সম্ভব হয়ে উঠলো ।

পালমশাই রোজ একবার সনাতনের দোকানে বিনি-পয়সায় তেল মাখতে যায় । সেখানে বসে বসে, তেল মাখতে মাখতে দেখলে, পরাগ যা জিনিষ কিনচে তাতে একটু বিশেষ নতুনত্ব আছে । পাল মশাই আর চুপ করে থাকতে পারলে না, পরাগকে একটা বিক্রপের চিম্টি কেটে জিজ্ঞাসা করলো : কি পরাগ, একেবারে এক বছরের জিনিষ কিন্চো নাকি ?

প্রশ্ন শুনে পরাগ একটু খতমত খেয়ে গেল । কিন্তু উত্তর তো

মিস্ত্রির মেয়ে

একটা দিতে হবে। সে একটু ভেবে নিয়ে বললে : না, এক বছরের কেন কিনবো ? একদিনের কিনচি।

এত জিনিষ একদিনে খরচ করবে ? বাড়ীতে নতুন কুটুন্স আসবে বুঝি ?

কুটুন্স কি আর তোমাদের জালায় আসবার জো আছে ?...ঐ একটা কাজ আছে ! বাবার আজ সান্ধৎসরিক কিনা ?

বটে ! তা ভাল, ভাল। আজকাল দেখচি ধন্যকন্মে বেশ মন দিয়েচ ! এটা দেখচি, বাড়ীতে ঐ মেয়েমানুষটি রাখবার পর থেকেই হয়েছে ! বলি, ছেলের অন্তপ্রাশন নয়তো ?

পরাণ ঠাট্টাটা শুনে মনে বেশ একটু চটে গেল। বুড়ো মানুষ সেটা বরদাস্ত করতে পারলে না। উত্তর করলে : অন্তপ্রাশন ত তোমার বাড়ীতেই হবার কথা। ছিঁক ডোমকে যে দেখলুম, দহত্বুরের জন্তে চেলি কাপড় কিনেচে !

পালমশাই তেল মাথা বন্ধ ক'রে হঠাৎ কট মটিয়ে পরাণের দিকে চাইলো। উঠে দাঁড়িয়ে বললে : চেলি কাপড় কেনাবো 'খুন আজ সন্ধ্য বেলায় ! তুই বড় বাড়িয়েছিস ! এততেও তোর আক্কেল হয় নি ! আজকাল আজ কোন্ ডোমের চেলিকাপড় কার কোমরে গিয়ে ওঠে দেখবি'খন।

হ্যাঁ, তবু যদি নিজের ভাদ্দর-বোকে ছুঁই এঁটো-কাঁটা দিয়ে পুষতে পারতে ! তাহ'লেও তোমার দপ-দপানি সহ্য কর্তাম।

পালমশাই এক ধমক দিয়ে বললো : চুপ কর বেটা বুড়ো চাষা ! কেঁর যদি ভাদ্দরলোকের ওপর কথা ক'বি, তাহ'লে হাড় ভেঙ্গে দেবো।

বুড়ো পরাণ জিনিষপত্রগুলো কাঁধের ওপর তুলে বললে : ভদ্র নোক কি আর গায়ে নেথা থাকে ? কাজে দেখাতে হয় । হাড় ভাঙ্গে সব শালা ! এতদিন তো হাড় ভেঙ্গেচ, তবু এখনও যে ভাঙ্গা হাড়ে ভেলকি খেলচে ?

পালমশাই মুখ নেড়ে বললে : ভেলকি আর খেলবে না যাহু ! আজ টের পাবে, দোগাছির পালমশায়ের পেৰ্তাপ কতো । নারাণপুরের ন' কড়ি বিশ্বেস আজ কেমন তোর বাড়ী পাত পাড়ে, দেখে নে'ব !

কৌ ক'রে পরাণের মাথা ঘুরে গেল । নারাণপুরের ন'কড়ি বিশ্বেসের ঠিকানা এ বেটা পেলে কোথা থেকে ? তবে কি জানতে পেরেচে ? কোথা থেকে জানলে ?

সৰ্বনাশ ! তবে ত দেখচি, ভারি গণ্ডগোল বাধবে !

পরাণ আর একমুহূর্ত সেখানে দাঁড়াল না । হন্ হন্ ক'রে বাড়ীর দিকে রওনা হ'ল ।

পালমশাই পেছন থেকে ডাকলো, “কিরে পরাণে, চললি যে ? কথার উত্তর দিলিনে যে ?”

সনাতনমুদী জিজ্ঞাসা করলো : কি ব্যাপার, পালমশাই ?

পালমশাই বললে : আজ সক্কো বেলাই তোমরা সব টের পাবে, বেটার বাপের ছ্যাদ কোথায় গিয়ে দাঁড়ায় ! আজ ও বেটারই ছ্যাদ হবে জীবন্তে-!

(৪৯)

পরান পালমশাইয়ের ইসারা বুঝে বড় ভয় পেলে। হেমাঙ্গিনীকে সে কথা বলতে তার সাহস হ'ল না। সে বিমর্ষ ভাবে চুপ ক'রে বসে রইলো।

বর আসবে বেলা পাঁচটায়। ততক্ষণ পরান কেবল ভগবান্কে ডাকতে লাগলো। কারুকে কিছু না ব'লে সে শুধু সেই অনিশ্চিত মহা-শক্তির ওপর নির্ভর করে রইলো।

যা ভয় করেছিল, ঠিক তাই ঘটলো। বেলা পাঁচটা বেজে গেল, বর এলো না। পরান একেবারে হা-ছত্যাশ করে মাটিতে শুয়ে পড়লো।

হেমাঙ্গিনী শুনেছিল, বেলা পাঁচটার বর আসবে। সে তার আগেই মেয়েকে ধুয়ে মুছে, চুল বেঁধে দিয়ে, কনে-সাজন সাজিয়ে রেখে দিয়েছে। পরান একথানা সস্তার চেলি কিনে দিয়েছিল, সেখানা-শুদ্ধ পরানো তার শেষ হয়ে গেছে। জীবনে এতো আনন্দ বোধ হয় সে কোনদিনই উপভোগ করে নি, যতো করছিল সেই দিন মেয়ে সাজাবার সময়। কিন্তু যখন রোদুর গাছের মাথায় উঠে শেষ বিদায়ের আগে বিক্ বিক্ করতে লাগলো, তখন হেমাঙ্গিনীর আনন্দ-স্রোত হঠাৎ বাধা পেলো একটা প্রত্যাশিত বিষয়ের অঘটনে! বর আসবে পাঁচটায়! এখনো এলো না কেন?

পাখীরা দল বেঁধে চিৎকার করতে করতে বাসায় ফিরতে লাগলো। হেমাঙ্গিনীর উৎসাহ তাতেও খানিকটা দমে গেল।

মিস্ত্রির মেয়ে

কিন্তু যে সময় দিনের শেষ আভাটুকু নিতান্ত নিষ্ঠুর নিয়মে পৃথিবী থেকে অবসর গ্রহণ করলো, তখন আর হেমাঙ্গিনী চুপ ক'রে থাকতে পারলে না। পরাণ মণ্ডলের কাছে গিয়ে বললে : বাবা, কই বর এলো না ?

পরাণ তার কণ্ঠস্বরে চমকে উঠলো। বললে : তাইত মা, ব্যাপারটা ত বড় ভাল ঠেকচে না !

হেমাঙ্গিনী ধপ্ করে মাটিতে বসে পড়ে বললে : একবার একটু আঙু বেড়ে দেখলে হয় না ?

“তাই দেখি !” বলে পরাণ নেহাত্ অপদস্থের মত ঠেলে উঠলো। একখান আধ ময়লা উড়ুনি কাঁধে ফেলে বাড়ী থেকে বার হ'লো।

ঘণ্টা দুই যায় ! রাত্রির অন্ধকার পৃথিবীকে কৃষ্ণ পরিচ্ছদে আবৃত করে দিল। এত সময়ের মধ্যে হেমাঙ্গিনী একটা পালকিরও বাড়ীর স্নুমুখে আসার শঙ্ক শুনতে পে'ল না।

আরও কিছু সময় পরে পরাণ ফিরে এলো। এসে বললে : মা ? সর্কনাশ হ'লো। ন'কড়ি বিশ্বেস আমাকে তাড়িয়ে দিলে।

হেমাঙ্গিনী কথা শুনে কোনও উত্তর করলো না। স্তম্ভিতভাবে বসে রইলো।

পরাণ বলতে লাগলো : পায়ে পায়ে এগুতে এগুতে নারায়ণপুর অবধি গেলাম। সেখানে গিয়ে ন'কড়ি বিশ্বেসের বাড়ীতে ঢুকলুম। সে আমাকে দেখে যে গালাগালি পাড়লে, তাতে কাণে আঙুল দিতে হয় ! না মা, কাজলের বুদ্ধি বিয়ে হ'ল না !

মিস্ত্রির মেয়ে

হেমাজিনী বসে ছিল, শুয়ে পড়লো। একটি কথাও সে কইলো না, এত বড় দুঃসম্বাদের পর !

হেমাজিনী কোনও কথা কইলো না দেখে, পরাণ সেখান থেকে সরে গেল। তার মনটাও অপমানে লজ্জায় বড়ই কাতর হয়ে পড়েছিল।

আরও কতক্ষণ পরে, বাহিরে কে একজন ডেকে বললে : পরাণ, বাড়ী আছ ?

পরাণ ছিল তার ছোট ঘরটিতে বসে। সে কর্ণস্বর শুনে বেশ বুঝতে পারলে, এ কার গলা। সে কোন উত্তর দিল না।

বাহিরে দাঁড়িয়ে লোকটা অতি কর্কশস্বরে চেঁচিয়ে বললে : বলি, ন'কড়ি বিশ্বাসের ছেলে বিয়ে কর্তে এসেছে রে পরাণে ?

ঘরের কোণে একটা মোটা বাঁশের লাঠি ছিল। পরাণ তড়াক্ করে উঠে সেই লাঠিটা নিয়ে বাঘের মত চেঁচিয়ে বললে : তবে রে শালা, আবার এখানে এসেছ ঠাট্টা-তামাসা করতে ? এই বাঁশের লাঠিটা দিয়ে তোর মাথা ছুঁকাক করে দেবো !” বলতে বলতেই একেবারে ঘরের বাইরে !

কিন্তু লাঠির সন্যাসহার হ'ল না। যে বাইরে দাঁড়িয়ে ঠাট্টা কচ্ছিল, সে পরাণের হাতে লাঠি দেখেই একেবারে উল্টাধায়ে দৌড় ।

(৯৩)

হেমাঙ্গিনী এক সময় উঠে, টল্‌তে টল্‌তে আপনার ঘরটিতে গিয়ে দরজার খিল বন্ধ ক'রে দিল। পরাণ আর তার সঙ্গে দেখা করলে না আপনার অকৃতকার্যতার অপমান-বোধে।

বর আসবে না, কাজেই বিয়ে হবে না, শুনে বাড়ীর অপরাপর লোক সকলেই হায় হায় করতে লাগলো। পরাণের বৃদ্ধা পত্নী একেবারে কপাল চাপড়ে উচ্চঃস্বরে কাঁদতে আরম্ভ করে দিল।

কাজল হতভম্ব হয়ে শেবে শোবার জন্তে মায়ের ঘরের দিকে গেল। সেখানে গিয়ে দেখে, মায়ের ঘরের দরজা বন্ধ। মা'কে অনেক ডাকলো, ঘরের দরজায় অনেক করাঘাত করলো, কিন্তু তার মা কোন সাড়াও দিল না, দরজাও খুললো না। কাজেই সে সেখান থেকে ফিরে পরাণের স্বীর কাছে এসে শুলো।

সকাল হ'ল, যেমন সব জায়গায়ই হয়। সকলেই উঠলো, উঠে আপন আপন কাজে বাবার উত্তোগ করতে লাগলো। কিন্তু হঠাৎ সকলে আবিষ্কার করলো, হেমাঙ্গিনীর ঘরের দরজা খোলা, অথচ হেমাঙ্গিনী বাড়ীতে নাই।

পরাণের কাছে সম্বাদ যেতে সে বললে : দেখো দেখি, পুকুর ঘাটে বার নি তো ?

সকলেই বললে : সেখানে ত নেই ; আর কোথায়ও খুঁজে পাওয়া যাচ্ছে না !

মিস্ত্রির মেয়ে

পরান আর্তস্বরে বলে উঠলো : অ্যা, বলো কি ? তবে কি মা আমার অভিমানে বাড়ী ছেড়ে গেল !

কাজল কাঁদতে লাগলো মায়ের জন্তে । তাকে সাঙ্গনা অনেকেই দিল ; কিন্তু সে সাঙ্গনা তার জীবনে কখনও ফলবতী হ'ল না ।

(৫১)

বছর যেতে না যেতে প্রজাপতি ঠাকুরের পদচিহ্ন অনুসরণ ক'রে এসে, মা ষষ্ঠী নয়নতারা ও লছমনের বাড়ীতে পূজা খেতে বসে গিয়েছিলেন ।

ষষ্ঠীদেবী যখন নবদম্পতীর শয়্যাগৃহে প্রবেশ ক'রে একুশ দিনের দিন একটি ছোট বটগাছের ডাল মাথায় দিয়ে কলা-মুলো-ছোলা খান, তখন বটগাছের বীচির মতই অসংখ্য ও অপরিষ্যাপ্ত আশীর্বাদ তেলে দেন, ষজমানের মাথায় । লছমন ও নয়নতারার মাথায়ও তিনি তেমনি আশীর্বাদ ঢালতে লাগলেন বছরে একটি ক'রে অবাধ ভাবে । আট বছরে, তিনটি ছেলে ও গুটি দু'তিন মেয়ে, হাসি ও কলরবের রথযাত্রা চালিয়ে দিয়ে বাপ-মাকে ক'রে. তুললো শুধু শশব্যস্ত নয়, বেশ কুণ্ঠিত ও ব্যাকুল ।

নয়নকে অনেক দিনই চটকলে চাকরির কথা মন থেকে তুলে দিতে হয়েছে । ছেলে মেয়েদের ভরণপোষণ করতেই সে সমস্ত দিনরাতের মধ্যে অবসর পায় না, পাটের কলে চাকরি করতে যাবে কোন্ সময় ?

মিস্ত্রির মেয়ে

নয়নতারার খাতিরে লছমনের মাহিনে অবশ্য কিছু বেড়েছে, কিন্তু যে অনুপাতে অপৰ্যাপ্ত ক্ষুদ্র ক্ষুদ্র মহাজন বাড়লো, সে অনুপাতে কিছুই নয়। কাজেই লছমনকে ওপর-টাইম প্রায়ই খাটতে হোত।

ছেলেমেয়েদের পরিচর্যা নয়নতারার মন থেকে মায়ের স্মৃতি একেবারেই আড়াল করে রেখেছিল। এমন যে একদিন ছিল, যে দিন নয়নতারার মা ছাড়া আর কেহই আপনার ব'লে ছিল না, সে দিনের কথা তার মনে একবারও ঠেলে ওঠে না। মানুষের পূর্ব স্মৃতি বর্তমানের স্তূপীভূত জঞ্জালে চাপা পড়ে যায়।

* * *

ছেলেমেয়েগুলি বাড়ীর বাহিরে বস্তির রাস্তার উপর দাঁড়িয়ে খেলা কচ্ছিল। রোদের ঝাঁজটা এখন একটু কমে এসেছে, কিন্তু একেবারে শায় নি। নয়ন খাওয়া-দাওয়া সেরে একখানা কাঁথা নিয়ে বসেছিল, সে খানাকে চলন-সই করবার জন্তে। সূচ-সূতার ব্যাপারে মা'কে ব্যস্ত থাকতে দেখে, তার স্মৃতি ছেলে মেয়েগুলি বাড়ীর বাহিরে গিয়ে স্বাধীন-তন্ত্রের আশ্বাদন নিচ্ছিল।

বেলা তিনটে হবে। ভিস্তিরা রাস্তায় জল দিতে শুরু করেছে তাদের চামড়ার ব্যাগ্ নিয়ে। পথ অপেক্ষাকৃত অনেকটাই নির্জন, যদিও এক-আধ জন ফেরিওয়ালো রোদ্র কি গরম কিছুই গ্রাহ না ক'রে তাদের পেটের দাসত্ব করতে ঘুরে বেড়াচ্ছে।

বস্তির বাসিন্দারা অধিকাংশই কলে গিয়েছিল দিন-মজুরী করতে।

মিস্ত্রির মেয়ে

স্ট্রীলোকেরা অনেকেই অবশ্য লাইনে ছিল, কিন্তু ছপুর বেলায় সকলেই নিৰ্বাঞ্ছাটে বিশ্রাম উপভোগ করছিল।

নয়নতারা সূচে সূতো পরাতে পরাতে হঠাৎ শুনতে পেলো, তার ছেলেমেয়েরা বাহিরের রাস্তায় ভয় পেয়ে চিৎকার কচ্ছে। সূচটি মাটিতে রেখে সে চেষ্টা করে জিজ্ঞাসা করলো : কি হয়েছে রে ক্ষেতু ?

—‘দেখোনা মা, একটা পাগলী আমাদের মারতে আসচে।’ ছেলেটি বাহির থেকে জানালো।

—মারতে আসচে ? কেনরে পাগলি ? ছেলেপুলেদের মারচিস্ ?

বলতে বলতে নয়নতারা একেবারে বাহিরে এসে দাঁড়াল। এসে দেখে, সত্যি-সত্যিই এক পাগলী তেড়ে আসছে তার ছেলেমেয়েদের মারতে। পাগলীটার চেহারা দেখলে ভয় হয় ! তার মাথার চুলগুলো এলোথেলো ; শোণের দড়ির মত জটা-পাকানো ! পরণের কাপড়খানা যেমনি ময়লা, তেমনি হাজার জায়গায় ছেঁড়া ! তা দিয়ে লজ্জানিবারণের কাজ অর্ধেকও হচ্ছে না ! চোখ ছোটো জবাকুলের মত লাল ! মুখ থেকে সে ছোটো ছিটকে বেরিয়ে যেন আঁগুণের গোলার মত ছুটে আসচে। কাঁধে আছে একটা বুলি, সেটার মধ্যে কতকগুলো কি জিনিষ খড়্ খড়্ করছিল।

তাকে দেখে নয়নতারাও ভয় পেলো। সে তাড়াতাড়ি ছেলেমেয়েদের ধরে বাড়ীর মধ্যে টেনে আনতে লাগলো। পাগলী তা দেখে বললে : ওদের টেনে নিয়ে যাচ্চিস্ কেন ? তুই বুঝি ওদের মা হ’স্ ?

—আ মর পাগলি ! ছেলেমেয়েদের মারতে আসচিস্ কেন ?

পাগলী খিল খিল করে হেসে উঠলো। পরে বললে : কেউ বাদ

যাবে না! কেউ বাদ যাবে না! এর পরে দেখবি, ঐ ছেলেমেয়েরা
তোরই মুখ পুড়িয়ে দিয়ে তবে ছাড়বে।

নয়নতারা পাগলীর কাছ থেকে এই অযাচিত অভিশাপ খেয়ে বললে :
আ, গেল যা। শুধু শুধু গালাগালি দিচ্চিস্ কেন রে মাগি ?

—দেবো না? তুই আমার মুখ পুড়িয়েছিস্, আর তোর মুখ
তোর ছেলেমেয়েরা পোড়াবে না ?

কথাটা শুনে নয়নতারার একটা স্মৃতি চাবুক খেয়ে লাফিয়ে উঠলো।
প্রায় আঠ বছর আগেকার কথা হঠাৎ তার মাথার মধ্যে আশুন
জ্বলে দিল। ঠিক সেই মুখ, সেই স্নেহের বকুনি! এ ভুল হবার
নয়! মা'র এই অবস্থা! নয়নতারা কিছুক্ষণ কোনও কথা কইতে
পারলে না।

—কি রে মেড়োর বউ? কথা কচ্চিস্নে যে? পাগলী তাকে
ভিজ্জাসা করলো!

নয়ন লজ্জিত সংঘমে আপনাকে সামলে নিয়ে বললে : মা? তুমি?
তুমি এতদিন বাদে,...

পাগলী মুখ বেকিয়ে ভেংচি কেটে বললে : মা? কে তোর মা?
আমি? আমি খোট্টানির মা হইনে। আমার মেয়ে বাঙালী ছিল!
তার বাপ বাঙালী, তার মা বাঙালী, সেও বাঙালী ছিল!

এ সব কথা শুনে নয়ন বুঝলো, খোট্টাকে বিয়ে করার জন্তে
এখনও তার মা'র তার ওপর অভিমান আছে। কিন্তু সে তার জন্তে
কি করবে? যা হয়ে গেছে, তা তো আর ফেরবার নয়!

কাজেই নয়ন মা'র কথা কাণে না তুলে, অতি ধীরভাবে

মিস্ত্রির মেয়ে

জিজ্ঞাসা করলো : তুমি এতদিন কোথায় ছিলে মা ? ঘুরে ঘুরে বেড়াচ্ছ বুঝি ?

—ঘুরে বেড়াব কেন ? আমি ছিলাম আমার স্বপ্নের বাড়ীর দেশে । সেখানে সব লোক বাঙালী । কেউ হিন্দুস্থানী হয়নি । বুঝলি ? তারা তোর মত খোট্টার হাঁড়িতে ভাত খায় না ।

এ শ্লেষগুলোও কাণে না তুলে, নয়নতারা শ্লেহাঙ্গ কণ্ঠে বললে : যা হ'বার তা হয়ে গিয়েছে, এখন আর সে নিয়ে গালাগালি দিয়ে কি করবে ? নিজেরই শুধু কষ্ট পাবে বৈত নয় ? এসো, বাড়ীর মধ্যে এসো ! তোমায় ধুইয়ে মুছিয়ে পরিষ্কার করে তুলি । মা,— ও মা ?

পাগলী অন্তমনস্ক হয়ে আবার বিড় বিড় করে বক্তে লাগলো । তা দেখে নয়নতারা আবার তাকে 'মা মা' বলে ডাক দিল ।

নয়নের বড় ছেলের সেটা সহিলো না । সে জিজ্ঞাসা করলো : ঐ পাগলীটাকে 'মা' বলে ডাকচিস্ কেন মা ?

পাগলী ক্ষেপে উঠলো । চোখ মুখ পাকিয়ে নয়নের ছেলের দিকে তাকিয়ে বললে : পাগলী ? ওরে আমার খোট্টার বেটা রে ! আমায় পাগলী বলতে এসেচেন !

নয়ন ছেলেকে ধমক দিয়ে বললে : ছি ! পাগলী বলতে নেই ! ও যে তোদের দ্বিদিমা হয় !

পাগলীর দিকে ফিরে নয়ন বললে : মা ? ওর ওপর রাগ কোরো না ! হাজার ভোক, তোমার নাতি ত বটে !

—নাতি ? হি হি হি হি ! বলিস্ কিরে নয়না, নাতি ? তাহ'লে

মিস্ত্রির মেয়ে

সত্যি তুই সেই খোঁটাটাকে বিয়ে করেছিস্ ! আ মরণ তোমার ! আমার মুখটা পোড়ালি ! মুখে আগুণ ! মুখে আগুণ !

নয়ন মা'কে আবার সেই কথা তুলতে দেখে, কথা ঘোরাবার জন্তে জিজ্ঞাসা করলো : আচ্ছা মা, তুমি ত দেখচি একা ছেঁড়া কাপড়ে বুলি কাঁধে ক'রে যেখানে-সেখানে ঘুরে বেড়াচ্ছ ! কাজল কোথায় গেল ?

কাজলের কথায় হেমাঙ্গিনী ফৌস করে উঠলো । বললে : কাজলের কথা খবরদার তুই জিজ্ঞেস করিস্ নে ! তো'র মাথার দিক্বি ! তুই তো'র মা'র পোড়ামুখ দেখবি ।

নয়ন কাজলের কোনও দুর্ঘটনা ঘটেছে এই ভয় পেয়ে জিজ্ঞাসা করলো : কেন, কাজলের কি হয়েছে, বলো না মা ! আমার যে তার জন্তে বড্ড মন কেমন করে !

—মন কেমন করে ? সয়তানি ! তুইই তো তার সর্কনাশ করলি ! তো'র জন্তেই তো তার বিয়ে হ'ল না ! তুই যদি খোঁটা বিয়ে না করতিস্, তার বিয়ে আজ আটকায় কে ? ভাসুরের সাধ্যি কি, তার বিয়ের দিনে বরকে ভাংচি দেয় ! তো'র জন্তেই তো এত হ'ল ! তুই —তুই ! তো'র হ'তেই আমার সর্কনাশ হ'ল ! তো'র জন্তেই কাজলও পরের বাড়ীতে আইবুড়ো হ'য়ে পড়ে রইলো ! তুই সর্কনাশী আমার কাজলকেও খেলি, আমাকেও খেলি !

হেমাঙ্গিনী রাগে, মুখ ভেংচে, গালাগালি দিতে দিতে কিল্ললো । সেখান থেকে ছট্কে চলে যাবার জন্তে সে যেমনি পেছন কিল্ললে, অমনি আঁতকে উঠলো একজন জোয়ান বাঙ্গালীর মত দেখতে খোঁটাকে দেখে ! সে এতক্ষণ কথা করনি, চুপ ক'রে দাঁড়িয়ে পাগলীর কথাবার্তা

মিস্ত্রির মেয়ে

শুনছিল। এখন হেমাঙ্গিনীকে চিনতে পেরে বললে : কোথায় চললে ? আমরা তোমায় যেতে দেবো না।

হেমাঙ্গিনী প্রথমটা খতমত খেয়েছিল বটে, কিন্তু একটু পরেই লছমনকে চিনে ফেলে, একেবারে ক্ষেপে উঠলো। বললে : তবে রে বেটা খোট্টার ছেলে ! যেতে দিবিনে ? তোর বাড়ীতে তোর ভাত খেয়ে থাকবো ? আয় দেখি, কেমন ক'রে আটকাস্ ?

বলেই রাস্তা থেকে একটা ঢেলা কুড়িয়ে নিয়ে পাগলী হঠাৎ ছুঁড়ে মারলো লছমনকে ! লছমন ছিল অসাবধান, পালাবার অবকাশ পে'ল না। ঢেলাটা সজোরে লাগতেই তার কপাল খানিকটা কেটে গেল, এবং সেখান থেকে ঝর্ ঝর্ ক'রে রক্ত বেরুতে লাগলো।

নয়নতারা দৌড়ে এসে আঁচল দিয়ে সেখানটা টিপে ধরলে। লছমনের মাথা ঝিম্ ঝিম্ করতে লাগলো, সে তৎক্ষণাৎ সেখানেই বসে পড়লো।

পাগলী দাঁতে দাঁত দিয়ে, মুখ বীভৎস ক'রে বললে : কেমন হয়েছে ? আর আমার মেয়েকে বিয়ে করবি ? খোট্টা হয়ে বাঙ্গালা মেয়ের সঙ্গে ঝাকামি ? বেশ হয়েছে ! বেশ হয়েছে !

বলতে বলতেই হেমাঙ্গিনী সেখান থেকে দৌড়ে পালা'ল।

সমাপ্ত

শ্রীকৃষ্ণগোপাল ভট্টাচার্যের .

— উপন্যাস —

- ১। পাঁকের কামড় ১১
বইখানার এমন নাম হ'ল কেন ? পাঁক কি কামড়ায় ?
দুশ্চরিত্রতার পাঁক কি করে ?
- ২। দেহের মূল্য ১১০
সতীত্ব ও নারীত্বে যখন সজঘর্ষ ঘটে, তখন কোন্ পথ
প্রশস্ততর ? সতীত্ব না নারীত্ব ?
- ৩। বাঁকের মুখে ২১
আজ সমাজ-নদী যে বাঁক ধরেছে, তারই একখানি চিত্র ।
সুন্দর বাঁধাই, ২৫৬ পৃষ্ঠা ।
- ৪। বর্ষার জ্যোৎস্না ১১০
ঝর ঝর বর্ষার অবকাশে যে জ্যোৎস্না আকাশ আলো ক'রে
তোলে, তা কত মধুর ! নারী-জীবনের আকাশেও কি
এমন জ্যোৎস্না মাঝে মাঝে ওঠেনা ?
- ৫। রহস্যিকা ১৬০
এখানি একটি ছোট্ট হাস্যময়ী কাব্য-কলিকা ।

কলিকাতার সব বইয়ের দোকানেই—
এ বইগুলি কেনা-বেচা হয় ।

